


Early European Books, Copyright © 2009 ProQuest LLC.

Images reproduced by courtesy of the Royal Library, Copenhagen.

LN 909 8° copy 2







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 909 8° copy 2





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 909 8° copy 2



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 909 8° copy 2



Enchiridion  
**THEOLOGICVM**

PRAECIPVA VERAE RELIGIO-  
NIS CAPITA BREVITER ET  
SIMPLICITER EXPLICATA  
CONTINENS.


Autore  
**NICOLAO HEM-  
MINGIO.**



Η ΒΙΒΛΟΣ ΤΩ: ΕΝ-  
τυχαίνοντι.


ανάγνωθι, γνώθι, καὶ μὴ ἐπιγνῆς ὃ  
μὴ ποτε καταγνῆς.

LN 843





SERENISSI-  
MO AC ILLVSTRIS-  
SIMO PRINCIPI ET DOMINO, D.  
CHRISTIANO EIVS NOMINIS TERTIO  
DANIAE, NORVEGIAE, SLAVORVM ET  
GOTTORVM REGI, DVCI SLESVIGAE,  
HOLSATIAE, STORMARIAE ET DITMAR-  
SIAE, COMITI OLDENBVRGENSI  
ET DELMENHORSTENSI,  
DOMINO SVO CLE-  
MENTISSIMO.



IVVS CHRYSOSTO-  
mus tres societatis  
humanæ pestes, ἀναρχίαν, ἀπειθειαν καὶ τυραννίδα numerat, quarum quæ perniciosiss-  
sima sit, difficile dictu  
est. Nam ut ἀναρχίαν sequitur ἀταξία &  
confusio, ita tyrannidis comes est le-  
gum turbatio & peruersio, maxima  
cum subditorum iniuria coniuncta,  
nec dici facile potest, an inobœdientia  
erga leges & magistratus istis bestia sit  
truculentior nec ne.

A 2

Has



# EPISTOLA

Has pestes magistratus, pietate, sapientia, ac potentia præditus, de republica cui præest solus submouere potest. Sapientia enim leges suæ reipublicæ salutares ordinat, si quando nouis legibus opus esse uidebitur: potentia conseruat & exequitur, ne eas potentiores, (ueluti maiores muscæ Aranearum reſtia, quibus minores beſtiolæ inuoluuntur, perrumpant) aut uiolentia excutiant, aut ſophiſtica peruertant, Nam, ut recte inquit Menander, βίας παρῶντος ἐδὲν ἰσχυρὸν νόμον: Pietate, quæ cum tyrannide ſtare nequit, præluſcet ſubditis, ac in omni humanitatis officio eiſdem anteit: unde ſit, ut quemadmodum ſubditi legem ut iuſtiſſimam uitæ normam intuentur, ita exemplum normæ principem ipſum ob oculos ſtatuentes, eiſdem pietate tanquam ſtimulo ad omnia humanitatis officia incitentur. Perpulcrum enim ſinguli putant mores ſui principis uita exprimere, iuxta illud Claudiani:

*Regis ad exemplum totus componitur orbis.*

Is



# DEDICATORIA.

Is igitur demum recte imperare no-  
uit, qui sibi ipsi & suis affectibus impe-  
rat, seque totum componit ad normam  
iusticiæ. Vnde recte monet Iustinus  
martyr, διακισέον τὴν ἑαυτοῦ νῆα τὴν μὴ κατα-  
ψυδόμενον τῆς κυβερνητικῆς. Ex quo fit ut  
talis princeps ἡγήτωρ καὶ κοσμήτωρ λαῶν  
iustissime & sit & dicatur.

Cum autem ista de pestibus humanæ  
societatis apud Diuum Chrysostomum  
lego, cogito de præsentī huius reipub-  
licæ Danicæ statu, ac gratias æterno  
Patri Domini nostri Iesu Christi ago,  
quod te Serenissime Rex ἡγήτορα καὶ κοσ-  
μήτορα λαῶν, imo patrem patriæ habe-  
amus. Qui, cum pietate & omni uirtu-  
tum officio tuis subditis antecedis, cum  
legibus rempublicam munis, cum or-  
dinationibus corrigis, cumque uiris in  
aula tua ( quæ pietatis quoddam thea-  
trum uidetur ) doctrina, religione, sa-  
pientia, & rerum experientia præstan-  
tibus ornas, facis ut tuæ ditiones in pa-  
ce florent, quæ sane florerent magis,

A 3

nisi



# EPISTOLA

nisi peccata nostra tantum bonum impedirent.

Ea enim pietas tua est Serenissime Rex, ea industria, ea sancta tua cura & sollicitudo, ut non possit non florentissima esse respublica te gubernante, sub cuius prudenti ac pio regimine tanquam sub alis, cum ab externis hostibus qui corporibus nostris & bonis externis insidiantur, tum ab hæreticis qui animabus nostris ac æternis bonis nostris insidias ponunt, tuti sumus, id quod non solum læti experiuntur toti Tuæ Regiæ Maiestatis subditi, uerum etiam pene terrarum orbi innotuit. Celebratur enim apud omnes nationes quanta sit tua pietas, quam sancta legum cura, quantus erga subditos amor, quanta denique omnium Regiarum uirtutum longe suauissima harmonia, ac iucundissimus concentus in tota tua uita, ueluti personet. Sed quid hic commemorare pergo? cuius oratio tuis uirtutibus uel numerandis satis esse nequeat,



DEDICATORIA.

queat, tantum abest, ut eas quo id deceat  
at modo deprædicare possim.

Hoc summum plurimarum ac heroicarum uirtutum decus Serenissime Rex me superioribus annis permouit, ut libellum, cui de Methodis titulum feci, sub auspicijs tui nominis in lucem ederem, quem oblatum sereno uultu & amanter, quod unice a me quæsitum erat, suscepisti, Neque enim erat aliud cui iustius primitias meorum laborum offerrem, quam tibi Serenissime Rex, qui perinde atque ἡπιότατῆς huius Tuæ Regiæ Academiæ professores in quorum numero & ego unus sum, complecteris, liberalique stipendio alis, in hunc profecto finem, ut successoribus tuis Ecclesiam, & in ea incorruptam doctrinam tradas.

Hisce rationibus & hoc tempore editurus ἐγχειρίδιον capitum communium nostræ religionis motus, existimaui auspicato fieri, si tibi Serenissime Rex, omnium literatorum hominum



# EPISTOLA

communi Mecœnati hoc ipsum En-  
chiridion dedicarem, in quo hoc sum  
secutus consilium, ut præcipua Chri-  
stianæ religionis capita cum definitio-  
nibus, diuisionibus & axiomatis siue  
sententijs quibusdam colligerem, ac ius-  
uentuti proponerem, quo his instructa  
iuuentus cum maiori fructu absoluta  
doctissimorum hominum nostri sæculi  
scripta, ac potissimum clarissimi uiri  
mei Præceptoris Philippi Melanchtho-  
nis optime non solum de me, sed etiam  
de tota Christiana Ecclesia meriti, lo-  
cos Theologicos & alia scripta eiusdem  
legat, ex quibus (quod ingenue fateor)  
pleraq; quæ in hunc libellum congeffi,  
deprompta sunt.

Porro de editione nunquam cogi-  
tafsem, nisi me & amicorum quo-  
rundam consilium, quod non erat con-  
temnendum, & studiosorum multo-  
rum petitio crebra ad editionem inui-  
tasset. Conquesti enim sunt scripta ex-  
emplaria, quæ erant in manibus mul-  
torum



DEDICATORIA.

torum passim per regnum, adeo a se inuicem, ( quemadmodum fieri consuevit in libris qui sæpius a festinantibus transcribuntur ) discrepare, ut uix in una pagella concordare inueniantur.

Quapropter Serenissime Rex precor ut Tua Regia Maiestas solita philanthropia & clementia hunc tui subditi laborem qualemcumque suscipere & boni consulere uelit, ac simul meminerit uere regium esse res a subditis oblatas non tam ex pondere quam ex offerentium affectu æstimare. Vale felix & beatus anima & corpore Rex Serenissime, una cum serenissima Regina nostra, Domino Friderico Electo, Principe uere Heroico iurisque & æquitatis amantissimo Domino Magno, Duce magnanimo, ac summo literarum fautore. Domino Ioanne Duce rebus magnis gerendis nato, tota familia ac Ecclesia domestica atque adeo cum omnibus subditis, regnis & pro

EPIST. DEDICAT.

prouincijs. Deus Pater Domini nostri  
IESV CHRISTI suo sancto Spi-  
ritu Tuæ Regiæ Maiestati perpetuo  
assit, Amen. Haffniæ. Calend. Octob.  
Anno Domini M. D. LVII.

Sereniss. R. T. M.

deditiss.

Nicolaus Hemmingius.



EDICAT.  
ater Domini  
i suo sancto  
Maestati per  
ria. Calend. C  
I. D. LVII

T. M.

editis.

colaus Hemm

1

[illegible]



ΤΠΟΜΝΗΣΙΣ ΑΔ  
LECTOREM.

**P**AVLVS Apostolus Timotheo scribens, hortatur ipsum, (1. cap. 4.) ut attendat lectioni, exhortationi, & doctrinae, Et paulo post, Attende tibi ipsi, & doctrinae, persiste in illis, hoc enim faciens, & te ipsum saluum facies, & eos qui te auduerint. HAE C Pauli exhortatio ad nos quoque pertinet, quæ duo continet, PRIMVM quale nam sit officium doctoris. DEINDE quis fructus sequatur pie præstitum officium. Ista duo simul cogitemus ut posterius ad maiorem uigilantiam & diligentiam nos excitet, ne laborum magnitudine aut difficultate fracti, ueluti inertes milites torpeamus, ac abiectis huius sanctæ militiæ armis terga uertamus hosti, cuius hoc unicum studium est, ut docentes & discentes, uel ab officio deterreat obiecta difficultatum mole: uel opinionibus phanaticis imbuat, ne de fontibus SALVATORIS salutarē aquam hauriamus. Quare nostrum erit officium fortiter aduersario resistere, ne Ecclesiam euerat, aut contamineat infinitis, quibus utitur, technis. Hoc autem officio rite tum fungi uidebimur, cum iuxta consilium Apostoli attendemus lectioni, exhortationi, doctrinae, quo Ecclesia CHRISTI nobiscum, qui eius pars sumus, ad salutem erudiatur.

VERVM quia iuuentus consecrata sacratissimæ theologiæ studio, opus habet, ut de uera studendi theologiæ ratione admoneatur: uolo paucis meum consilium, quod etiam secutus sum & sequor, exponere. Nisi enim me ualde fallat opinio, multo citius liberalem in theologia

B doctrina



doctrinam consequetur, qui meis monitis auscultauerit, quam qui sine certa ratione omnium theologorum uolumina peruoluerit. Vt enim in cæteris disciplinis methodica docendi ac discendi ratione opus est, ita in omnium disciplinarum regina, quam Theologiam appellamus, certam docendi et discendi rationem necessariam esse statuendum est.

PORRO ut consilium meum clarius aperiā, omnium PRIMUM pium pectus ad lectionem scripturæ afferendum iudico. DEINDE liberalem in artibus & linguis (quantum quidem id fieri potest) doctrinam requiro. Nam istis ueluti exoticis spolijs tabernaculum DEI non parum ornatur. Sic instructo pio huius sacratissimæ militiæ tyroni consilium meum impertio: quod ut melius intelligatur, in quinque partes distribuo, quarum PRIMA est de principijs, quæ theologus futurus asserat ad theologiæ studium. SECUNDA est de diuisione scripturæ, & ijs quæ in singulis partibus peculiariter obseruanda sunt. TERTIA est de recta interpretandi ea, quæ obscura uidentur, ratione. QUARTA est de modo utendi scripturæ testimonijs sine errore. QUINTA & postrema continebit methodum conciliationis locorum, qui in speciem antilogias efficere uidentur. HAS quinque consilij mei partes, eo quo propostæ sunt ordine, quam possum breuissime exponam.

PRIMA itaq; pars est de principijs, quæ theologus futurus asserre debet ad theologiæ studium. Quicumque itaq; cupit spiritus sancti discipulus esse, & cum fructu commodoque in schola Christi uersari, quatuor principia fixa & immota cum tenere oportet. Horum

PRIE



**PRIMUM** est, quod certo certius statuere debet, unum esse uerum & æternum Deum, ac ethnicam πολυθεϊαν, excretur, cum Manichæorum deorum iugo. **SECUNDUM**, quod hic uerus Deus dederit mundo certum uerbum suæ uoluntatis infallibile testimonium. **TERCIUM**, quod hoc Verbum contineatur in Mose, Prophetis, & Apostolicis scriptis. **QUARTUM**, quod ut quicquid est præter hoc uerbum, nequaquam iudicabitur ad salutem necessarium: ita quicquid cum hoc uerbo pugnat, a quocumque tandem autore profisciscatur, anathematis loco habendum sit.

**HORVM** principiorum maximus sane usus est. **PRIMUM** enim monet, ut renunciata Græcorum πολυθεϊα ad ipsum **DEVM** omnium bonorum fontem perennem respiciamus, eum agnoscamus qualem se nobis uerbo & testimonio patefecit, eique ueris cultibus placere studeamus, firma fiducia in eum recumbentes. **SECUNDUM**, reget nostros affectus & actiones, ne cum ethnicis & Turcis a uera colendi **DEVM** ratione aberremus. **TERCIUM**, munit nos contra diaboli insidias, qui in locum uerbi **DEI**, uel humana somnia, uel reuelationes phantasticas hominibus, quo eos a **DEO** auertat, obtrudere conatur, qua sane fraude perpetuo utitur. **QUARTUM**, securos nos faciet, ut intrepide damnare audeamus omnium diabolorum & hominum commenta, quantumuis speciosa fuerint, quando non habent faciem cœlestem ac uerbi **DEI** regulam infallibilem præeuntem. Breuiter hæc quatuor principia, recta nos ad fontem omnis boni ducent, abducent a cisternis sordidis, regent mentem, linguam, actiones, ne astutia satanæ, quod olim gnosticis



Et alijs, hodie Anabaptistis, & Seruetianis, alijsq; hæreticis accedit, in errores abducamur. ATQVE hæc de prima mei consilij parte dicta sint.

SECUNDA pars est de diuisione scripturæ, deq; ijs quæ peculiariter in singulis partibus obseruanda sunt. Librorum diuisionem omittam, quæ in principijs bibliorum tradi solet, unde eam petat & ediscat theologia studiosus. Sed totius scripturæ diuisionem proponam, quæ commode potest diuidi trifariam, nempe in historiam, doctrinam rerum, & doctrinam signorum, in quarum singulis quid præcipue spectandū sit, scire tyronem theologiæ perutile est.

IN HISTORIA igitur sex sunt obseruanda. PRIMVM series annorum, cuius obseruatio ad intelligendam scripturam plurimum conducit. SECUNDVM, propagatio doctrinæ. TERTIVM, miraculorum uarietas, quibus ueritas doctrinæ probatur. QVARTVM, externa Ecclesiæ forma & crux. QVINTVM, miranda Ecclesiæ liberatio in uarijs periculis. SEXTVM, exempla prouidentiae DEI, promissionum, comminationum, lapsum, pænarum, pænitiæ, fidei, patientiæ, confessionis, aliarumque uirtutum. HÆC exempla obseruata, & thesauri memoriæ recondita, ad præsentis Ecclesiæ statum accommodabit prudens doctor, ut inde doctrinæ, admonitiones, consolationes, comminationes petantur, cum ad fidem piorum uitamque confirmandam, tum ad metum & terrorem impijs incutendum.

IN doctrina RERVM quatuor potissimum spectanda



da, quorum PRIMVM est obseruatio præcipuorum capitum doctrinæ Ecclesiæ, quæ tametsi duo sunt inter illa maxima, Lex & Euangelium, plura tamen sunt, quæ illis subseruiunt. Cuiusmodi sunt: Deus, Creatura, Homo, Peccatum, Gratia, Pænitentia, Oratio &c. Qualia Philippus in suis locis enumerat, quorum tres ordines facit. LOCOS enim primi ordinis πνευματικὸς, secundi πολιτικὸς, tertij παραδόσεις uocat. Possunt & distingui in quatuor ordines, quorum PRIMVS esse potest, de spiritali CHRISTI regno. SECUNDVS, de generali uiuendi regula. TERTIVS, de Ecclesiæ & eius gubernatione. QVARTVS, de rebus politicis & æconomicis. His quatuor ordinibus locorum plurimi particulares loci subiiciuntur, quos, quoniam a Græcis κεφαλὰ dicuntur, ego capita uoco, de quibus suo loco plura.

VEI iam theologiæ tyro capita præcipua doctrinæ Ecclesiæ recitare nouit, debet SECUNDO loco singulorum claras definitiones ex scriptura extructas ediscere. Qui enim rei alicuius definitionem recte nouit, is ad omnem disputationem & orationem de ea re fundamenta iecit. TERTIO, diuisiones capitum ac rerum multiplicium obseruentur ac discantur, in quibus uidendum, an scripturæ testimonijs, & non ingeniosis astutorum hominum technis nitantur. Diuisiones enim eruditæ, rei naturam quasi anatomia quadam facta clarius exhibent, multiplicia distinguunt, sæpe sophistarum fraudes detegunt, quare diuidendi artem calleare futurum theologum summopere necessarium est. QVARTO loco, in doctrina rerum obseruanda sunt



axiomata de singulis capitibus, ut sententiæ Mo-  
sis, Prophetarum & Apostolorum, inter quas eas  
potissimum studiosum theologiæ ediscere uelim, ex  
quibus plurimæ hypotheses extrui possunt, hoc est,  
quæ pluribus rebus probandis seruiunt. Talium sen-  
tentiarum thesaurus, siue disputes, siue scribas, siue  
concioneris, fructum uberrimum affert. Hæc qua-  
tuor in philosophia etiam obseruanda monent docti,  
quæ ego quoq; in hoc meo libello potissimum mihi pro-  
posui.

IN doctrina SIGNORVM tria in genere obser-  
uanda. PRIMVM, sint ne signa confirmantia doctri-  
nam, quæ miracula uocamus, aut signa quæ pacta seu fæ-  
dera seu testamenta, scriptura & Ecclesia uocat. DE-  
INDE, ad quam doctrinæ partem pertineant. TER-  
TIO, quibus data sint, & quam diu durare debeant.  
Quæ autem seorsum spectanda sint in signis, quæ sacra-  
menta uocamus, dicam in capite de sacramentis.

IAM TERTIA pars sequitur, de recta interpre-  
tandi ratione, ea quæ obscura sunt. De qua re duo in u-  
niuersum dicam, quorum prius sit de SCOPO & CON-  
SILIO scriptoris. Debet enim omnis interpretatio sco-  
po seruire. Quare interpretatio cum scopo pugnans, sua-  
genda ut erronea. Paulus Roma: 2. dicit. Non audito-  
res sed factores legis iustificari, quod torquent Papistæ  
contra scopum. Nam ibi Paulus illam Pharisaicam  
sententiam impugnat. Est enim huius syllogismi maior:  
Soli factores legis iustificantur lege, Sed nulli sunt tales.  
Proinde nulli iustificantur lege. POSTERIVS sit  
de



7  
de EXAMINE LOCI OBSCURI, quod sane hac  
methodo institui posse puto. Obscuritas omnis aut est  
in REBUS, aut in VERBIS, aut in VTRISQUE si-  
mul. Si in REBUS est obscuritas, quinque meo iudicio  
facienda sunt.

PRIMUM peristasis examinanda est, unde sæpe ob-  
scuritas dicti lucem mutuatur. Vt Roman. 9. Sermonem  
abbreviatum faciet dominus super terram, ibi perista-  
sis conuincit, dictum prophetiæ intelligendū esse de pau-  
citate seu reliquijs Iudæorum, qui erant habendi pro ue-  
ro populo. Hinc regula Rabinorum seruanda: Qui non  
aduertit quod supra & infra in scripturis scribitur, is  
peruertit uerba DEI uiuentis.

SECUNDO sursum & deorsum spectandum, sur-  
sum quidem ad analogiam fidei, cum qua conuenire de-  
bet omnis interpretatio, a qua si non aberras, etiamsi  
forte in interpretatione erratum sit, minus periculosus  
est error. Deorsum uero, hoc est, caueas ne quid absurdi  
sequatur ex interpretatione. Omnis enim interpretatio  
ex qua aliquid absurdi sequitur contra articulos fidei,  
aut legem moralem, aut aliquam claram Dei ordinatio-  
nem, absurdum in Theologia habendum est. Hoc quoque  
præceptum obseruandum in aliorum interpretationi-  
bus, ex quibus si aliquid falsi colligitur, repudiandæ  
sunt. TERTIO quærendus est alius scripturæ  
locus, in quo eadem res tractatur, & conferendus cum  
obsuro. Hæc collatio utilissima & summe necessaria  
est ijs, qui sine errore uolunt uersari in sacro Dei uerbo.

QUARTO, si hoc parum succedit, uideatur quas  
interpretationes recipere possit obscurus locus, & ea

B 4

accommo-



accommodanda, quæ congruit cum scopo & peristasi, siue illa sit propria, siue figurata. QUINTO, si his uis non succedit, Ecclesiæ purioris testimonium consulendum, cui acquiescendum, nisi analogia fidei, aut contextus, aut aliqua absurditas id impediatur. Etsi autem inueniri possunt sententiæ quædam inextricabiles, tamen quæ sunt ad salutem prorsus necessaria, clarissime & sine omni obscuritate proponuntur.

AT si in VERBIS est obscuritas, ea aut est in uerbis singulis, aut compositis. Verborum singulorum obscuritas aut est propter RERVM PENURIAM, aut propter formæ RERVM MUTATIONEM, aut propter VOCIS MULTIPLEX significatum. Si uel propter RERVM penuriam, uel propter formæ RERVM MUTATIONEM, aliqua obscuritas obijcitur, antiquitates & historiæ, rerum descriptiones continentes, consulendæ sunt, ad quam rem mirifice conducit historia Iosephi. Si propter uocis alicuius MULTIPLEX significatum, ambiguitas oritur, duo facito: PRIMVM institue collationem cum alijs dictis non ambiguis, DEINDE uocis peristasin contemplare, ut in Paulo & Iacobo iustificandi uerbum diuersimode accipiendum monet collatio & peristasis, quas confirmat fidei immota regula.

QVOD si in VERBIS compositis, hoc est, phrasibus fuerit obscuritas, grammatica eius linguæ, unde dictum translatum est, adhibenda est in consilium. DEINDE uidendum, an sit proprie an figurate dictum. Nam si dictum proprie acceptum absurditatem parit, querenda est figura concinna, qua dictum quadrare peristasi & scopo possit, seruata semper analogia fidei.

Porro



PORRO generale præceptum sit antitheseon collatio, cuius unum membrū clarius, id quod obscurius uidebatur, illustrat & exponit. Lex per Moſen data eſt, gratia & ueritas per IESVM CHRISTVM facta eſt. Hic quid per Moſen ſit intelligendum, patet ex oppoſitis uocibus. Opponitur enim Moſes gratiæ & ueritati. Gratia fauor Dei eſt, ueritas exhibita res promiſſa dicitur. Moſis igitur nomine maledictio & umbræ legis intelliguntur. Nos non ſumus ſub lege, ſed ſub gratia. Hic clarius eſt, quid gratiæ uocabulo intelligendum ſit, quam legis. Apertum eſt enim, gratiam ſignificare fauorem & remiſſionem peccatorum. Lex igitur iram Dei & maledictionem ſignificabit. Rom. 8. Deus eſt qui iuſtificat, quis eſt qui condemnet? Hic Apoſtolus iuſtificationem opponit condemnationi, ſed clarius eſt, & extra controuerſiam poſitum, quid ſit condemnare, nempe nocentem, iniuſtum & reum pronunciare. Quare iuſtificare erit abſoluere, ac innocentem iuſtumq; pronunciare. H A C S T E N S de interpretandi ratione.

SEQUITUR QVARTA pars, de modo utendi diuiniſ testimonijs ſine errore, de qua re hæc habeo. Neceſſarium eſt ijs, qui ſcripturarum testimonijs apte uti uolent, ut tria diligenter perpendant. PRIMVM obſeruent per iſtaſin, hoc eſt, Quis, quid, quibus loquatur, quo loco, quo tempore, qua occaſione, quem in finem. DEINDE obſeruetur, quæ ſit argumenti & quæſtionis natura, ſitne hiſtoria, aut doctrina, aut ſignum. Nam ad hæc tria, ſupra dixi uniuerſam ſcripturam referri. TERTIO conſideretur, quam late quidque

B 5

pateat,



pateat. Si historia est siue exemplum, considerandum est quid conueniat, aut disconueniat, cum ijs rebus, quibus uolumus ea accommodare. NAM quæ a similibus & comparatis argumenta petuntur, a comparatorum similitudine & congruentia uim omnem suam mutuuntur. Si doctrina est, despiciendum erit, generalis ne sit, an specialis, an ad omnes populos, aut ad certos duntaxat, & an ad singulos qui unius populi censentur, & an ad quæuis tempora extendi, aut ad certa quædam restringi debeat. Eadem de signis obseruanda sunt.

PRAETER hæc obseruandum ex imitatione Pauli, quod ut uniuersalia dicta accommodanda sunt ad hypotheses & indiuidua: ita particularia dicta ad uniuersalia reuocari debeant. Mirum quoque in modum conducit, dicta aperta & exempla dictorum coniungere. Id enim quod menti obijcitur in dictis, quodammodo sensibus in exemplis demonstratur, unde mens concipit multo certiore rei noticiam. Iusticia est ex fide, dictum est. Credidit Abraham Deo, & imputatum est ei ad iusticiam, est exemplum. Vtrunque coniunctum aperatius docet, iusticiam esse acceptationem, qua iusticia imputatur credenti. His si iam tertium locum addideris, qui est Roman. 5. Sicut per unius inobædientiam peccatores constituti sunt multi, ita per unius obædientiam, nempe Christi, iusti constituentur multi: materiam habebis definitionis iusticiæ Christianæ. Ex his enim quatuor uoces collige, iusticiam, obædientiam Christi, imputationem, fidem, unde iam plena definitio iusticiæ Christianæ



71  
Christianæ colligitur, hoc modo: Iusticia Christiana est  
obædientia Christi, imputata credenti.

EXTREMUM, quod superius proposui, fuit de ra-  
tione conciliandi locos inter sese in speciem repugnantes.  
Nulli enim loci scripturæ inter sese re ipsa pugnare  
possunt, cum omnes habeant fundamentum, ueritatem  
Dei. Quare antinomia sententiarum scripturæ nostro  
respectu intelligenda est, qui sæpe iudicio hallucinamur.  
Vt autem conciliatio locorum haberi possit facilior,  
ὁρῶντες Ἀντινομίαν antinomiarum, ex dialectica desum-  
tum, proponam, ac nostro instituto accommodabo. Est  
autem ὁρῶντες Ἀντινομίαν antinomiarum nullum aliud  
quam quod Dialectici tradunt, de legibus iustæ contra-  
dictionis: nimirum ut in omni contradictione seruentur  
hæ octo conditiones. 1. Vt sit eadem utrinque uocum sig-  
nificatio. 2. Vt sint eadem subiecta. 3. Vt sint eadem ob-  
iecta. 4. Vt sint eadem causæ. 5. Vt sit eadem relatio. 6.  
Vt sit eadem comparatio. 7. Vt sit idem modus, seu ut  
dicantur ὁσάυτως. 8. Vt sit idem tempus ex utraque par-  
te. Vbi autem harum legum uel minima uiolatur, antilo-  
gia nulla relinquitur. Et si autem hæc admonitio admo-  
dum attentis sufficere uidetur, tamen sigillatim de sin-  
gulis his legibus copiosius dicam, quo commune ueritatis  
inquirendæ instrumentum instituto nostro accommodetur  
facilius.

PRIMA lex est, ut eadem sit significatio utriusque  
partis contradictionis, alioqui minime erit contradictio.  
Hæc lex in has subiectas partes diuiditur, ut spectetur,  
an eadem sit significatio dictionis, phraseos, locutionis,  
(quæ alias propria seruetur, alias figuratur) sententiæ et  
dicti



dicti et modi significandi. Ecce quinq; primæ legis membra, quæ nunc exemplis conabor illustrare. Paulus dicit: Homo iustificatur sine operibus legis. Iacobus scribit: Homo non iustificatur sine operibus. Hic antilogia tollitur, cum ostenditur non esse eadem significatio dictionis, iustificandi uerbi utrobique. Paulo enim significat iustificari, absolui a reatu, Iacobo uero declarari iustum. Caro & sanguis regnū Dei non possidebunt, Qui uero crediderit, saluabitur. Hic phrasīs soluit argumentum, nam phrasī Ebraica caro et sanguis significāt naturæ depravationem, & quæ cum illa coniuncta sunt. Oraturus intra in conclauē tuā, clauso post te ostio: Domus mea domus orationis uocabitur. Dictum Christi prius uidetur uelle, ut in angulis & non in publico cœtu oremus, postea rursus locum communem precibus destinātū templum monstrat. Sed non hic utrobique est eadem locutionis significatio. Prior enim locutio metalepsi figuratur, posterior propria est. Nam per ingressum in cōclauē, & clausum ostium tanquam symbolo quodam hypocrisin excludendam ab orationibus monet, quæ cum exclusa est, nullus non locus orationi aptus erit. Si oculus te offenderit effodito eum. Sed ad Col. lāsio corporis prohibetur. Verum in priore loco non dictum, sed sententia retinenda est, quæ est abijcere quicquid nobis preciosum est, si nos a Christo abducatur: posterioris dictum cum sententia congruit. Deus peccatores non exaudit, Deus Marnassem peccatorem exaudiuit. Hic, diuersus modus significandi soluit antinomian. Alio enim modo sunt peccatores, qui adhuc peccatis indulgent, ac uiuunt sine pœnitentia: alio modo, qui iam emergunt a peccatis, agunt pœnitentia.



pœnitentiam, & cupiunt Deo suam in posterum approbare uitam. Hos exaudit Deus iuxta suas promissiones, illos uero non.

SECUNDA lex contradictionis est, ut utrobique sint eadem subiecta. Quædam enim renatis recte tribuuntur, uel adimuntur, quæ haud ita non renatis tribui uel non tribui possunt. Rursus quædam magistratui conueniunt, quæ non sine scelere subditis tribui possunt. Contingit interdum, ut quæ antitypo proprie competunt, typo nequaquam conueniant. Qui dederit haustum aquæ discipulo, nomine discipuli, non perdet mercedem suam. Hic merces promittitur liberali erga ministros Euangelij. Sed dictum tantum accommodari debet renatis. Luc. 6. Estote misericordes. Deut. 19. Ne misereberis, &c. Illud omnibus in genere, hoc soli magistratui dicitur, ut qui legem Dei & suæ politiæ in puniendis contumacibus sequi debet. Salomoni promittitur regnum patris in perpetuum, qui erat typus Christi. Sed res hæc soli antitypo Christo congruit. Hæc obseruatio multas antilogias dirimit.

TERTIA lex contradictionis esse debet, ut utrobique sint eadem obiecta, nam hæc si diuersa sint, nulla erit contradictio. In præceptis meis ambulate, Lex non est iusto posita. Prior sententia legem omnibus positam monet: posterior, iusto non esse positam clare enunciat. Sed obiecti uarietas tollit contradictionem. Omnibus enim lex posita, quoad obædientiam: at iustis non ad pœnam est posita, id quod Pauli dictum uult.

QUARTA lex est, ut utriusque partis in contradictione sint eadem causæ, quod potissimum ad efficientes  
& si



*Et finales refro. Causſæ enim qualitatem factorum mirabiliter uariant. CHRISTVS dicit: Ego dico uobis, ne omnino iuretis. In Deuteronomio dicitur: Per nomen illius iurabis. Prius dictum uetat, ne ob quamlibet cauſſam, et quolibet modo iuremus, quemadmodum factitarunt tamen Iudæi, quos reuocat Dominus ad ſaniorẽ mentem. Poſterius requirit cultum et religionem iuriſiurandi in cauſſa neceſſaria, graui, ac faciente ad gloriam Dei. Idq; per nomen Dei, non per idola aut alias res, quæ non ſunt Deus.*

*QVINTA lex, ut utrobique ſit eadem relatio. Nam ſi monſtrari poteſt relationis diuerſitas, ſublata eſt antinomia. Paulus dicit: Si ſeruus uocaris, non ſit tibi cura. Idem alibi: Nolite fieri ſerui hominum. Sed hic non eſt relatio eadem. Nam in priori dicto iubemur dominis noſtris carnalibus parere, corporali obædientia: in poſteriori præcipitur, ne hominibus, cultum præter et contra uerbum DEI proponentibus, obtemperemus.*

*SEXTA lex eſt, ut in contradictionibus ſit eadem comparatio. Verum hoc loco quintuplex comparatio eſt obſeruanda. I. Prima erit locorum, qui inter ſe diſſidere uidentur, comparatio cum ſuo contextu, argumento et ſcopo, unde ſæpe per iſtaſis ſolutionem pugnæ facit. Paulus dicit: Factores legis iuſtificantur. Idem hoc dicit: Nemo lege iuſtificatur. Prior ſententia, collata cum ſuo ſcopo et contextu, uult oſtendere, ideo neminem iuſtum eſſe, quia nemo legem facit, id quod poſterior ſententia aperte pronuntiat. II. Secunda comparatio erit locorum in ſpeciem pugnantium cum*

*cognat*



cognatis. Hi duo loci: Tentauit Deus Abraham, Et: Deus neminem tentat, pugnare in speciem uidentur. Sed quærantur loci utriq; cognati. Exodi 20. occurrit unus cognatus priori: nolite timere, ut enim tentaret uos DEVS, uenit, & ut terror illius esset in uobis, & non pereatis. Matthæi 4. occurrit locus posteriori cognatus, ubi Diabolus Christum tentans inquit: Si prostratus adoraueris me, dabo tibi hæc omnia. Hic aperte conspicitur, quod sit quoddam tentationis genus, cuius finis est timor Dei, & salus tentati, quod DEO tribuitur, Et rursus quoddam, cuius finis est, a DEO abducere, & ut abductus DIABOLO sit subiectus, & hoc genus tentandi, diabolo tribuitur. Hinc iam soluitur antinomia. Deus tentauit Abraham, ut eum probatiorem redderet, & ardentiorē cultorem pietatis. Ita & nos & alios multos tentauit & tentat Deus. Deus autem neminem tentat, ut a se deficiat, & ruat in idololatriam. Breuiter, tentatio Dei est probationis, Satanæ uero est seductionis. 1. Corinth. 12. Diuisiones gratiarum sunt, idem uero spiritus. Item: Hæc omnia operatur unus & idem spiritus, distribuens singulis, prout uult. Roman. 1. Ut impertiar, inquit Paulus, uobis aliquod donum spirituale. Hi duo loci, qui uidentur pugnare, conferantur cum tertio, qui est 1. Corint. 3. Quis igitur Apollo, quis Paulus? nisi ministri, per quos credidistis. Item: Ego plantari, Apollo rigauit, sed Deus incrementum dat. Item: Dei sumus οὐκ ἐσμὲν. Hic locus antilogiam soluendam ex causis docet: spiritus ut autor, Apostolus ut minister & organum, confert spiritualia dona. Ita solus spiritus dat, sed per media diuinitus ordinata. III.

Tertia



Tertia comparatio est, qua alia comparatione ad Deum dicuntur, alia ad homines. Paulus fatetur, se irreprehensibilem in lege uixisse. Rursus conqueritur, se nihil boni posse agere. Vtrunq; recte dictum est, sed diuersa comparatione. Respectu enim hominum erat irreprehensibilis, ac coram tribunali Dei agnouit uiciosæ carnis sordes. **IIII.** Quarta comparatio est tantum ex altera parte locorum dissidentium, cum altera pars citra omnem comparationem intelligi debeat. Si quis, inquit Christus uenit ad me, nec odit patrem suum, non potest esse meus discipulus. At lex inquit: Honora patrem tuum, & matrem tuam. Prius dictum comparate intelligendum est, nimirum quod tum demum relinquendi sint parentes, ubi te a Christo & pietate auocare conantur. Posterius uero dictum simpliciter sine comparatione intelligendum, ut parentes iuxta legem Dei ames, eisq; exhibeas honorem debitum. **V.** Quinta comparatio est legum, de qua has regulas tenere utile est. **PRIMA:** Lex inferior cedit superiori. **SECUNDA:** Lex tantum eos obligat, quibus est lata. **TERTIA:** Lex specialis derogat generali. **QUARTA:** Lex personalis obligat tantum in genere facti.

**SEPTIMA** lex, Ut in contradictionis partibus sit idem modus, & rei significatæ, & dicentis. Si enim non fuerit idem modus, nulla est pugna. Qui diligit non peccat. Nemo est qui non peccet. Hic diuersus rei significatæ modus est: alius modus peccati est domiti, alius regnantis, seu alius domiti, alius obligantis ad penam. Ac modus dicentis est uarius, nam alius est modus præcipientis, alius promittentis, alius comminantis, alius narrantis,



rantis, alius imitantis alterius gestus. Sed hæc paucis declaranda sunt. In sudore uultus tui uesceris pane tuo. Hoc dictum arripuerunt quidam nostro seculo, & inde neminem saluare posse, nisi qui manuum labore & seruuili, uictum quæreret. Ex quo factum est, quod quidam relictis literis, agris cæperint dare operam, & rem rusticam exercere. Sed ex eo decepti sunt, quod præcipientis modo hæc dicta, & non comminantis pœnas intellexerunt. Ieremiæ 4. dicitur: Iurabis per nomen eius, in ueritate, in iudicio & iusticia. Oseæ 4. legitur: Neque iuraueritis, uiuit Dominus. Hic nulla pugna est, ubi monstratur, Ieremiæ dictum promittentis modo, Oseæ uero comminantis pronunciatum esse. Ieremias promittit ex ore Domini, quod uerus Israel sit ueri Dei cultor futurus, quod iurandi forma, quæ est pars ueri cultus Dei, declarat. Oseas uero minatur, quod populus rebellis sit in idololatriam lapsurus, quod inde insinuat, quod non sint iuraturi: VIVIT DOMINVS, sed iuraturi: BAAL ASTROTH, &c. Modus igitur ista Prophetarum dicta conciliat. Paulus dicit: Nemo uos iudicet in cibo, aut potu, aut parte diei festi. Rursus: Ne attingas, ne gustes, &c. Sed prius dictum est per modum præcipientis. Posterius, per modum alterius uerba imitantis per mimesin.

OCTAVA lex & ultima contradictionis restat, quæ monet uidendum, an sit idem tempus. Hæc enim lex multas controuersias diluit, unde illud: Discerne tempora, & concordabis scripturas. Alia enim ueteribus, alia nobis conuenient. Rursus alia præsentiu ita, alia futuræ. Hæc si confundis, magnæ sequentur tenebræ in

G

doctrina



doctrina Ecclesiæ. In Genesi dicitur : Masculus cuius præputium non fuerit circumcisum, exterminabitur de populo suo. Paulus autem dicit : Si circumcidamini, Christus uobis nihil proderit. Antilogiam soluit Tempus. Circumcisio enim habebat suum tempus, usque ad Christum exhibitum in certo populo. De illo tempore prius dictum intelligendum est. Sed posterius dictum ad tempus reuelati Christi pertinet, quo Sacramenta ueteris legis sunt abolita. HÆC de ORGANO diacritico tenere tyrones Theologiæ apprime necessarium puto, nec dubito antilogias dissolui posse hoc instrumento, modo docte adhibeatur. Verum hic addam generale præceptum, perpetuo huic organo adiungendum: QVOTIES offeruntur pugnantia in speciem dicta, diligenter uidendum, quodnam istorum cum uniuerſa scriptura & probatis exemplis consentiat, quodq; dissentiat: deinde adhibito diacritico organo, facile ex textu circumſtantiarum collatione deprehenditur, quemadmodum lex legitimæ contradictionis sit uiolata. HACTENUS de modo Theologiæ studendi dixi. Iam restat, ut de meo hoc opusculo nonnihil dicam.

PRODEST tyronibus Theologiæ, præcipua ueræ religionis capita habere, breuiter & nude explicata, ac ueluti in certas classes distincta, ut postea prolixiora scripta, quæ continent iustas de singulis capitibus disputationes, auidius legant, & intelligant exactius. Quemadmodum enim in cæteris disciplinis utile est in principio, semotis disputationum labyrinthis, ueras opiniones discen-  
tibus proponere, quibus præceptis, prolixiores disputationes tempestiue ac utiliter proponi possunt: Ita in  
sacra



sacratissima Theologia commodum est, incipientibus nude ac breuiter ueras sententias proponere, quas ubi discipuli imbibierint, absolutiora scripta & disputationes non sunt negligendæ. Quapropter constitui præcipua ueræ religionis capita colligere, ac breues singulorum capitum explicationes addere, a motis disputationibus, in quarum locum pronunciata scripturæ magis insignia, de singulis locis substituam.

CAETERVM quia duo potissimum nobis ex scripturis petenda sunt, quorum PRIVS est, recte sentire: POSTERIVS recte agere (quibus τὰ πρῶτα καὶ τὰ δεύτερα seruiūt) ita instituam tractationem, ut ad γνῶσιν & πρᾶξιν omnia referri uideantur. Idq; eo consilio, ut his cognitis tyrones Theologiæ, ad sacrosanctū illud opus PHILIPPI MELANCHTHONIS, uiri optime de Ecclesiā Christi meriti, legendum accedant instructiores. Nam hic uir Θεοσβέτης αὐτῶν, καὶ φιλαληθής αὐτῶν, non solum tractandi ordine perspicuus, & in disputando contra ueræ religionis hostes sincerus & acutus est: uerumetiam more Prophetico & Apostolico, subinde ex doctrinæ partibus extruit monitiones, reprehensiones, minas, consolationes, ut hoc pacto doctrinam lectori accommodet: ex quo accidit, ut sacrosanctum illud opus excreuerit in iustum uolumen, quod opus tum demum maximo & inæstimabili fructu, amantibus ueræ religionis proponi potest, ubi primum capita ipsa religionis, breuiter nudeque explicata imbibierint. Quapropter admonendos duos studiosos adolescentes, ut quemadmodum in alijs disciplinis certo ordine a facilioribus ad ea quæ magis ardua sunt progrediuntur, sic quoq; in hoc sanctissimo Theolo-



giæ studio, primum planas & perspicuas sententias discant, deinde ad altiora conscendant. Ita futurum est, ut si spiritum Christi doctorem implorauerint, feliciter in hoc studio uersentur.

IAM de libri nostri partitione nonnihil adiiciendum est. Ipsum Deum, sacræ scripturæ unicum autorem, uniuersam religionis doctrinam, quam ipse mundo reuelauit ac manifestauit, in quatuor ordines digessimus manifestum est. Quorum PRIMVS ad fœdus gratiæ seu promissionem & regnum Christi spirituale pertinet. SECUNDVS communem formandæ uitæ regulam præscribit. TERTIVS regimen Ecclesiasticum continet. QVARTVS politicam uitam ac æconomicam instruit. Horum primus promissionis seu Euangelij titulo, reliqui tres Legis nomine signari solent, quoties intra se promissio seu Euangelium & Lex opponuntur. Alioqui Legis uocabulum hæc omnia continet. Nam ubi Latini interpretes, Legis, & Græci νόμος uocem usurpant, Ebræi ΘΟΡΑ habent, quæ in genere doctrinam significat, de quo plura alias. QVANTVM autem rei publicæ Mosaicæ formam nos non obliget, tamen distinctio capitum doctrinæ etiamnum in Ecclesia necessario retinenda est. Nam PRIMVM tenenda est omnino doctrina de spirituali Christi regno, in quo solo salus & uita dominantur. DEINDE opus est generali uiuendi regula, secundum uoluntatem Dei, quæ regula in decalogo continetur. TERTIO loco, quia nullus cœtus sine certo regimine diu incolumis consistere potest, cœtus Ecclesiæ, hoc est, ciuium Christi, opus habet institutis, iuxta quorum præscriptum in externa Ecclesiæ societate



cietate uiuendum est. **P O S T R E M O**, quia in hoc mundo tanquam in alieno regno peregrinatur, opus habet, ut recte de politico & æconomico statu ex uerbo Domini erudiatur, ne uel contemnat has **D E I** ordinationes, uel abutatur in Dei contumeliam. **D E I N D E** & hanc distinctionem cum ipsa diuini cultus ratio, tum finis hominis, efflagitare uidentur. Cultus enim Dei et finis conditionis humane naturæ, ad Deum glorificandum uera obædientia referuntur. Verum quoniã Deus coli nequit, ab ijs, qui sunt extra filium, necessaria est **P R I M V M** doctrina, per quam membra filij Dei constituimur, & regno Christi spirituali inauguramur. **D E I N D E**, quia cultus Deo præstandus est, & edendus fructus pænitentiae, non solum cum omnibus pijs in genere, uerum etiã in externo cætu Ecclesiæ, & politica societate, in quibus uiuimus, necesse est pro hac diuersitate statuū religionis nostræ capita distinguere: præsertim cum ipsum Deum distinctionis autorem habeamus, et cultus diuini ratio finisq; hominis eandẽ suo suffragio approbare uideatur.

Sit ergo **P R I M A** classis eorum capitum, quæ necessaria ad promissionis doctrinam pertinent.

**S E C V N D A**, doctrinam uitæ communem complectatur, cum locis affinibus.

**T E R T I A**, Ecclesiæ regimen, & ea quæ illuc pertinent, contineat.

**Q V A R T A** & postrema classis, politica & æconomica comprehendat. Harum classium κεφάλαια, hoc est, capita subiiciam, quo ueluti intra transfennam totum

hoc opus conspiciendum pio lectori

proponamus.

C 3

C A T A L O G



CATALOGVS CAPITVM  
COMMVNIVM PRIMAE  
CLASSIS.

- |                      |                    |
|----------------------|--------------------|
| 1. Deus.             | 9. Poena peccati.  |
| 2. Creatio.          | 10. Verbum accu-   |
| 3. Prouidentia.      | fans.              |
| 4. Homo.             | 11. Euangelium.    |
| 5. Iusticia origina- | 12. Poenitentia.   |
| lis.                 | 13. Iustificatio.  |
| 6. Liberum arbi-     | 14. Ordo reparati- |
| trium.               | onis.              |
| 7. Contingentia.     | 15. Regnum Chri-   |
| 8. Peccatum.         | sti.               |

CATALOGVS CAPITVM  
COMMVNIVM SECVNDAE  
CLASSIS.

- |   |                           |
|---|---------------------------|
| 1. Doctrina uitæ<br>communis filio-<br>rum Dei.   | na bonorum ope-<br>rum.   |
| 2. Legitima spiri-<br>tualis cultus Dei<br>ratio. | 4. Opera carita-<br>tis.  |
| 3. Generalis doctri-                              | 5. Vocatio cuius-<br>que. |
|   | 6. Votum.                 |
|   | 7. Cons-                  |

Conscientia.  
Vetus hom  
novus homo.

CATALO  
COMMV

1. Praeliminatio  
2. Symbolum.

emancantur, ut  
Benedictio

ceptione, pal  
sensu ad infi

lum, de remis

lesia, de iudici

rali. Quare e

divinæ capita

nunc symbolo

2. Creatio.  
Doctrina Ec

6. Sacramentu

7. Baptismus.

8. Quæstio Dom

9. Sacramentu



7. Conscientia.      9. Litera & spiri-  
8. Vetus homo & tus.  
nouus homo.

CATALOGVS CAPITVM  
COMMVNIVM TERTIAE  
CLASSIS.

1. Prædestinatio.      2. Ecclesia.  
3. Symbolum. In hoc capite multi loci  
explicantur, ut de nomine Iesu, regno  
& sacerdotio Christi, de natiuitate, con-  
ceptione, passione, resurrectione, de-  
scensu ad inferos, assumptione in cœ-  
lum, de remissione peccatorum. De Ec-  
clesia, de iudicio, de resurrectione ge-  
nerali. Quare eorum locorum non feci  
distincta capita, quia hæc comuni,  
nempe symbolo, subiiciuntur.

4. Oratio.      10. Ordo Ecclesia-  
5. Doctrina Eccle- sticus.  
siæ.      11. Potestas Eccle-  
6. Sacramentum. siastica.  
7. Baptismus.      12. Autoritas Ec-  
8. Cæna Domini. clesiastica.  
9. Testamentum.      13. Satisfactio.

C 4

14. Li



- |                          |                |
|--------------------------|----------------|
| 14. Libertas Christiana. | 16. Adiaphora. |
| 15. Ceremoniæ.           | 17. Scandalum. |
|                          | 18. Crux.      |

CATALOGVS CAPITVM  
COMMVNIVM QVARTAE  
CLASSIS.

- |                                |                             |
|--------------------------------|-----------------------------|
| 1. Magistratus.                | 9. Coniugium.               |
| 2. Leges.                      | 10. Patrium imperium.       |
| 3. Iudicia.                    | 11. Vfus diuitiarum.        |
| 4. Vindicta.                   | 12. Cura licita & illicita. |
| 5. Zelus.                      | 13. Perfectio Christiana.   |
| 6. Contractus, ubi & de Vsura. |                             |
| 7. Dominiũ & seruitus.         |                             |
| 8. Oeconomía.                  |                             |

EX



# EXPLICATIO

## TIO CAPITVM

### PRIMAE CLASSIS.

CAPVT PRIMVM.

DEVS.



**D**PLEX de Deo hominum  
institutio a regio Propheta Da  
uide nobis commendatur, Psal.  
19. VNIVERSALIS una,  
altera PECVLARIS. Illa  
omnium hominum communis,  
hæc filiorum DEI propria ex  
istit. Vtraque unde petenda

fit, explicandum est.

DE VNIVERSALI itaq; cognitione DEI dispu  
tat Paulus ad Rom. 1. ubi sic inquit: Reuelatur enim ira  
Dei e cælo, super omnem impietatem, & iniusticiam  
hominum, ueritatem Dei iniuste detinentium. Quia quod  
cognoscitur de Deo, manifestum est in illis. Deus enim  
illis manifestauit. Siquidem inuisibilia ipsius ex crea  
tione mundi, operibus intellecta, conspiciuntur: æternæ  
que eius potentia & diuinitas, in hoc, ut sint inexcusabi  
les. His uerbis Paulus testatur, creaturam DEI, esse  
ueluti scholam quandam uniuersalem, in qua in Dei noti  
cia erudimur. Bst enim tota creatura non solum testie

C 5

monium



monium de Deo, quod sit, uerum etiam speculum quoddam, in quo se quodammodo contemplandum nobis proponit. Aeternitas enim ex eo liquet, quod omnis creatura sit conditor. Potentia cognoscitur ex eo, quod tantam molem a se conditam, in sua manu teneat, faciatque ut omnia in se consistant. Sapientia peruidetur ex ordine & dispositione rerum. Bonitas relucet in conseruatione & usu rerum. Iusticia in administratione, qua sonites quidem punit, innocentes uero uindicat. Misericordia inde cognoscitur, quod tanta patientia tolerat hominum peruersitatem. Veritatis commendatio est, quod sit immutabilis. Proinde qui conceptam Dei noticiam habet, iam illi laudem debet æternitatis, potentia, sapientia, bonitatis, iusticia, misericordia, ueritatis, ac cæterarum uirtutum, quarum quædam uestigia, rebus a se conditis impressit Deus.

Hinc Plato duas definitiones extruxit, quarum prior est: Θεός ἐστὶ ζῶον ἀθάνατον, ἀυταγχές πρὸς ὁδαιμονίαν, id est: Deus est uiuens immortale, cui nihil ad felicitatem deest. Altera: Θεός ἐστιν οὐσία αἰδιότα, τ' ἀγαθὴ φύσις αἰτία, id est, Deus est essentia æterna, causa boni quod est in natura.

Adjiciamus et TERTIAM, quam Socrates apud Xenophontem recitat, in hanc sententiam: Scito (inquit) Deum tantum & talem esse, ut simul omnia uideat, & omnia audiat, & ubique aſsit, ac ſimul omnium rerum curam gerat. Atque ita ipsa creatura ſatis euidentem demonstrationem de Deo ſuppeditat, quantum quidem ad lucem Dei attinet, non quantum ad noſtram cæcitatem. Senſus enim noſter hic deficit, antequam aſſequatur, aut quis ſit,



fit, aut qualis sit Deus: id quod eleganter innuit Paulus Act. 14. cū dicit, Dominum in præteritis generationibus reliquisse gentes in ignorantia, neque tamen se reliquisse ἀμαρτυροῦν, id est, citra testimonium, quoniam dedit pluri-  
 uas & ubertatem de cælo.

Porro huius uniuersalis cognitionis Dei usus duplex est, PRIOR GENERALIS, qui se extendit ad omnes homines, nimirum ut sint inexcusabiles, ut qui nul-  
 lam possint asserre defensionem in iudicium Dei, qui iu-  
 re sint damnabiles. Huius usus meminit Paulus in supra  
 citato loco, Roman. 1. his uerbis: In hoc ut sint inexcusa-  
 biles. POSTERIOR usus SPECIALIS est, de quo  
 epistola ad Ebræos capite 11. loquitur, in hunc modum:  
 Per fidem intelligimus perfectā fuisse sæcula uerbo Dei.  
 Hic fidei tribuit illud lumen, quod in mundi creatione  
 uere proficiant homines in gloriam creatoris. Huc &  
 illud Dauidis Psalm. 92. pertinet: Delectasti me Domine  
 in factura tua, & in operibus manuum tuarum exulta-  
 bo. Hæc breuiter sint dicta de uniuersali Dei cognitione,  
 eiusq; usu duplici. Nunc de altero genere cognitionis  
 Dei dicendum est.

PECULIARIS itaq; cognoscendi Dei modus, du-  
 plici fundamento, nititur, nimirum Verbo & Testimo-  
 nio, quod uerbo additum est. Talem enim Deum appre-  
 hendere oportet, qualem se per uerbum & testimo-  
 nium patefecit, iuxta illud:

Esse Deum credas, quod de se prædicat ipse.

VERBUM quidem intelligo, quod inde usq; ab ini-  
 tio de cælo sonuit uarijs modis, ac tandē per filiū, Ebr. 1.  
 TESTIMONIUM uero, uerbo adiectum duplex est.

Aut



**AUT. n.** Verbo CONFIRMANDO, ut uerum ratumque a nobis habeatur, additum est. Cuius generis in ueteri & nouo Testamento multa leguntur, ut in diluuiio seruatio piorum, submersio impij mundi: confusio linguarum: mirabilis transitus populi Dei per medium aquae, maris rubri & Iordanis: prolongatio dierum ad preces piorum: multae exuscitationes mortuorum: sanationes miraculosae, & huius generis pene infinita. Hoc genus testimoniorum commendat suo populo Deus, Exodi 13. Erit quasi signum in manu tua, & quasi monumentum in oculis tuis, ut lex Domini semper sit in ore tuo. Ad quod genus testimoniorum prouocat etiam Dominus apud Ioannem ubi inquit: cap. 10. Si mihi non creditis, credite operibus meis. **AUT FIDUCIAM** ex uerbo conceptam confirmat, ut, circumcisio & alia Sacramenta ueteris populi. Et in nouo testamento Baptismus & cena Domini, fiduciae promissionis testimonia & signacula sunt. Haec noticia Dei, quae in uerbo & testimonio residet, sola salutaris est. De qua Dominus Ioannis 17. sic inquit: Haec autem est aeterna uita, ut cognoscant te solum uerum Deum, & quem misisti Iesum Christum. Per hanc enim renouamur (ut inquit Paulus) in imaginem Dei. **COGNITIONIS** uocabulum hoc loco synecdoche Ebraica, & noticiam & fiduciam consequentem significat.

**POST QUAM** autem de duplici Dei cognitione in genere dictum est, nunc ea, quae ad posteriorem, hoc est, ad salutarem illam cognitionem Dei pertinent, in certa membra distinguamus & ordine explicemus. Constituantur autem haec explicationis membra.

Primum



PRIMUM. Descriptio Dei cum distinctione personarum. SECUNDVM. Testimonia de unitate essentiae diuinæ: de trinitate personarum: de diuinitate filij & spiritus sancti. TERTIVM. Diuinarum quarundam appellationum explicatio. QVARTVM. Proprietates personarum. QVINTVM. Varius modus scripturæ loquendi, de altera persona in diuinitate. SEXTVM. Testimonia de proprietatibus Dei. SEPTIMVM. Quis sit usus, & ueræ noticiæ Dei praxis.

## I.

DESCRIPTIO DEI CVM DISTINCTIONE PERSONARVM.

DESCRIPTIO autem Dei, in qua etiam distinctio personarum continetur, optima & commodissima est, quam Philippus in locis Theologicis recitat, bis uerbis: Deus est essentia spiritualis, intelligens, æterna, uerax, pura, bona, iusta, misericors, liberrima, immensæ potentiae & sapientiæ: Pater æternus, qui filium imaginem suam ab æterno genuit: & Filius imago patris coæterna: & Spiritus sanctus, procedens a Patre & Filio, sicut patefacta est diuinitas certo uerbo, quod pater æternus cum filio ac spiritu sancto condiderit & seruet cælum & terram, & omnes creaturas: & in genere humano condito ad imaginem suam, & certam obædientiam, elegerit sibi Ecclesiam, ut ab ea hæc una & uera diuinitas, patefacta certis testimonijs, & per uerbum traditum Prophetis & Apostolis, agnoscat, inuocetur & colatur, iuxta uerbum illud diuinitus traditum: & damnentur omnes cultus, qui fingunt alios Deos:

&



Et hæc uera diuinitas in uita æterna celebretur. Hæc descriptio ex multis scripturæ locis collecta est, et constat quinq; principalibus partibus. PRIMVM, describitur Deus absolute. SECUNDO, relatiue, ubi personæ diuinitatis discernuntur et distinguuntur. TERTIO, ab effectu generali. QVARTO, ab effectu spiritali. QVINTO et ultimo loco finis patefactionis diuinæ additur.

## I I.

## TESTIMONIA PROBANTIA

## VNVM ESSE DEVM.

Exodi 20. et Deuteron. 5. Ego Iehoua Deus tuus, qui eduxi te de terra Aegypti, de domo seruitutis. Non habebis Deos alienos coram me.

Deuteron. 6. Audi Israel, Iehoua Deus noster, Iehoua unus est.

Psal. 18. Quis Deus præter Iehoua, et quis fortis præter Deum nostrum?

Malachiæ 2. Nunquid non pater unus omnium nostrum? Nunquid non Deus unus creauit nos?

1. Corinth. 8. Scimus, quia nihil est idolum in mundo, et quod nullus est Deus, nisi unus.

1. Timoth. 2. Unus est Deus, unus etiam conciliator Dei et hominum, homo CHRISTVS IESVS.

TESTIMONIA PROBANTIA TRES  
personas diuinitatis.

Genesis 1. opus creationis tribus personis tribuitur. Deus dixit, et spiritus Domini ferebatur super aquas. Hic clare habemus Deum, λόγος, et Spiritum sanctum.  
psal.



*Psal. 33.* Verbo Iehoua cæli firmati sunt, & spiritu  
oris eius omnis uirtus eorum.

*Matth. 28.* Euntes ergo docete omnes gentes, bapti-  
santes eos in nomine Patris, & Filij, & Spiritus sancti.

*Matth. 3.* In baptismo Christi apparent personæ di-  
stinctæ Trinitatis. Pater sonat hanc uocem: Hic est Fi-  
lius meus dilectus. Filius stans in flumine conspicitur.  
Spiritus sanctus specie uisibili demittitur.

*Ad Galat. 4.* Quoniam estis filij Dei, emisit Deus spi-  
ritum filij sui in corda uestra, clamantem: Abba pater.

1. *Ioan. 5.* Tres sunt qui testimonium perhibent in  
cælo, Pater, λόγος, & Spiritus sanctus: & hi tres  
unum sunt.

2. *Corinth. 13.* Gratia Domini IESV CHRISTI,  
& dilectio Dei, & communio Spiritus sancti, sit cum  
omnibus uobis.

TESTIMONIA PROBANTIA  
diuinitatem filij.

TESTIMONIA, quibus diuina natura filij Dei  
comprobatur, ad quinque capita reuocare soleo: quorum  
PRIMUM est apertum scripturæ pronuntiatum. SE-  
CUNDUM, cultus Christo exhibendus. TERTIUM,  
opera Christi. QUARTUM, cōfessio Ecclesiæ. QVIN-  
TUM, officium redemptionis. Hæc quinque capita memo-  
riæ iuuandæ gratia, his uersiculis includo,

Dictum, cultus, opus, confessio, munera, quinque hæc  
Naturas Christi cognoscendas tibi monstrant.

DICTA



Dicta seu scripturæ pronunciata inter multa hæc sunt illustria. Ieremiæ 23. Hoc est nomen, quod uocabunt eum Iehoua, iustificator noster.

Psal. 68. Iehoua nomen illi, exultate in conspectu eius.

Esaiæ 9. Vocabitur nomen eius admirabilis, consiliarius, Deus, fortis, pater æternitatis, princeps pacis.

Ioan. 1. In principio erat λόγος, & λόγος erat apud Deū, & Deus erat λόγος. Hic λόγος subiectū est, iuxta hanc regulam: Cum uerbū hyperbolicon collocatur cum duobus nominatiuis, articulus ambiguitatē tollit. Nam is nominatiuis, qui habet adiectū articulum, propositionis subiectum est, ut, εἰπὶ ἀγρόπῃ οἱ οἱ κολχοὶ. Hic de Colchis pronunciatur, quod sint Aegyptij.

Rom. 9. Ex quibus est CHRISTVS, secundum carnem, qui est super omnia Deus benedictus in secula.

1. Ioan. 5. Et sumus in uero, in filio eius, IESV Christo. Hic est uerus Deus, & uita æterna.

Hæc quoq; testimonia omnia refero, in quibus naturalis & unigenitus Dei filius esse prædicatur.

SECUNDVM caput testimoniorum, quibus probatur diuinitas CHRISTI, est CVLTVS, qui ex Dei mandato illi exhibetur ab Angelis & hominibus.

Ebræos 1. Adorent eum omnes Angeli DEI. Hunc Paulus & Stephanus inuocant, & agnoscunt καὶ ἐδοξολογῶσιν. Quare uerus & naturalis Deus est.

Hoc ipsum confirmat TERTIVM probationum caput, quod tribuit Christo OPERA soli DEO propria: creat, uiuificat, uerbo potentiæ suæ omnia portat, exaudit: quæ omnia sunt solius diuinæ potentiæ.

QVARE



POSTREMUM membrum est MVNVS Mediatoris, quod non competit creaturæ puræ. Sed de hoc capite etiam in Symbolo dicam, ubi sacerdotium CHRISTI sum descripturus.

SPIRITVS, cum de DEO prædicatur, accipitur dupliciter, nimirum ESSENTIALITER & PERSONALITER. Vt, cum dicitur: Pater, λόγος, & Spiritus sanctus sunt Deus & Spiritus, uocabulum spiritus essentialiter accipitur. PERSONALITER autem, cum pro tertia persona in diuinitate accipitur, idq; per metonymiam, quia spirituales motus in cordibus hominum excitat, & illorum corda purificat, quod Epitheton, SANCTVS, etiam indicat.

Petrus (Act. 5.) ad Ananiam dicit: Cur implevit Satanās cor tuum, ut mentireris Spiritui sancto? Et paulo post: Non es mentitus hominibus, sed Deo.

Iob 33. Spiritus Dei fecit me, & spiraculum omnipotentis uiuificauit me. Hoc opus tantum diuinæ naturæ competit. Basilius diuinitatem Spiritus sancti hac demonstratione astruit: Omnis creatura habet substantiam circumscriptam. Spiritus sanctus non habet substantiam circumscriptam. Ergo Spiritus sanctus non est creatura. Inuisibilis enim creatura, etiamsi non circumscribatur loco & finibus, tamen proprietate substantiæ

D      finitur.



finitur. HVC pertinent etiam testimonia supra citata,  
de personarum trinitate.

## III.

DIVINARVM QVÆRVDAM AP-  
PELLATIONVM EXPLICATIO.

APPELLATIONES in diuinis diligenter obser-  
uandæ & discernendæ sunt. Teneatur itaq; principio  
hæc distinctio: QVÆDAM appellationes conueniunt  
Deo ex omni æternitate: QVÆDAM ex tempore, id-  
que creaturarum respectu, nam in Deum nullum omnino  
accidens cadit. Sed utrumq; genus plures recipit diffe-  
rentias. Nam quæ Deo attribuuntur ex omni æternita-  
te appellationes, sunt triplices. QVÆDAM enim ad  
ESSENTIAM pertinent: quædam PERSONARVM  
discrimina respiciunt: quædam COLLECTIVE Deo  
tribuuntur. Ad ESSENTIAM pertinent: Deus, bo-  
nus, sapiens, omnipotens, castus, uerax, & huiusmodi,  
quæ de Deo digne dicuntur. De hoc genere appellatio-  
num tenenda est regula, quod, quicquid de una persona  
dicitur, reliquis possit dignissime attribui. Vt enim Pa-  
trem recte Deum, Dominum, omnipotentem, iustum, intel-  
ligentem dicis, ita ea Filio & Spiritui sancto uerissime  
attribuis. Sunt enim hæ appellationes Naturæ, hoc est,  
essentiæ diuinæ, communes propter æqualitatem ætera-  
nitatis, magnitudinis, potentiæ trium personarum in  
una diuinitate. CVM autem audimus has uarias appel-  
lationes Deo tribui, non cogitabimus, in Deum acciden-  
tia cadere, aut Deum compositum esse, aut mutationibus  
obnoxium.



obnoxium. Nam hæ uariæ appellationes non diuersitatem in essentia diuina notant, sed unam eandemq; simplicissimam significant, quæ has uarias sortitur appellationes propter effectus in creaturis. Quare secundum essentiam non distinguuntur in Deo, iusticia, sapientia, fortitudo, misericordia: sed secundum effectus in creaturis.

At APPELLATIONES quæ ad personarum discrimina pertinent, longe aliter se habent. Non enim secundum essentiam dicuntur (tametsi realiter) sed relative, sicut Pater ad Filium, & Filius ad Patrem, & Spiritus sanctus ad utrumq; ut qui ab utroq; procedit. Pater gignit, λόγος nascitur, Spiritus sanctus procedit. Hic non sunt communes appellationes. Pater enim non est Filius, nec Spiritus sanctus. Pater non nascitur nec procedit. De proprietatibus paulo post plura dicemus.

COLLECTIVE Deo tribuuntur: Trinus, trinitas, τριάδικος, τριῖς. Vnde recte dixeris: Deus est trinus, Diuinitas est trinitas. si personas omnes complecteris diuinitatis.

POSTERIVS genus appellationum, quas dixi Deo ex tempore competere, est etiam in triplici discrimine. Nam quædam SIMPLICITER dicuntur, ut: Deus est incarnatus, λόγος est caro factus. Quædam RELATIVE, sed dupliciter. Nam quædam sunt communes tribus personis, ut, Dominus, creator, refugium, clypeus, &c. Aliæ seorsum singulis personis competunt, ut Pater mittit, Filius mittitur, ut assumat humanam naturam, Spiritus sanctus in corda mittitur credentiū, λόγος est sacerdos, mediator. Quædam per SIMILITVDINEM

D 2

dicuntur,



dicuntur, ut quæ ad passionem, situm, habitum, locum, tempus referuntur, ut cum Deus irasci, furere, ascendere, descendere, aures adhibere, uidere dicitur, eo schemate, quod ἀδγεῖν τὸ πᾶν ἀθεῖν nominant, ut cum membra, actiones & affectus hominum aut aliorum animalium, Deo tribuuntur. MEMBRA, ut oculi, aures, os, caput, alæ, cornua. ACTIONES, stare, sedere, ascendere, descendere. AFFECTVS, ira, furor, pœnitentia, misericordia, zelus, &c. Verum hæc omnia comparate dicuntur, & per similitudinem, qua creata diuinis quadam tenui umbra comparari possunt.

Sed rem uno atq; altero exemplo declarabo, ut in alijs studiosi analogiam considerent. OCULI tribuuntur Deo, quod omnia uideat ac circumlustret, ut prudens paterfamilias in domo, unde pulchre oculorum intuitu adumbratur diuina prouidentia. AVRES tribuuntur Deo, quoniam omnia audit, nihilq; ipsum latet, significantq; modo clementiam, qua exaudit inuocantes: modo æquitatem, qua peccatores non audit. ASCENDIT, quando se a nobis subducit, ueluti nostra non curans. DESCENDIT, quando se nobis accommodat, atq; insigni aliquod opus ad nostram utilitatem edit. ALÆ cum tribuuntur Deo, significatur diligens Dei prouidentia in fouendis ac defendendis pijs. Ex his facile erit de reliquis huius generis formulis iudicare, ne in anthropomorphitarum errorem incidamus, qui Deum reuera talibus membris præditum esse existimarunt.

NUNC quarundam appellationum definitiones subiiciam, quarum explicatio ualde necessaria est. Primum ergo differentiam inter NATVRAM et PERSONAM uideat



uideamus. Quoties NATVRAE vocabulo utitur Ecclesia in doctrina de diuinitate, significat ipsam essentiam, quæ re uerâ est, in qua tres personæ subsistunt. Persona unâ rem indiuiduam naturæ seu essentiæ significat, seu ut Philippus definit, PERSONA est subsistens uiuum, indiuiduum, incommunicabile, non sustentatum ab alio, græce ἰφιστάμενον. Non sustentatum ab alio, excludit disputationes eorum, qui ut duas naturas in Christo, ita etiam duas personas, sed falso, docebant. Humana enim natura in Christo non habet rationem personæ per se, sed dependet singulari ordine ad hanc diuinam personam, λόγον, ut ab ea sustentetur & conseruetur, & rationem personæ cum diuina natura accipiat. Vnde in Symbolo: Vt anima rationalis & caro unus est homo: ita Deus & homo unus est Christus, non unitate naturæ, sed unitate personæ. Breuiter, Natura dicitur quatenus est essentia quædam, Personæ uero quæ in ea essentia seu natura subsistunt. Vnde quia tres sunt iuxta patefactionem diuinam subsistentiæ in diuina essentia, tres quoque confitemur personas. Alia est enim persona patris, alia filij, alia spiritus sancti, sed non est alia natura aut essentia Patris, quam Filij & Spiritus sancti, quemadmodum impie docuerunt Ariani, sed ut Pater est in filio & spiritu sancto: ita filius in patre & spiritu sancto, & spiritus sanctus in Patre & Filio κατὰ τὴν ὁμολογίαν, ut Græci loquuntur Theologi. Ita Christiana fides est, non confundere personarum trinitatē, nec discerpere naturæ unitatem.

Prima persona dicitur PATER AETERNVS, quia habet filium æternum, qui λόγος dicitur, duplici respectu, primum respectu patris, quia cogitatione patris nascitur;

D 3

scitur;



Scitur: deinde respectu nostri, quia profert Euangelium  
 e sinu patris, & nobis annunciat. Hic æternus λόγος  
 ideo dicitur filius Patris, quia ab ipso generatur secun-  
 dum ueritatem naturæ, transfusa Patris substantia in  
 Filium. VERVM, cum dicitur filius de Patre nasci,  
 cauendum est, ne rerum creatarum cogitatione & simi-  
 litudine initium ullum natiuitatis æternæ Christi, cum  
 Arianis cogitemus. Nam Dei λόγος ante omne prorsus  
 initium, hoc est, sine aliquo suæ natiuitatis initio, de pa-  
 tris substantia genitus est, Deus de Deo, lumen de lumina  
 ne, iuxta confessionem catholicæ Ecclesiæ, quæ Filium  
 ὁμοῦτον Patri confitetur, contra Arianorum dogma,  
 quo tres naturæ statuebantur, ut tres personæ.

PORRO quia Pater dicitur gignere, λόγος nasci,  
 & Spiritus sanctus procedere, tenenda est harum ap-  
 pellationum explicatio. GIGNERE est alium de sua  
 essentia gignere. Quare cum CREARE sit aliquid ex  
 nihilo facere, λόγος æternus Dei nequaquam creatus  
 esse dicendus est. NASCI est a potentia cognoscente,  
 quia genitum est imago gignentis. Ut autem in homi-  
 nibus potentia cognoscens format imagines, & loqui-  
 tur: sic filius est æterni Patris imago, cogitatione ge-  
 nita, ab æterno communicata ipsi substantia, & osten-  
 dens patrem in reuelatione Euangelij. PROCEDERE  
 autem est a uoluntate, quia Spiritus sanctus est motor seu  
 agitator.

PATRIS uocabulum duplicem relationem habet.  
 Nunc enim relationem habet ad λόγον, & personam pri-  
 mam in diuinitate significat: nunc ad homines refertur,  
 estque commune toti Trinitati ab effectu erga homi-  
 nes,



nes, ut cum dicimus, PATER NOSTER qui es in cælis.

SPIRITVS quoq; nomen, nunc essentialiter & communiter prædicatur de tribus personis: nunc personaliter, & est tertia persona in diuinitate, de qua re supra dictum est.

## IIII.

## DE PROPRIETATE

## PERSONARVM.

IN una essentia tres sunt hypostases seu personæ, quæ a se inuicem proprietatibus duplicibus discernuntur, nempe interioribus & exterioribus. INTERIORES sunt, gignere, nasci, procedere. Solus Pater gignit, solus Filius nascitur, solus Spiritus sanctus procedit. Sed inter nasci & procedere hoc est discrimen, quemadmodum & supra indicatum est: Nasci quidem est a potentia intelligente, quia Filius cogitatione nascitur, & est imago Patris: Procedere autem est a uoluntate, quia Spiritus sanctus est agitator seu amor substantialis, tanquam ignis amoris, quo Pater Filium complectitur, & Filius Patrem, imo quo postea Pater & Filius dulcissimo complexu sibi copulant Ecclesiam suam. PROPRIETATES exteriores a beneficijs erga Ecclesiam sunt æ sunt, ut mittere & mitti. Pater mittit, Filius mittitur, ut assumat carnem humanam & fiat uictima. Spiritus sanctus mittitur in corda, ut in nobis accendat nouam lucem & iusticiam.

## V.

## MODVS SCRIPTURAE VARIÆ

## VS LOQVENDI DE FILIO,

## altera persona Trinitatis.

D 4

scria



Scriptura uarijs modis de altera persona in diuinitate, loquitur. PRIMVM enim per synecdochen, cum humanitati attribuitur, quod est totius personæ, ut: Semen mulieris conteret caput serpentis. Et contra, cum diuinitati tribuitur, quod similiter est totius personæ, ut cum Ieremias dicit: Ipsum Iehoua esse iustificatorem nostrum. Est enim IEHOVA essentiae diuinæ appellatio. SECUNDO, quædam attribuuntur per communicationem idiomatum, sed in concreto. Hæc autem ut dextre intelligantur, uidendum primum, quid sit idioma. Deinde quid communicatio idiomatum. Tum cur in concreto tantum recepta sit hæc prædicatio.

IDIOMA itaque est proprietas uni naturæ conueniens, ut in homine, mentis idioma est, intelligere, ratiocinari, meditari: corporis idioma est, lacerari, tangi, conspici, &c.

COMMUNICATIO IDIOMATVM est, cum idiomata, hoc est, proprietates unius naturæ, alteri communicantur, et tribuuntur in concreto, seu, communicatio idiomatum est prædicatio, in qua proprietas uni naturæ conueniens, personæ tribuitur in concreto, propter unionem hypostaticam. Quod autem in concreto id tantum fieri possit, hæc est ratio: Abstracta significant naturas & formas, per se consideratas, ut diuinitas & diuina natura, humanitas & humana natura. Concreta autem ipsa subiecta significant cum naturis & formis, ut, homo non significat humanitatem, sed ipsam totum, in quo anima & corpus sunt. In concreto igitur persona intelligitur: in abstracto, natura tantum.

CVM igitur loquimur de filio Dei, communicatio idiomatum



idiomatum est forma loquendi, in qua proprietates uni-  
us naturæ alteri naturæ communicantur, propter uni-  
onem hypostaticam. In Christo idioma naturæ diuinæ  
est, esse omnipotentem, creatorem, scrutatorem cordi-  
um. Rursus idioma humanæ naturæ est, edere, bibere,  
ligari, tristari, crucifigi, mori. Verum hæc diuersarum  
naturarum idiomata communicantur in concretis, hoc  
modo: Filius Mariæ est omnipotens, est creator, est  
scrutator cordium. Deus edit, bibit, fatigatus est, trista-  
tus est, crucifixus est, mortuus est. Sic uerbum est homo,  
Deus est homo, Christus est Deus, Deus est natus ex uir-  
gine. Deus acquisiuit sibi Ecclesiam suo sanguine. Hæ  
propositiones ideo sunt ueræ, quia naturæ, diuina & hu-  
mana, unitæ sunt unione hypostatica seu personali.

TERTIO, Quædam seorsum naturis tribuuntur,  
humanitati quidem, quæ eam solam attingunt, ut filius  
Mariæ creuit sapientia & gratia coram Deo & homi-  
nibus: Diuinitati uero, quæ in illam solam competunt,  
ut, filius Dei est, per quem sæcula sunt condita.

QUARTO, Interdum prædicata conueniunt utrique  
naturæ in abstracto, ut, Christus uiuit in cælo, quod utiq;  
conuenit Christo, secundum utramq; naturam, diuinam  
& humanam.

QUINTO, Quædam ita tribuuntur personæ, ut per  
se & seorsum neq; humanæ neq; diuinæ naturæ conue-  
niant: qualia sunt opera redemptionis, uidelicet, quod  
potestatem a patre acceperit, remittendi peccata, susci-  
tandi quos uelit, iusticiam, sanctitatem, salutem largien-  
di, quod iudex constitutus sit uiuorum & mortuorum,

D 5

ut ho-



ut honoretur quemadmodum & pater, quod sit lux mundi, pastor bonus, sacerdos, rex, mediator.

DISCERNENDAE sunt igitur appellationes, quæ naturarū proprietates significant, ab officij appellationibus. Deus, omnipotens, immortalis, sunt appellationes ad diuinam naturam referendæ. Homo, passibilis, uulneratus, mortuus, sunt appellationes ad naturam humanam referendæ, (et si omnis iniuria & passio homini Christo illata, ad ipsum unigenitum & impassibilem Deum, quædam ratione pertinet, quia diuina & humana natura unione hypostatica sunt unitæ) Sed nomina officij, quæ sunt, Mediator, Redemptor, Saluator, Rex, Sacerdos, Pastor, competūt toti personæ, non alicui naturæ seorsum.

PORRO huius uarietatis distinctio non solum utilis est ad confutandos hæreticos, uerum etiam pijs mentibus longe alium fructum affert. Nam sub his uarijs formis loquendi, continetur, quicquid necessarium cognitu est de filio Dei, de quo præcipue quatuor necessario cognoscenda sunt. I. Primum, quod sit uerus Deus: unde fides concipit fiduciam, quod possit iuuare & defendere quos uelit, hoc est, ad se confugientes, ut qui non solum spiritu & sacramentis, uerum etiam, naturæ societate illis coniunctus est. II. Deinde, quod sit uerus Homo: unde fides concipit fiduciam, quod uelit iuuare. III. Tertium, quod sit una persona, non confusis naturis, sed unitis hypostatica unione: unde fides Deo coniunctiorem se statuit, quam ut ab eo abijciatur. IIII. Postremo, quod sit rex & pontifex, breuiter, saluator in se credentium. Et hoc est fidei fundamentum. TESTIMONIA igitur PRIMII modi monent, ne officium redemptionis discer-



discerpamus, sed toti Christo tribuamus. Id quod adhuc  
 QVINTVS modus clarius docet. SECVNDVS mo-  
 dus unionem hypostaticam seu unitatem personæ mani-  
 festat. Communio enim idiomatum euidenter ostendit di-  
 scrimen, inter hypostaticam seu personalem naturarum  
 unionem in Christo, & societatem seu auxilium Dei in  
 alijs sanctis. Ideo enim prædicata communicantur, quia  
 est unum  $\text{ὁ}\psi\iota\varsigma\ \alpha\mu\epsilon\tau\omicron\upsilon\tau\omicron\varsigma$ . TERTIVS modus distincte na-  
 turas Christi, nimirum ueram diuinitatem ac humanita-  
 tem comprobat.

Hic utile est admonere de modis præsentiae diuinæ.  
 Tametsi enim Deus ubique totus per suam simplicem es-  
 sentiam est, iuxta illud, Cælum & terram ego impleo:  
 non tamen eodem modo ubiq; esse conuincitur. Nam  
 quatuor sunt gradus præsentiae Dei. PRIMVS est præ-  
 sentia conseruationis, qua Deus omnibus creaturis ad-  
 est, ita ut eas sustentet, & conseruet. SECVNDVS  
 gradus est, quo beatis angelis & hominibus in gloria  
 adest. TERTIVS, quo in hac uita renatis adest, suo  
 spiritu & efficacia. QVARTVS, quo adest  $\text{λόγος}$  uni-  
 one hypostatica inseparabiliter.

## VI.

TESTIMONIA DE PRO-  
 PRIETATIBVS DEI, VNDE  
 fides in ipsum stabilitur.

Exodi 34. Iehoua Iehoua, Deus misericors & cle-  
 mens, patiens, ac multæ miserationis, & uerax, qui cus-  
 todia misericordiam in millia, qui auferens iniquitatem et  
 scelera atq; peccata, nullusq; apud te per se innocens est.

Qui



Qui reddis iniquitatem patrum filiis ac nepotibus, in tertiam & quartam generationem.

PSAL. 86. Et tu Iehoua Deus, miserator & misericors, patiens & multæ misericordiæ, & uerax.

IEREMIAE 23. Putas ne Deus e uicino ego sum, dicit Dominus, & non Deus e longe? Si occultabitur uir in absconditis, & ego non uidebo eum, dicit Dominus? Nunquid non cælum & terram ego impleo, dicit Dominus?

IEREMIAE 32. Fortissime, magne & potens. Iehoua exercituum nomen tibi, magnus consilio, & incomprehensibilis cogitatu, cuius oculi aperti sunt super omnes uias filiorum Adam, ut reddas unicuique secundum uias suas, & secundum fructum adinventionum eius.

## VII.

## DE VSV.

QVÆ hætenus dicta sunt, ad γνῶσιν pertinent. Nunc pauca subiungam de usu & praxi. PRIMVM itaque formant hæc recte iudicium nostrum de Deo, qui uult a nobis agnosci talis, qualem se suo uerbo & testimonio patefecit. SECUNDO, hinc recte iudicare discimus de creatione, quæ est opus totius Trinitatis. TERTIO, recte sentire de reparatione generis humani, quod etiam opus totius Trinitatis existit, seruata tamen cuiusq; personæ proprietate. QVARTO, articuli fidei nostræ, hinc confirmantur, in quibus profitemur, nos credere in unum Deum, qui est Pater, Filius & Spiritus sanctus. QUINTO, erudiunt hæc nos ad sollicite  
ambus



ambulandum coram Deo nostro, in uero timore & fide. Est enim præcipuus finis noticiæ Dei, fiducia in ipsum. SEXTO, hæc faciunt ad recte inuocandum. Inuocatio enim dirigenda est in hunc solum Deum, qui est unus in substantia, & trinus in personis.

## SECUNDVM CAPVT.

## DE CREATIONE.

CREATIO proprie est primaria illa rerum productio siue formatio, qua Deus æternus Pater Domini nostri IESU CHRISTI, una cum Filio æterno, & Spiritu sancto, produxit ex nihilo, & formauit cælum & terram, & contenta in illis, uisibilia & inuisibilia, ut ipse agnoscat & colatur. Est enim creare proprie, aliquid ex nihilo facere. Ebraice B A R A. Græcus, genus posuit: ἐποίησε, fecit.

Vt autem maiori admiratione rerum creatarum teneamur, obseruandum est præconium creaturarum Genesis 1. ubi Moses ita inquit: Viditq; Deus cuncta quæ fecerat, & ecce bona ualde. Hoc dictum PRIMVM monet, ut creaturas separemus a deformitate, in naturam per peccatum introducta. Est enim peccatum eiusq; effectus non a Deo, sed a Diabolo & homine, auertentibus se a Deo. DEINDE, cum res creatas ualde bonas esse audimus, tenendum est discrimen inter Deum, summe bonum, & res ab eo effectas. EST ENIM DEVS bonus causa & origine, quæ bonitatis ratio rebus creatis minime competit. Quare Dominus in Euangelio pronuntiat, Deum solum bonum esse, qui non aliunde suæ bonitatis



nitatis rationem habet, sed ipse bonus est natura, causa et origine. At RES creatæ quadruplici de causa bonæ prædicantur. PRIMVM enim ex eo bonæ dicuntur, & sunt, quia a Deo optimo sunt conditæ. SECUNDO, quia Deo conditori placent. TERTIO, quia sunt ordinatæ ad bonos usus. QUARTO, quia singulæ in suo ordine Deo optimo seruire debent. Vnde Dauid Psal. 148. hortatur totam uniuersitatem rerum, ut Deum conditorem & saluatorem suum celebret. Et quanquam tota creatura Deum sua quadam ratione celebrat, tamen præcipuum cultum a rationali creatura requirit. Quare Angeli & homines conditi erant, ut essent templum Dei, & uera innocentia seruirent Deo. Hæc nos admoneant, quotiescunq; hanc rerum machinam intuemur, ut ad Christum reparatorem naturæ humanæ confugiamus, quo aliquando Deo in nostro ordine rite seruire cum sanctis Angelis possimus.

PORRO in creaturis spectentur hæc quatuor. PRIMVM, specierum pulcerrima uarietas. SECUN-  
DVM, facultatū & uirium in rebus productis utilissima proprietas. TERTIVM, ordo creationis, & rerum productarum, iucundissimus. QUARTVM, finis principalis conditionis rerum. Hæc QUATVOR de multis magnis rebus nos admonent. VARIETAS enim specierum, qua adeo pulcre rerū gradus distinxit, commendat nobis opificis summam potentiam & sapientiam. PROPRIETAS & uis rebus insita, bonitatem creatoris prædicat, ut qui ad certas utilitates res singulas condiderit. ORDO duplex consideretur, PRIOR creationis, qui docet, omnia propter hominem condita. Vnde  
commen-



commendat Deus nobis suam paternam prouidentiam, quod antequam nasceremur, prospexerit nobis. **P**OSTERIOR ordo est rerum creatarū, quarum quatuor sunt gradus. **I**NFIMVS earum rerum, quæ sunt tantū, ut elementa, lapides, metalla, &c. **P**ROXIMVS, rerū quæ sunt & uiuunt tantum, ut plantæ, herbæ, frutices. **T**ERTIVS, rerum, quæ sunt, uiuunt & sentiunt, ut animalia bruta. **S**YMMVS rerum est, quæ non solum sunt, uiuunt & sentiunt, uerumetiam intelligunt. Hi gradus rerum hanc naturam ex prima conditione & ordinatione **D**EI obtinent, ut inferiores gradus seruiant superioribus, seruata cuiusq; dignitate. Quare ut tres primi ordines seruiunt homini, ita quartus gradus ad unum Deum colendum referri deberet. Seruant enim suum ordinem uniuersæ creaturæ, seruientes homini. Sed cum homo non seruit Deo, contra suam naturam facit, & inuertit ordinem naturæ rerum. Huius igitur ordinis consideratio duarum rerum nos admonebit. **P**RIIMUM enim, quæ sit hominis excellentia, ostendit. **E**xcellet enim omnia, quæ infra suum ordinem collocata sunt. **D**EINDE ostendit, quo omnes hominis actiones referendæ sint, nimirum ad Deum agnoscendum & glorificandum, & ad perpetuam gratiarum actionem, reddendam Deo, qui in nostrum bonum omnia condiderit.

**P**OSTREMVM eorum quatuor, quæ spectanda sunt in creaturis, est **F**INIS creaturarum, qui ex ordine earundem haud obscure intelligi potest. Elementa enim et creaturæ primi ordinis ordinantur ad alias creaturas digniores, ita ut ordo rerum trium graduum ad hominē, hominis uero sit ad Deum agnoscendum & glorificandum.



dum. Hinc Salomon Prouerb. 16. Vniuersa propter se-  
metipsum operatus est Iehoua. Propter semetipsum,  
hoc est, ut ipse ex ijs agnoscatur, laudetur & glorifice-  
tur. Non enim res creauit, ut illis uteretur, quia nec il-  
lis nec nostris bonis indiget. Psalmo 16.

### TESTIMONIA CREATIONIS.

Genesis 1. In principio creauit Deus cælum & ter-  
ram. Lege historiam creationis primo & secundo ca-  
pite Geneseos.

Psalmo 33. Verbo Iehoua cæli firmati sunt, & spiritu  
oris eius omnis uirtus eorum.

Psalmo eodem: Quoniam ipse dixit, & facta sunt,  
ipse mandauit, & creata sunt.

Psalmo 18. Cæli enarrant gloriam Dei, & opera ma-  
nuum eius annunciat firmamentum.

Prouerb. 16. Vniuersa propter semetipsum operatus  
est Iehoua.

### CAPVT III.

## DE PROVIDEN- TIA DEI.

**P**ROVIDENTIA Dei est non solum ipsa diuina  
ratio, qua is cuncta præterita & futura uidet &  
cognoscit: sed etiam administratio diuina, per quam De-  
us sustentat, gubernat & moderatur omnia a se condita,  
in sui nominis gloriam. SED HUIUS administratio-  
nis tres sunt modi.

PRIMVS



PRIMVS EST VNIVERSALIS PROVIDENTIAE, qua dirigit Deus omnes creaturas, iuxta conditionem & proprietatē, quam singulis, dum formaret eas, dedit, & nunc eas sua cura complectitur, ut stet incolūmis naturæ status. Quare cum solem, lunam, stellas cursum suum conficere uideamus, existimemus ipsa obædire Deo, ipsius iussa exequi, neque id tantum, sed Dei quoque manu gubernari, ferriq; omnia eius nutu. Nec prohibet hæc uniuersalis Dei operatio, quo minus singulæ creaturæ, tum in cælo, tum in terris, qualitatem & naturam suam retineant, propriamq; inclinationem sequatur. Vnde Augustinus dicit, DEVM res conditas sic administrare, ut eas proprijs motibus agere sinat. Nam hoc ipsum est prouidentia Dei, ut non solum naturam, uerum etiam inclinationem modumq; naturæ agendi sustentet.

SECUNDVS modus SPECIALIS PROVIDENTIAE est, qua Deus moderatur omnia, & addicit creaturas in obsequium suum, ut maxime expedire & conducere sibi uideatur. Hac pluuias, tonitrua, gelu, grandinam, siccitatem, tempestatem, serenitatem, abundantiam, famem, bellum, pacem, exilium &c. efficit, ut hæc sint bonitatis, & iusticiæ, & iudicij sui instrumenta, prout nunc seruos suos iuuare, nunc fontes punire, nunc pios castigare paterno affectu constituit, idq; iuxta promissiones suas & minas, non aliqua Stoica necessitate. EST autem hæc REGULA inprimis tenenda, quod sub diuinam prouidentiam non tantū cadant effectus futuri, sed etiam ex quibus causis, quo medio, quoq; ordine proueniunt. Fur strangulatur, idq; prouidentia diuina, quia furatum commisit tali supplicio dignum, nequaquam strangulan

E

gulan



gulandus, ea uel simili causa non præcedente: etsi interdum nobis causæ talium suppliciorum occultæ sunt. PROINDE in euentibus ad promissiones & minas diuinas, & non ad stoicam necessitatem respiciendum est.

TERTIVS modus est providentia peculiaris, qua Deus uiuit & regnat in Ecclesia Christi, erigit & fouet fideles, operatur uelle & perficere, inspirat precandi affectum, efficit ut in præceptis suis ambulemus, iuxta suam promissionem, Ezech. 36. Auferam cor lapideum de carne uestra, & dabo uobis cor carneum, & faciam, ut in præceptis meis ambuletis, & iudicia mea faciatis. Quatenus enim corrupti sumus peccato originali, terræ siccae & sterili persimiles sumus, boni fructus nihil omnino producenti. Nam corruptum est iudiciū nostrum, uoluntas nostra Deo rebellis, ad malum procliuis et propensa, deniq; tota nostra natura uitiosa est. Quod cum ita sit, ipse Dominus peculiari cura reformat in nobis iudiciū, operatur in nobis & uelle & perficere. Sed interrim notandum est, nos a natura electionem & uoluntatē habere: sed quia utraq; peccato deprauata est, Dominus eas sua manu reformat, & e malis bonas facit. Quod igitur ad discernendum apti sumus, quod uolumus, quod hoc uel illud facimus, id naturale Dei donum est. Quod uero nihil aliud possumus eligere, expetere aut facere, quam malum, id ex corruptione peccati est. Contra, quod bene operari cupimus, atq; exequendi potestate sumus præditi, id totum a gratia profiscitur, qua in meliorem uitam regenerati sumus.

Porro FINIS & VSVS providentiæ Dei nunc explicandi sunt. FINIS itaq; duplex. PRIOR, ut nos  
totos



totos Deo commendemus, eum timeamus, inuocemus, & prædicemus. POSTERIOR, ut secure contemnamus, quicquid nobis mundus uel Satan minatur. VSVS autem ut conspiciatur apertius, duæ obseruandæ sunt nobis distinctiones. PRIOR, quod tam in præteritum quam in futurum consideranda sit prouidentia Dei. ALTERA, quod Deus interdum cum suis medijs, interdum sine medijs, nonnunquam etiam contra omnia media, suam prouidentiam exequitur. Si igitur ad tempus respicis præteritum, diuinæ prouidentiae ascribes, quicquid uel prosperi uel aduersi tibi contigit, sed diuersimode. Si enim quid prosperi contigit, habes occasionem celebrandi Dei, idque exemplo sanctorum Patriarcharum, Regum, atque adeo omnium piorum. Si quid aduersi contigit, duo facies, PRIMVM cogita cum Iob: Sicut Domino placuit, ita factum est, DEINDE ante actæ uitæ subeat memoria, ut uel ex penis tibi inflictis peccata tua agnoscas, ac emenderis, ita, ut cum Dauide dicere possis: Bonum est mihi Domine, quod humiliasti me. In tempus futurum hoc modo reputanda est prouidentia Dei, ut semper ad eius promissiones & minas intentus sis, hinc ad Dei timorem, fidei, inuocationisque profectum incitaberis. Non enim carnis torporem, sed quietem fidei asferre nobis debet prouidentia Dei. Deinde etiam aduersus crucis acerbiteriam armaberis. PORRO si per media prospicit tibi Dominus, accipe tanquam a manu Dei, & illi gratum te exhibe. Media autem, ut prouidentiae Dei instrumenta, agnoscito. Si absque medijs, ut si sine pane te in carcere sustentaret, uerbo Domini hoc ascribendum est. Si contra media nobis prouidet Dominus, hoc est, cum nulla

B 1

obstacula



obstacula prouidentiam paternam impedire possunt, ut cum Dauid euectus est in regnum, Saule contra cum tota familia reclamante: cum Daniel in spelunca leonum liberatur, & tres uiri in camino Babylonico, habemus materiam prædicandi & celebrandi DEI. Hodie Ecclesia, uel inuitis inferorum portis, Dei prouidentia in hoc regno & alibi conseruatur. Hæc si cogitaremus, non adeo sacrilege abiecta fiducia in Deum, confugeremus ad humana præsidia, & in fauore pulueris & cineris spem poneremus, quam proteruiam non uno in loco scriptura maledictam pronunciat, Ieremiæ 17. Maledictus homo, qui ponit fiduciam in homine, & ponit carnem brachium suum.

TESTIMONIA PROVIDENTIAE  
VNIVERSALIS.

Psal. 104. secundus qui incipit: Benedic anima mea Dominum: prædicat hanc uniuersalem administrationem.

Paulus Act. 17. In ipso enim uiuimus, mouemur & sumus, id est, per ipsum datur, sustentatur & fouetur uita nostra.

Ebræ. 1. Ferens omnia uerbo potentia suæ.

Matth. 10. Nonne duo passeret assè ueniunt, & unus ex illis non cadit super terram sine patre uestro?

1. Timoth. 6. Qui uiuificat omnia.

TESTIMONIA PROVIDENTIAE  
SPECIALIS.

Psal. 127. Nisi Dominus ædificauerit domum, frustra laborat qui ædificat eam.

Prouerb.



*Proverb. 3. Egestas a Domino in domo impij, habitacula autem iustorum benedicentur.*

*Psal. 36. Homines & iumenta iuuabis Domine.*

*Huc Psalmus 107. referendus est.*

*Huc refertur, quoties Dominus per Prophetas dicit, se tenebras & lucem, uitam & mortem immittere.*

TESTIMONIA PECULIARIS  
providentiæ, quæ est electorum.

*Psal. 1. Nouit Dominus uiam iustorum.*

*Psal. 33. Ecce oculi Domini super metuentes eum.*

*Matt. 10. Vestri capilli capitis omnes numerati sunt.*

*Huc Psalmus 91. Qui habitas in adiutorio altissimi, totus referendus est. In hoc enim pulcherrime ostenditur, quod Ecclesia Christi sit ueluti theatrum providentiæ Dei.*

CAPVT IIII.

H O M O.

**H**OMO est creatura Dei, constans corpore & anima rationali, ad imaginem Dei, cum libera uoluntate condita, præsesq; creaturarum inferiorum ordinum constituta, ut Deum in societate agnoscat & celebret. Hæc definitio sumta ex secundo capite Geneseos conuenit homini, ut creatus erat a Deo, dum erat adhuc in honore, ut Psalmus 49. loquitur, hoc est, in statu innocentie ante peccatum.

Scire autem oportet, quod Scriptura sacra quadruplicis



plicis status hominis meminit, quorum PRIMVS fuit ante peccatum, Gen. 2. SECUNDVS sub peccato. TERTIVS sub gratia fœderis, Gen. 3. Et passim in scripturis. In quo statu soli sunt ij, qui fœderis participes facti sunt. QVARTVS status post hanc uitam, & is uariat. ANTE enim resurrectionem, corpus in sepulcro, anima in requie erit: POST resurrectionem uero coniungentur animæ corporibus, ut uel requie æterna fruantur simul, uel pœnas luant suæ iniusticiæ. Iuxta horum statuum diuersitatem, hominis conditio mirabiliter uariat. Quare breuiter admonebo, qualis nam sit homo in diuersis illis statibus. IN primo igitur statu, quem uocant statum innocentiae, qualis fuerit homo, ideo breuius dicam, quia postea rursus repetendum est, ubi dicetur de iusticia originali. Habuit itaq; homo in hoc primo statu. 1. imaginem Dei. 2. integritatem. 3. *ἰουδαϊα* omnium uirium. 4. uerbum. 5. duplex sacramentum, immortalitatis & probationis. SED hæc apertius declaranda sunt, ac primum de imagine dicendum est.

## I.

IMAGO itaq; quid sit, non est obscurum. Est enim rei alicuius expressio seu repræsentatio, idq; tum in anima hominis, uidelicet in parte cognoscente, tum extra animam. Cum enim mens humana cogitat aliquid, imaginem quandam rei ueluti pingit & delineat, ut quoties cogitat aliquis hominem notum absentem, mente quasi delineat corporis figuram, quam intuetur de absente cogitans. Ad eundem modum pictor manu exprimit delineamenta corporis, cuius imaginem pingit, ut absentis formam, quantum fieri potest, refrat et repræsentet picta imago.



imago. Hanc esse propriam significationem imaginis manifestum est, quam appellationem uerbum Dei accommodat æterno λόγῳ, deinde & homini, ac uocat imaginem Dei, quæ ipsum Deum repræsentat & refert.

Sed hæc duplex est, naturalis nimirum & gratuita. NATURALIS Dei imago in solo Christo est, et est duplex, essentialis, & per uirtutē. ESSENTIALIS est eiusdem essentiæ cum Patre, unde et ὁμοῦσι & dicitur co æterna et co æqualis. Ut enim in nobis cogitatio format imagines rerum, de quibus cogitamus: ita æternus Pater sese ab æterno intues et cogitans gignit imaginē sui. Sed nos non transfundimus substantiam in imagines illas, in mente formatas, quæ re ipsa sunt subitæ et euanescentes actiones. At Pater æternus ab æterno gignit imaginem, cōmunicata ipsi essentia. Hanc essentialē Dei imaginem, hoc est, Christū dominū, epist. ad Ebr. uocat characterē substantiæ Patris, hoc est, imaginē substantialē, qua filius est ὁμοῦσι & cū psona Patris. Vocatur & λόγῳ eadem ratione. Ut. n. imago in nobis cōcepta est λόγῳ, hoc est, uerbum mentale: ita Filius Dei λόγῳ est æterni Patris imago, ineffabili ratione cōmunicata essentia ab æterno. IMAGO Dei per gloriam uirtutis (quam epist. ad Ebr. ἀπαύγασμα gloriæ uocat) est, quæ refulget in Christo per operum diuinorū uirtutē, unde et patris cælestis potentia gloriosa, & uoluntas paterna conspicitur. Ita .n. se totum in Christo patefecit Deus, ut in ipso immensam suam bonitatem, sapientiā, uirtutem ac φιλανθρωπίαν in solidum declarauerit. De hac imagine loquitur dominus Ioan. 14 Philippe qui uidet me, uidet & Patrem. Et quoniam uirtutis similitudo (ut inquit Hilarius) non potest

E 4

esse



esse dissimilis naturæ, recte ex uirtutis similitudine, essentiae similitudo concluditur. Virtus enim Christi præsentis diuinitatis uisibilis est imago, qua Deus nobis, per se inuisibilis, quodammodo redditur uisibilis. Nec potest hæc uirtutis gloria Prophetis aut Apostolis tribui, qui diuina opera ediderunt. Non enim propria, sed Christi uirtute & inuocatione id fecerunt, ad confirmandam Christi gloriam.

PORRO IMAGO DEI per gratiam ea est, secundum quam primus homo factus & formatus fuit, iuxta illud: Faciamus hominem in imagine nostra, secundum similitudinem nostram. Hæc imago in homine tripliciter considerari potest. PRIMVM, ratione substantiæ: DE INDE ratione donorum, quibus ornatus erat primus homo: TERTIO, ratione eminentiæ super alias creaturas. AVGVSTINVS imaginem Dei, quæ ratione substantiæ spectatur, interpretatur hoc modo: Memoria in mente hominis significat Patrem æternum generantem Filium. Cogitatio significat Filium, unde & λόγος æterni Patris dicitur. Voluntas Spiritum sanctum significat. Neque dubium est, æterni Patris & Filij & Spiritus sancti discrimina in humana mente esse adumbrata. Est mens quidem una simplicissima natura, sed in ea sunt istæ tres proprietates: Memoria, Cogitatio & Voluntas, quæ repræsentant tanquam obscuræ quædam umbræ, personarum in diuinis discrimina.

Verum si ad DONA referas hanc Dei imaginem in homine, erit profecto imago Dei, conformitas & similitudo, quæ Adamo erat cum Deo, qua iusticiam & sanctitatem



Et tatem D E I quasi in speculo repræsentauit Adam. Vnde Paulus Epheseos 4. Et induatis nouum hominem, qui secundum Deum creatus est, in iusticia & sanctitate ueritatis. Huius imaginis finis fuit, ut Adam cum sua posteritate in sanctitate & iusticia omnibus diebus seruiret Deo. Ratione ORDINIS seu EMINENTIAE ad alias creaturas, homo erat conditus ad imaginem Dei, ut qui DOMINVS omnium rerum inferiorum ordinum erat constitutus, quæ quidem imago non ad puritatem & sanctitatem cordis, sed ad externam ordinationem Dei pertinet. Vnde Paulus primo Corinthheos undecimo, Virum imaginem & gloriam Dei docet. In eminentia enim, qua uir mulierem antecellit, gloria & imago Dei quodammodo conspicitur, quem admodum in omni principatu.

HAS TRES partes imaginis Dei esse non est dubium: quarum extrema, hoc est, prima & ultima, iuxta quasdam tenues umbras remanserunt in homine post lapsum: sed media pars prorsus inducta fuit per peccatum, sed per Christum in regeneratis indies reparatur & fit illi strior, quæ post resurrectionem perficietur, quando non solum mente, corde, affectibus cõformes Christo erimus, uerumetiam corporibus, quod Paulus 1. Corinth. 15. & Philip. 3. docet.

## II.

SECUNDVM, quod habuisse hominem in primo statu dixi, est integritas, quæ fuit mentis, perfecte intelligentis & rectissime iudicantis, cordis iustissime & ordinatissime appetentis, & corporis promptissime exequentis, quæ mens perfecte iudicauit, & cor recte imperauit.

E 5

III. Tera



## III.

TERTIO loco *Græciæ* posui, quæ omnium uirium pulcerrima harmonia extitit, qua mens nihil cogitauit, cor nihil appetiuit, corpus nihil executum est, nisi quod Deo probabatur. Quæ harmonia mentis, corporis & cordis cum uoluntate Dei, summum hominis bonum fuit, ratione status hominis perfectissimi.

## IIII.

SEQUITUR Verbum, quod & præceptum & cōminationem continet. Præceptum: Ex omni arbore paradisi comedes. Prohibitionem: De arbore autem scientiæ boni & mali ne comedas. Hæc arbor homini exitialis fuit, non quidem sua natura, nam bona Dei creatura erat: sed propter mandatum Dei, quod uiolare nefas erat.

## V.

POSTREMUM, quod posui in statu primo hominis, fuit sacramentum immortalitatis. Quemadmodum enim arbor scientiæ boni & mali exitio fuit Adamo propter ipsius præuaricationem (erat enim illi a Deo commendatum, ut esset explorationis seu probationis sacramentum quoddam) Ita si præcepto obtemperasset, fructus arboris uitæ sacramentum fuisset illi immortalitatis, ac quasi remedium, quo uita perpetuo conseruanda esset. Hoc aperte indicat textus, cum dicit: Nunc ergo, ne forte mittat manum suam, & sumat etiam de arbore uitæ, & comedat, & uiuat in æternum, emisit eum Dominus Deus de horto Eden, seu paradiso.

STATVS secundus hominis miserrimus est, sub peccato



cato & tyrannide Diaboli, qui qualis sit, in VIII. cap. ubi de peccato agitur, manifestabitur.

TERTIVS status gratiæ est, In hoc imago Dei, per peccatum in secundo statu deleta, instaurari incipit per Christum, naturalem Dei imaginem. Quemadmodum enim creatio hominis fuit formatio ipsius ad imaginem Dei: ita sane regeneratio piorum nihil aliud est, quam reformatio imaginis Dei in illis. In hoc igitur statu lapsus homo dextera Dei erigitur, dum in Christum credit. Vnde præclare Augustinus: Sed, quoniam (inquit) non sicut sponte homo cecidit, ita sponte surgere potest, porrectam nobis desuper dexteram Dei, id est, Dominum nostrum Iesum Christum, firma fide teneamus.

DE QVARTO statu hominis, qui est piorum quidem in gloria, hoc est, æterna beatitudine: impiorum vero in gehenna, dicam in fine symboli.

## V S V S.

PORRO vsvs huius capitis est, ut agnito fine nostræ conditionis, Christum naturæ nostræ & imaginis Dei in nobis reparatorem, firma fide teneamus, eiq; totis viribus seruiamus, in sanctitate & iusticia vera. Nunc testimonia de primo tantum statu hominis subiiciam, quia de alijs commodius suis proprijs locis dicetur.

TESTIMONIA DE  
HOMINIS PRIMO  
statu.

Genesis. I. Creavit DEVS hominem ad imaginem  
&



Et similitudinem suam, ad imaginem Dei creauit eum, masculum Et fœminam creauit eos.

Genesis 2. Formauit Dominus Deus hominem de puluere terræ, et inspirauit in faciem eius spiraculum uitæ.

Psal. 49. Homo cum in honore esset, non intellexit. Hic statum innocentie honoris titulo ornat David.

Ecclesiast. 7. Solummodo hoc inueni, quod fecerit Deus hominem rectum, Et ipse se infinitis miscuerit questionibus.

Sirac. 15. Deus reliquit hominem in manu consilij sui.

Sirac. 17. Deus de terra creauit hominem, Et secundum imaginem suam fecit illum. Sapient. 2. Deus creauit hominem in integritate, Et ad imaginem similitudinis sue fecit eum. Esa. 43. Omnem uocatum in nomine meo, in gloria mea creauit eum, formaui eum, feci eum.

## CAPUT V.

## IUSTICIA ORIGINALIS.

**T**Ametsi facile colligi potest ex ijs, quæ diximus de statu hominis ante lapsum, quæ qualisq; sit iusticia originalis: tamẽ utile est, tenere aliquã breuẽ descriptionem, qualis hæc esse poterit: IUSTICIA originalis est integritas naturæ humanæ, in qua refulget imago Dei, obædientia, Et iustitia omnium uirium, mentis, cordis, corporis, erga Deum, adeoque ipsa generis humani approbatio Et acceptatio apud Deum.

In hac definitione duo complexus sum, nimirũ materiale Et formale iusticiæ originalis. MATERIALE est integritas naturæ humanæ, lux mentis, uoluntatis conuersio



uerſio ad Deum, cordis obœdientia, & eũragia omnia  
um uirium in homine. FORMALE uero eſt ipſa ap-  
probatio & acceptatio hominis apud Deum. Descri-  
ptionis huius membra ex testimonijs ſupra commemo-  
ratis de ſtatu hominis confirmantur.

## V S V S.

Vſus eſt, ut lapſum noſtrum ab hac iuſticia deplorea-  
mus, ac totis uiribus anhelemus, ut eam per CHRIS-  
TVM recipiamus.

## CAPVT VI.

LIBERVM AR-  
BITRIVM.

**M**ULTI ſunt, cum ueterum, tum recentium acutæ  
& doctæ diſputationes de libero arbitrio, quas  
ut eo rectius intelligant adoleſcentes, primum exponam  
quædam uocabula, quorum cognitio faciat ad intelligen-  
dam rectius hanc doctrinam.

SIX ſunt in homine, quantum ad hoc negotium at-  
tinet, ſpectanda: Vita, Senſus, Appetitus, Ratio, Vo-  
luntas, Voluntatis libertas. VITA ipſa eſt internus  
& naturalis motus, uigens tantum intrinſecus. SENSUS,  
eſt uitalis in corpore motus, uigens etiam extrinſe-  
cus. APPETITVS, eſt naturalis uis in animante,  
mouendis auidè ſenſibus attributa. RATIO, eſt ſacula-  
tas naturalis iudicandi res oblatas. VOLUNTAS, eſt  
motus naturalis, rationi, appetitui, & ſenſui præſidens.  
Hæc ſane quocunq; ſe inclinauerit, ſemper habet ratio-  
nem



nem comitem, & quodammodo pedissequam, non quod semper ex ratione, sed quod nunquam absq; ratione moueatur, ita, ut multa faciat per ipsam contra ipsam, hoc est, quasi per eius ministerium contra eius consilium & iudicium. Hinc illa uox Medæ:

uideo meliora proboq;

**Deteriora sequor.**

PORRO ratio uoluntati data est, ut instruat illam, non ut destruat: destrueret autē, si necessitatem ei ullam imponeret, quo minus libere pro arbitrio se uoluerit, siue in malum consentiens, siue in bonum. Si horum altera utrum prohiberet ratio, uoluntas non esset uoluntas. Voluntas enim coacta proprie uoluntas dici nequit, licet serua sit in non renatis. Iam unde sit liberum arbitriū, ex prædictis colligendū est, nempe, quod sit spontaneus ex uoluntatis libertate & rationis arbitrio, hoc est, iudicio consensus. Ratio enim non imperat uoluntati, sed ut consiliarius fidus iudicat, relinquens uoluntati imperandi munus. Ratio Medæ uoluntati dictauit *royal* erga prolem conseruandam, quod iudicium etsi probauit uoluntas, tamen ut domina media ad imperandum elegit contrarium, idq; sponte & libere.

Quare LIBERVM ARBITRIVM est facultas, qua uoluntas sponte sua, minime coacta eligit uel respicit quod ratio iudicat. Vt enim arbitrium, iudicium rationis, ita libertas uoluntatis inclinationem liberam in hoc uel illud monstratum a ratione respicit. Hic certe libertas seruituti non opponitur, sed necessitati seu coactioni, quæ nullo pacto sine implicatione contradictionis cum uoluntate stare potest. Cum itaq; Theologi quidam libe

rum



rum arbitrium oppugnant, non tollunt libertatem uoluntatis, quatenus sua sponte & uoluntario motu hoc eligat, uel illud reiicit: sed quatenus serua esse negatur captiua sub peccato. Hanc enim opinionem impugnant, non Stoicam statuunt uoluntatis necessitatem. Vnde fit, quod interdum non tam de rebus, quam de uocabulis certetur, dum alij libertatis uocabulū opponunt necessitati, alij seruituti. Si enim libertas necessitati seu coactioni opponitur, uoluntatem tollit, qui eius libertatē enervat. At si opponitur seruo, gratiæ hostis est, qui libertatem, quantū ad iusticiam spiritualem attinet, homini non Renato uindicat. Atq; in hunc modum philosophice fere inter Theologos disputatur.

QVONIAM autem in quæstione de libero arbitrio in Ecclesia quæritur (ni fallor, libenter enim me doctorum iudicio subijcio) simul de iudicio, uoluntate & uiribus hominum, in ijs præstandis, quæ ad salutem animarum pertinent: deinde quia Græcorum uocabulum nimium arrogans est, quo non tantum uoluntatis spontaneus motus ad aliquid, sed etiam uirium libera facultas significatur: (Est autem uocabulum Græcis usitatum in hac quæstione ἀντιζέπιν, selfmegtighedt/ quasi homo ex se haberet non solum eligendi facultatem, uerumetiam præstandi uires, quemadmodum Pelagius somnauit) subijciam explicationem huius quæstionis, quatenus liberum arbitrium etiā facultatem præstandi, quæ uoluntas imperat, cōplectitur. Sitq; hæc definitio: LIBERVM ARBITRIVM est facultas rationis quidem ad malum bonumue discernendum, uoluntatis uero ad utrumuis eligendum, deniq; & uirium, ad utrumlibet præstandum.



dum. Nam ut aliquid recte fiat uel geratur, requiritur PRIMVM iudicium sanum, DEINDE uoluntas media ad imperandum, POSTREMO conatus seu uires quæ obsequium præstant. Hinc sequitur, illic demum esse liberum arbitrium, ubi iudicium sanum est, uoluntas prompta, uiresque ad agendum idoneæ. Quare cum hæc omnia in primo statu hominis absoluta & perfecta fuerint, ibi quoque liberum arbitrium fuisse minime impeditum; manifestum est.

VERVM cum de libero arbitrio quæritur, quæstio est potissimum: AN HOMO post lapsum a suo primo statu habeat liberum arbitrium nec ne? Ut ad hanc quæstionem plane & sine errore respondeatur, tria sunt notanda. PRIMVM enim constituenda est regula ex ijs, quæ dicta sunt. DEINDE distinguendi sunt actionum gradus. TVM actionibus applicanda est regula.

REGVLA hæc est: Liberum arbitrium earum est rerum, quarum iudicium integrum existit, uoluntas non impedita, & uires sufficientes.

GRADVS actionum, quantum quidem ad hoc nostrum propositum attinet, quatuor constituentur. PRIMVS GRADVS sit actionum, quæ hominibus cum brutis magna ex parte communes sunt, ut quæ pertinent ad conseruationem naturæ seu indiuiduorum. Huius generis sunt, educare, tueri natos, edere, bibere, uestire, ædificare, uigilare, dormire, ire, stare, sedere, & id genus alia. SECVDVS gradus actiones rationis complectitur, quarum aliæ sunt communes, aliæ priuatæ: aliæ politicæ, aliæ æconomicæ. Huius generis sunt, gerere magistratum, seruire, contractus exercere, colere agros, exercere



exercere artificium, nauigare. TERTIVS gradus Ecclesiasticorum operum est, quæ pertinent ad ministerium conseruandum, ut, docere uerbum, hac uel illa hora conuenire, audire uerbum, administrare Sacramenta, percipere Sacramenta, his uel illis ceremonijs uti. QUARTVS gradus diuina opera complectitur, ut, implere legem Dei, præstare fidem, credere, recte orare, diligere inimicos. Breuiter eorum operum est hic gradus, quæ lege sua Deus a nobis requirit, quod ad interiorem & ueram obædientiam attinet.

HIS GRADIBVS actionum ita constitutis, non erit difficilis regulæ accommodatio. Quare pro diuersitate horum graduum, ad quæstionem sic respondendum est: In PRIMO actionum gradu homo liberum arbitrium habet. Potest enim naturæ sensu actiones huius gradus discernere, potest etiam naturali impetu ad eas ferri, nec uires in hac parte adeo fractæ sunt, quin obsequium appetitui præstare possint. In SECUNDO & TERTIO gradibus, impediuntur duabus rebus, tyranni de diaboli, & uirium imbecillitate, nec iudicium hic est tam integrum, nec uoluntas adeo alacris, ut in primo genere. Hinc illud Medæ:

uideo meliora proboq;

Deteriora sequor.

Et experientia testatur, quam imbecilles sint homines, etiam in his externis actionibus, & maxime in ijs, quæ uocationem uniuscuiusque attingunt, & ad disciplinam pertinent. Quare hic agnoscenda est cum imbecillitas nostra, tum tyrannis diaboli: & orandus est Deus, ut nobis asit, ac inuict nos, nec sinat diabolus in nos grassari

F pro



pro sua libidine. **LIBERTATIS** autem in his tribus gradibus actionū tres sunt causæ. **PRIMA**, ut sit dis-  
crimen inter agens liberum, & agens non libere. **SE-**  
**CUNDA**, ut sciamus Deum esse agens liberrimum. Ne-  
que enim causæ effectu natura imbecillior, aut minus effi-  
cax est. Quare Stoicorum delirium de necessitate depen-  
dentiae primæ & secundarum causarum (quo sentiunt  
Deum nihil posse agere, nisi quatenus ciet secundæ caus-  
sæ) est fugiendum & detestandum. **TERTIA**, ut pos-  
sit in societate humana gubernatio aliqua esse. Sunt e-  
nim **DVO** genera actionū, quæ ad externam disciplinam  
pertinent, eaq; relicta post depravationem in uoluntate.  
Horum **VNUM** est *θεωοῦν*, quo uoluntas imperat lo-  
comotiua: **ALTERVM** *προαγγελῶν*, cum uera & se-  
ria electione seu proaressi, honestas actiones antefert uo-  
luntas. Restat **QVARTVS** gradus actionum, in quo ho-  
mo sibi relictus, nihil plane potest, nullam omnino habet  
uoluntatis libertatem. Nam & iudicium decipitur, &  
uoluntas deficit, & uiribus destituimur. Hoc **PRIMVM**  
confirmari potest Pauli dicto, qui post Dauidem  
ita inquit: Non est iustus, ne unus quidem, Non est qui  
intelligit (hic adimitur iudicium) Non est qui quærit  
Deum (ostenditur uoluntatis auersio) omnes declinaue-  
runt, simul inutiles facti sunt, (hic uires & conatus au-  
feruntur) **DEINDE** Paulus 1. Corint. 2. de iudicio ita  
inquit: *Ψυχὴς δὲ αὐθάρτης ἡ δὲ χεῖρα τὰ ἑπὶ τὸν θάνατον*  
*ἔχει.* Id est, Animalis homo non capit ea, quæ sunt  
spiritus Dei. Rom. 8. *φρόνησις* carnis, simultas est erga  
**DEVM**, nam legi **DEI** non subijcitur, nec enim potest.  
Hoc Pauli dictum clare docet, mentem, uoluntatem &  
affectus



affectus hominis, quatenus sibi relinquitur, aperte aduersari DEO.  $\Phi\epsilon\gamma\omega\nu\mu\alpha$  enim genus est ad omnes actiones. Item Philipp. 2. Deus est, qui operatur in nobis & uelale & perficere, pro bona uoluntate. Item Ezech. 36. Auferam cor lapideum de carne uestra, & dabo uobis cor carneum, & Spiritum meum ponam in medio uestri, & faciam, ut in præceptis meis ambuletis. Recte igitur de gradu operum Bernardus inquit: Si discernere uolumus (scilicet nobis relictis) inter bonum & malum, decipimur: si tentamus facere bonum, deficimus: si conamur resistere malo, deijcimus & superamur. Quemadmodum enim auicula pede alligata, uolare incipiens funiculo in terram detrahatur: sic quoque mens hominis ad rerum cælestium actiones uolare contendens, ab affectibus retrahitur, nisi alis Christi subuehatur, hoc est, uerbo & Spiritu sancto iuuetur.

VERVM hic monendi sunt auditores, quod uocabulum LIBERTATIS in hac disputatione non opponitur coactioni, sed seruituti, ut supra dictum est. Libertas enim & seruitus inter se ita pugnant, ut qui alterum dixerit, alterum neget. Cum igitur Paulus Rom. 6. totum hominem, quatenus suæ naturæ relinquitur, dicit esse uenditum sub peccato, nemo non uidet libertatem sublatam esse, & in eius locum seruitutem successisse. Notanda sunt ergo hæc antitheses, quod ut liberum arbitrium seruo, ita coactum spontaneo aduersatur, quas differentias breuiter definitionibus illustremus. LIBERA itaque uoluntas est, quæ bonum & malum eligere habet in sua potestate, quæ spoliatum hominem superiora testimonia testantur. SERUA, quæ propter corruptionem sub mala-



rum cupiditatum imperio captiua tenetur, ut nihil aliud quam malum eligere possit, etiam si id sponte & libenter non externo motu impulsam faciat. Vnde Bernardus: Libera est uoluntas mala, quod mala: sed seruilis eo ipso, quod mala. Omnis enim qui facit peccatū, seruus est peccati. Hic Bernardus manifeste liberum opponit coacto, non seruo. Seruum enim arbitrium statuit, et si liberum fateatur, quæ sane stare simul non possunt, si liberum seruo opponeret. COACTA uoluntas est, quæ non sponte sua, non interiore electionis motu inclinatur huc uel illuc, sed externo motu uolenter fertur. Talis uoluntas nulla esse potest, cū alterū alteri repugnet. SPONTANEA coactæ opponitur, ultro enim se flectit, quocūq; ducitur, non autē trahitur aut rapitur inuita. Hanc concedimus homini, ut si quid mali faciat, sibi & uoluntariæ suæ electioni imputare debeat, hæc spontanea uoluntas omnino a libera uoluntate, seu a libero arbitrio, diuersa est. Non enim seruo opponitur, sed coacto, ut iam demonstratum est. CAETERVM quia nō eodem significatu accipitur libertatis uocabulum ab omnibus. (alij enim libertatem seruituti opponūt, ut Lutherus: alij coactioni, ut Bernardus, & multi alij) poteris breuiter ad quæstionē, (Num homo habeat liberum arbitrium) hoc pacto respondere: Si liberum opponis coacto, uere hominis uoluntatem liberam pronuncio, nam uoluntas coacta, uoluntas non est, cedit enim uoluntati necessitas. At si liberum seruo opponis, quod faciunt summi quique Theologi, Græci & Latini, distinguo inter externam disciplinam, & iusticiam spiritualem. In externa disciplina uerbū Dei & experientia testantur, homini aliquam libertatē esse restitutam.



licitam. At quia Christus dicit: Sine me nihil potestis facere, & Paulus idem de se testatur, & infinita testimonia Scripturæ hoc ipsum conuincunt, dico uoluntatem liberandam esse per Christum, & reformandam manu Dei, priusquam spirituales iusticias præstare possit.

DEINDE & hoc obseruandum est, quod dum negamus iudicium, uoluntatem & uires ad bene agendum: non negamus has facultates simpliciter, & quantum ad substantiam pertinet, sed quantum ad habitus. Iudicare enim, uelle & agere, naturæ sunt. Verum quemadmodum inique iudicare, male uelle, & prauè agere, corruptioni imputanda sunt: sic rectè iudicare, bene uelle, & rectè agere, gratiæ supernaturalis sunt beneficia.

## V S V S.

SED horum quis usus? Non augebunt in nobis discordiam, sed PRIMVM, quoniam ratio non percipit ea, quæ sunt spiritus Dei, monemur hic, ut uerbum Dei audiamus, unde iudicium nostrum corrigitur. DEINDE spiritum sanctum rogamus, ut ex corde lapideo carneum faciat, atq; uires suppeditet. Qua de re pulchre monet Augustinus, inquiens: O homo, in præceptione cognosce, quid debeas habere: in correptione cognosce, tuo te uicio non habere: in petitione cognosce, unde accipias, quod uis habere. Ita futurum est, ut mens illuminata rectè iudicet, cor reformatum manu Dei, uoluntarium efficiatur, & homo pro gratiæ mensura, quam accipit, conctur, & ad obsequium applicet suas facultates seu uires. Ex quibus relinquitur, præcipuas spiritualium actionum causas esse, Verbum Dei, quo formatur iudicium:



cium: Spiritum sanctum, quo reformatur cor: & uoluntatem spontaneam, uerbo Dei & Spiritui sancto obsequentem.

TESTIMONIA, QVIBVS

EVERTITVR LIBERV AR-

bitrium, in negocijs salutis

sine gratia.

1. Corinth. 2. Animalis homo non percipit ea, quæ sunt spiritus Dei.

Philip. 1. Qui cæpit in uobis opus bonum, usq; in diem Iesu Christi perficiet.

Philip. 2. Deus est, qui operatur in uobis, ut & uelitis & efficiatis, pro beneplacito.

Ioan. 15. Sine me nihil potestis facere.

Item: Nemo uenit ad me, nisi quem Pater traxerit.

Rom. 8. Spiritus adiuuat infirmitates nostras.

Gen. 8. Sensus & cogitatio humani cordis in malum prona sunt omni tempore.

Psal. 13. Non est, qui faciat bonum, non est usq; ad uinum. Dominus de cælo prospexit, super filios hominum, ut uideat, si est intelligens, aut requirens Deum.

Roma. 7. Velle adiacet mihi: at ut faciam bonum, non reperio.

Prouerb. 16. Cor hominis disponit uiam suam, sed Domini est dirigere gressus eius. Regenerati uoluntatem bonam habent ex gratia, sed facultatem non habent, quæ exercitijs quidem crescit, in uita uero beata perficietur.

CAPVT



## CONTINGENTIA.

**C**ONTINGENTIA est euentus eius rei, quæ habuit causas, quæ sua natura aliter agere poterant. Quanquam autem Deus sustentet naturam, quemadmodum supra declaratum est, tamen naturæ agendi modum relinquit, & non tollit suo moderamine, sed una cum natura sustentat. Nunc autem ordinauit Deus, ut alia naturaliter agant, ut ignis: alia libera uoluntate & electione, ut homo. Quare dubium non est, quin multi effectus reuera sint contingentes.

VT autem hæc res clarius percipiatur, notandum est, in natura duos esse causarum gradus, quantum quidem ad hoc nostrum propositum attinet. QUÆDAM enim causæ sunt necessariae in se & in ordine ad effectus, ut motus cæli ad eclipses, & alios effectus, qui ex motu orbium necessitate physica eueniunt. Huiusmodi effectus futuri, non quidem contingentes, sed necessarij sunt. ALIÆ sunt causæ, quæ non sunt necessariae, saltem per comparisonem ad effectus, ut eos necessario producant, imo possunt non producere eos. Atq; huius generis effectus sunt futuri non necessarij sed contingentes. Verum horum duplex est differentia. Nam quædam causæ ad producendos tales effectus determinatæ sunt, qui effectus sunt futuri non necessarij sed contingentes, quia eorum causæ ad producendos tales effectus determinatæ sunt, qui effectus etiam sunt contingentes, quia eorum causæ poterant secus agere. Aliæ sunt causæ, quæ per se nullam habent determinationem, ad hunc uel illum effectum.



effectum producendum, sed promiscue se habent ad utramlibet, ut uoluntas Dei angelorum & hominum. Hæc uoluntas caussa est contingentiae, quia contingentia sublata, nulla omnino uoluntas reliqua manet.

DEINDE contingentiam esse, confirmat ipsa Dei prouidentia. Deus enim suæ prouidentiae ordinem per causas inferiores exequitur. Ex quo sequitur ordinem diuinæ prouidentiae esse, ut alij effectus sint necessarij, alij contingentes. Et quanquam recte dicitur: Secunda caussa non agit sine prima: tamen ex eo non sequitur, contingentiam tolli. Nam Deus non solum sustentat causam secundam, uerumetiam modum agendi, tametsi non iuuat contra ordinem suum ruentem.

PORRO duo testimoniorum genera hanc doctrinam confirmant. PRIVS, quod docet, Deum non esse causam peccati, nec uelle peccatum. POSTERIVS, quod monstrat, hominem spontanea uoluntate, alia præ alijs eligere & agere. Christus, sicuti ipse testatur, poterat obtinere a Patre duodecim legiones angelorum, tamen non obtinet: & sciebat Pater cum non oraturum, tamen poterat orare. Igitur fieri aliquid potuit, quod factum non est: neq; scientia Dei necessarias reddit omnes actiones, alioqui oporteret non solum Christum, uerumetiam ipsum Patrem seruum esse suarum actionum, utpote qui sciat, quid factururus sit: sed non ideo factururus est, quia scit: sed ideo scit, quia factururus est, habetque liberrimam faciendi, & non faciendi potestatem.

V S V S.

Vfus



VSVS doctrinæ huius est, ut Deum rogemus, ut nostras mentes, uoluntates et corpora gubernet, ne ruamus contra ipsius ordinem. DEINDE, ne Deo imputemus peccatum, neue quid tentemus, quod uel ipsius gloriam obscurat, uel nostram salutem impediat.

## CAPVT VIII.

## PECCATVM CVM

## SVIS DIFFERENTIIS.

PECCATVM in genere est inobædientia aduersus Deum, offendens Deum, maledicta & damnata a Deo. Hæc definitio sumta est ex legis sententia: Maledictus omnis, qui non permanserit in omnibus quæ scripta sunt in libro legis, ut faciat ea. Sed inobædientiæ uocabulum in Scriptura quatuor complectitur, defectum, corruptionem, inclinationem, & actionem. Peccati enim ratio in eo consistit, si quid contra legem Dei uel existit in nobis ut defectus & corruptio: uel profiscitur a nobis, ut inclinatio & actio. Hoc confirmatur Ioannis dicto, qui peccatum definit ἀνομία, hoc est, quod est contra legem Dei. Complectitur autem hæc ἀνομία duo, nempe materiale & formale peccati. MATERIALE est defectus, corruptio, inclinatio, actio pugnans cum lege Dei. FORMALE est ipse reatus. Nam & hic reatus in lege includitur, iuxta dictum: Maledictus omnis, qui non permanserit in omnibus, quæ scripta sunt in libro legis.



AMBROSIVS fere eodem modo peccatum definit, dicens: Peccatum est diuinæ legis præuaricatio, & celestium inobædientia præceptorum. HÆC in genere de peccato dicta sint, nunc eius differentias uideamus. Est autem duplex peccatum, ORIGINALE & ACCTUALE. Ordine de utroq; dicendum est.

PECCATVM itaq; ORIGINALE est, cum corruptio humanæ naturæ propagata ab Adam, tum reatus, quo nascētes propter Adæ lapsum rei sunt iræ Dei, & mortis æternæ. Porro duo sunt obseruanda in peccato originis: Materiale & Formale. MATERIALE est corruptio ipsa, hoc est deformitas & atractione omnium uirium in homine, hoc est, in mente defectus noticiæ Dei, & firmi assensus de prouidentia, promissionibus & minis Dei. In uoluntate auersio, hoc est, esse sine metu, sine fiducia ac dilectione Dei. In corde concupiscentia & impetus contra ordinem diuinum. FORMALE uero peccati originalis est reatus ipse, hoc est, ordinatum esse ad damnationem seu æternas pœnas. Natura enim, ut inquit Paulus, filij iræ sumus. Breuiter, ut iusticia originalis est integritas & approbatio: ita peccatum originis est corruptio & reatus.

CAETERVM, ut intelligamus, peccatum originis, totius hominis peruersionem esse, PRIMVM uidebimus, quæ concurrant peccata in lapsu primorum parentum. DEINDE nomina eius, quibus in Scriptura appellatur, recensebimus. In lapsu itaq; primorum parentum hæc grauissima delicta concurrunt. I. Dubitatio de uerbo Dei. II. Amissio fidei, cum non credunt Deo minanti pœnas. III. Curiositas, discesserunt enim a uerbo, &



bo & quæsierunt alienam sapientiam. IIIII. Superbia, quia uoluerunt magni fieri. V. Contentus Dei, cum uiolarunt mandatum Dei contra conscientiam. VI. Apostasia, qua anteferunt Diabolum Deo. VII. Ingratitudo, qua expellunt Spiritum sanctum in ipsis habitantem. VIII. Homicidium sui & totius posteritatis. Fuit enim hic lapsus prima ianua omnium scelerum & miserrarum posteritatis. Quare nullo pacto extenuandum est peccatum originis, quod constat ex tot horrendissimorum scelerum monstris.

IAM uaria nomina, quibus Scriptura notat peccatum originis, uideamus, quorum præcipua hæc sunt: Concupiscentia, caro, uetus homo, lex peccati, inhabitans peccatum, rebellio, lex membrorum, interdum sine addito peccatum. CONCUPISCENTIA ideo dicitur, quia in ea uim suam præcipue exerit. Hæc constat cum ignorance & incredulitate mentis, tum omnium appetitionum atque uirium a Deo abalienatione. Et damnatur ultimo decalogi præcepto, in quo omnis peccandi procliuus et motus damnatur, quemadmodum in superioribus consensus omnis in peccatum prohibetur.

CARNIS nomen eo pertinet, ut sciamus, omne quod nondum regeneratum est in nobis per gratiam, contaminatum esse, & sua natura reum. Huic opponitur Spiritus, qui significat regenerationis gratiam, ad Galat. 5.

VETUS HOMO correlatiue ad nouum hominem intelligi debet, de quibus in octauo capite secundæ Classis dicitur. LEX PECCATI ob imperium quod exercet in hominibus, dicitur. Romanis octauo: appellatur



appellatur *INHABITANS PECCATVM*, quia in carne manet perpetuo usq; ad mortem: quod tamen pro diuersitate personarum uariat, ui & efficacia. Nam in non renatis manet materialiter & formaliter simul: in renatis materialiter tantum, modo uim peccati considerans. In illis efficax est in damnationem, ut quod ipsos reos peragat æternæ mortis: in his uero remissum est, quia sublatus est reatus, & oppugnatur perpetua lucta spiritus seu noui hominis. Vel ut breuius dicatur, Peccatum originis in non renatis habitat & regnat simul: in renatis uero habitat tantum, & non regnat, propter gratiam fidei praualentem. *REBELLIO* uocatur ob perpetuum studium rebellandi legi mentis, Roma. 7.

*LEX MEMBRORVM* dicitur, quia est concupiscentia in membris sita, & membra organa sunt, per quæ exerit suam iniquitatem.

*PECCATVM* sine addito, quia est scaturigo & fons omnium peccatorum. quemadmodum Paulus ostendit his uerbis: Ne igitur regnet peccatum in mortali uestro corpore, ad obediendum ei in concupiscentijs suis. Hoc breui dicto notantur tria peccatorum genera. *PRIMUM* est innata rebellio seu peccatum natura, quod hic generis appellatione notauit. *SECUNDVM*, prauis motus erumpentes e peccato originis, quos nomine Concupiscentiæ expressit. Hi motus, quando non accedit consensus, referendi sunt ad peccatum originis, ut ad genus. *TERTIVM* genus peccati est consensus & prosecutio eius, ad quod prauis motus sollicitant. Atq; hoc tertium genus nouo reatu obstringit homines. Est enim actuale peccatum.

Porro



PORRO de huius mali radice & causis extat uerbum Genes. 3. Sed & serpens erat callidior cunctis animantibus terræ, quæ fecerat Dominus Deus, qui dixit ad mulierem: Cur præcepit uobis Deus, ut non comederetis de omni arbore paradisi? Cui respondit mulier: De fructu arborum, quæ sunt in paradiso, uescimur: de fructu uero arboris, quæ est in medio paradisi, præcepit nobis Deus, ne comederemus, & ne tangeremus illum, ne forte moriamur. Dixit autem serpens ad mulierem, Nequaquam morte moriemini: scit enim Deus, quod in quocumque die comederitis ex ea, aperientur oculi uestri, & eritis sicut dii, scientes bonum & malum. Videns igitur mulier, quod bona esset arbor ad uescendum, & pulchra oculis, aspectuq; delectabilis, & tulit de fructu eius, & comedit, deditq; uiro suo, qui comedit, & aperti sunt oculi amborum.

DE propagatione autem huius mali ab Adam in posterios, in eodem capite docetur. Et Paulus Roman. 5. fuse explicat. Ut autem propagatio huius mali recte intelligatur, obseruanda est hæc distinctio. ADAM consideratur dupliciter. PRIMO simpliciter & sine respectu ad posterios, qua ratione nullus posterorum peccator aut reus est Adæ delicto. SECUNDO consideratur relatiue, quatenus est prima radix naturæ humanæ, & pater noster. Hac quidem ratione, Adæ delicto rei sunt omnes ab eo nati secundum naturæ cursum. Quemadmodum enim leprosi parentes generant leprosos filios, qui filij & lepra parentum & propria sunt contaminati: ita & posterii Adæ, cum primi parentis contagio infecti, tum proprio uicio commaculati sunt & rei.



rei. Vnde Bernardus: Et graue quidem illud delictum originale, quod non solum personam inficit, sed & naturam. Et paulo supra: Et originale quidem maximum illud delictum, quod a primo Adam contrahimus, in quo peccauimus omnes, pro quo moriemur uniuersi, maximum plane, quod sic totum non modo genus hominum, sed & quemlibet ipsius generis occupat, ut non sit qui euadat, non sit usque ad unum, a primo homine usque ad nouissimum protenditur, & in singulis quoque a planta pedis usque ad uerticem diffunditur hoc uenenum.

HINC liquet & illud, quod peccatum originis recte dici possit tum alienum, tum nostrum proprium. ALIENVM quidem propterea, quod propagatione in nos derivatur: PROPRIVM uero, quia eius maculis inuoluimur, contaminamur & rei sumus. Patet & hoc ex dictis, peccatum originis nequaquam esse substantiam aut proprietatem naturæ, sed aduenticiam qualitatem, qua natura humana deformata est, & rea iræ Dei & mortis æternæ. Ex his quoque manifestum est, quod causa originalis peccati sit diabolus, & uoluntas primorum parentum, quæ cum esset libera, sese auertit a uerbo Dei, & non retinuit obædientiam erga DEVM. Quoniam autem dona acceperant primi parentes, pro toto genere humano, & personæ eorum representabant totam posteritatem: fit rea posteritas propter eorum lapsum: & quia ipsi amittunt prima dona, tales postea gignunt, quales ipsi sunt, amissis donis.

HACTENVS de peccato hæreditario: nunc de eius fructu, hoc est, de ACTUALI PECCATO dicendum est, quod recte definitur esse cogitatum, dictum, factum, omiſsum,



omissum, pugnans cum lege Dei. Seu peccatum actuale est omnis actio, pugnans cum lege Dei, cum in mente, tum in uoluntate & corde, tum in membris externis. Huius differentiae plurimae recitantur a Theologis, quae non a substantia & natura peccati, sed ab alia atque alia consideratione seu respectu peccati sumuntur, ex quibus praecipuas recitabo.

## PRIMA DIVISIO.

PECCATORVM aliud est MORTALE, aliud VENIALE. Hanc diuisionem ut dextre intelligamus, opus est aliqua declaratione. Peccare itaque mortaliter est peccare istud peccatum, quod meritum infert mortis. Atque id meritum mortis triplex est. PRIMVM irremissibile, ut blasphemia in Spiritum sanctum, Matth. 12. Marci 3. SECUNDVM meritum mortis est remissibile, quia etsi infert quidem meritum mortis, tamen remittitur, si istud plane desinas peccare, alioqui minime. Tale meritum inferunt peccata illa, quibus obnoxij non possunt habere partem in regno Dei. Qualia recitat Paulus ad Galatas 5. & alibi. TERTIVM meritum mortis est, quod infert peccatum habitans in sanctis, malaque eius desideria quae excitat, & impedimenta quae affert molientibus pie uiuere. Huius generis peccata VENIALIA dicuntur, mortalia quidem sua natura, morti enim per se obnoxios reddunt homines: uenialia tamen dicuntur ob ueniam, qua indulget propitius Pater ijs, qui contra haec peccata fide luctantur. Ex his facile intelligi potest, peccatum mortale quidem esse actio-



actionem internam & externam, pugnantem cum lege Dei, & factam contra conscientiam: ueniale uero affectus pullulantes, & errores incidentes, quibus non assentiuntur Sancti, sed repugnant.

## SECUNDA DIVISIO.

Aliud peccatum est OMISSIONIS, aliud COMMISSIONIS. ILLUD, cum non facimus bonum quod facere debemus: HOC, quando perpetratur malum quod facere prohibemur, siue id cogitatu, siue dicto, siue facto fiat.

## TERTIA DIVISIO.

Peccatorum aliud ex INFIRMITATE nascitur, aliud ex IGNORANTIA uenit, aliud ex INDUSTRIA seu malicia erumpit. INFIRMITATIS peccata proprie dicuntur, quæ imbecillitate nostra obrepunt, nobis inuitis & repugnantibus, ut, fastidium in actionibus pijs: metus eundi in recte factis: cupiditas illicitarum rerum: ira subita, indigna tamen Christiano: cogitationes uanæ temere oborientes: εὐτελής seu dicta nugatoria imprudentibus elapsa. Etenim in quo corde uera uerbi Dei fides manet, in eo nulla uoluntas peccati hæerere & subsistere poterit. Nam qui natus est ex Deo, peccatum non facit, quoniam semen ipsius in eo manet: & non potest peccare, quoniam ex Deo natus est. Ioan. 3.

IGNORANTIAE peccata, qualia sint, ex partitione ignorantiae intelligi potest, de qua consule Epitomen Philosophiæ moralis Philippi Melanchthonis. EX MALICIA duplex peccatum prouenit, VNUM directe pugnant



gnans contra gratiam, & est blasphemia contra SPIRITUM SANCTUM, eaq; uel incoata uel consummata: ALTERVM, non directe pugnans contra gratiam & Spiritum sanctum, ut sunt peculiare lapsus contra Decalogi praecepta, ut idololatria, furtum, homicidium, adulterium, & qualibet peculiaris transgressio legis DEI.

CAETERVM, ut clarius intelligamus, quale sit PECCATVM IN SPIRITUM SANCTUM, eius differentiae colligendae sunt per locum a concreto siue a coniugatis: & uidendum, quales fuerint, quibus hoc peccatum a Domino obiectum est, id quod ex historia Euangelica colligere non est difficile. PHARISAEI enim, quos huius peccati reos peragit Dominus, PRIMUM erant prophetijs, doctrina Christi, & miraculis eiusdem conuicti de ueritate Dei. SECUNDO scientes & uolentes uerbum cognitum odio habebant, eiq; rabiose sua obstinatione renunciabant, tum tyrannide, sophistica & hypocrisi oppugnabant uerbum agnitum. Hinc concluditur, quod peccatum in Spiritum sit uoluntaria ueritatis euidenter cognitae renunciatio & rebellio, ex odio ueritatis nata, coniuncta cum tyrannica, sophistica & hypocritica oppugnatione. Hoc ideo in Spiritum sanctum peculiariter dicitur, quia mens, uera noticia, Spiritus Dei beneficio illustrata, sponte reluctatur Spiritui illustratori. QVONIAM autem digito non possumus demonstrare, in quibus sit hoc peccatum, debemus nos a posteriori de ipso iudicare. Nam si quis a lapsu resurgit, inde colligemus, talem ab isto peccato abfuisse, quamlibet alias grauiter peccarit. Atque hinc

G

est,



est, quod quidam Theologi hoc peccatum uocarunt, non quidem a substantia, sed ab euentu, **FINALEM IMPOENITENTIAM**, quia inde nos tantum iudicium sumere debemus, quantum quidem ad homines attinet, in quibus est. Manasses multis annis rabiose persecutus est uerbum Dei, erectis abominandis idolis contra Dei præceptum. Verum quia postea pœnituit eum facti, & egit pœnitentiam, peccatum in Spiritum sanctum nequaquam consummauerat. Contra, Phariseorum pars maior hoc peccato obstricta erat, nam a lapsu non resurrexit.

#### QUARTA DIVISIO.

Peccatorum alia uoluntaria sunt, alia inuoluntaria. **VOLUNTARIA**, quæ destinato consilio & proposito scientes & uolentes homines perpetrant. **INVOLUNTARIA**, quibus pij reluctantur, ut sunt caligo in mente, dubitatio, item multa peccata ignorantiae & omissionis. Hanc distinctionem confirmat quintum caput Leuitici, in quo oblationes fieri iuebantur pro uoluntarijs & inuoluntarijs delictis. Item, Paulus inquit: Quod nolo malum, hoc facio.

#### TESTIMONIA DE PECCATO ORIGINIS.

**GENESIS 3.** historia lapsus primorum parentum recitatur, quemadmodum supra admonui, ubi causæ significantur duæ principales nimirum inuidia satanæ, et uoluntas hominis.

**Iob 14.** Quis poterit facere mundum de immundo conceptum semine?

Prover.



Prouerb. 20. Quis potest dicere : Mundum est cor meum, purus sum a peccato.

Roman. 5. Quemadmodum per unum hominem peccatum in mundum introiit, ac per peccatum mors, & sic in omnes homines mors peruasit, quatenus omnes peccauerunt, id est, omnes rei sumus & contaminati & inuoluti peccatis primorum parentum.

Ephc. 2. Eramus natura filij iræ, sicut & cæteri.

TESTIMONIA, DE  
ACTUALIBVS.

3. Reg. 8. Non est homo, qui non peccet.

Psal. 13. Corrupti sunt & abominabiles facti sunt in studijs suis, non est qui faciat bonum, non est usque ad unum.

Ecclesiast. 8. Ne despicias hominem auertentem se a peccato, neq; improperes ei, memento, quia omnes in corruptione sumus.

Matt. 12. Omne peccatum & blasphemia remittetur hominibus, Spiritus autem blasphemie non remittetur. Et quicumque dixerit uerbum contra Filium hominis, remittetur ei : qui autem dixerit contra Spiritum sanctum non remittetur ei, neque in hoc sæculo neque in futuro.

Marci 3. Amen dico uobis, omnia remittentur filijs hominum peccata & conuicia, quibuscunque conuiciati fuerint. At qui dixerit conuicium in Spiritum sanctum, non habet remissionem in æternum, sed obnoxius est æterno iudicio,



PORRO huius Capituli VSVS est, ut agnoscamus nostram immundiciem & peccatum, & omnem arrogantiam seponamus, ut vera humilitate ad Christum peccatorum Propiciatorem confugiamus.

## CAPVT IX.

## POENA PECCATI.

PECCATVM originis habet pœnas multiplices, spirituales & corporales, temporales & æternas, quemadmodum capite 3. Genescos & multis alijs Scripturæ locis ostenditur. Breuiter, mors & omnes calamitates generis humani, spiritus pœnæ sunt peccati originis. Deinde actuale peccatum, quia homines nouo reatu obstringit, nouas pœnas cumulat & adauget, quemadmodum totius mundi facies coarguit. IN POENIS autem obseruentur tria: gradus, modus, & discrimen inter pœnas piorum & impiorum. GRADVS quidem quod aliæ pœnæ sunt tantum: aliæ & peccata et pœnæ peccatorum. Rom. 1. sex gradus recitantur eorum, quæ & peccata sunt & pœnæ peccatorum. PRIMVS gradus est neglectus noticiæ Dei, qui est omnium peccatorum fons & scaturigo, pœnaq; contemptus patefactionis diuinæ. SECVNDVS excæcatio, id quod Paulus indicat non solum in citato loco, uerum etiam 2. Thessal. 2. his uerbis grauissimis: Eo quod dilectionem ueritatis non habuerunt, ut salui fierent ipsi, propter hoc mittet ipsis DEVS efficaciam erroris ut ipsi credant mendacio. Tertius,



TERTIVS excæcationis fructus est idololatria. QVARTVS, idololatriam sequuntur horrenda flagitia, contaminantia corpus & animam. QVINTVS, hæc flagitia mente reproba puniuntur. Est autem mens *ἡδονή*, quæ nihil recte probat, sed peruerse scelera pro uirtutibus amplectitur. SEXTVS, huius sceleratæ & reprobæ mentis fructus est uniuersalis iniusticia, id est, omnis iniquitatis cumulus. Aliæ pænæ sunt tantum, quæ tantisper gradatim crescunt, donec reus pœnitentiæ egerit. Deus enim idem scelus, nunc iactura rerum, nunc desertione amicorum, nunc morbo, nunc exilio, nunc infamia punit, non secus atq; pater aliquis filiorum errata alijs atq; alijs pœnis punit, donec in uiam eos reuocauerit.

MODVS pœnarum Sap. ii. notatur, Per quæ peccat quis, per ea cruciatur: quæ regula ut plurimum uera est, tametsi interdum iudicio Dei singulari pœna commerita commutatur alia pœna.

DISCRIMEN inter pœnas piorum & impiorum, hoc est. Illos, tametsi affligit Deus, acceptos habet, atq; beneuolentiam erga ipsos suam retinet in medijs afflictionibus, imo efficit, ut inde euadant probatiores, atque sint ipsi sacrificium boni odoris: his uero, nimirum impijs, in exitium cadunt pænæ. Nam temporariæ impiorum pænæ æterni supplicij præludia sunt. Sed de his plura infra in tertia Classe capite XVIII. dicentur.

CAPVT X.

VERBUM ACCV

SANS ET DAMNANS.

G 3

Homo



**H**OMO in peccatum lapsus, uerbum accusans & damnans audit ex ore Dei. Est autem VERBUM accusans & damnans, Spiritus sancti iudicium, quo reum peragit totum mundum peccati: quod sane iudicium ipse Spiritus sanctus exequitur per ministerium uerbi, ac statim post lapsum hominem hoc iudicium Spiritus mundo patefactum est, & exercebitur, donec hic mundus steterit, uel inuitis inferorum portis.

PORRO duo sunt genera hominum, qui hoc iudicio Spiritus sancti arguuntur. QUIDAM enim serio tanguntur, uere humiliantur, ac sponte iudicio, quo damnantur, subscribunt. Atque his salutare est Spiritus sancti iudicium, si modo ad Christum peccati expiatorem confugiunt. ALII etsi conuicti reatum non possunt effugere, non tamen uere ex animo humiliantur, nec cedunt iudicio Spiritus sancti, quin potius subacti intus fremunt, & confusi non desinunt contumaciam et proteruiam alere. His maiori damnationi erit Spiritus iudicium.

SED quodnam est illud uerbum arguens? Hoc monstratur & repetitur saepe in scripturis Moysis, Prophetarum & Apostolorum, cuius Epitome quaedam est Decalogus, qui cum requirit dilectionem perfectam & perpetuam erga Deum & hominem, accusat & damnat omnes, qui hanc obaerentiam non praestant, iuxta illud: Maledictus omnis, qui non permanserit in omnibus, quae scripta sunt in libro legis, ut faciat ea. Breuiter, omnes sententiae, quae nos peccati conuincunt, huc pertinent.

#### TESTIMONIA VERBI

DAMNANTIS ET ACCUSANTIS.

Gene. 3.



Genesis 3. duplex iudicium Spiritus sancti accusantis  
 & damnantis peccatum innuitur. VNUM in conscien-  
 tia. Nam cum Adam peccasset, abscondit se una cum uxore  
 a facie Domini. Conscientia enim peccati sui confu-  
 sus, conspectum Dei ferre nequiuuit. ALTERVM per  
 uerbum Dei: Vbi es tu? inquit. Item: Quis indicauit  
 tibi, quod nudus esses, nisi quod de ipsa arbore, de qua  
 praeceperam tibi ne comederes, ex ipsa comedisti?

Genesis 4. Nonne si bene egeris, recipies: sin autem  
 male, statim in foribus tuis peccatum tuum aderit?

Deut. 27. Maledictus qui non permanserit in sermo-  
 nibus legis huius.

Psal. 129. Si iniquitates obseruaueris Domine, Domi-  
 ne quis sustinebit?

Psal. 142. Et ne intres in iudicium cum seruo tuo, quo-  
 niam non iustificabitur in conspectu tuo omnis uiuens.

Prouerb. 20. Quis potest dicere: Mundum est cor  
 meum, purus sum a peccato?

## V S V S.

PORRO usus huius accusantis & damnantis uerbi  
 est, ut nos subscribamus iudicio Spiritus sancti, ut humili-  
 emur conuicti, ut ad Christum propiciatorem confugia-  
 mus, atque abnegata omni impietate, iuste, pie & honeste  
 uiuamus.

## CAPVT XI.

PROMISSIO REPA-  
 RATIONIS SIVE EV-

ANGELIVM.

G 4

VERBUM



**V**ERBVM promissionis primum Genesis 3. his uerbis ore Dei proponitur: Inimicitias ponam inter te & mulierem, & inter semen tuum & semen illius: ipsum conteret caput tuum, & tu insidiaberis calcaneo eius. Hæc promissio multas doctrinas continet. PRIMVM enim de duobus regnis, longe diuersissimis, nimirum de regno diaboli abolendo, & Christi erigendo, concionatur: DEINDE docet, quod hæc duo regna perpetuo sibi inuicem aduersabuntur: TERTIO, quod perpetua sit futura persecutio Ecclesiæ, donec in hac malicia sub uexillis Christi Ducis in hoc mundo militauerit: QUARTO, quod tandem potitura sit Ecclesiæ uictoria, & eluctetur ab omnibus persecutoribus, idq; per semen mulieris, hoc est, per CHRISTVM, uictorem diaboli. Verum huius promissionis repetitiones plures leguntur in Mose et in Prophetis, quales hæc sunt.

Gene. 12. In te benedicentur uniuersæ cognationes terræ.

Gene. 22. Benedicentur in semine tuo omnes gentes terræ.

Gene. 28. Et benedicentur in te, et in semine tuo, cum tibi fines terræ.

ET quia id fieri non potest, nisi destructo satanæ regno, Ioannes id explicat, dicens: Christus apparuit, ut destrueret opera diaboli.

HOC promissionis uerbo erecti sunt iterum Adam & Eua, & firma fiducia in hunc promissum liberatorem se sustentarunt, nec ignorare potuerunt, hunc liberatorem Deum esse, qui assumpturus esset humanam naturam, in qua fieret uictima pro peccato, cuius rei admoneban



monebantur per sacrificia diuinitus instituta. Nam quemadmodum diabolus inuictum fore ab omnibus creaturis sciebant: ita promissionis uerbum, humanitatem ueram Liberatoris demonstrauit. CAETERVM huius completæ promissionis uerbum ab Apostolis EVANGELIUM cæptum est appellari, de cuius uocis uaria significatione PRIMVM dicam: DEINDE, quæ sit ratio accommodationis ad doctrinam salutis ostendam: TVM planam rei definitionem tradam: POSTREMO testimonia & usum adiungam.

PROPRIE itaq; εὐαγγέλιον significat, felix & faustum nuncium, qua significatione apud Aristophanem in Equitibus accipitur, ubi ita inquit: εὐαγγέλια καὶ γὰρ φέρεται αὐτοῖς, id est, læta nuncia ipsis narraui, pro quo paulo supra dixerat, λόγος ἀγαθὸς εὐαγγελίσασθαι, id est, bonos rumores nunciare. Atq; hæc nominis ratio est. SECUNDO, significat præmium datum pro relatione fausti nuncij, ut Odysseæ ξ. ubi his uerbis pastorem senem alloquitur Ulysses:

εὐαγγέλιον δὲ μοι ἔσω,

αὐτίκ' ἐπεί κεν κῆν' ἰὼν τὰ ἀδάμαθ' ἱκνῆται,  
ἵσταί με χλαῖνάν τε, χιτῶνά τε, εἵματα καλὰ.

hoc est, Euangelium mihi esto statim, ubi redierit ille, ut uestias me pulcris uestibus, chlæna & tunica. TERTIO significat solenne sacrificium pro accepto fausto nuncio peractum. Hinc εὐαγγέλια θύειν, id est, sacrificia ob lætum nuncium offerre. Atq; hæc sunt significata apud prophanos Scriptores. VERVM Apostoli propriam significationem, primo loco positam, retinentes, accommodarunt suo doctrinæ generi κατ' ἔξοχόν. His enim



EVANGELIUM significat solenne patefacta in Christo gratiae praëconium, seu lætum nuncium de salute per Christum parta credentibus. Deinde, quia est propria materia Euangelij CHRISTVS, Euangelistæ Euangelij nomen accommodarunt historijs, quæ CHRISTVM apparuisse in carne, docuisse, passum, mortuum, a morte resuscitatum, ac tandem in cælum receptum fuisse narrant.

Porro DEFINITIO plana & perspicua colligi potest ex uerbis Domini, Lucæ 24. Sic scriptum est, & sic oportuit pati Christum, & resurgere a mortuis tertia die, & prædicari in nomine eius pœnitentiam & remissionem peccatorum in omnes gentes. Ex quibus colligitur, quod Euangelium sit uniuersalis prædicatio pœnitentiæ & remissionis peccatorum in nomine Christi. Sed addamus uberiores, hoc modo: EVANGELIUM est doctrina diuinitus reuelata, in qua annuntiatur liberatio a maledictione legis & ira Dei, & proclamatur remissio peccatorum, salus ac uita æterna credentibus in Filium, propter eiusdem uictimam, secundum promissionem olim Patribus factam, ut perpetuo gloria bonitatis DEI prædicetur, utq; porro dignos fructus Euangelio edant homines per CHRISTVM liberati, tandemq; uita æterna fruuntur. HÆC DEFINITIO multa membra habet. PRIMVM enim monet, quale sit doctrinæ genus Euangelium: DEINDE, a quibus malis per Euangelium liberemur: TVM quid boni Euangelium afferat: POSTHÆC, quibus hæc bona contingant, nempe, credentibus. ADDITVR & de propria materia Euangelij, quæ est CHRISTVS cum suis

bene



beneficijs. POSTREMO fines adijciuntur. Ex his facile intelligi potest discrimen Legis & Euangelij. LEX enim promittit uitam facientibus legem: EVANGELIUM gratis offert salutem credentibus in Christo. EST ENIM DONVM DEI VITA AETTERNA PER IESVM CHRISTVM DOMINVM NOSTRVM, ad Roman. 6.

TESTIMONIA. DE EVANGELIO.

Ad Galat. 3. Christus nos redemit de maledicto legis, factus pro nobis maledictum.

Matth. 17. Hic est Filius meus dilectus, *ὃς ἐστὶν υἱὸς τοῦ πατρὸς*, id est, in quo placatus sum.

LUC. 24. Quoniam sic scriptum est, & sic oportebat CHRISTVM pati & resurgere a mortuis tertia die, & prædicari in nomine eius pœnitentiam & remissionem peccatorum, in omnes gentes.

Roman. 1. Euangelium est potentia Dei, ad salutem omni credenti.

IOAN. 3. Qui credit in Filium, non peribit, sed habebit uitam æternam.

ACTOR. 13. Notum igitur sit vobis uiri fratres, quod per hunc vobis remissio peccatorum annuntiatur, & ab omnibus, a quibus non potuistis per legem Moysis iustificari, per hunc omnis, qui credit, iustificatur.

2. Corint. 5. Eum qui non nouit peccatum, fecit peccatum pro nobis, ut fieremus nos iusticia Dei in ipso.

Ad



Ad Titum 2. Apparuit salutaris gratia omnibus hominibus, erudiens nos, ut abnegantes omnem impietatem & mundana desideria, sobrie & iuste & pie uiuamus in hoc sæculo, expectantes beatam spem, & apparitionem gloriæ magni DEI & Saluatoris nostri IESV CHRISTI, qui dedit seipsum pro nobis, ut redimeret nos ab omni iniquitate, & mundaret sibi populum peculiarem, sectatorem bonorum operum.

V S V S.

V s v s huius doctrinæ est, ut discamus contempto mundo & caducis eius delicijs, incomparabile hoc bonum, quod offert Euangelium, toto cordis affectu appetere, oblatumque complecti. Deinde ut in quavis afflictione solemur nos hoc læto de salute per CHRISTVM parta nuncio.

## CAPVT XII.

# POENITENTIA CVM SVIS PARTIBVS, CONTRITIONE ET FIDE.

TOTA doctrina superior prorsus manet ociosa, nisi accedat pœnitentia, de qua recte & clare erudi iuuentutem operæ precium est. Nam regeneratio, sine qua nemo saluus fieri potest (quemadmodum Dominus docet Nicodemum, Ioan. 3.) in pœnitentia consistit, quæ nihil aliud est, quam conuersio hominis ad DEVM, ut sit noua creatura, & iuxta eius uoluntatem uiuat.

VERVM quia hæc definitio paulo obscurior est, tradam



dam aliam: POENITENTIA est uerus dolor de of-  
fensa Dei, cum uoto ac spe ueniæ, & uoluntate singulari-  
que studio, peccatū omne posthac uitandi, Deoq; omnem  
uitam approbandi. Hi enim uere pœnitentiam agunt,  
qui corde dolent ob admissum peccatum, & confugiunt  
fide ad Christum Mediatorem, ut accipiant remissionem  
peccatorum, & fructus dignos pœnitentiæ edunt. Ex  
his patet, tres esse partes pœnitentiæ: CONTRI-  
TIONEM, FIDEM, & NOUAM OBOEDIEN-  
TIAM. Quarum prima & secunda substantiales par-  
tes pœnitentiæ recte dicuntur, quibus necessario tertia  
pars, tanquam inseparabilis proprietas, adiicitur. Cum  
igitur duas pœnitentiæ partes, Contritionem & Fi-  
dem, nominari audimus, partitio substantialis est: cum  
uero tres, hoc est, cum duabus superioribus additur No-  
ua obœdientia, sciamus proprietatem necessariam adiun-  
gi, quæ a conuersione integra & uera nequaquam auel-  
li potest.

Porro, CONTRITIO est ex agnitione peccati &  
sensu iræ Dei pauor conscientia, fugaq; peccati. Et ha-  
bet uera CONTRITIO quatuor proprietates seu effe-  
ctus, in definitione enumeratos. PRIMVM enim agno-  
scit peccatum: DEINDE agnoscit iustam iram Dei  
& maledictionem ob peccatum: TVM serio dolet pro-  
pter peccatum admissum: POSTREMO detestatur  
& abominatur peccatum.

FIDES autem est noticia & assensus promissæ &  
expetitæ misericordiæ, & in eandem firma fiducia.  
Hæc Christum Mediatorem & Intercessorem apud Pa-  
trem agnoscit, hæc statuit peccatum remissum propter  
Media



Mediatorem, & iusticiam Mediatoris sibi imputari: hæc conscientiam consolatur cōtra terrores peccati & legis: hæc inuocat Deum, & nouam uitam incoat.

NOVA OBOEDIENTIA absoluitur pietate erga Deum, caritate erga homines, sanctimonia & puritate in tota uita, & diligentia in uocationis officio præstanda. Has partes nouæ obœdientiæ coniungit Paulus ad Titum 2. cum dicit, ideo nos regeneratos esse, ut pie, iuste & sobrie uiuamus.

CAETERVM has esse partes conuersionis hominis ad Deum, testimonijs & exemplis Scripturæ ostendendum est. Marci 1. Agite pœnitentiam, & credite Euangelio. Hic Pœnitentia pro Contritione usurpatur, Paulus Roman. 6. similiter astruit, duas esse partes præcipuas conuersionis, nimirum Mortificationem & Viuificationem. MORTIFICATIO ipsa contritio est, seu animi dolor & terror ex agnitione peccati, seu sensu iudicij Dei conceptus. VIVIFICATIO in fide consistit, est enim consolatio, quæ ex fide nascitur, iustus enim ex fide uiuet. Hæc uita non potest consistere, nisi accedat serium studium innocenter uiuendi. Luc. 7. tres pœnitentiæ partes pulcre exprimuntur. LACRIMAE peccatricis mulieris sunt testimonium pauoris conscientiae ob peccatum: DEINDE, quod accedit ad CHRISTVM, significatur fiducia, quam de illo conceperat: POSTEA officium suum erga Christum declarat, quare fidei fructus ostenditur. SIMILE est latronis exemplum, qui peccatum agnoscit suum, CHRISTVM ex fide inuocat, fructus edit fidei, inuocationem, gratitudinem erga DEVM, & dilectionem erga proximum.

Nam



Nam quod aberrantem socium admonet, caritatis fuit. DAVID a Nathan obiurgatus primum perterrefcit, & uoce declarat ueram contritionem, dicens: Peccaui Domino. Deinde fide erigitur audita absolutione: Dominus abstulit peccatum tuum. Emendationem morum, seu nouam obœdientiam sequens uita testabatur.

TESTIMONIA DE P O E N I T E N T I A .

Ierem. 3. Conuertimini filij reuertentes, & sanabo auersiones uestras.

Ieremiæ 31. Castigasti me Domine, & eruditus sum quasi iuuenulus indomitus. Conuerte me, & conuertar, quia tu Dominus Deus meus. Postquam enim conuertisti me, egi pœnitentiam, & postquam ostendisti mihi, percussi femur meum.

Idem 36. Reuertatur unusquisque a uia sua pessima, & propitius ero iniquitati & peccatis eorum.

Ezech. 18. Conuertimini, & agite pœnitentiam ab omnibus iniquitatibus uestris, & nō erit uobis in ruinam iniquitas. Projicite a uobis omnes iniquitates uestras, in quibus prœuaricati estis, & facite uobis cor nouum.

Ibidem. Nolo mortem peccatoris, dicit Dominus Deus, reuertimini & uiuite.

Mar. 1. Pœnitentiam agite, & credite Euangelio.

IN his testimonijs aperte conspicitur, quod conuersio hominum ad DEVM: pœnitentia: pœnitentiam agere: pro eodem sumatur. Locus ex Marco citatus conuincit, duas esse præcipuas & substantiales partes pœnitentiæ,



nitentiæ, quas sequitur noua uita, quæ pars pœnitentiæ integralis dici potest. CAETERVM quia uocabula pœnitentiæ & fidei sunt πολύσημα, pauca subiungam de uaria horum uocabulorum acceptione, ne ὁμωνυμία impediatur nouitios. PŒNITENTIA itaq; duplex est, Legalis & Euangelica. LEGALIS est, qua peccator terretur ira Dei ob peccatum commissum, & in eo terrore constrictus hæret. Talis fuit pœnitentia Cain, Saul, Iudæ, qui in sensu iusti iudicij Dei ob peccatum defecerunt: EVANGELICA pœnitentia dupliciter accipitur. Alias enim PRO TOTA CONVERSIONE, quæ constat Contritione, Fide, & Noua obœdientia, sumitur, idq; quoties solum pœnitentiæ uocabulum ponitur, hoc est, ubi fidei uox non expresse additur, ut Act. 2. Pœnitentiam agite, & baptizetur unusquisq; uestrum. Hic procul dubio non solum contritio, sed etiam fides requiritur, adeoq; tota hominis conuersio. Item, Matth. 3. Pœnitentiam agite, appropinquat enim regnum cœlorum. Alias pro PRIMA CONVERSIONIS PARTE, nempe contritione capitur, nimirum cum fidei uocabulum expresse adiungitur, ut Act. 10. Paulus dicit, se Iudæis ac Gentibus testificatum pœnitentiam & fidem in Iesum Christum. Et Marci 1. Quoniam impletum est tempus, & appropinquauit regnum Dei, pœnitentiam agite, & credite Euangelio. Primum hic thesaurum misericordiæ Dei proponit Euangelista: deinde conuersionem exigit, quæ pœnitentia & fide constat, ubi pœnitentiæ uocabulum pro parte tantum cōuersionis sumi manifestum est. Nec tamen hic excluditur fructus pœnitentiæ, noua obœdientia, quæ fidei ueræ perpetua comes existit.

IAM



IAM de uaria fidei acceptione pauca adijciamus. FIDES itaq; in genere est *ἰσχυρὸς* seu certa assensio, qua mens conuicta uerbo Dei, & testimonio uerbo addito, firmissime amplectitur uocem diuinam, de rebus non apparentibus. Seu ut breuius dicam, FIDES GENERALIS est certa persuasio de omni uerbo Dei. Cum igitur Deus duplex uerbum Ecclesie proposuerit, Legem & Euangelium, quicumq; credit legem esse Dei uerbum, & persuasum habet, certas & firmas esse diuinae legis promissiones & minas, uere credit. Ad eundem modum, quicumq; credit, Euangelium Christi Dei uerbum esse, & affirmat continere ueritatem Dei, uere credit, ac fidem habet, sed nondum eam, qua coram Deo iustificamur. Nam adhuc historiae tantum fides, quae ab obiecto discerni potest, ut illa legalis, haec euangelica appellatur. Haec fides communis esse potest pijs & impijs, diaboli & Christianis. Quae si non ulterius progrediatur, uere mortua, hoc est, inefficax fides est. Non enim uitam parit, sed nunc territat, nunc ociosa languescit. Verum si noticiae historiae, seu huic generali fidei accedit expetitio & fiducia misericordiae Dei, propter Christum promissae, mox noua fidei forma emergit, quae uocatur FIDES FIDUCIAE, quam in hunc modum definire licet: FIDES est noticia, assensus & fiducia promissae & expetitae misericordiae ac salutis propter Christum, ut supra dictum est. Haec fides proprie est filiorum Dei, qua sola in conspectu Dei iustificantur credentes. Quare & Fides iustificans a sua proprietate dici meretur. Quod autem fiducia in misericordiam Dei propter Christum, huius fidei forma est, his rationibus

H

comproa



comprobatur. PRIMA, Christus pronunciat credentes saluos. Sed iam manifestum est, noticia sola neminem saluari, unde nemo non uidet, fidem iustificantem non tantum esse historiae cognitionem. ALTERA, Paulus dicit: Corde creditur ad iusticiam. Ergo fides est non tantum noticia historiae, sed etiam affectus. TERTIA, Paulus aperte uocat fidem *πίστις*, hoc est, firmam fiduciam. Est enim *πίστις* militaris uox, qua significatur certa fiducia aduersus insultus hostiles subsistendi, hoc est, sustinendi & obtinendi uictoriam. Hinc transit uel Apostolus uocabulum ad fidei robur, quo luctatur fidelis contra omnia salutem suam oppugnantia, certa fiducia concepta de uictoria per Iesum Christum. Vnde fit, quod a Ioanne fides VICTORIA MVNDI dicatur. QUARTA, usitatum est scripturae, quod uerba significantia noticiam, una etiam per metalepsin significant motus animorum, noticiam consequentes, ut, Nouit Dominus uiam iustorum. Hic uerbo noticiæ non solum noticia, sed cura & approbatio significatur. QUINTA, saepe fidei iustificanti uox *πνεῦμα* adiicitur. Et Paulus cum fide Eph. 3. *ἐν πίστει* coniungit, inquit: In quo habemus audaciam accessumque in fiducia per fidem. De hac fide de fiducia loquitur Paulus in disputationibus de iustificatione. De hac Dominus, quoties pronunciat homines fide saluos; de cuius natura & proprietate Paulus Ro. 4. disputat. HIS rationibus aperte redarguitur error Papistarum, qui clamitant fidem tantum esse noticiam & assensum historiae, cui tribuimus iustificationem.

SUNT præter iam commemoratas formas fidei adhuc alia. Est enim FIDES professionis doctrinae, quam Paulus



Paulus in Romanis laudat. Est FIDES OPERATIO-  
NIS miraculorum, qua ornata erat primitiua Ecclesia.  
Est FIDES REMUNERATIONIS bonorum ope-  
rum. Fide enim amplectimur, quicquid Deus promittit.  
Cum igitur Deus promittit remunerationem, necesse est  
hanc fide apprehendi, sed extra causam iustificationis.  
Nam cum de iustificatione agitur, fides in solam Dei mi-  
sericordiam propter Christum promissam recumbit.  
Sunt & alia fidei discrimina, quæ non opus est hic recita-  
tare. Porro testimonia de fide iustificante in capite se-  
quenti de Iustificatione adijciam.

## CAPVT XIII.

## IUSTIFICATIO.

**D**VO sunt, in quibus consistit nostra salus: IUS-  
TIFICATIO & GLORIFICATIO.  
ILLA initium, HÆC salutis perfectio est. De illa pri-  
ore salutis parte hic dicendum est. PRIMVM omnium  
uocabuli significata enumerabo, DEINDE, quæ sit ius-  
tificatio Christiana, & in quibus consistat, breuissime  
ostendam.

VERBUM iustificandi, in Scripturis forense uer-  
bum est, & significat proprie secundum aliquem iudica-  
re, causamque alicuius siue bona siue mala sit, com-  
probare, Deut. 25. Quem iustum esse perspexerint, illum  
iustificent. Prouerb. 17. Qui iustificat impium, & qui  
condemnat iustum, abominabilis est uterq; apud Deum.

H 2

Esq. 5.



**Esa. 5.** Qui iustificatis impium pro muneribus. **SECUNDO**, ab hac forensi significatione deductum est uocabulum ad genus, ut significet in genere, approbare aliam quem, & ut iustum agnoscere & laudare, seu sua sententia iustum pronunciare, confiteri & agnoscere, ut apud Lucam: Iustificarunt Deum, id est, iustum agnouerunt & confessi sunt. **Psal. 51.** Tibi, tibi soli peccaui, & malum coram te feci, ut iustificeris in sermonibus tuis. Item illud Domini: **Lucæ 16.** Vos iustificatis uos coram hominibus. **TERTIO**, a genere rursus ad speciem deflectit uocabulum iustificandi, & apostolico significatione usurpatur, pro eo quod est hominem a Deo propter mortem Filij sui Domini nostri **IESU CHRISTI**, condonatis peccatis, recipi in gratiam, adoptari in filium & heredem uitæ æternæ. Vel, ut breuius dicam, Iustificari est absolutum a reatu pro iusto haberi, ut cum dicitur: Ex operibus legis non iustificabitur omnis caro. Et: Nos in Christum Iesum credidimus, ut iustificemur ex fide Christi, & non ex operibus legis, **Rom. 3. Gal. 2.** Quis accusabit electos Dei? Deus est qui iustificat, quis ille, qui condemnet: **Rom. 8.** Item **Rom. 5.** Iustificati igitur ex fide, pacem habemus erga Deum per Dominum nostrum Iesum Christum, per quem & habemus accessum per fidem in gratiam hanc, in qua stamus et gloriamur in spe gloriæ filiorum Dei. **QUARTO**, nonnunquam iustificare est recte facientem laudare, & comprobare factum alicuius. In qua significatione in epistola Iacobi accipitur. **QVINTO**, **Apoc. 22.** proficere in iusticia significat, ut: Qui iustus est, iustificetur adhuc. **ATQVE** hæc sunt uocis significata ex quorum observatione



tione non erit difficile discernere has scripturæ quatuor loquendi formas: Iustificari coram Deo, iustificari operibus, iustificari fide, iustificari coram hominibus. **IS. n.** IUSTIFICARI coram Deo dicitur simpliciter, qui iudicio Dei & censetur iustus, & acceptus est ob suam iusticiam. Talis unicus Christus inuentus est. In conspectu tuo, inquit David Psal. 143. Non iustificabitur omnis uiuens. de omnibus natis ex corrupto semine, iuxta communem naturæ cursum loquitur. IUSTIFICATUR ex operibus qui suorum operum perfectione & integritate satisfacit legi Dei, adeoque respondere potest Dei iudicio. Talem neminem mortalium esse docet Paulus, cū inquit: Ex operib. legis non iustificabitur omnis caro. IUSTIFICATUR fide, qui operum iusticia exclusus, Christi iusticiam per fidem apprehendit, qua uestitus in Dei conspectu non ut peccator, sed tanquam iustus apparet, Ro. 3. & 4. Gal. 2.3.4. IUSTIFICATUR coram hominibus, cuius uitam & actiones approbant homines, quæ sane iustificatio, iustificationis uitæ, quæ est ex fide, fructus esse debet. His iam fundamentis iactis non erit difficile, definitionem iustificationis Christianæ colligere, in hunc modum: IUSTIFICATIO CHRISTIANA est credentis personæ in Christum absolutio a peccato uel reatu, imputatio iusticiæ Christi, & acceptatio ad uitam æternam gratis propter Christum. In hac definitione quinque sunt: PRIMO loco Fidei fit mentio, qua recipiuntur oblata beneficia. Vnde Paulus, Iustificamur fide, &c. SECUNDO, absolutio a peccato. Nam cum Deus iustificat impium, non facit ut impij iudices, qui impium hominē iustificant, cuius tamen impietas manet.

H 3

Sed



Sed Deus impietatem tollit remittendo peccatum, atque ita ex iniusto fit iustus remisso peccato, iuxta illud Psal. 31. Beati quorum remissæ sunt iniquitates. TERTIO loco sequitur imputatio iusticiæ Christi. Huius enim sanguis, mors, passio, resurrectio, adeoque tota obædientia, materia & fundamentum est nostræ iustificationis. Sed huius fundamenti ad terminum applicatio fit per fidem. Atque hæc Paulus clarius adhuc ostendit Rom. 5. cum inquit: Quemadmodum per inobædientiam unius hominis peccatores constituti sunt multi: sic etiam per obædientiam unius, iusti constituentur multi. Hic Paulus cum pronunciat nos Christi obædientia constitui iustos, significat Christum, eo quod Patri satisfecerit, iusticiam nobis comparasse. Vnde sequitur, iusticiæ qualitatem esse in Christo, sed nobis imputari, quod illi proprium est. Nam ad eundem modum iusti sumus coram Deo, qualiter Christus fuit peccator. Personam enim nostram quodam modo suscepit, ut reus nostro nomine fieret, & tanquam peccator iudicaretur, non proprijs, sed alienis delictis, cum purus foret ipse, immunis ab omni culpa, penaque subiret nobis, non sibi debitam. Ita nunc iusti sumus in ipso, non quia operibus nostris satisfaciamus iudicio Dei, sed quoniam censemur iusti iusticia Christi, quam fide induimus, ut nostra fiat. Huc præclara illa Pauli sententia. 2. Cor. 5. Eum qui non novit peccatum, pro nobis peccatum fecit, ut nos fieremus iusticia Dei in ipso.

QUARTO loco fit mentio acceptationis personæ ad uitam æternam, quemadmodum promissiones multæ ostendunt: Qui credit in me, non peribit, sed habebit uitam æternam: & huiusmodi infinitæ.

Quinto



QVINTO loco additur, gratis quidem, ut omnia humana merita conticescant: propter Christum uero, ut solum ἀπολογισμὸν unigeniti Filij Dei meritorium, adeo ingentis thesauri agnoscatur. Atq; hæc sit brevis definitionis ἀνάλογισμα.

CAETERVM ut apertius hæc iustificationis doctrina intelligatur, duo addam. PRIMVM instituam antithesin legis & Euangelij in his uocibus: iustificari, iustificatio, iusticia, iustus: DEINDE ordines causarum in iustificatione hominis coram Deo concurrentium, recitabo. IVSTIFICARI itaq; legaliter est ab iniusto iustum fieri, ob suam iusticiam & legis impletionem, iuxta illud: Qui fecerit ea homo, uiuet in eis. Sed Euangelice iustificari est a reo non reum fieri, & ab iniusto iustum ob alienam iusticiam, nempe Christi, quemadmodum supra probatum est. Ex hac collatione uerbi iustificandi secundum legem & Euangelium, tametsi non difficile est Dialectico, per locum coniugatorum, de rebus quibus tribus iudicare, tamen breuem declarationem adijciam. Iustificatio igitur legalis, est acceptatio hominis coram Deo, ob integritatem & perfectionem suæ obædientiæ erga legem Dei. Sed Euangelica iustificatio, est acceptatio hominis coram Deo ob integritatem & perfectionem obædientiæ Christi erga Deum Patrem. IUSTICIA LEGIS est perfecta obædientia erga legem Dei: sed IUSTICIA EVANGELICA est possessio imputatæ iusticiæ Christi, remissis peccatis. Seu, est obædientia CHRISTI credenti imputata. Iustus legaliter est, qui iuste agit iudicio LEGIS: sed Euangelice iustus est, cui DEVS peccatum condonat, im-

H 4

putat



putat iusticiam Filij, acceptat ad uitā æternam. **P R A E**terea tenendum et hoc est, quod qui credit in Christū, habeat duplicem iusticiam. **V N A M** perfectam, qua coram Deo consistit, nempe, Christi obædientiam, quam Fide possidet. **A L T E R A M** in se, nempe incoatam obædientiam, quæ prioris iusticiæ fructus existit, & hæc placet Deo propter fidem in Christum, tametsi imperfecta est. **T E R T I A M** autem iusticiam, eamq; formalem & absolutam, expectamus, iuxta illud: Spiritu ex fide spem iusticiæ expectamus.

**N U N C** de causarum ordinibus, quos docendi gratia his tribus quæstionibus subiiciam: Quis sit **I U S T I F I C A T O R**, Quis iustificandi **M O D U S**, Qui iustificationis **F I N E S**: **P R I M A**, Quemadmodum opus creationis totius Trinitatis est, ita etiam redemptionis seu iustificationis opus toti Trinitati ascribendum est, seruata tamen cuiusq; personæ proprietate. Ut enim Deus Pater per λόγος mundum creauit, & per Spiritum sanctum creata sustentat & uiuificat: ita idem Pater per Filium lapsum genus humanum redemit, et per Spiritum sanctum uiuificat & regenerat, ut suam dilectionem erga genus humanum declaret, ut miserorum calamitatibus medeat, ut destruat regnum satanæ, utq; suam gloriam mundo patefaciat. **S E C U N D A** quæstio fuit de modo iustificationis, qui in quatuor cernitur: In uictima filij, in uerbo Euangelij, in fide promissionis, & in sacramentis. **T E R T I A M** filij Dei interuenire oportuit, per quam peccatum est peccatum, secundum iusticiam Dei, ut locus esset misericordiæ. Nam si Deus sine Filij uictima recepisset genus humanum in gratiam, iusticiæ diuinæ derogatum



gatum fuisset. Rursus, si absque misericordia iustas pœnas sumisset de homine, misericordiæ Dei nullus fuisset locus relictus. Vt igitur iusticia Dei & eiusdem misericordiæ æquis gradibus starent, sapientia Dei consilium inuenit, ut Filius se interponeret, ac per ipsius uictimam iusticiæ & misericordiæ Dei satisfaceret. Secundo loco VERBUM EVANGELII posui, per quod Deus offert mundo beneficium salutis in Filio. Tertio loco, hoc donum per Euangelium oblatum recipimus SOLA FIDE, quam Spiritus sanctus, in uerbo efficax, operatur in audientibus, & meditantibus Euangelium. Hæc fides SACRAMENTIS augetur & confirmatur.

TERTIA quæstio fuit de finibus. Sunt autem Iustificationis fines quatuor, GLORIFICATIO Dei, DILECTIO proximi, VITA æterna, & GLORIA beatitudinis. HÆC causarum distinctio a uulgo intelligi potest.

VERVM si *Ἀλλὰ διχλότιον* placet, eas distinguere licebit in hunc modum. IMPERANS causa est, Deus Pater, qui habuit *πρωτόγεντον* quidem dilectionem paternam erga genus humanum, iuxta illud: Sic Deus dilexit mundum &c. *παρακλητικόν* uero triplex, nimirum suæ gloriæ manifestationem: miseriam generis humani: tyrannidem diaboli, hæc enim tria mouentia externa fuerunt. OBSEQUENS causa est altera persona, nempe Filius ipse: Sic enim Psal. 40. legitur, Vt facerem uoluntatem tuam Deus meus, uolui, & lex tua in medio cordis mei. EFFICIENS, CONSUMANS seu PERFICIENS est Spiritus sanctus, hic enim intus naturam renouat & sanctificat. Ad Tit. 3. Regeneratio &



renouatio Spiritui sancto tribuuntur. Hæc etiam 2. Cor.  
 1. ob signatio nostræ salutis dicitur. EFFICIENS  
 INSTRUMENTALIS est duplex, EXHIBENS  
 quidem ut uerbum, in quo efficax est Spiritus innoua-  
 tor. Item, Sacramentum quo non solum exhibetur, sed  
 etiam confirmatur donum exhibitum. Est enim Sacramen-  
 tum pignus & testimonium applicationis. RECIPI-  
 ENS uero sola fides, hæc enim est ueluti manus, qua ob-  
 lata gratia recipitur. MATERIALIS porro causa  
 est, cum legis impletio a Christo pro nobis præstita, tum  
 eiusdem uictima, qua placauit Patrem, & satisfecit pro  
 pœna commerita. Huc accedit resurrectio, uictoria &  
 triumphus super peccato, morte & inferno. FORMAE  
 LI S causa est remissio ipsa, reatus, imputatio iusticiæ  
 Christi, & acceptatio ad uitam æternam. Huic coniuncta  
 est donatio Spiritus sancti, & infusio gratiæ, immutans  
 tis deprauatam naturam. FINES QUATVOR supra  
 commemorati sunt. IN HUNC modum discernere cau-  
 sarum, in iustificatione concurrentium, ordines, & uidere  
 quid peculiare singuli habeant, ualde utile est. Quamuis  
 enim omnes enumeratæ causæ coniunctæ sunt, & con-  
 currunt in iustificatione, stantq; inter se mutuis auxilijs:  
 tamen singulæ causæ proprium quiddam habent in suis  
 actionibus, unde euenit, quod exclusiua particula SOLA  
 proprie ac recte sui ordinis causa, si uia tantum adest,  
 accommodari potest, quæ non excludit causas concu-  
 rentes, sed tantum distinguit & discernit ordines cau-  
 sarum iustificationis. Recte igitur dicitur: SOLA  
 FIDES iustificat, quia ipsa unicum instrumentum est,  
 & unica facultas in nobis, qua recipitur iusticia Christi.  
 Ad



Ad eundem modum de cæteris dici potest. Nam cum attenditur causa efficiens, imperans, recte dicitur: Solus Deus iustificat. Si materia consideratur, dici potest recte: Sola obædientia Filij iustificat. Quare in hisce formulis loquendi diligenter tacita reduplicatio consideranda est, ut distincte intelligatur, qua ratione prædictum subiecto tribuatur, ne confundamus causas, & cavillationibus Osiandri sinamus nos in errores abduci.

HUC REGVLAS quasdam adjiciam, ex quibus petere poterunt solutiones argumentorum, quæ aduersarij obijciunt contra ueram iustificationis doctrinam.

PRIMA, Duo sunt ordines testimoniorum de iustificatione & bonis operibus, unus Legalis, Euangelicus alter. LEGALIS ordo aut concionatur de iustificatione legali coram Deo: aut de promissionibus legalibus: aut de minis, quæ intentantur legis transgressoribus. Quod autem legalis illa iustificatio, qua homo iustus a Deo approbatur propter legis impletionem, sit homini impossibilis: docet Paulus Rom. 8. Quod impossibile erat legi, in quo infirmabatur per carnem &c. Et Psal. 130. testatur David: Si iniquitates obseruaueris Domine, Domine quis sustinebit? Psal. 143. Non iustificabitur in conspectu tuo omnis uiuens. Quoties igitur citantur loci legales, Scripturam primum oppone, deinde mentem Scripturæ declarabis. Nam illa testimonia iusticiæ legalis primum docent, qualis nam iusticia consistat coram Dei tribunali, nempe plena & perfecta legis obædientia: deinde nostram maculam ponunt nobis ante oculos, qui peccatis adeo inuoluti sumus, quod



quod non possumus præstare obædientiam Deo iuxta ipsius legem. TERTIO, ista testimonia nos commone faciunt, ut quæramus aliunde iusticiam, nisi malimus perire, ac ita nos quodammodo ad Christum mittunt, qui est legis perfectio, in iusticiam omni credenti. Quarto, ista testimonia admonent, ut nacti iusticiam Christi, incipiamus nouam obædientiam secundum legem præstare, quam plene præstabimus in æterna uita, ubi Deus erit omnia in omnibus. SECUNDVS ordo testimoniorum de iustificatione & bonis operibus, est EVANGELI-  
CVS, et continet testimonia, quorum ALIA pertinent ad causas iustificationis, de quibus supra dictum est: ALIA ad nouam animi qualitatem iustificationum, ut, Qui facit iusticiam, iustus est: quo etiam regeneratio & sanctificatio pertinent. ALIA ad externa signa & iudicia iustificationum, ut, Zacharias & Elizabeth, Luc. 1. erant iusti ante Deum, incedentes in omnibus mandatis & iustificationibus Domini irreprehensibiles seu sine querela, id quod Græca uox sonat proprie. ALIA ad remunerationem obædientiæ, quæ nemini conferri potest, nisi prius fide iustificato. Hinc Apostolus Ebra. 11. dicit, Moysen respexisse ad remunerationem, quod sane Sancti faciunt, sed extra iustificationis causam. ALIA ad compensationem ærumnarum & calamitatum, quas ferunt pii in hoc mundo, Rom. 8. ALIA ad probationem operis ex fide facti. Siquis huius ordinis testimonia confundit, & non discernit inter eum gradum, qui agit de causis iustificationis, & sequentes, qui ad iustificationis effectus referri debent, tota errat uia, & confundit legem cum Euangelio, imo Euangelium tollit,  
&



Et Christi gratiam negat. Quare hi ordines testimoniorum cum suis gradibus diligenter observandi et distinguendi sunt, ne in causarum et effectuum confusione incidamus.

SECUNDA regula. In rebus aliud est substantia, aliud qualitas. Cum itaque disputamus de iusticia fidei, non disputamus contra substantiam bonorum operum, sed contra qualitatem, quam illis falso tribuunt Sophistæ, qui bonis operibus contendunt iustificari homines iustificatione uitæ. Non igitur spoliamus homines operibus, sed peruersam fiduciam operum damnamus.

TERTIA, Aliud est disputare, quid per se ualeant bona opera, aliud quo loco post stabilitam iusticiam fidei habenda sint. Si de operibus statuendum est pro sua dignitate, indigna sunt, quæ in conspectum Dei prodeant: sed quatenus considerantur, ut sequuntur iusticiam fidei, non a suo merito æstimationem habent, sed a gratuita bonitate Dei recipientis opera propter personam. Hac ratione quæ fiunt a fidelibus bona opera, iusta censentur, ac in iusticiam imputantur.

QUARTA, Sententiæ de præmijs bonorum operum habent duplicem respectum. Aut enim ad non renatos, aut ad renatos referuntur. Si NON RENATIS accommodatur, iudicium legis proponunt de præmijs bonorum operum, sed conditio annexa est impossibilis, nempe: *Leuit. 18.* Qui fecerit ea homo, uiuet in eis. Et, *Iacob. 2.* Qui in uno labitur, omnium reus est. At si RENATIS huiusmodi sententiæ accommodantur, tum tria perpendenda sunt: PRIMVM, quod rigor legis sit ipsis sublatus, qui in tribus consistit: quod obædientia



tia non placet nisi perfecta: QVOD uita non promittitur, nisi legem facientibus: QVOD damnatio denunciat transgressoribus uel in minimo. DEINDE perpendendum, quod persona credens placet Deo, & est hæres uitæ æternæ. TERTIO ab hac credente persona requirit Deus obædientiam, & promittit mercedem, non ex debito ob qualitatem operis, sed ex gratia propter paternam promissionem.

QVINTA, Cum iudicandum est de aliquo opere particulari, uel ex qualitate operis in se: uel ex qualitate personæ iudicandum est. Si ex QUALITATE OPERIS iudicandum est, nullum hominis opus satisfacit legi Dei, nec multiplex, nec simplex, siue particulare. Hoc enim non satisfacit legi Dei, quare nec inde iusticia esse potest. Si ex QUALITATE PERSONAE de facto iudicandum est, tunc persona operans aut fidem habet, aut non habet. Si FIDEM HABET, placet opus secundum legem Dei factum, & imputatur in iusticiam, hoc est, censetur iustum, placet enim Deo propter personam: Sin autem PERSONA, faciens opus, CARET FIDE, nequaquam potest opus eius placere, donec oraculum illud Spiritus sancti steterit: Quicquid non fit ex fide, est peccatum. Item: Arbor mala, non potest fructus bonos facere.

SEXTA, Iusticia Euangelij non est proponenda impenitentibus, sed tantum requirenda est ab illis legis obædientia, additis promissionibus & minis. Penitentibus solis, & agnoscentibus suam commertitam damnationem, iusticia Christi, quæ fide accipitur, est proponenda. Sic Christus Matth. 19. Mar. 10. Lucæ 15. impenitenti



tenti proponit legem. Sed Lucæ 7. pauenti ob peccatum, & confugienti ad se mulieri, proponit iusticiam fidei, quæ est remissio peccatorum gratuita.

SEPTIMA, Alia testimonia sunt *ἑλκῶς*, alia complectuntur personas. ΘΕΤΙΚΑ sunt distinguenda per subiecta, nam inde germana interpretatio dependet. Quod itaq; *ἑλκῶς* sonat, ad hypotheses, hoc est, ad pios & impios transfrendū est, & ex sexta regula petenda solutio. Eleemosyna liberat a morte, theticum est: quod si impijs accommodatur, palam est, quod inde non liberantur a morte, proinde pijs applicandum, sed si habent propiciatorem Christum, qui eos a morte liberat. Quare figurate intelligendum est dictum: Liberat a morte, hoc est, a pœna temporali. Estq; metonymia.

#### TESTIMONIA IVSTIFICATIONIS PER FIDEM.

ACT. 13. Notum sit igitur vobis uiri fratres, quod per hunc nobis remissio peccatorum annuntiatur, & ab omnibus, a quibus non potuistis per legem Mosi iustificari, per hunc omnis, qui credit, iustificatur.

ROM. 3. Quapropter ex operibus legis non iustificabitur omnis caro, coram illo (id est, coram Deo) Per legem enim agnitio peccati. Nunc autem sine lege iusticia Dei manifestata est, testificata a lege et Prophetis. Iusticia autē Dei per fidem Iesu Christi in omnes et super omnes qui credunt in eum. Non enim est distinctio, Omnes enim peccauerūt, & destituuntur gloria Dei (qua possunt corā Deo gloriari) Iustificati gratis per gratiam ipsius, per redemptionē, quæ est in Christo Iesu, quem pro posuit



posuit Deus propiciatorium per fidem in ipsius sanguine, ad ostensionem iusticiæ ipsius, propter remissionem præteritorum delictorum, in sustentatione Dei, ad ostensionem iusticiæ eius, præsentis tempore, ut sit ipse iustus & iustificans eum, qui est ex fide Iesu Christi. Vbi ergo gloriatio? exclusa est. Per quam legem? operum? non, sed per legem fidei. Arbitramur igitur fide iustificari hominem absq; operibus legis. Hoc luculentum testimonium est, in quo pleræque causæ, quas antea commemoravi, recitantur.

CUM hic sæpius nominatur iusticia Dei, recurramus ad causas supra commemoratas, ac recte accommodemus. Deus enim est iusticia nostra effectiue, nam is credentibus iusticiam Filij imputat, qua iusti constituuntur. Rom. 5. Iustificati fide, pacem habemus erga Deum, per Dominum nostrum IESUM CHRISTUM. Rom. 8. Nulla igitur nunc est condemnatio his, qui sunt in Christo Iesu, qui non secundum carnem ambulant, sed secundum Spiritum. Lex enim spiritus uitæ in Christo Iesu liberauit me a lege peccati & mortis. Nam quod lex, eo quod infirmabatur per carnem, præstare non potuit, hoc præstitit Deus, misso Filio in similitudine carnis peccati, & de peccato (humani generis) damnauit peccatum in carne (hoc est, ipsum fecit hostiam pro peccato) ut iustificatio legis impleretur in nobis, qui non secundum carnem ambulamus, sed secundum spiritum.

Ad Galat. 2. Scientes, quod non iustificetur homo ex operibus legis, nisi per fidem Iesu Christi, & nos in Iesum Christum credimus, ut iustificemur ex fide Christi, & non ex operibus legis, propterea, quod non iustificabitur



bitur ex operibus legis omnis caro. Eph. 2. Gratia estis saluati per fidem, & hoc non ex uobis. Dei enim donum est, & non ex operibus, ne quis gloriatur.

V S V S.

V S V S præterea huius doctrinæ est, ut uerbo credentes fiducia ad Christum confugiamus, quo iustificati ipsius iusticia, Deo uerum cultum præstemus, et expectemus promissam beatitudinis gloriam.

## CAPUT XIII.

## ORDO REPARATIONIS.

**T**AMETSI hoc caput ex superioribus intelligi potest, tamen aliquid de eo dicendum esse hoc loco iudico, ut in conspectu habeamus breuiter signatum totius nostræ reparationis mysterium, quod in quatuor partes distinguam. PRIMVM enim, qui sint actionis diuinæ gradus in reparatione nostri: DEINDE, quis reparationis modus: TVM, quod nostrum officium, & quæ officij partes: POSTREMO, quæ sit certitudo huius reparationis seu salutis nostræ, dicam, idq; breuissimè & clarissimè.

PRIMAM itaq; partem de GRADIBVS actionis diuinæ in nostri reparatione peragenda, Paulus clare docet his uerbis: Quos præsciuit, eos & prædestinauit conformes imaginis Filij sui, ut sit ipse primogenitus inter multos fratres. Quos autem prædestinauit, hos & uocauit: & quos uocauit, hos & iustificauit: quos autem iustificauit, hos & glorificauit. Hic Paulus

I

quinq;



quinq; commemorat. PRIMVM enim præsciuit Deus, quos uellet in gratiam propter Christum recipere. Vult autem omnes eos, qui fide ad Christum confugiunt. Est enim promissio uniuersalis. DEINDE ordinauit eosdem ad uitam æternam consequendam. TERTIO præscientiam & electionem per uocationem, qua homines uocat per Euangelium, patefacit & reuelat. Hæc enim uocatio sensibile signum est prædestinationis diuinæ. QVARTO loco uocatos iustificat, hoc est, absoluit a peccato, uestit Christi iusticia, acceptat ad uitam æternam. POSTREMO glorificat ac donat æterna beatitudine iustificatos.

MODVS reparationis, ad Gal. 4. his uerbis describitur: At ubi uenit plenitudo temporis, emisit Deus Filium suum, natum ex muliere, factum sub lege, ut eos, qui sub lege erant, redimeret, ut adoptionem filiorum reciperemus. Quia autem estis filij, emisit Deus Spiritum Filij sui in corda uestra, clamantem abba Pater. ECCE INITIUM SALVTIS nostræ facit caritatem illam Patris cælestis immensam, qua Filium suum dedit. DEINDE redemptionem nostri factam per oblationem Christi asserit. TERTIO nostri adoptionem innuit. QVARTO Spiritus sancti in corda nostra missionem memorat. QVINTO & ultimo inuocationem statuit a Spiritu sancto excitari.

OFFICIUM nostrum in reparationis beneficio consequendo Mat. 13. in quatuor partes diuisum uidetur, quarum PRIMA est, oculis uidere, hoc est, nostram miseriam & damnationem intelligere. SECUNDA, audire uerbum, in quo remedium proponitur. TER-

TIA,



TIA, uerbum amplecti, & ei assensum præbere. **P**OSTREMA conuerti ad Dominum uera pœnitentia.

**I**N certitudine de reparationis effectu tria sunt spectanda, quod nam sit ius Christianorum salutis consequendæ: quæ securitas: quodq; discrimen inter pios et impios. **I**us adeundi uitam æternam triplex habent pij, nimirum electionis, redemptionis & promissionis. **S**ECURITAS residet in caritate adoptionis, ueritate promissionis, & facultate præstandi quod promissum est. **D**ISCRIMEN piorum & impiorum tribus abso-  
luitur. Pij enim ab impijs differunt **E**LECTIONE apud Deum, **D**ILECTIONE apud homines, & **F**IDUCIA cordis uniuscuiusq; apud se. Hæc reparationis doctrina perquam utilis & necessaria est, quæ merito nos excitare debet ad gratiarum actionem, ad acre uigilantiæ studium, ad perpetuo degendam in pietate uitam.

CAPVT XV.

REGNUM CHRISTI.

**R**EGNUM Christi triplex est, potentiæ: gratiæ: gloriæ. **R**EGNUM POTENTIAE est, qua potenter dominatur omnibus creaturis, cum Patre & Spiritu sancto. **R**EGNUM GRATIAE est, de quo Dominus loquitur Luc. 17. et definitur a Paulo Rom. 14. esse iusticia, pax & gaudiū in spiritu sancto, in cuius regeneratione sex potissimū sunt consideranda, **P**RI-MVM

I 2

erectio:



ERECTIO: Secundo, PROPAGATIO: Tertio, CONSERVATIO: Quarto, PARTES: Quinto, DOMINIVM: sexto, SERVITVS regni huius monarchæ præstanda. ERIGITVR autem hoc regnum ab ipso Deo, quemadmodum Psal. 2. docet, unde mens pia fiduciam concipiet, fore, ut hoc regnum non aboleatur ullis satanæ machinis, Instrumentum quo erigitur, Verbum est, eodem Psalmo docente. DEINDE propagatur per uerbum & ministros Euangelij, iuxta dictum: Ite in mundum uniuersum, & prædicate Euangelium omni creaturæ. CONSERVATVR ab eo, qui crexit, unde fiducia concipienda est de eius firmitudine & stabilitate contra portas inferorum. PARTES regni sunt, iusticia, pax, gaudium in spiritu sancto. Hæc non pompa mundana ostenduntur, sed in conscientijs piorum sentiuntur. IUSTICIA quidem non solum, qua iusti sumus coram Deo fide in Christum, uerumetiam incoatio nouæ obædientiæ, existit. PAX conscientiæ coram Deo placato per Filium, candorque omnis coram hominibus. GAUDIUM, conscientiæ tranquillitas est, unde mens freta bonitate Dei, in omnibus aduersis gloriatur in Domino. DOMINIVM unius Christi est, idq; ἀντιστοιχεί. Ille enim solus in hoc regno dominatur, nec uicarium habet ullum, sed ministrorum opera utitur ad propagandum suum regnum. Restat SERVITVS præstanda huic Regi, quæ qualis sit, ostendit Zacharias in suo cantico, nimirum, quod oporteat huic Regi seruire in iusticia et sanctitate omnibus diebus uitæ nostræ. Et Psal. 2. Seruite Domino in timore, & exultate ei cum tremore. Et Paulus Rom. 14. exponit, unde proficisci debeat hæc seruitus



seruitus, nimirum ex corde pacato, hoc est, iusticia, pace  
 & gaudio Spiritus serenato. Nec cum hac seruitute  
 pugnat libertas Christiana. Christiana enim seruitus non  
 est seruorum iugum, sed filiorum spontaneum obsequiū.

Cæterum REGNUM Christi GLORIOSUM con-  
 sideratur dupliciter. PRIMVM quantum ad ipsum at-  
 tinet Christum Θεὸς υἱος πατρὸς, qua ratione Christus postquā  
 surrexit a mortuis, gloriose suum regnum occupauit, se-  
 dens ad dexteram Patris in cœlestibus. DEINDE  
 quantum ad mysticum ipsius corpus attinet, considera-  
 tur, qua ratione tum perficietur regnum Christi glori-  
 osum, ubi resuscitados mortuos adduxerit ad æternum  
 Patrem. Tum enim in perpetua uita fruuntur pij conspe-  
 ctu Dei, & æternæ hæreditatis thesauro.

TESTIMONIA NONNVLLE EX-  
 PPLICATIONI IUNCTA SVNT.

V S V S.

V s v s est, ut sinamus Christum uerbo & Spiritu  
 sancto in nobis dominari, & ut Psalmus monet,  
 erudiamur huius Regis disciplina,  
 ne quando irascatur, & abij-  
 ciat nos in furore suo.


FINIS I. CLASSIS.



EXPLICATIO  
CAPITULI  
COMMUNIVM SECVNDÆ  
CLASSIS.

CAPVT PRIMVM.

DOCTRINA VITAE  
COMMVNIS FILIORVM  
DEI.



DOCTRINAE VITAE COMMUNIS filiorum Dei in decalogo tradita est. Continet enim DECALOGVS ueram uiuendi normam, secundum uoluntatem Dei eamq; perpetuam. Quare alia uiuendi ratio communis in nouo testamento quærenda non est, quam fuit in Ecclesia patriarcharum, ante Christum exhibitum. VT autem hæc Decalogi doctrina rectius a tyronibus Theologiæ percipiatur, PRIMVM in genere, quæ in legis doctrina perpetuo consideranda sunt, dicam, DEINDE, quia præcepta Decalogi omnia sunt synecdochica, inuentionis, et tractationis præceptorum decalogi methodum subijciam, tum breuem singulorū præceptorū explicationē declarandæ methodi causa adijciā.

DE



## DE PRIMO.

QVAE SVNT ERGO IN LEGIS DO-  
ctrina generatim consideranda?

Vt hanc quaestionem dextre explicemus, quatuor ne-  
cessario declaranda sunt. PRIMVM, quid lex sit, SE-  
CVNDVM, an quisquam legi satisficiat: TERTIVM,  
quis sit legis usus: QVARTVM, quatenus lex abroga-  
ta sit.

## QVID EST ERGO LEX?

PRIVS QVAM definitionem legis, ut pro norma ui-  
uendi communi accipitur, tradam: operæ precium esse  
iudico, breuiter eius uaria significata recensere. Non e-  
nim eodem modo in scripturis accipitur nomen legis.

PRIMVM itaq; totam cælestem doctrinam, hoc est,  
omne uerbum Dei, quod ad nos docendos quocunq; modo  
pertinet, complectitur. Vt in Psalmis: Beatus qui nocte  
dieq; meditatur legem Domini. Item: Lex Domini im-  
maculata. Psal. 1. & 19, &c. HÆC significatio pro-  
pria est Ebrææ uocis THORA, quæ a docendo nomen  
habet, quam ut septuaginta semper νόμος, ita latini per-  
petuo legem interpretantur. SECVNDVO, lex di-  
citur respectu Prophetarum, ut Matth. 7. Hæc est Lex  
& Prophetæ. Rom. 3. Testimonium habens a lege,  
& Prophetis. Hic lex solum Mosen complectitur, cum  
omnibus doctrinæ ipsius partibus, quæ sunt quatuor, qua-  
rum PRIMA historiam inde usq; a creatione rerum ad  
annum mundi 2494. texit. SECVNDVA, fædus gra-  
tiæ, & promissionem BENEDICTI SEMINIS  
continet, TERTIA, Doctrinam uitæ, eamque



duplicem, complectitur. Nam ut communem omnibus ui-  
 uendi normam Decalogus: ita peculiarem populo Isra-  
 elitico iudicia & ceremoniæ continent. **QVARTA**,  
 Promissiones, & minas, præceptis uitæ additas, recen-  
 set. Has igitur quatuor partes continet legis uocabulum,  
 quando Prophetis, & Psalmis opponitur. **TERTIO**,  
 lex opposita Euangelio opera Decalogi significat, ut in  
 disputationibus Paulinis, ubi Apostolus contendit, homi-  
 nes iustificari fide sine lege, hoc est, ut ipse interpreta-  
 tur, absq; operibus legis. **QVARTO**, lex opposita gra-  
 tiæ, rigorem legis, hoc est, maledictionem, quam lex mi-  
 natur transgressoribus, denotat. Vt in his dictis: Rom. 6.  
 Non sumus sub lege, sed sub gratia. Gal. 3. Si spiritu dus-  
 cimini, non estis sub lege. **QVINTO**, Lex opposita  
 ueritati umbras & figuras ueteris testamenti de Chris-  
 sto absq; omni dubio signat. Ioan. 1. Lex per Moysen data,  
 gratia & ueritas per Iesum Christum facta est. Hic lex  
 primum gratiæ opponitur, et significat rigorem legis,  
 seu maledictionem: deinde opponitur ueritati, & sig-  
 nificat legis umbras, quas euanescere oportuit adueni-  
 ente luce, hoc est, ipso Christo. **SEXTO**, lex imperi-  
 um, Tyrannidem, uim impellentem (habet enim lex rati-  
 onem præcipientis) notat. Vt in his dictis: Lex mortis,  
 Lex peccati, Lex membrorum, Lex mentis, Lex spiritus.  
**SEPTIMO**, pro epitheto interdum ponitur lex, ut lex  
 operum, lex fidei, hoc est, opera & fides. **OCTA-  
 VVO**, Lex accipitur pro tota Mosis politia, cum regno, &  
 sacerdotio. Gal. 3. Sub lege custodiebamur. Hæ uariæ ac-  
 ceptiones uocabuli legis synecdoche, metonymia et me-  
 talepsi facile intelligi possunt.

Iam



Iam DEFINITIONEM legis, quæ norma uitæ est, uideamus. **LEX** est præceptio diuina, requirens ab omni homine perfectam, puram, & perpetuam obædientiam erga Deum, quæ ut promittit uitam & salutem obædientibus: ita mortem & damnationem minatur ijs, qui hanc obædientiam non præstant, donec fiat remissio per fiduciam Christi. **HUIUS** definitionis quatuor potissimum membra sunt. **PRIMUM** de autore legis, nempe Deo, unde homo hæc colligit, quod autor legis habeat ius mandandi, & auctoritatem, ut qui Dominus & Deus noster existit: quod habeat facultatem præmijs honorandi obsequentes, & puniendi contumaces, est enim omnipotens: quod simus obnoxij ad obædiendum, ut creatura creatori, & ut subditi suo domino: quod nullus possit euadere pœnam, cum eam uelit iustus iudex infligere: oculi enim eius (Iob. 34.) super uias hominum, & omnes gressus eorum considerat: non sunt tenebræ, & non est umbra mortis, ut abscondantur ibi, qui operantur iniquitatem: quod iusta sit lex, & perfecta uiuendi regula, est enim ut iustissimus, ita & sapientissimus. **SECUNDUM** membrum est, de obædientie qualitate: Deus enim non requirit obædientiam legis pro nostro modulo, sed pro sua iusticia, nimirum perfectam, id est, omnium præceptorum Dei plenam obædientiam. Qui enim in uno labitur, omnium reus est: puram, ut enim ipse purus est, ita nihil nisi purum ei placere potest. Hinc illa sæpius in scripturis repetita sententia: Sancti estote, quia ego sanctus sum: perpetuam, Vt enim Lex perpetuo obligat: ita obædientia eius, nisi fuerit perpetua, non potest legislatori placere ex se. **TER-**



TIVM membrum est, de uita & salute eorum, qui obtemperant, & de morte, & damnatione eorum, qui obædientiam perfectam, puram, & perpetuam nō præstant. Sic enim Lex inquit: Maledictus omnis qui non permanferit in omnibus, quæ scripta sunt in libro legis, ut faciat ea. Hoc ipsum docet generalis promissio, & comminatio primo Decalogi præcepto annexa: Ego sum Iehoua Deus tuus, fortis, zelotes, uisitans iniquitatem &c. QVARTVM est de restrictione, quæ continet dulcissimam ἐπιεικείαν. Nam maledictio legis non perpetuo tenet obnoxios homines. Christus enim uenit in hunc mundum, ut a maledictione legis redimeret credentes. Sed de hac re in prima classe dictum est.

AN QVISQVAM LEGI SATISFACERE POTEST?

NVLLVS omnino omnium qui nati sunt secundum communem naturæ cursum, id quod perspicuis demonstrationibus confirmandum est, non solum propter impios, iusticiarios, papistas: uerumetiā propter nos ipsos, ut cum uere humiliati fuerimus coram tribunali Dei, dulcescat nobis Euangelij promissio. COLLIGAM igitur quinq; demonstrationes euidentissimas. PRIMA sumitur ab ipsa natura humana, quæ est impura, et contagione peccati fædata. Qui enim fieri potest, ut ex natura impura, prodeat pura erga Deum obædientia? Vnde Propheta clamat, omnes nostras iusticias esse ueluti pannum menstruaturæ mulieris. Effectus enim indolem suæ causæ refert. SECUNDA sumitur ab experientia uniuersa



uniuersali omnium hominum. Omnes enim homines ex-  
 periuntur, obædientiam quam præstant secundū legem,  
 habere quatuor conditiones, easq; cum lege Dei pugnan-  
 tes. PRIMVM enim temporanea est obædientia, sed  
 lex Dei perpetuam requirit. DEINDE est contami-  
 nata: impurum enim cor est, unde obædientia illa profa-  
 ciscitur. TVM imperfecta, non enim præstatur iuxta  
 exactam legis regulam. POSTREMO est fucata ma-  
 lis opinionibus. Quare ipsa experientia omnes homines  
 reos clamat, nec minus certo de hac quæstione per expe-  
 rientiam statuere possumus, quam statuimus eadem expe-  
 rientia conuicti ignem urere, aut aquam humidam esse.  
 TERTIA DEMONSTRATIO sumitur a Scriptura  
 præpronunciatis: Scriptura enim pronunciat, nullum  
 iustum esse, & ne unum quidem, Si iniquitatem obser-  
 uaueris Domine, (inquit Dauid Psal. 130.) Domine quis  
 sustinebit? Huc primum, secundum, & tertium, capita  
 ad Romanos, pertinent, & multa alia Scripturæ testia-  
 monia. QUARTA demonstratio Pauli est ad Gal.  
 2. sumpta a uictima Filij Dei: Si ex operibus (inquit) est  
 iusticia, Christus frustra mortuus est. Cum igitur ne-  
 mo, nisi prorsus ædificetur, dicat, CHRISTVM fru-  
 stra mortuum: relinquitur, ex operibus legis non esse  
 iusticiam, quæ profecto inde esset, si quisquam legi sa-  
 tisfaceret, iuxta illud: Qui fecerit ea homo, uiuet in  
 eis. QUINTA demonstratio est ex iusto iudicio Dei  
 sumpta. Is enim neminem punit iniuste. At constat, om-  
 nes homines morbis, morte, alijsq; calamitatibus obno-  
 xios, idque Dei iudicio: quare reos esse omnes manife-  
 stum est.

CVR



CUR igitur Deus ( dicat aliquis ) LEGEM IM-  
POSSIBILEM tulit? PRIMVM respondeo, Iustum  
esse, debitum exigere, etiamsi creditor sciat, debitorem  
non esse soluendo. DEINDE, hac iusta exactione Deus  
uult nos humiliare, mandando enim impossibilia nō prae-  
uaricatores homines fecit, sed humiles, ut omne os obstru-  
atur, & subditus fiat totus mundus Deo, atque sciamus,  
quod non ex operibus iusticiæ, quæ fecerimus nos, sed se-  
cundum suam misericordiam in Christo saluos nos fecit.  
Impossibilitas itaq; legis nos debiti iusti admonet, & ad  
Christum compellit, legis impletorem.

TERTIA QVAESTIO DE VSV LE-  
GIS FVIT, QVI TRIPLEX  
assignari solet.

PRIMVS politicus est, qui consistit in externa dis-  
ciplina, cuius causas quatuor recitat Philippus, quos  
hoc uersiculo complecti soleo:

Mandatum, pænæ, pax publica, dux ad Iesum.

PRIMVM externa obædientia præstanda est, propter  
mandatum Dei. DEINDE, propter uitandas pænas.

TVM publicæ tranquillitatis gratia. POSTRE-  
MVM, quia non possunt doceri Euangelium, qui externis  
delictis indulgent. SECUNDVS usus est in conscien-  
tia, nimirum, ut nos lex deducat in agnitionem peccati,  
quæ peccati agnitio pariet iustæ iræ Dei agnitionem,  
& propriæ maledictionis sensum ob peccatum, unde na-  
scetur uera contritio, & serium studium quærendi Chri-  
stum, qui solus peccatum expiare, iratum Deum placare,  
&



Et maledictionem legis tollere potest, iuxta illud: Christus redemit nos de maledicto legis, factus pro nobis maledictum, Galat. 3. TERTIVS usus legis diuinæ est, ut sit nobis perpetua uiuendi regula. Postquam enim fide iustificati sumus, fructus fidei edendi sunt, iuxta Decalogi præscriptum, pro modo gratiæ nobis donatæ. Et tametsi legi perfectam obædientiam præstare nequimus, tamen nulla est nobis iam condemnatio, qui sumus in Christo Iesu, Et non secundum carnem ambulamus, sed secundum spiritum: nec opera quæ ex fide facimus, etsi imperfecta sunt, amplius impura censentur, sed iusta potius propter Christum.

QVARTA SEQVITVR QVÆSTIO,  
QVATENVS LEX ABRO-  
gata sit.

VT autem ad hanc quæstionem recte respondeatur, obseruanda est tripartita Legis distinctio. Est enim lex CEREMONIALIS, quæ tota cum Aaronico sacerdotio abolita est. Est Et lex IUDICIALIS, quæ cessante republica Moysis expirauit, ita ut non necessario ullum hominem obliget in specie, nisi quatenus portio eius aliqua, aut pars est legis naturæ, ut lex contra incestus nuptias, Leuit. 18. aut a magistratu proponitur politico fine. Tertia legis species MORALIS est, cuius Epitome est ipse Decalogus. In hac lege duo consideranda sunt. Primum ipsa doctrina in se, deinde rigor, Et appendix legis. Quantum autem ad doctrinam attinet, decalogus est perpetua uoluntatis Dei regula, quæ nunquam



quam abrogabitur : semper enim Deus obædientiam legis, hoc est, dilectionem Dei, & proximi requirit. Sed quantum ad rigorem & appendicem legis attinet, creditibus etiam decalogus est abrogatus. Consistit autem rigor legis in tribus. PRIMO, quod perfectam, puram, & perpetuam obædientiam requirit : SECUNDO, quod non salutem & uitam promittit, nisi ijs, qui hanc obædientiam præstant : TERTIO, quod maledictioni subijcit omnes, qui non perfecte obtemperant. Ab hoc rigore legis liberatos esse credentes, docet Paulus perspicue Galat. 3.

## DE SECUNDO.

QVIA totus Decalogus est synecdochicus, operæ precium iudico me facturum, si studiosis Theologiæ viam quandam monstrauero, quam secuti, poterunt, cum inuenire methodice ea, quæ præcipiuntur, & uetantur in singulis Decalogi præceptis, tum tractationem tenere, qua apte, quæ inuenerunt, disponant & ordinent, unde & tertia utilitas sequitur, aliorum explicationes recte intelligere.

INVENTIONIS igitur operum, mandatorum, & prohibitorum in Decalogo præcepta hæc sint. I. Constituantur DVAE HYPOTHESES in singulis præceptis, eaque contrariæ in mandando, & uetando, quarum VNA uerbis expressa est, & aliquid imperat, aut prohibet : ALTERA sit expresse contraria, hoc est, quæ prohibet quidem, si prior præcipit : & præcipit, si prior prohibet. Si enim hoc Deus præcipit, contrarium



trarium uetat: si hoc uetat, contrarium præcipit. Fieri enim nõ potest, ut iustissimus legislator pugnancia simul imperet, & prohibeat. Vt quarti præcepti, Honora parentes: Ne inhonores parentes, hypotheses sunt: quarum prior uerbis expressa est, & præcipit aliquid, posterior per regulam intelligitur, & prohibet contrarium ei, quod mandatur. II. Hypotheses præcepti ita ordinatæ, per ἀνάλογον ad suas theses præcepti proprias transferantur, quæ propriæ theses præcepti subiectæ esse debent communibus illis duabus, de dilectione Dei & proximi, ex quibus illarum ueritas ostendenda est, ut theses propriæ quarti præcepti hac analysi inueniuntur. Parentes honorandi sunt, Parentes sunt superiores, Ergo superiores honorandi sunt: Parentes non sunt inhonorandi, Parentes sunt superiores, Ergo superiores non sunt inhonorandi. Badem ratio in alijs quoq; obseruabitur, atq; ita haud est difficile uidere, ut singulorum præceptorum duæ sunt hypotheses, ita duas esse theses proprias, quæ inueniuntur (ut dictum est) analysi. III. Partes Thesium analysi quidem in significata (si opus uidetur) diæresi uero in subiectas species diuidantur, ut in proposito exemplo Honoris uocabulum ἀλλοιῶς in reuerentiam, obædientiam & gratitudinem secetur, hæc enim in se continet honor: Superioris uox diæresi diuidatur in priuatum, publicum, domesticum. IIII. Hypotheses ex thesibus & subiectis earum partibus per Synthesin extruantur, ut, Superiores honorandi sunt, Ergo patresfamilias, pædagogi, patróni, atque adeo omnes, qui in aliqua eminentia existunt



existunt legitima, honorandi sunt, hoc est, præstanda ipsis reuerentia, obædientia & gratitudo. Ad eundem modum Thesis prohibita in suas hypotheses secabitur.

V. Quia omni actioni finis est propositus, FINIS cuiuslibet præcepti constituendus est, unde omnia ordinata ad finem, item cum fine coniuncta concludenda sunt, ut quæ sub idem præceptum cadant. Contra uero quicquid uel impedit finem, uel cum eo pugnat, prohibitum eodem præcepto sciendum est. Cum igitur quarti præcepti (ut in eodem exemplo maneamus) finis sit conseruatio politiarum & æconomiarum, sequitur hoc præcepto præcipi quicquid ad hunc finem facere uidetur, ut, parentum, liberorum, dominorum, seruorum officia, adeoque cuiusque honesta uocatio & artificium. Breuiter omnia studia & artes, quibus ornantur & iuuantur politia & æconomiæ. Sed contra prohiberi omnia, quæ cum his pugnant, ut desidia in studijs, cessatio in officio, corruptio studiorum & artium, ocium, breuiter, quicquid impedit propositum finem.

DE inuentione hætenus, nunc TRACTATIONIS ORDO indicandus est. Videtur autem hic commodissimus. PRIMO loco opera quæ mandantur, ordine explicantur, ita ut primum genera ponantur seu theses, de inde paulatim descendatur ad hypotheses & exempla. SECUNDO loco per Antithesin adijciantur quæ prohibita sunt, simili ordine. TERTIO præmia & supplicia generalia omnium & propria singulorum præceptorum exponantur, adiectis exemplis. QUARTO examen conscientia ad normam legis instituat, & usus adijciatur in carne, in spiritu, in fidelibus & infidelibus.



libus. IN his omnibus obscura definiantur, ambigua  
& multiplicia distinguantur, uera argumentis confir-  
mentur, & falsa firma confutatione reijciantur. Atque  
hæc de inuentionis & tractationis Methodo dicta suf-  
ficient.

## D E T E R T I O.

POSTQVAM in genere diximus de lege, & quæ  
sit inuentionis & tractationis Methodus, exposuimus:  
adiiciamus breuem Decalogi explicationem iuxta præ-  
scriptum regularum, quas recensui. Id autem ut fiat  
commodius PRIMVM recitabo uerba Decalogi. DE-  
INDE generalem distinctionem. TVM illas duas com-  
munes Theses, ad quas Dominus Decalogum reuocat, ad-  
ijciam. POSTREMO singula præcepta (ut dixi) bre-  
uissime declarabo.

## D E C A L O G V S.

Et locutus est Deus omnia uerba  
hæc, dicens: Ego Iehoua Deus tuus,  
qui eduxi te de terra Aegypti, de domo  
seruitutis: Non habebis Deos alienos  
coram me, non facies tibi sculptile, aut  
ullam similitudinem, quæ est in cælo  
desuper, & quæ est in terra deorsum, &  
quæ est in aquis sub terra, Non adora-  
bis ea, & non coles ea, quia ego Iehoua  
K Deus



Deus tuus fortis zelotes uisitans iniquitatem patrum in filios, in tertiam et quartam generationem eorum qui oderunt me, & faciens misericordiam in millia, ijs qui diligunt me & custodiunt praecepta mea.

Non assumes nomen Iehoua Dei tui inuani, quoniam non habebit insonum Iehoua eum, qui assumerit nomen eius inuani.

Memento diei Sabbati ad sanctificandum eum. Sex diebus operaberis, & facies omne opus tuum, septimo autem die Sabbatum Iehoua Dei tui est, non facies omne opus in eo, tu & filius tuus & filia tua, seruus tuus & ancilla tua, & iumentum tuum & aduena tuus, qui est intra portas tuas, quoniam sex diebus fecit Iehoua coelum & terram, & mare & omnia quae in eis sunt, & requieuit in die septimo. Idcirco benedixit Dominus diei Sabbati, & sanctificauit eum.

Honora patrem tuum & matrem  
tuam,



tuam, ut prolongetur dies tui super terram, quam Iehoua Deus tuus dat tibi.

Non occides.

Non mœchaberis.

Non furaberis.

Non respondebis aduersus proximum tuum testimonium falsum.

Non concupisces domum proximi tui.

Non concupisces uxorem proximi tui, non seruum eius, non ancillam eius, nec bouem eius, nec asinum, nec omnia quæ sunt proximi tui;

HOC modo referuntur Decalogi præcepta. Exo. 20. SED in distinguendis præceptis & numerandis, nec ueteres Theologi, nec recentes conueniunt. Sunt enim qui faciunt quatuor præcepta primæ tabulæ, & sex secundæ. Nam ut in prima tabula de non fabricandis idolis præceptum separant a primo: ita in secunda coniungunt concupiscentiæ uetitiæ præcepta. Sunt rursus qui tria tantum primæ tabulæ præcepta numerant: appendicem enim primi præcepti, faciunt præceptum de idolis & septem secundæ tabulæ. Nam concupiscentiæ interdictum in duo præcepta secant. Quid ergo sentiendum? Magni autores sunt utriusque sententiæ, quare in medio relinquo,

K 2

nec



nec multum refert quomodo distinguas, modo nihil excludas. Ego sane si me recepta Ecclesiarum multarum consuetudo non moueret, & de re tanta pronunciaturus essem, cum Nazianzeno & Ambrosio accederem priori sententiæ, præsertim cum illa Deut. 5. comprobari uideatur, sed contra receptam consuetudinem nostrarum Ecclesiarum distinctionem mutare nolo. Quare explicabo ordine præcepta, parum de distinctione sollicitus.

QVOMODO VSITATE DI-  
VIDITVR DECALOGVS?

DECALOGVS constat duabus tabulis quarum prior iuxta usitatam distinctionem tria, posterior septem præcepta continet. Hæc distinctio eo pertinet, ut distinguamus inter obædientiam erga Deum immediatam & mediatam. Nam tametsi totus decalogus in genere obædientiam erga Deum præcipit: tamen ut prior tabula immediatam, ita posterior mediatam obædientiam esse flagitat. PORRO omnia hæc decem præcepta Dominus Matthæi 22. ad duas communes theses reuocat, quarum prior: (Diliges Dominum Deum tuum ex toto corde tuo, ex tota mente tua, & ex tota anima tua) in se continet omnia præcepta primæ tabulæ, ut thesīs communis suas hypotheses. Posterior: (Diliges proximum tuum sicut teipsum) complectitur omnia posterioris tabulæ præcepta.

HARVM communium thesium triplex usus mihi uidetur: PRIMVM enim utile est totam uitæ doctrinam summam comprehensam habere, quo magis scopus om-  
nium



nium actionum nostrarum conspici possit. Ea autem doctrinae summa in his thesibus inclusa est. DEINDE ex his thesibus facile est proposito aliquo facto, mandatum ne sit, an prohibitum uidere, etsi uerbis nequaquam expressum sit, ut si de usura quaeratur, facile ex eo damnandum pronunciaueris, quia cum dilectione proximi pugnat, etiamsi statim non uideas, eam quarto quinto et septimo praeepto interdici. TUM in explicatione singulorum praceptorum magna est harum thesium utilitas. Nam inuenta alicuius praeepti thesis propria, cum sua communi thesi conferenda est, uidendumque an in ea includatur, nec ne.

IAM ad praceptorum explicationem ueniamus, ubi primum prooemium legis occurrit examinandum. EST autem prooemium legis duplex. VNVM Moysis, quo populum attentum facit, et incitat ad audiendum ea, quae Dominus est prolocuturus. ET LOCUTVS EST DEVS OMNIA VERBA HAEC. Hoc prooemium leuiter praetereundum non sentio. Debent enim omnes ueri ministri uerbi, atque adeo omnes Christiani, hoc primum Theologiae principium habere in conspectu, nimirum, ut, an DOMINVS loquatur, attendant. Mens enim pia cupiens Deo uiuere, certa non est, donec intelligat ea quae audit, hoc principio niti, uidelicet quod DOMINVS loquatur. Hinc est quod Prophetæ illud toties ingeminant: Hæc dicit Dominus. Os Domini locutum est. Hæc dicit Dominus Deus Zebaoth. Hæc dicit Deus Israël. Et ipse filius Dei sermonem patris se loqui testatur: Ob eandem causam Paulus ubique titulum Apostoli obijcit.



Discamus igitur ex hoc proœmio *κεῖθεν* certum  
 & indubitatum rei Theologicæ esse VERBUM DO-  
 MINI: ALTERVM proœmium Domini est: EGO  
 SVM IEHOVA DEVS TVVS, QUI EDUXI TE  
 DE TERRA AEGYPTI, DE DOMO SERVITU-  
 TIS: Hoc Domini proœmium duo continet. PRI-  
 MVM enim modum cognoscendi Deum monstrat, nimis  
 rum per uerbum & testimonium, uerbum est: Ego sum  
 Iehoua Deus tuus, Testimonium, Qui eduxi te de terra  
 Aegypti. De hoc modo cognoscendi Dei, supra in primo  
 capite primæ clâssis copiose dictum est: DEINDE  
 continet hoc Domini proœmium confirmationem tri-  
 plicem autoritatis legis diuinæ. PRIMVM a potesta-  
 te, qua sibi ius imperij uendicat, cum dicit: Ego sum Iea-  
 houa. Est enim hoc nomen Dei proprium, quo essentia,  
 potentia & maiestas ipsius significatur, Potentia enim  
 & maiestas τῇ αὐτοφύειᾳ diuinæ necessario coniuncta  
 sunt. DEINDE, a promissione Dei, cum inquit: Deus  
 tuus, & Dominus tuus. Est enim hæc relatio diligenter  
 obseruanda, & est sensus: uolo tuus Deus esse, & tu es  
 ris meus populus. TERTIAM a beneficio, cum inquit:  
 Qui eduxi te de terra Aegypti, quo breui dicto totius  
 historiæ, atq; adeo beneficiorum suorum admonet. Hæc  
 nobis applicemus, ut beneficijs Dei moti ardentius ei cul-  
 tum uerum præstemus.

## PRIMVM PRÆCE-

PTVM.

NON HABEBIS DEOS ALIENOS CO-

RAM ME.

ANTI-



L E X.  
A N T I T H E S I S.

135

H A B E B I S M E S O L V M D E V M.

U T autem intelligamus, quid hæ duæ hypotheser in se contineant, primum tenendum est, quid sit habere Deum. Habere autem Deum est ipsum corde amplecti, aliter enim haberi non potest. Amplecti Deum corde est eum ut Dominum timere, ut patrem diligere, ut ueraciter credere, omniaq; bona ab eo sperare per patientiam. Est ergo summa præcepti, quod requirat cordis obædientiam erga Deum: finis, ut illum solum cum esse agnoscamus, a quo omnia bona expectanda sunt. I A M distribuamus opera mandata in primo præcepto, quorum PRIMVM est uerus timor Dei, quo Deum & esse agnoscimus & omnipotentem creatorem conseruatoremque omnium, & simul uindicem malorum statuimus. SECVNDVM dilectio, qua prosequimur Deum quem timeamus: TERTIVM fiducia in Deum, quem diligimus. QVARTVM spes in Deum in quem confidimus. Huic coniuncta est obædientia in cruce seu patientia.

PORRO quicquid uero timori Dei, dilectioni, fiducia, speiq; aduersatur, hic prohibetur, ut timere, diligere ulla res sine mandato Dei, fidere, sperareq; in aliquid, quod non est Deus. Neq; enim aliud est habere Deos alienos, quam quicquam timere, diligere, in quicquam fidere & sperare, præterquam in unum uerum Deum. QVIA autem huic præcepto nemo mortalium satisfacit, debet mens suam impuritatem hic contemplari, ac pœnam commeritam agnoscere, quæ pœna generalis quidem est maledictio, specialis uero, hominem sibi suisque concupiscen-

K 4

cupiscen-

4

10



cupiscentijs relinquere, donec in omne genus scelerum Dei desertor ruat, Rom. 1. DEINDE præmium præcepti fauor Dei est, & misericordia. Verum quia omnes promissiones in Christo Iesu sunt etiam & Amen, tum deum hæc legis præmia consequemur, ubi uestiti Christi iusticia in conspectu Patris apparebimus.

Iam quis sit huius præcepti vsus ostendendum est, sicut tota lex ita hoc præceptum iram operatur. Vnde hæc colligamus. PRIMVM, quilibet hic agnoscat peccatum suum: SECUNDO, agnitum peccatum odio habeat & fugiat: TERTIO, post odium peccati consurgat ad CHRISTVM peccati expiatorem. QUARTO, nactus remissionem peccati redeat ad hoc præceptum, & incipiat nouam obædientiã præstare Deo. Hæc noua obædientiã, quamuis impura per se & imperfecta existit: tamen propterea placet Deo, quia credens in Christum iam placet ut filius, non propter suam sed Christi iusticiam: qua uestitus in conspectu Dei iustus cõsetur.

HIC vsus consistit in examine conscientie, ad legem Dei, tanquam ad lydium lapidem. & debet reliquis etiam præceptis omnibus accommodari.

#### APPENDIX PRIMI P R A E C E P T I.

##### N O N F A C I E S T I B I S C U L P T I L E.

Tametsi Nazianzeni sententiam complector, qui hic secundum præceptum facit inquiring: μή σήσης ἰδωλμακρον, καὶ ἄπυσον εἰς αὐτόν: tamen nolo discedere a recepta consuetudine Ecclesiarum nostrarum, præsertim cum res nihil uideatur habere incommodi, modo non excludatur



tur, quod Dominus inclusum esse uoluit. Porro sensus appendicis (ut sic appelletur) est, ne externum cultum, quem Deo debemus, idolis tribuamus. In Deum enim blasphemia uox est eorum, qui dicunt: Nos ad honorem inuisibilis Dei imaginem uisibilem adoramus. Nam cum cultus Dei esse nequeat, nisi qui iuxta Dei uoluntatem fiat, quæ amentia est cultum Deo erigere contra ipsius interdictum? Ille dicit, Non facies tibi sculptile neque imaginem, puluis tamen & cinis, & magister idolorum sensus carnis, audet contradicere, facies utrunque, idque in templis Christianis. An non templa Christianorum erecta sunt propter cultum Dei conseruandum? Quid quæso ad cultum Dei faciunt idola? Profecto nihil. In confesso enim est, cultum Dei duplicem esse: *σέβασμα* internum animi cultum, qui ex fide proficiscitur, & externum *προσκύνησις*, qui proprie *λατρεία* dicitur. Vtrunque impediunt & corrumpunt idola, ut quæ a uero Deo, qui in cælis quærendus est, mentem auocant. Cum igitur templa Christianorum erecta sint propter cultum Dei conseruandum, & idola eum corrumpant & impediunt, quis quæso locus in templo Dei relinquetur idolis? Si quis usus pius idolorum esset in templis Christianorum, profecto uel orantibus uel communicantibus, uel docentibus uel discipulis prodesse. An docentibus prosunt? Doctrina petenda est ex Prophetis & Apostolicis scriptis, Pius enim animus non acquiescere debet, donec audiatur: Hæc dicit Dominus. Quid iuuant discipuli? Admiratio imaginum sæpe tenet attonitos, & impedit, quominus animus rebus quæ traduntur, adijciatur. An orantibus quid commodi afferunt? Mens orantis ad cæ-



lum erigi debet, id quod forma orandi a Domino præscripta, monet: Pater noster qui es in cælis, unde aspectus imaginum orantes auocat. Communicantibus forte commodant? nihil minus. Nam communicantes in cæna Dominica contemplari oportet CHRISTVM Dominum mortuum & resuscitatum pro peccatis nostris, & nostri iustificatione, & non uanis oblectari imaginum picturis. CVM igitur nullum usum habeant imagines pium in templis Christianorum, sed magis pietati noceant, & pugnent ex diametro cum uoce DEI, Exodi 20. Leuit. 26. Deuterono. 5. & 27. Esaia 44. 1. Ioan. 5. quis potest tam infandæ turpitudini patrocinari? nisi qui omnino uerbum DEI pro nihilo habeat. Sed habent, fateor, quædam refugia patroni idolorum. Dicunt enim libros idiotarum esse. Sed Esaia capite 44. contra dicit, nullum idolorum usum esse, Quis (inquit) sculptile conflauit ad nihil utile. Aut igitur eradant hoc Esaia testimonium ex Scriptura, aut uana & inutilia simulacra esse fateantur, Quare laicos & idiotas ad legem & testimonium cum Esaia mittere oportuit, non ad sculptilia & imagines. Non tamen inficias eo hæud minimam idolorum causam extitisse, quod cæperint in Papatu habere mutos sacerdotes, qui cum non sonarent ipsi uerbum Dei, ut scelus congenerarent, idola muta & uana crexerunt in contumeliam Dei. Verum, quia nunc ex Dei gratia in nostris templis docetur purum uerbum DEI, defungantur idola isto suo ficto munere, & dent locum uiuis imaginibus DEI. Quid? Si non licet imagines & idola habere in templis, neque in moneta, neque in libris habere



bere imagines licebit, neque monumenta & statuas Io-  
 suæ, Samuelis, & aliorum erigere licuit? Respondeo,  
 Non damno artem pingendi & sculpendi, quam inter  
 dona Dei pono, nec imaginem pingi, aut statuas erigi ue-  
 to, scio enim ista adiaphora esse, sed usum imaginum  
 distinguo, qui est triplex, Typicus, Superstitiosus &  
 Politicus. **TYPICVS** quidem **VSVS** fuit Cheru-  
 bim in templo Salomonis, & æneus serpens in deserto,  
 uerum nunc typus cessauit. Deinde habebant particula-  
 re præceptum de Cherubim erigendis, & æneo serpen-  
 te. At nos Catholico præcepto obtemperare debemus:  
 Cauete uobis ab idolis, 1. Corinth. 10. Hic Apostolus  
 non modo idololatriam damnat, sed præcipit, ut ab  
 ipsis simulacris instrumentis idololatriæ caueant Chris-  
 tiani: quo significat, non posse integrum ac sincerum  
 cultum Dei retineri, ubi simulacra sunt, adeo enim ingea-  
 nita est nobis superstitio, ut minima quæq; occasio con-  
 tagione sua nos inficiat. **SUPERSTITIOSVS**  
**VSVS** solus damnatur, qualis in templis est. Tametsi  
 uero non omnes superstitiose procumbunt coram imagi-  
 nibus templicis: tamen quia rudioribus sunt occasio  
 ruinæ & superstitionis: metuendum est, ne post hanc  
 claram Euangelij lucem sequantur tenebræ, unde in su-  
 perstitionem ethnicam instrumentis adhuc in templis  
 relictis facile incidant rudiores. Quare habenda est ra-  
 tio eorum, quos Christus suo sanguine redemit, ne no-  
 stris picturis & idolis eorum salutem euertamus. **PO-**  
**LITICVS** **VSVS** imaginum a nemine reprehendi ius-  
 te potest, donec non transgrediatur iustos limites. Hic  
 usus



usus politicus triplex est, historicus, symbolicus, & ornatus gratia adhibitus: HISTORICVM uoco, qui & ad intelligendas rectius rerum descriptiones, & ad memoriam rerum conseruandam facit, qualis est picturarum in libris, & statuarum quas erexerunt sancti Patres. Hic usus sane ualde utilis est, quare nequaquam reprehendi debet. SYMBOLICVM imaginum usum appello, qui nos de re, quæ imagine repræsentatur, admonet, politico fine, Vt imago in moneta Cæsaris admonebat Iudæos, quod & ipsius moneta esset, et quod Cæsari essent subiecti, unde Dominus (Matt. 22.) iubet eos reddere quæ sunt Cæsaris Cæsari, & quæ sunt Dei Deo. Hunc imaginum usum nequaquam improbandum esse docet factum Christi, qui accepta moneta quæsiuit cuius imago esset, quam cum illis redderet, non præcepit ut abijcerent propter imaginem, quod sane fecisset, si iste usus fuisset illicitus. Imo ipsi Apostoli monetam cum hac imagine circumferebant: & de pisce exemtum nummum cum imagine Cæsaris (nam alia moneta non recipiebatur pro tributo) Dominus in tributum pro se et Petro soluit, Matth. 17. VSVS imaginum ORNATVS GRATIA adhibitus est etiam politicus, qualis quia in templo Salomonis fuit sine reprehensione, non est cur reprehendatur, modo nihil habeat admistum periculi. VERVM si obijcitur, in templis posse esse historicum usum. RESPONDEO, Sint tales imagines historicæ, quæ nec nunc uiuentibus sint scandalo, nec ullum periculum afferre possint posteris nostris. Præterea conferatur abominatio & multorum lapsus cum illo comodo, & uidebimus, grauiore esse causas destruendi idola templa, quam



quam ea ferendi in templis. Præterdunt ornatum, si illi ornatui adiunctum est ullum periculum, uel nunc uidentibus, uel posteris, sit maledictus. Spiritus sanctus Ezechielis 20. uocat idola abominationes oculorum, at puluis & cinis ea uocat ornamenta oculorum. Maledictus sit ornatus, qui est offendiculo ueræ doctrinæ & membris Christi. Verus ornatus templorum utilis & Deo gratus est: Concio, Cantio, Oratio, Communio, & non quæ uel hæc impediunt uel uiciant. PRODUCUNT præterea in patrocinium suæ causæ auctoritatem sanctorum Patrum, & longam consuetudinem. Sed si Patrum auctoritate nitendum est, successoribus Apostolorum & omnibus patriarchis Ecclesiarum Græcarum, qui idolis templis aduersati sunt, potius assurgendum est, quam posterioribus. Nec consuetudo obijcitur reuolue, cum mala consuetudo nihil sit aliud, quam erroris uetustas. Quapropter iudico, diabolo non esse credendum, qui in mundum idola inuexit, ut uerus cultus Dei corrumpetur: sed potius contineamur intra terminos uerbi Dei, nec sinamus nos Sophisticis imposturis & claro uerbo Dei abduci, etiamsi magnæ auctoritatis uiri uideantur, qui ex carnis sensu aliud suadent & docent. QUOTIES igitur audimus uerbo Dei idololatriam damnari, sciamus & omnia damnari, quæ ad eam erigendam, fouendamq; faciunt, qualia potissima sunt idola & simulacra, quæ instrumenta sunt idololatriæ, ex quibus idololatria nomen habet: quæ proprie externa ueneratio idoli alicuius est, etsi postea uocabulū ad genus translatum sit, significetq; omnem timorem, dilectionem, fiduciam, spem in id quod non est Deus. Vnde auaricia a di-

HO PAU



no Paulo idololatria dicitur, quia in pecuniam suam spem collocat auarus, atque ita de alijs. Quid ergo pius pastor faciet? PRIMVM cauebit, ne quid per seditio- nem faciat. DEINDE docebit ueram rationem cul- tus DEI. TERTIO obseruabit an quisquam abu- tatur relictis in templis simulacris, quod si senserit, ad- monebit Magistratum sui officij, ut Ezechiam imiten- tur. QUARTO, ornatum templorum, unde non est superstitionis periculum, improbare non debet, mo- do sumtus non fiant inutiles, neglectis uiuis imaginibus Dei, qui sunt pauperes. QUINTO, politicum usum imaginum nullum uerbum Dei improbat. BREUI- TER, pius pastor prospiciens futuras tenebras, facile in- dicabit ex quibus imaginibus sit periculum. PORRO PROMISSIONES & MINAE, quæ attexuntur huic præcepto, sunt generales, & habent annexam con- ditionem impletæ legis diuinæ, de quibus alias.

## SECUNDVM PRAECEPTVM.

NON ASSVMES NOMEN IEHOVA  
DEI TVI IN VANVM.

### ANTITHESIS.

ASSVMES NOMEN IEHOVA DEI TVI  
LEGITIME ET RECTE.

ASSVMERE autem nomen Dei inuanum, est usura-  
patio nominis Dei prophana. Mandatur igitur hic ue-  
ra nominis Dei usurpatio, cuius FINIS est, ut maiestas  
nominis Dei inter homines habeatur sacrosancta. Ut  
igitur



igitur quicquid facit nomen Dei celebre inter homines,  
hic mandatur : ita quicquid prophanat nomen Dei, &  
facit ut non celebretur inter homines, hic prohibetur.  
Hinc collige opera huius præcepti. PRIMVM, inuoca-  
tionem nominis Dei. SECUNDVM, gratiarum  
actionem. TERTIVM, prædicationem. QUAR-  
TVM, glorificationem. QVINTVM, confessionem.  
SEXTVM, testificationem nominis Dei, seu cultum iu-  
risiurandi legitimi. Hæc omnia ut partes sunt ueræ u-  
surpationis nominis diuini : ita ad præcepti finem legi-  
time ordinantur. PORRO, quicquid cum his sex par-  
tibus enumeratis pugnat, hic prohibetur, ut inuocatio  
sanctorum, strepitus labiorum, bathologia sine fide, bo-  
atus templi, exorcismi incantatorum, in orando tædi-  
um, nihil prorsus orare, uti Dei donis sine gratiarum ac-  
tione, fidem cælare, uel ob amicitiam, uel ob metum,  
abnegatio Dei, deprauatio Scripturæ, scandalosa ui-  
ta, hæresis, schisma, deieratio, execratio per nomen  
Dei, periurium, leuitas in iurando, temeraria uota.  
Breuiter, quicquid maiestatem nominis Dei inter ho-  
mines lædit & obscurat. NEC HVIC PRAECE-  
PTO quisquam satisfacere potest, cuius ratio in primo  
exposita est. Similiter vsus præcepti idem statuens  
est cum usu primi præcepti.

### TERTIVM PRÆCEPTVM.

MEMENTO DIEI SABBATI VT SAN-  
CTIFICES EVM.

### ANTITHESIS.

MEMENTO



## MEMENTO DIEI SABBATI, NE PROPHANES IPSVM.

Est autem sanctificare Sabbatum, quiescere ab operibus nostris, & regnum Dei meditari operibus a Deo institutis, recolere beneficia Dei, discendaq; legi Dei uacare. Sanctificandi enim uocabulum monet, Sabbatum totum diuino cultui applicandum, & totum laudibus diuinis peragendum. FINIS igitur præcepti erit, animus, corpus, & omnes actiones Deo dicare, regnum Dei & eius beneficia meditari & propagare. AD HUNC FINEM pertinet. PRIMVM, seria uerbi DEI meditatio & tractatio. SECUNDO, uerus usus ceremoniarum, quas primum Deus, deinde Ecclesia utiliter instituit. TERTIO, promotio pietatis pro uocatione. QUARTO, iuuare Ecclesiæ membra omnium officiorum genere. QUAE cum his pugnant, prohibentur hoc præcepto, ut omnia impediunt meditationem uerbi, qualia sunt, seruilis opera, quæ non habent coniunctum pietatis exercitium sua natura. Nec huic præcepto quisque satisfacere potest. PORRO præter generalem usum, de quo admonui in primo præcepto, hoc in tertio peculiariter obseruandum est: Tametsi autem ceremoniale est, quo ad speciem, hoc est, certæ diei (seruata illa Iudæorum numeratione) obseruationem, & ad Iudæos solos spectat, in memoriam creationis rerum institutam: tamen in genere ad totum humanum genus pertinet. Ut autem hoc declaretur apertius, primum obseruemus præcepta Dei duplicia esse, Catholica & particularia. CATHOLICA obligant omnes ex æquo, aut ad obedientiam aut ad pœnam, quia ab omnibus &



bus & ubiq; eorum conseruatio requiritur. **PARTICULARIA**, quæ non omnibus data sunt, sed uel uni genti aut uni homini. De his tres regulæ tenendæ sunt. **PRIMA**, nullum præceptum adeo particulare est, quin aliquatenus ad omnes pertineat. **SECUNDA**, Quicquid externarum circumstantiarum annexum est præceptis Dei particularibus, ut est locus, tempus, persona, numerus, ordo, &c. ressecandum est, ijsq; quibus ea particulariter mandata sunt, relinquendum. **TERTIA**, Quicquid est fidei uel caritatis reliquum, id totum nobis applicandum est. Nullum enim præceptum Dei est, ex quo fidei & caritatis fructus percipi non possunt. Sic hoc præceptum Dei, de Sabbati obseruatione, peculiariter datum est Iudæis, sed aliquatenus tamen ad nos pertinet. Sunt enim tria in ueteri Sabbato. **PRIMUM**, Cereemoniale, quod totum Iudæis relinquendum est. **SECUNDUM** fidei. **TERTIUM** Caritatis, quæ duo ad omnes pertinent. Proinde vs vs legitimus Sabbati in his consistit, ut beneficia Dei memoremus, gratiasq; pro ijs agamus, ut celebremus perpetuum Sabbathum, id est quietem a peccatis, ut sanctam conuersationem & uitam sectemur, ut quiescamus in Christo per patientiam, donec nos in sui regni gloriam transtulerit Deus, ut remittamus opera familiæ in qualibet septimana, uno die ad minimum. Hoc postremum caritatis est, superiora fidei.

#### QUARTVM PRÆCEPTVM.

PTVM.

HONORA PATREM TVVM ET MATREM TVAM.

L

ANTI-



## ANTITHESIS.

NE SINT TIBI INHONORI

PARENTES.

HONORARE autem parentes est, ipsis reuerentiam, obædientiam & gratitudinem exhibere. FINIS præcepti est statuum, quos Deus ordinavit conseruatio, ordinavit autem politias & æconomias. Mandantur itaq; hoc præcepto omnia quæ ad politiarum & æconomiarum incolumitatem pertinent, ut sint officia mutua magistratus & subditorum, parentum & liberorum, ministrorum uerbi & auditorum, præceptorum & discipulorum, atque adeo omnium superiorum & inferiorum, siue sint priuati siue publici. Ex aduerso omnia hic interdiciuntur, quæ cum istis pugnant. PORRO in hoc & in sequentibus præceptis obseruandum est, quod obædientia omnis incoanda sit a primo præcepto, sine quo nulla obædientia cæterorum præceptorum placere potest. Quæstiones, an quis præcepto huic satisfaciat, & quis sit usus, ex superioribus notas relinquo. Verum promissio addita, uidetur nonnihil obscura. Promittit enim prolongationem dierum obtemperantibus huic præcepto, cum tamen sæpe pij erga parentes filij præmatura morte succumbant. Sed hic obseruanda utilis regula est: Quicquid nobis terrestrium bonorum Deus promittit, sub hac conditione accipiendum est, quatenus in bonum animæ nostræ salutemque expedit: Vnde fit interdum, ut quo quisque magis diligitur a Deo, eo citius eripiat ex hac uita. Nam promissionis genus est, ut obædienti bene sit.

PORRO hoc loco quæstionem breuiter tractabo, de termino



TERMINO VITAE cuiuslibet hominis. Sunt qui statuunt Stoicam & fatalem necessitatem termini uitae cuiuslibet hominis, qui cum alios quosdam locos, tum uero maxime illum qui est Iob. 14. adducunt: Breues dies hominis sunt, & numerus mensium eius apud te est. Constituisti terminos eius, qui præteriri non poterunt. Et si autem hunc locum ideo rejicere possem, quia corruptus est in communi translatione (ita enim legi debet ex Ebræo: Si definiti sunt dies eius, numerus mensium eius apud te est: Constituisti terminos eius & non præteribit. ut sit tantum una propositio hypothetica, cuius consequens bis ponitur) tamen largimur illis, quod sit sensus Prophetæ, Deum terminum uitae cuiuslibet definire, quem nec anteuertere, nec præterire quisquam potest: modo uicissim nobis concedant, statui termini modum non ex necessitate Stoica, sed ex uerbo Dei claro & perspicuo petendum esse. SED quem modum definiti termini præscribit uerbum Dei? Verbum Dei nos mittit ad Dei prouidentiam, quæ in promissionibus & comminationibus diuinis fundatur. Debemus igitur in hac quæstione promissiones & comminationes Dei cum utrarumque exemplis illustribus adhibere, in consilium. PROMISSIONIS TESTIMONIA sint hic pauca pro multis. Exodi 20. Honora patrem tuum & matrem tuam, ut sis longæuus super terram, quam DOMINVS Deus tuus daturus est tibi, Prouerbiorum 9. Per me multiplicabuntur dies tui, & addentur tibi anni uitæ. Prouerbiorum 10. Iusticia liberabit a morte. Ibidem: Timor Domini apponet dies, & anni impiorum abbreviabuntur.

L 2

EXEMPLA promissa



PROMISSIONVM sunt multa. Deutero.9. cum Deus minaretur, quod populum contumacem uellet perdere, intercedit Moses, & iuxta promissiones parcit peccantibus. Niniuitis interitus uoce Dei constitutus erat quadragesimo die post inceptam concionem Ionæ, sed peccantibus parcitur. 3. Regum 24. Dauid supplicat Deo, erecto altari, ut cesset interfectio. Notum est Ezechiae exemplum Esaiæ 38. TESTIMONIA COMINATIONUM sint hæc, Prouerb. 20. Qui maledicit patri & matri suæ, extinguetur lumen eius in medijs tenebris. Psal. 54. Viri sanguinum non dimidiabunt dies suos. Leuit. 20. Dominus minatur flagitiosis exterminationem de populo suo, quæ exterminatio nihil aliud esse potest, quam abruptio termini uitæ propter scelera perpetrata. Harum COMINATIONVM EXEMPLA ex pluribus hæc obseruentur. Gene. 38. HER quia fuit nequam in conspectu Domini, dicitur occisus a Domino. Ibidem ONAN effundens semen in terram, ne sua scitaret fratri semen, occiditur a Domino. ACHAN propter spoliū de anathemate, uoce Dei iubetur lapidari. Ex his testimonijs & exemplis manifestum est, quod Deus iuxta suas promissiones & minas uel abbreviet, uel prolonget terminum uitæ, cuiusque. Idem testatur Iacobus capite 5. qui ægrotos piorum precibus subleuari statuit. Idem semper senserunt omnes pii, qui suis precibus sæpius pijs principibus & doctoribus longiorem uitam impetrarunt.

HVC accedit firmissima contra Stoicos ratio: Si inuitabilis fataliter est terminus uitæ, erit etiam culpa inuitabilis, propter quam multi rapiuntur ad mortis  
supra



*Supplicium. Si culpa ineuitabilis est, reuera Deus peccati autor erit. Sed hoc uel dictu horrendum maxime est. Quare cum culpa non sit ineuitabilis, neq; terminus uitæ erit fatalis. PRAETEREA ista Stoica opinio uehementer nocet moribus, & pietatis exercitia tantum non impedit. Nam cum homines putant, euentus pendere ex fato, fiunt segniores. Proinde timeamus Deum, ac cogitantes de futuris euentibus, respiciamus ad eius promissiones & minas, orantes, ut ipse nos suo Spiritu regat, quo ea agamus, quæ ipsi grata sunt, utq; pro sua misericordia & clementia uelit nobiscum agere.*

DEINDE alia regula obseruanda est in hoc præcepto, eatenus obædiendum parentibus esse, ne lædatur erga Deum pietas, quæ primum gradum obtinet. Nam si ad Dei institutum tanquam ad certam regulam, exigenda est filiorum subiectio, præposterum foret per eam ab ipso Deo abduci.

TERTIA regula sit hæc. Tametsi non est æqualis conditio superiorum & inferiorum, tamen aliquod ius mutuum & analogum inter ipsos requiritur, quod sic uti inferiores superioribus obnoxios reddit, ita uicissim proportione habita, superiores obstringit inferioribus. Hæc proportio seu analogia ad legem caritatis exigenda est, quæ sola uera est mensura in mutuis superiorum & inferiorum, imo & parium officijs, de qua re postea in quarta classe dicetur.

# QVINTVM PRÆCE-

PTVM.

NON OCCIDES.

L 3

ANTI-



CLASSIS III.  
ANTITHESIS.

VITAM PROXIMI CONSERVABIS.

Vt enim læsio omnis proximi hic interdicitur: ita omnibus modis ipsum iuuare præcipitur. FINIS præcepti, ut alter alterius incolumitatem quærat. Mandantur igitur omnes uirtutes quibus proximo commodamus, & quæ ab iniuria proximi nos reuocant, cuius generis sunt: dilectio proximi ex animo, comitas, beneficentia, conuersatio amica, clementia, adesse in quavis necessitate. Contra prohibetur, PRIMUM externum homicidium. DEINDE maledicta, conuicia, ludibria, breuiter, omnia facta, quibus ullo pacto lædi potest persona proximi. Item omnia cogitata, quibus male de proximo cogitamus. Similiter omnia dicta in proximum acerbiora. Porro parentum, præceptorum & magistratus officia nequaquam hoc præcepto tolluntur, ut quæ non solum in quarto præcepto præcipiuntur: (faciunt enim ad status a Deo ordinatos conseruandos) uerumetiam præmijs peculiaribus a Deo ornantur, quemadmodum multa exempla scripturæ testantur.

SEXTVM PRÆCEPTVM.

NON MOECHABERIS.

ANTITHESIS.

CASTE VIVES.

Vt autem hic impuritas omnis animi & corporis interdicitur: ita præcipitur mentis & corporis puritas casta, & castitas pura. FINIS præcepti est, ut ho-



mo puritatem & castitatem sui creatoris sectetur. Mandantur igitur hic uirtutes castitatis & pudicitiae, quales sunt σωφροσύνη temperantia, sobrietas, & quaecunque faciunt ad castitatem conseruandam, cum in matrimonio casto, tum extra matrimonium. Contra prohibentur, eternum adulterium, uagæ libidines, mollities, sermones spurci, ὁτρεπείλια, id est, scurrilitas, intemperantia, ebrietas, lasciui gestus, & quicquid hominem a castitate corporis & mentis auocare potest.

## SEPTIMUM PRÆCEPTUM.

NON FVRABERIS.

## ANTITHESIS.

BONA PROXIMI PROMOVEBIS.

FINIS præcepti est, ut nostra sorte cõtenti unicuique quod suum est relinquamus. Mandantur igitur hic, iusticia commutatiua præcipue, & omnes eius partes, & prohibentur, quicquid cum illa pugnat, ut expilationes, usuræ, fraus, lances & pondera iniusta.

2. Samu. 15. species quædam furti indicatur, cum Absolon furatus dicitur esse cor uirorum Israël: unde patet maximos fures esse eos, qui alienant animos subditorum a magistratu, auditorum a ministris uerbi, discipulorum a præceptoribus, seruorum a dominis, famulorum & ancillarum a patribus familias, liberorum a parentibus. Hoc genus furti recte diabolicum dixeris. Nam ut diabolus primorum parentum animos auertit a Deo: ita hi uestigijs paternis insistentes, animos ab ijs, cum quibus coniuncti esse deberent, alienant.



CLASSIS II.  
OCTAVVM PRAECEPTVM.  
PTVM.

NON RESPONDEBIS FALSVM TESTIMONIVM ADVERSVS PROXIMVM TVVM.

ANTITHESIS.

RESPONDEBIS PRO PROXIMO TVO  
VERVM TESTIMONIVM.

FINIS praecepti est, ut ueritatem sine fūco inter nos colamus. Mandantur itaq; in hoc praecepto, candor, ueritas, constantia in dictis, diligens ueritatis inquisitio: commendantur artes, ueritatis ministræ. Contra prohibentur, falsum testimonium, calumniæ, mendacia, obtrusiones, malæ cordis suspensiones de proximo, item Sophistica, & omnes deceptoriae artes.

NONVM ET DECIMVM  
PRAECEPTVM.

NON CONCVPISCES DOMVM PROXIMI TVI.

ANTITHESIS.

TOTO CORDE SIS PROXIMO CARVS ET UTILIS.

FINIS praecepti est, ut omnem cupiditatem cum caritate pugnātem, ex animis excutiamus. Hæc duo praecepta discrimen faciunt inter legem humanam & diuinam, HUMANA tantum prohibet facta & dicta, DIUINA etiam concupiscentiam inordinatam cohercet.  
Tamet si



Tametsi autem in superioribus præceptis concupiscentia etiam prohibetur: tamen hæc duo postrema non censenda sunt inutilia aut frustra addita. Nam in illis prohibetur uoluntaria concupiscentia, quæ est effectus eius concupiscentiæ, quæ hic prohibetur. In superioribus prohibetur actio interior & exterior, consilia & deliberationes. In hisce ultimis istorum omnium fons præcludi præcipitur. Illic actiua, hic passiua concupiscentia interdicitur. CAETERVM qui hæc duo præcepta distinguunt, nonum ad genus, decimum ad species referunt. Nonum, Non concupisces domum proximi tui: hoc est, familiam & possessionem proximi tui promoueto. Decimum, Non concupisces uxorem eius, mandat ne quis ulla occasione sub specie honesta res alterius uelit ad se allicere.

QVOD autem nemo satisfaciatur huic præcepto, his rationibus conuincitur. PRIMVM enim massa tota naturæ nostræ corrupta est. Est enim prauum cor hominis ab adolescentia. SECVNDO uniuersalis experientia in omnibus sanctis, qui ingemiscunt & dolent se impediri hoc malo, quo minus ea quæ uolunt bona faciant. Hinc Paulus Roman. 7. exclamat: O me miserum, quis me liberabit de corpore mortis huius? Debet proinde vsus horum præceptorum perpetuus in animis nostris hic esse, ut precemur Deum, ne hoc malum nobis imputet, ne compellamur, ut obtemperemus ei in suis concupiscentijs: denique, ut confugiamus ad Christum pontificem, qui credentium in se peccata interna & externa suo precioso sanguine abluit.



# LEGITIMA SPIRITUALIS CULTVS DEI RATIO, ET EIVS PARTES.

**S**UPERIORI capite materiam cultus diuini explicauimus, nunc eius legitima ratio & partes exponenda sunt. Non enim omne opus præceptum, est cultus, nisi ex uera fide fiat, propter uerum finem. Nam qualitas operum non solum ex ratione præcepti, sed ex causis simul, efficiente & finali, censebitur. Vt igitur hanc doctrinam perspicue teneamus, PRIMVM, regulam per quam probandus sit uerus cultus Dei, DEINDE, fundamentum eiusdem cultus, TVM, quidnam sit cultus Dei, POSTREMO, quæ sint eius formæ, tradam. His enim quatuor cognitis nihil restat, nisi ut mentem, cor, linguam & manus a Domino gubernari cupias, quo ipsi uerum cultum præstare possis.

Sit itaq; hæc REGULA GENERALIS, quod nullus cultus placeat Deo, nisi quem ipse proprio uerbo instituit. Hanc regulam uox Dei apud Esaiam, & Dominus in Euangelio confirmat: Frustra me colunt, docentes doctrinas & mandata hominum, Paulus ad Colossens. 2. *ἰδωθῆσκειας* damnat. Idem pronunciat, Ebræ. 11. nihil placere Deo sine fide. Cum igitur cultus placere debeat Deo, qui id fieri potest, si uerbo Domini non nitatur? Teneamus igitur hanc regulam, nec sinamus nos ab ea auelli ulla sophistica. HUIVS regulæ vsus multiplex est. PRIMVM enim hac regula stabilitur auctoritas

tas



tas legislatoris. Vbi enim in Republica liberum est uni-  
cuiq; condere leges, autoritatē sup̄remi domini uilescere  
necesse est. Hanc autoritatem sibi uendicat Dominus in  
primo præcepto, dum inquit: Ego sum Iehoua Deus tu-  
us, &c. DEINDE liberat nos hæc regula ab errore  
Ethnico, Pharisaico & Papiſtico, ne cum illis sine modo  
superſtitiones & ἑλελογισκείας cumulemus, quorū ante  
ſignatus eſt Romanus pontifex, qui ſane Hieroboam apo-  
ſtaſia, Achab homicidijs & ſanguine piorum, Ieſabel cri-  
delitate, Nabogodonosor ſacrilegio, Iulianum fraudibus,  
Iudam proditorio osculo ſuperat. Haſtenus de regula.

FUNDAMENTVM cultus Dei ſequitur, quod ſi-  
xum & certum tenere oportet. Eſt autem hoc funda-  
mentum duplex, nimirum Cognitio Dei, & Cognitio no-  
ſtri, de quibus quia abunde dictum eſt in prima claſſe,  
hic breuius eadem attingemus. COGNITIONEM  
DEI conſequimur per uerbum & teſtimonium, quæ  
coniuncta docent nos, quod Deus ſit ſons omnis uirtutis,  
iuſticiæ, ſapientiæ & ueritatis: quod Deo omnis glo-  
ria tribuenda ſit: quod Deus ad iuuandum ſit prom-  
tus ſua natura, quod idem uelit omnes ad ſe confugere  
in quouis periculo. Hanc Dei cognitionem eſſe funda-  
mentum cultus Dei Eſaias 19. docet his uerbis: Co-  
gnoscent Aegyptij Dominum in die illo, & facient ſa-  
crificia & oblationem, uoueuntq; uota Domino, &  
reddent. COGNITIO NOSTRI ex trium rerum  
contemplatione petenda eſt, nimirum, ex fine creatio-  
nis, ex uirium præſentium æſtimatione, & ex facilitate  
lapſus in peccatum. FINIS docet officium, quod eſt  
referre imaginem DEI in ſincera pietate, & iuſti-  
cia



cia uera. **VIRE**s ostendunt, quod officium debitum præstare minime ualeamus. **LAPSVS** frequentes nos monent fragilitatis nostræ, & peccati. Vnde admonemur, omnem gloriandi materiam abijcere, ut qui fracti uiribus, nihil sine auxilio diuino efficere boni possumus, imo omni hora præcipientes in noua peccata ferimur, nisi manu Dei conseruemur. Sine hac nostri cognitione nec pœnitentia, nec fides existere possunt, sine quibus nihil, quantumuis speciosum Deo placere potest. Vbi hanc duplicem cognitionem Dei, & nostri, probe tenuerimus, fundamentum ueri cultus Dei iactum est.

**NUNC**, quemadmodum proposuimus, quid sit cultus Dei uerus, definiamus. Est itaque **CULTVS DEI**, opus mandatum a Deo, factum ex fide, in celebrationem gloriæ Dei principaliter. Verum ne hic impingamus, perutile discrimen cultus diuini hic est tenendum. Est enim duplex cultus Dei. **VNVS** est expiatorius, meritoriusq; per se, **ALTER** eucharisticus seu obædientia, & nequaquam meritorius sua natura. **EXPIATORIVS** & **MERITORIVS** per se est obædientia Filij Dei, per quam satisfecit legi Dei, ac meruit omnibus uitam æternam, qui in se credunt. Quicunq; hunc honorem tribuunt alijs rebus, quam obædientiæ Christi, contumelia afficiunt Filium Dei, qui solus expiatorium cultum præstitit. **CULTVS DEI EUCHARISTICVS** seu obædientiæ omnium filiorum Dei est, qui per se non meretur quicquam, sed ex gratia habet promissiones præsentis uitæ & futuræ. **HIS** ita constitutis, definitionem positam breuiter excutiamus. **PRI-**

**MVM** fit mentio materiæ cultus Dei, quæ est opus a Deo

manu



mandatum. Quemadmodum enim in Republica civili, obœdientia erga magistratum est, uiuere secundum præscriptum legum: ita in Ecclesia, seu regno Christi, cultus Dei æstimandus est, qui uerbo, & lege Dei nobis præscribitur, sicuti regula supra tradita dilucide docet. SED quia non satis est ex ratione præcepti opus facere, nisi accedat fides, ideo additum est in definitione: factum ex fide. Est enim fides omnis operis boni effectrix. Sed cur ita? Cur fides adeo necessario requiritur? Quia opus nullum potest placere Deo, nisi prius persona placeat. Placet autem persona fide, hæc enim facit, ut errata nec nobis nec operibus nostris imputentur, sed quemadmodum nos iusti sumus per fidem, ita & opera nostra per eandem fidem iusta habentur. DEINDE fides facit ut uoluntarium ac promptum sit obsequium, a loqui minime placeret. TERTIO fides monet, animi cultum & externam operationem, coniungenda esse, unde fit, quod tametsi opus interdum externum sit, tamen quia ex fide factum est, spiritualis Dei cultus existit. POSTREMO, hæc additio facit clarum discrimen inter cultum Dei uerum & falsum. Nam omnis cultus extra fidem, siue sit a Deo mandatus ratione operis, siue a diabolo inuectus sit, damnandus est, siquidem mera superstitio est. Hoc uerum esse confirmat ipse Deus, Esaïæ 1. Quo mihi (inquit) multitudo sacrificiorum uestrorum? Nonnunquam abominationes uocat, Interdum dicit se ea sacrificia non præcepisse. An non præcepit ea sacrificia quæ damnat? præcepit quidem, sed ut fierent ex fide. Superstitio enim non solum ex re ipsa, sed etiam ex animi affectione æstimanda est. Dare eleemo-



eleemosynam, secundum rationem operis, est bonum, uerum si absque fide fiat propter impium finem, abominatio coram Deo est. Quapropter Pauli consilium sequamur: Quicquid (inquit) feceritis, ex animo facite, tanquam Domino. Atque ita apparet, cur ex fide prodeat opus, quod cultus Dei esse debet. TERTIVM definitionis membrum fuit, quod opus tendere debeat in celebrationem gloriæ Dei. Quemadmodum enim superius membrum docet, unde proficisci debeat cultus Dei, ita hoc tertium in quem finem tendere debeat, manifestat, nimirum in celebrationem gloriæ Dei. Hoc quam uerum sit, docet ipsa hominis creatio ac regeneratio. Omnem (dicit Dominus Esaia 43.) qui inuocat nomen meum in gloriam meam, creauit eum, formauit eum, feci eum. Et Dominus apud Matthæum capite 5. Sic luceat lux uestra coram hominibus, ut uideant uestra bona opera, & glorificent patrem uestrum cælestem. Rectissime igitur Iulianum admonet Augustinus libro 4. capite 3. aduersus Iulianum scripto inquit: Noueris itaque, non officijs, sed finibus a uicijs discernendas esse uirtutes. Officium autem est, quod faciendum est: finis uero, propter quod faciendum est. Cum itaque facit homo aliquid, ubi peccare non uidetur, sed non propter hoc facit, propter quod facere debet: peccare conuincitur. SED quid est Deum GLORIFICARE? Est PRIMVM recte sentire de natura DEI, maiestate & ueneratione. DEINDE, tribuere ei omnem sapientiam, misericordiam & iusticiam. TERTIO, illi obtemperare. QUARTO, alios nostro exemplo ad illum agnoscendum inuitare. Hanc gloriam ei eripio



eripiunt, PRIMVM, qui de ipsius natura, maiestate & ueneratione recte non sentiunt. SECUNDO, qui ipsius uirtutes & beneficia non agnoscunt. TERTIO, qui scelerate & flagitiose contra ipsius mandatum uiuunt. QUARTO, qui suo exemplo alijs offendiculo sunt, ut ad Deum uenire nequeant. QUINTO, qui uni Christo redemptionis gloriam non tribuunt. SEXTO, qui in rebus ad hanc uitam pertinentibus fortunæ, sapientiæ & consilijs suis, tribuunt successum. Nam cum Dominus omnia hæc largiatur, spoliatur aliqua suæ gloriæ parte ab illis, qui hæc ad ipsum solum non referunt. Ille dixit: Gloriam meam alteri nō dabo, qui ergo sibi gloriæ eius uel minimam portionem uendicat, sacrilegus censendus est. Atq; hæc de definitione dicta sufficiant.

NUNC ueniamus ad illud, quod postremo loco de cultus Dei uarijs generibus proposuimus. In uniuersum patrem nostrum utraque cultus Dei duplex est. INTERNVS & EXTERNVS, utrumque Deus iure a nobis requirit. Nam quoad animam, creauit Deus hominem ad imaginem & similitudinem suam, quoad corpus, omnes uires contulit & conseruat. Nec pugnat hæc distinctio cum eo, quod supra dictum est, omnem cultum Dei spiritualem esse debere. Est enim cultus Dei ex causa efficiente, obiecto & finali causa censendus. Cum igitur omnis cultus Dei proficisci debeat ex fide, quam spiritus operatur in gloriam Dei, qui spiritus est: recte spiritualis omnis cultus Dei uerus iudicabitur. Sed quid est INTERNVS Dei cultus? Est motus mentis, & cordis, congruens cū lege Dei. Quid EXTERNVS? Cum actio externa congruit cum lege & uoluntate Dei. Sed uterq; iuxta duplicem



duplicem Decalogi tabulam diuidendus est. Nam ut prima tabula præcipit cultum Dei internum & externum, ita & secunda. Primæ tabulæ cultus internus & externus habet gradus supra in explicatione Decalogi commemoratos. Ex hoc cultu primæ tabulæ manat duplex cultus, internus & externus secundæ tabulæ. INTERNVS consistit in affectu cordis erga proximum. EXTERNVS in operis declaratione. Paulus 1. Thessal. capite 1. diuidit cultum Dei compendiosius adhuc, nimirum in affectus tres, & eorum effectus totidem. Affectus sunt: Fides, Spes, & Caritas. Fidei tribuit ἔργον, Spei ὑπομονή, Caritati κόπον. Atq; hæc dicta sufficiant de legitima ratione cultus Dei, atq; eius partibus.

## TERTIVM CAPVT.

# GENERALIS DOCTRINA BONORVM OPERVM.

**Q**UIA dictum est, bona opera esse cultum Dei, cum ex fide proficiuntur, propter uerum finem: addam generalem doctrinam, ad quam recurrendum erit, quoties operum bonorum quorumcunque fit mentio. Valde enim necessarium est, crudiri recte de bonorum operum ratione, ut sciatur quo in loco habenda sint. Paupistæ grauiter peccant, a quibus bona opera humana, causis iustificationis annumerantur. Peccant & illi, qui, dum bona opera a causis iustificationis excludunt, minus frigide de obædientia, Deo necessario præstanda, docent:



docent: ac si fides esse posset, sine suis naturalibus proprietatibus: Cæterum ut clarius operum doctrinam generalem exponere liceat, eam totam sex quæstionibus subiiciam.

1. Quæ opera docenda & facienda sint.
2. Quomodo fieri possint.
3. Quomodo placeant Deo.
4. Quæ causæ bonorum operum, curque promissiones sint additæ bonis operibus.
5. Quoniam omnes homines habeant peccatum, quorum obædientia placeat, & quorum non.
6. Cur scriptura bona opera mercedis honore dignetur.

## D E P R I M A.

CUM quæritur, quæ opera facienda sint, duo perpendamus, qui NOS simus: quis ILLE, cui obædientia per bona opera præstanda est. Cum NOS intuemur, considerata nostra corruptione, admonemur ne nos fingamus opera, quibus uolumus Deum colere. Per nos enim nequaquam intelligimus, quid uel placeat, uel displiceat Deo. Vnde Dominus pronunciat, se frustra colimandatis & doctrinis hominum. Hinc certo statuamus, opera, quantumvis speciosa, excogitata ab hominibus, nequaquam posse boni rationem ueram habere. At si Deum intuemur, monemur reuerentiæ erga ipsum: unde fit, ut hoc solum ipsi placere cogitemus, quod ipse nobis suo uerbo præscribit. Nam is solus est legislator noster.

M

Vtrumq;



Vtrumq; complectitur Ezechiel 20. capite, inquiens. In  
præceptis patrum uestrorum nolite incedere, nec iudi-  
cia eorum custodiat, nec idolis eorum polluamini. Ego  
Dominus Deus uester, in præceptis meis ambulate, &  
iudicia mea custodite & facite ea. Hoc Dei uerbum, re-  
gula nobis esse debet operum, quæ facienda sunt, & tria  
continet. PRIMVM, quod Deus nolit opera ab ullo ho-  
mine præscribi, iuxta quæ coli debeat. SECUNDVM,  
quod sua præcepta normam operum esse uelit unicam,  
TERTIO, quod addat huius rei grauissimam ratio-  
nem, inquiens: Ego sum Dominus Deus uester, quo dicto  
non solum sibi ius uendicat legislatoris, ut qui solus au-  
toritatem habeat suo populo præscribendi uitæ leges,  
quod sane ius adimere illi uidentur, qui novos cultus sine  
ipsius mandato excogitant: sed etiam nos obligat ad  
obædientiam, & se nostrum Deum & Dominum esse  
pronunciat. Hæc coercere nos debent, ne temerario  
ausu novos fingamus cultus. Hæc reuerentiam erga uer-  
bum traditum augebunt, ut dicamus cum Dauide Psal.  
119. Lucerna pedibus meis uerbum tuum. Vt enim lucer-  
na iter monstrat in tenebris, ne impingamus: ita uox  
Dei, ne in uita per ignorantiam erremus, efficit. Porro  
ne quisquam ad ignorantiam excusationem confugiat,  
edidit Deus uocem legis moralis, quam stupendis mira-  
culis confirmauit, quam legem moralem uult commu-  
nem uitæ regulam esse, quæ duobus capitibus, nempe di-  
lectioni Dei, & dilectioni proximi subijcitur, de quibus  
supra dictum est. Hic tantum uolo responsum ad primam  
quæstionem, nimirum, quod nulla opera bona censenda  
sint,



sint, nisi quæ a Deo præcepta sunt. Quare ea sola faciendæ, iuxta Ezechielis dictum.

## D E S E C V N D A.

POSTQVAM mens pij hominis nouit, quæ opera sint faciendæ, quærit quomodo fieri possint. Ad quam quæstionem ex duobus dictis petendæ est responsio. Apostolus dicit Ebræos 11. Sine fide impossibile est placere Deo. Et Christus pronunciat: Sine me nihil potestis facere. Quare hæc ordine requiruntur ut fiant bona opera. 1. Cognitio Christi. 2. Fiducia Christi. 3. Viuificatio, qua nos Christus per Euangelium uiuificat, & effundit in nos Spiritum sanctum. Nulla enim dilectio, nulla obædientia esse potest, nisi prius fide apprehensa sit misericordia & reconciliatio propter mediatorem. In hac consolatione diuinitas habitat in corde, quia æternus Pater per Filium consolantem uoce Euangelij, uere est ibi efficax, & datur a Patre & Filio spiritus sanctus, accendens læticiam & inuocationem, iuxta dicta: Effundam spiritum gratiæ & precum, Zacharia. 12. Item: Ioan. 14. Veniemus & mansionem apud eum faciemus. Item. 2. Corinthios 3. Intuentes gloriam Domini transformamur ad eandem imaginem, id est, intuentes λόγον (qui est imago æterni Patris, & in consolatione ostendit præsentiam & bonitatem Dei,) efficiamur similes eius imaginis, spiritu sancto accendente corda. Ita tunc filius est Emanuel, per eum .n. nos diuinitas uiuificat, ptegit, gubernat, gestat nos, regit consilia et cunctus, sicut dicit Io. 15. Ego sum uitis, uos palmites, sine me

M 2

nihil



nihil potestis facere. Hæc dum cogitamus, accenditur inuocatio Dei, qua petimus præsentiam & gubernationem mediatoris in omnibus nostris actionibus.

## D E T E R T I A.

POSTQUAM mens edocta est quomodo fieri possint bona opera, quærit præterea, quomodo placeant: Frustra enim fierent nisi placerent. Pugnat pro patria Scipio, pugnat & Dauid, sed non utriusque opus placet Deo, Quare hic recte quæritur, quomodo placeant bona opera? Ad quam quæstionem in genere respondeo, quod placeant in conuersis. Scipionis opera non placuerunt, quia non fuit conuersus: at Dauidis militia placuit, quia fide erat acceptus Dauid. At hic tria ordine sunt spectanda. PRIMVM statuendum est de persona, quod sit fide reconciliata & iusta propter Christum gratis, non propter dignitatem personæ. Nam fide apprehenditur imputatio iusticiæ, sicut scriptum est, Gene. 15. Credidit Abraham Deo, & imputatum est ei ad iusticiam. DEINDE & hoc fatendum, quod persona fide iustificata nondum legi satisfacere potest. Nam hærent etiam in pijs multa interiora peccata, dubitationes, & malæ inclinationes, peccata ignorantia, omissionis, &c. Hæc immundities deploranda est, & repugnandum dubitationibus & malis affectibus, & simul precandum ueris gemitibus cordis, ne Deus nobis has sordes, quibus inuoluimur, imputet. TERTIO, Etsi has nostras sordes agnoscimus, tamen simul statuendum, quod & Deus postulat incoatam obædientiam,



Et quod placeat incoata hæc obædientia Deo fide propter Christum. Sic enim Petrus clare docet: 1. Pet. 2. Offerre hostias spirituales acceptas Deo propter Christum, qui & propiciator est, & nunc pro nobis interpellat. Non itaque placet obædientia nostra Deo propter suam dignitatem aut perfectionem, est enim per se indigna, ut prodeat in conspectum Dei, nec satisfacit legi, ut dictum est, sed placet propter personam reconciliatam, quæ propter Christum ut iusta habetur: ita etiam placet, etsi circumferat in carne peccatum & multas sordes.

## D E Q V A R T A.

Cum constat, hominem nequaquam iustificari operibus, quæri etiam commode solet, quænam sint bonorum operum causæ? quibus homines ad bene operandum accendi & impelli debent. & numerari hic solent tres causæ gravissimæ, quæ sunt: necessitas, dignitas, premium. NECESSITAS quintuplex statui potest, nempe mandati, debiti, fidei retinendæ, uitationis pænarum, & conuersionis. NECESSITAS prima MANDATI est, quod Deus obædientiam erga suam legem serio & scire mandat: Levit. 18. In præceptis meis ambulate. Et Paulus 1. Thessa. 4. Hæc est uoluntas Dei, sanctificatio uestra. Secunda NECESSITAS est DEBITI officij, de qua Paulus concionatur Roma. 8. Debitores sumus Dei non carnis. Non enim sumus nostri iuris, sed eius qui redemit nos suo sanguine. Tertia NECESSITAS est FIDEI retinendæ. Si quis, inquit

M 3

Paulus



Paulus, 1. Tim. 5. suorum et maxime domesticorum curam non habet, fidem abnegauit, et infideli deterior est. Item 1. Timoth. 8. Milita militiam honestam habens fidem & bonam conscientiam, quarum neutra retinetur sine obœdientia. Tametsi uox illa immota sit, Vita æterna donum Dei est: tamen & hoc certum est, contristari & excuti Spiritum sanctum cum perpetrantur delicta contra conscientiam. Quarta NECESSITAS est quæ POENA subuitari oportet, Propter iniquitates, inquit David, Psal. 39. corripis filios hominum. Quinta NECESSITAS est CONVERSIONIS. Vixit ego dicit Dominus, Ezech. 33. nolo mortem peccatoris, sed ut conuertatur impius a uia sua & uiuat. Cum igitur fit conuersio, simul uiuificatur homo fide per spiritum sanctum. PRAETEREA coniuncta est conuersioni regeneratio, quæ est incoatio nouæ uitæ, quæ est noua & æterna lux, sapientia, iusticia & renouatio imaginis Dei in nobis, quæ fit Deo se nobis communicante, cum filius uoce Euangelij consolatur corda, & effundit in ea spiritum sanctum. SECUNDAM causam obœdientiæ præstandæ seu bonorum operum dignitatem posui. DIGNITAS est, quod homo conuersus iam sit filius Dei, iuxta illud Ioan. 1. Dedit potestatem, ut filij Dei fierent quotquot credunt in eum. Quanta dignitas est, quod credentes sint templum spiritus DEI uiuentis? quod Christus in ipsis habitet per fidem? quod Pater, Filius, & Spiritus sanctus ad illos uenire? & in ijs mansiorem facere uelint? quod Christi sint membra? Iam perpende, quantum scelus sit, filios Dei imaginem Satanæ referre: quantum periculum sit, templum Dei Satanæ fecere

tore



tore conspurcari: quam immane sit, Deum e suo hospitio exturbari. Quare filios Dei decet imitari Patrem cœlestem, qui dixit Leuit. 19. et 20. Sancti estote, quia ego sanctus sum. Præterea sumus uocati ad sanctificationem, ut simus conciuēs regni Christi, in quo angeli castissimi ministrant Christo & Ecclesiæ.

PRAEMIUM TERTIA causa est, hoc est, compensatio patientiæ et obædientiæ credentium. Hoc præmium non datur propter operis in se qualitatem ex debito, sed propter promissionem ex gratia. Est autem hoc præmium multiplex, spirituale, corporale, perpetuum temporale. PORRO huic quæstioni est & alia coniuncta, Cur Deus adiecerit promissiones bonis operibus, & sunt potissimum quinque causæ. PRIMA, ut sint testimonia prouidentiae Dei, Vult enim sciri Deus & bona corporalia res esse ab ipso creatas, & non casu spargi, sed ab ipso Ecclesiæ dari & conseruari, iuxta dictum Deut. 30. Ipse est uita tua, & longitudo dierum tuorum, Item: Psal. 37. In diebus famis saturabuntur: Diuites eguerunt & esurierunt, timenti autem Dominum, non deerit ullum bonum, Item: Lucæ 2. Esurientes impleuit bonis, & diuites dimisit inanes. SECUNDA, ut sint testimonia, quod uelit Deus etiam in hac uita seruare Ecclesiam. Quare Paulus 1. Timotheos 4. inquit: PIETAS habet promissiones præsentis uitæ & futuræ. Quia enim uult DEVS immensa bonitate colligere Ecclesiam, propter FILIUM mediatorum, tantisper seruat hunc ordinem naturæ, facundat terram, ut alat ECCLESIAM in hac uita, Et cum propter Ecclesiam cæteros pascat, nos



præcipue gratos esse oportebat. TERTIA, quia uult Deus & necessitatem corporalem esse commonefactionem de fide, inuocatione, spe & gratiarum actione: ideo promissiones edidit, & quidem uult hæc ipsa bona, fide peti & expectari, & in hac petitione & expectatione, fidem, spem, patientiam crescere. QUARTA, ut sint commonefactiones de promissione gratiæ, quia fidem, quæ agnoscit filium & accipit reconciliationem, oportet semper præluere in petitione corporalium rerum, & quidem propter Filium ceteræ promissiones editæ & ratæ sunt. Hæc omnia comprehenduntur in dicto Ioan. 16. Quicquid petieritis Patrem in nomine meo, dabit uobis. QUINTA, quia Deus uult utrumque sciri, & subiectam esse Ecclesiam cruci, & inter ipsa pericula tamē mirabiliter seruari in hac uita, ut uniuersa admiratione conseruatio Ecclesiæ, & omnes mirandæ liberationes sint testimonia præsentiae Dei in Ecclesia, ut dicitur in numeris 14. Ut sciant Aegyptij, quod tu Domine sis in hoc populo, Iosue 3. Scietis quod Dominus Deus uiuens in medio uestri sit. 1. Regum 17. Ut sciat omnis terra, quod sit Deus Dominus in Israël. Esa. 37. Et nunc Domine Deus noster salua nos de manu Zenacherib, ut cognoscant omnia regna terræ, quod tu solus sis Dominus,

#### DE QUINTA.

Cum omnes homines habeant peccatum, recte quaeritur, quorum obœdientia placeat, & quorum non. Ad quam quæstionem breuiter respondeo. Peccata sunt duplicia, QVAEDAM enim fiunt a scientibus & uolentibus



uolentibus contra conscientiam, qualia in conuersis non sunt. Nam si conuersus labitur contra conscientiam (ut David adulterio & homicidio) excutit Spiritum sanctum, abijcit fidem, & reus fit iræ Dei, & nisi agat rursus pœnitentiam, ruit in æternam pœnam. Horrenda insania est, dicere, tales retinere Spiritum sanctum ac fidem, cum Paulus aperte dicat, Galat. 5. Manifesta sunt opera carnis: talia facientes regnum Dei non possidebunt. Præterea deficientes a fundamento, hoc est, aliquem articulum fidei abijcientes, siue cum intelligant, siue non intelligant, sed decepti præstigijs, hi quoq; desinunt esse sancti, & excuciant Spiritum sanctum, & fiunt rei æternæ iræ. Vt Arius, Fontinus, Manes, & similes hæretici. QVÆDAM peccata fiunt non contra conscientiam, ut caligo & dubitatio: multæ omisiones & uiciosi affectus, quibus malis sancti repugnant, ne ruant contra conscientiam, & credunt ea deleri per Filium Dei. Hæc caligo & immundities in homine non existimetur leue malum esse, propter quam dictum est: (Psalm. 143.) Non iustificabitur in conspectu tuo omnis uiuens. Et tamen Filius Dei umbraculum est credentibus. Etsi igitur hæc immundities est in sanctis, tamen placent personæ propter Filium Dei, fide accipientes imputationem iusticiæ, iuxta illud, Psalm. 31. Beati quorum tecta sunt peccata. Item: Pro hoc orabit te omnis Sanctus. Item: Si actiones carnis spiritu mortificabitis, uiuetis, Roman. 8. Hæc peccata supra dixi nominari VENIALIA.

## D E S E X T A.

M 5

HIC



HIC PRIMVM cauendum est, ne operum doctrina cum causis efficientibus iustificationis confundamus. Opera enim non ad causas efficientes, sed ad finales pertinent. Quare ne studiosi hic hallucinentur, nonnulla hic adiicienda sunt, & declaranda uocabula MERCEDIS & MERITI.

SCRIPTURA uocat supplicia malis & præmia bonis operibus reddita Mercedis nomine, unde & Deus *μισατο δότας*, hoc est, mercedis retributor dicitur, *Ebraeos 10.* Sed sciendum est, nomen MERCEDIS, quæ bonis rependitur operibus, usurpari bifariam. ALIQUANDO enim significat non DEBITVM, sed plane gratuitum officij uel laboris alicuius debiti PRAEMIUM, ut cum paterfamilias filio suo uel seruo pollicetur & reddit aliquid non debiti præmij, pro officio diligenter quidem obito, sed tamen debito. Debet enim filius & seruus suo patrifamilias, quæcunque ad eius gratiam & utilitatem potest, præstare. His filijs & seruis, cum quæ debent, quamlibet diligenter perfererint, ille non debet (teste Domino Lucæ 17.) ne gratiam quidem, ne dum mercedem: ALIQUANDO autem accipitur merces PRO COMPENSATIONE OFFICII aut laboris debita, ut Rom. 4. Operanti uero merces imputatur non secundum gratiam, sed secundum debitum. Talis merces a Deo nobis deberi non potest, nam nos filij & serui Dei sumus facti toti & refecti a Deo, & ab eius plane gratuita benignitate cuncta bona accipimus, in ipso uiuimus, mouemur & sumus. Quocirca debemus huic patri & Domino nostro longe & plura & perfectiora officia, quam in hac uita unquam præstemus.

Ac



Ac proinde quicquid Deus nobis mercedis rependit, id constat cum rependere nobis caritate & benignitate omnino gratuita, & non ex ullo aut debito aut condigno. Atque ita uocabulum mercedis accipitur dupliciter, generaliter & specialiter. GENERALITER quidem pro quavis laboris compensatione: SPECIALITER uero alias pro debita, alias non debita compensatione. Porro MERERI significat operam uel laborem pro mercede præstare, hoc est, facere aliquid quod non iure debes, pro quo tibi merces debetur. Iam nos nihil Deo omnino facere aut præstare ualemus, quod ei non debeatur, aut propter quod ipse nobis debere possit, præstitæ ei operæ uel officij merito. Proinde Scriptura nusquam dicit, Sanctos cum benefaciunt, aliquid mereri de Deo, sed sancti patres interdum *καταχρησάμενοι* hac uoce utuntur, pro eo quod est facere Deo aliquid gratum, cuique Deus mercedem rependet non debitam. Ita & Meriti nomen, si usurpetur proprie, certum est significare aliquod officium aut beneficium, cui merces debeatur, quod cum sancti patres usurpant, abutuntur eo pro operibus gratis Deo, & quæ ille gratuita mercede remuneratur. Et Bernardus clare dicit: Nostra merita sunt uia regni, non causa regnandi, qua orationis forma excludit merita a causis iustificationis, & ea tantum esse opera grata Deo quæ requirit a sanctis. Quare tametsi præmia tribuuntur bonis operibus, tamen ipsa bona opera meritoria dici nequaquam possunt, nisi durissima catachresi, a qua pijs omnino abstinendum iudico.

Q V A R.



## OPERA CARITATIS.

**Q**VONIAM in præcedenti capite de Bonis operibus dictum est, hoc loco uisum est speciem certam operum, quæ Caritatis nominantur, explicare, & quatuor tantum attingam, idq; breuissime. PRIMVM, quibus rationibus impelli debeat quisque ad præstanda proximo opera Caritatis: DEINDE discrimen operum caritatis significandum est: TERTIO loco regulas ponam, ad quas opera præstanda proximo erigenda sunt: POSTREMO loco pauca testimonia de operibus caritatis colligam.

Quantum ad PRIMVM attinet, tria considerata sunt: Efficiens causa, Obiectum, & Finis. EFFICIENS prima est mandatum Dei, cui omnes creaturas obtemperare par est. SECUNDA est fides, quæ efficax est per caritatem. Hæc enim per uerbum iudicium format, cor excitat, atq; organa gubernat. TERTIA, Spiritus sanctus, quo donat Christus credentes, quo ducuntur, modo sint ueri Christiani.

OBIECTVM, est proximus nostro opere & auxilio indigens, hic corde, ore & opere iuuandus est hoc nomine quod sit proximus. Idq; PRIMVM ratione creationis. SECUNDO, ratione similitudinis. TERTIO, ratione communis uitæ & humanæ societatis: atq; hæc communia nobis sunt, non solum cum Christianis, uerumetiam cum omnibus in mundo hominibus, ethnicis



nicis & Iudæis. QVARTO, ratione mystici corporis. QVINTO, ratione regenerationis. SEXTO, ratione uocationis communis piorum, qua ad unitatem spiritus in uinculo pacis uocati sumus, Ephe. 4. SEPTIMO, ratione futuræ gloriæ: Atque hæc quatuor postrema Christianorum propria sunt, quæ coniuncta merito nos ad præstanda officia proximo incitare deberent, si uel mica fidei in nobis esset.

FINIS porro quadruplex est: GLORIA Dei: SVBLEVATIO indigentis proximi: EXEMPLVM & ædificatio aliorum: PRAEMIUM: sed de his alijsibi plura.

DISCRIMEN operum proximo debitorum, quædruplex mihi uidetur assignari, Lucæ 6. PRIMVM, corde non iudicare perperam de proximo, sed candide de ipso sentire, semperq; meliora de ipso sperare. SECUNDVM, ore non condemnare, sed potius benigne de ipso loqui, ac sine calumnijs in meliorem partem omnia accipere. Breuiter, uoce quærere proximi honestum nomen ac incolumitatem. TERTIVM, indigenti adesse consilio & opere. CONSILIO, quoties illum a recto aberrare uides: OPERE uero alias dando largius eleemosynam, alias mutuando hilariter, etiamsi simile officium ab eo non expectes. Nam mutuare cum expectatione similis officij uulgare officium est, etiam inter ethnicos & peccatores, qui nondum sunt in familiam Christi per fidem uocati.

REGVLAE tres sunt. VERBUM, FIDES, CARITAS, hæc enim tria modum præstandi proximo officium facile docebunt hominem pium. VERBUM: Fontes



Fontes tui deriuentur foras, tu autem Dominus eorum esto. Hoc uerbum monet, ut non ita opes effundas, ut ipse indigeas, ac statum tuum honeste non tuearis. **FIDES** membra communia eiusdem corporis mystici complecti non desinit, **CARITAS** fidei ancillatur.

## TESTIMONIA.

**Lucæ 6.** Estote misericordes, sicut pater uester misericors est, nolite iudicare & non iudicabimini, nolite condemnare & non condemnabimini. Remittite & res mittetur uobis, date & dabitur uobis. Hic Dominus quatuor complectitur, Præceptum, Exemplum, Discrimen operum caritatis, & Præmium.

**Matth. 5.** Petenti abs te dato, & cupientem mutuo accipere ne auerferis.

**Iob. 6.** Iudicium absque misericordia erit ei, qui non præstiterit misericordiam.

**Matth. 9.** Misericordiam uolo, & non sacrificium.

**Prouerb. 19.** Fæneratur Domino, qui miseretur pauperis.

## CAPVT QVINTVM.

## VOCATIONIS OFFICII CUIVSQVE OPERA.

**V**ALDE prolixam tractationem instituere oporteret, si singula officiorum genera nobis explicanda essent. Quare generalem tantum doctrinam, quæ particularibus officijs accommodabitur, tradam. Vocationem igitur uocamus usitate alicuius officij seu operis



peragendi functionem legitimam, eamq; duplicem facie-  
 mus, COMMVNEM & PERSONALEM. Illa omnium  
 piorum communis: hæc propria singulorum est. Est si-  
 quidem COMMVNIS uocatio, qua sumus per Euange-  
 lium euocati ex mundo, ut simus noua creatura, seu spiri-  
 tuales reges seu sacerdotes. Quare regia officia & sa-  
 cerdotalia a nobis præstanda sunt, ut iusticia induiti si-  
 mus, & in sanctitate exultemus, perpetua laude Deū ce-  
 lebrantes, offerendo illi hostias placentes, PRIMVM spi-  
 ritum contribulatum: SECUNDO, sacrificiū iusticiæ:  
 TERTIO, sacrificium laudis, ac uitulos labiorum, con-  
 fitentium nomini eius: QUARTO, hostias beneficentiæ  
 & communionis, quibus euāgelis ætæ, id est, oblectatur  
 Deus, seu placemus Deo: QUINTO, hostiam rationa-  
 lem priorū corporum: Breuiter, omnem nostrā obœ-  
 dientiam, quam in hac communi nostrā uocatione præsta-  
 nus, iuxta ipsius uoluntatem, sacrificij nomine dignatur  
 Deus, idq; ob has causas. PRIMVM, ut sciamus nostrā  
 obœdientiam Deo placere. DEINDE, ut sciamus Deū  
 eam serio requirere. TERTIO, ut hisce notis pij ab  
 impijs discernantur. QUARTO, ut extet testimonium  
 nostræ erga Deum gratitudinis, unde sacrificium Chris-  
 tianorum euāgelis iudæ dicitur, qua appellatione distin-  
 guitur a sacrificio quod ιλασικὸν uocatur, de quo in ter-  
 tia communium capitum classe, ubi de morte & passio-  
 ne DOMINI agetur, dicendum erit. Porro REGVM  
 MVNVS, quod commune omnium piorum est, in eo con-  
 sistit, ut iam peccato & mundo dominemur, ac supe-  
 remus ea per fidem, quæ mundi uictoria est, ut quæ  
 nos inserit in CHRISTVM, qui solus est mundi uictor.

HACTEN



HACTENVS de communi officio Christianorum, nunc ad personalem uocationem ueniamus.

EST autem PERSONALIS VOCATIO, legitima functio officij alicuius, certæ personæ propria, ut uocatio ad imperandum, ad docendum, discendum, operandum. In hac requiruntur multa. PRIMVM, ut habeat uocatio uerbum Dei, non enim potest legitimus esse, de quo uerbum Dei non extat in genere saltem officij. SECUNDVM, ut Fides & Caritas sint actionum in uocatione Regulæ. TERTIVM, perpetuo respiciendum est ad uerbum, unde consolationem petes, si quid aduersi obtigerit. QVARTVM, uocatio ad gloriam Dei, & utilitatem Reipub. in qua uiuis, referenda est. QVINTVM, cogitandum, nihil feliciter agi sine Deo iuuante, nullum enim officium est, nullaq; uocatio, quæ non multum laboris & molestiæ habeat annexum, unde sæpe in inuocationem Dei prorumpendum, ut ipse difficultatem pro sua bonitate mitiget.

#### TESTIMONIA VOCATIONIS.

1. Corint. 7. Vnusquisque in qua uocatione uocatus fuit, in ea permaneat.

Ad Ephes. 4. Hortor ego uos uinctus in Domino, ut digne ambuletis in uocatione, qua uocati estis, cum omni humilitate & mansuetudine.

Rom. 13. Tanquam in die honeste ambulemus.

#### SEXTVM CAPVT.

### VOTVM.

VOTVM



**V**OTVM promissio est spontanea quæ Deo fit. Et est duplex, COMMUNE & PARTICVLARE seu speciale. COMMUNE Christianorum uotum est promissio, qua in unius Dei, qui est Pater & Filius & spiritus sanctus, nomen inauguramur, pollicemurque nos illi omnem obædientiam, ac renunciamus Diabolo eiusque operibus. Hoc uotum nuncupatum in baptismo, confessione & cænæ Dominicæ sumptione confirmatur, Estque extra dubium, pium & sanctum, ut quod habeat mandatum Dei & promissionem salutis. Sine hoc uoto nullus adultus saluari potest. PARTICVLARE seu PERSONALE seu SPECIALE uotum est, quod aliquis sua sponte Deo promittit, Hoc quia duplex est, pium & temerarium, opus est prudentia, ut alterum ab altero recte distinguas, quod ut fiat, quatuor nobis perpendenda sunt. PRIMVM, quis sit is, cui nuncupatur uotum: DEINDE qui nos, qui uouemus: TVM quæ res quam uouemus: POSTREMO, quo animo uotum nuncupatur.

QVIS EST, CUI VOTVM NUNCUPATUR?

DEVS qui damnat suo uerbo omnes ἱεροθεοκείας, qui clamat: Frustra se coli mandatis hominum. Vnde hæc Regula colligenda est, quod nihil omnino uouere liceat, nisi conscientia prius statuatur ex uerbo Dei, placere Deo, cui nuncupatur uotum. Cum enim uotum sit pars religiosæ inuocationis & confessionis Dei, fieri debet secundum uerbum ipsius.

N

Qui



## QVI NOS QVI VOUEMVS?

HOMINES fragiles, Vnde monemur quod uotum non debeat pugnare cum uocatione nostra.

## QVAE RES QVAM VOUEMVS?

Hic tria sunt perpendenda. PRIMVM, an res sit pos-  
sibilis, & in nostra manu posita, SECVDVM, an ge-  
nus uoti in communi uoto includatur,

TERTIVM an ne ingrati uideamur, contemnentes  
creaturas Dei, qui eas nobis contulit utendas pro com-  
moditate nostra, cum gratiarum actione.

## POSTREMVM, QVOD PROPOSVI

SPECTANDVM EST, QVO ANI-  
mo quis uotum nuncupet.

Hic admonemur quo respiciat is, qui uouet: Debet  
autem respicere ad tempus PRAETERITVM & FV-  
TURVM. Si ad PRAETERITVM respicit, erit uotum  
aut exercitium poenitentiae, aut gratiarum actionis tes-  
timonium. Si ad FUTURVM respicit, eo pertinebit uo-  
tum, ut uouentem cautiorem reddat, utque stimulis qui-  
busdam eum ad pietatis officia excitet.

PORRO omne uotum peccans contra has regulas  
ut impium, rescindendum est, nullum enim uinculum esse  
potest, ubi quod homo confirmat, Deus abrogat. Se-  
quenda igitur in temerarijs uotis Regula est: In malis  
promissis rescinde fidem, In turpi uoto muta decretum,  
Malum quod promissisti (inquit Bernardus) non facias:  
quod incaute nouisti, non impleas. Impia est promissio qua  
scelere



scelere adimpletur. Proinde Monachus qui uouet monachismum, aut sacrificulus qui cœlibatum uouet, potest et debet bona conscientia uotum suum rescindere. **PRI**

**M**VM enim suum monachismum & cœlibatum proculatū æstimat contra primam regulam. **D E I N D E** quia temere nuncupantur ab ijs, quibus præstādi facultas non est. **P O S T R E M O**, quia in uoto communi, ut in genere, non includuntur, imo potius pugnant. Aperte enim cum uoto communi pugnat, colere Deum mandatis hominum.

**P O R R O** **E R R O R E S** Papistarum de uotis sunt plurimi. **P R I M V M** enim uotum esse opus supererogationis dicunt. **D E I N D E**, factum cum uoto magis meritorium esse, quam sine uoto factum. **T V M** uoto matrimonium solui. **P R A E T E R E A** uotum esse opus consilij, & non præcepti. Sed has nugas missas faciamus, quia tantum sunt ociosorum hominum somnia. Quare contra ista omnia hæc teneatur demonstratio: Nullum opus lege Dei comprehensum est supererogationis, aut consilij, nec liberum, sed necessarium, quia scriptum est: Cum omnia feceritis quæ præcepta sunt uobis, dicite, Inuitiales serui sumus, quod debuimus facere, fecimus. **LUCÆ 17.** Nullum opus igitur Deo acceptum supererogationis aut consilij est: nec liberum, sed necessarium. Vnde relinquitur uotum lege Dei non præceptum saltem in genere facti, Deo minime placere. Omne igitur opus Deo acceptum lege Dei est comprehensum, nihil enim placet Deo sine fide. Item, **Matthæi 15.** Frustra me colunt mandatis hominum. Hac demonstratione contenti simus relinquentes Papistis sua de uotis deliria. Porro testimonia de uotis extāt plurima **Leui. 27. Deu. 23. Baruch. 6. Nahū. 1.**



## CONSCIENTIA.

**Q**uia sæpius conscientia facta est mentio, hic nonnulla de ea adijciam. Multa sane & Philosophi & Poetæ de conscientia bona & mala scribunt. Plato in politicorum primo conscientiam bonam νομιαν νεοτρώπον uocat, Iuuenalis malam describit inquitens:

Cur tamen hos tu

Euasisse putas, quos diri conscia facti  
Mens habet attonitos, & sæuo uerbere plectit.  
Pæna autem uehemens & multo sæuior illis.  
Quas aut sedigitus, grauis inuenit aut Radamanthus  
Nocte dieq; suam gestare in pectore testem.

Vtramque simul definit Ouidius, ut artifex, hisce uerbis:

Conscia mens ut cuiq; sua est, ita concipit intra  
Pectora, pro meritis spemq; metumq; suis.

Verum quia hæc Philosophica & poetica doctrina de conscientia, imperfecta & legalis est, fusius de ea dicam, & quatuor ordine exponam. PRIMVM, definitionem generalem tradam, DEINDE regulas de factis indicabo, TERTIO, nonnulla de differentiis conscientia bonæ & malæ adijciam, POSTREMO quæstiones sunt expediendæ tres.

EX uerbis Pauli, Rom. 2. DEFINITIO generalis extrui potest: Ostendunt, inquit, opus legis scriptum in cordibus suis, contestante eorum conscientia, & intra sese rationibus excusantibus aut accusantibus. In hoc  
Pauli



Pauli dicto quatuor sunt diligenter expendenda. **PRI-**  
**MUM** dicit opus legis scriptum esse in cordibus eorum,  
 hoc opus legis est discrimen honestorum & turpium.  
**SECUNDO** dicit eos hoc ostendere. nam dum religio-  
 nem instituunt, ostendunt Deum colendum, dum puniunt  
 turpia & iniusta scelera, honestatem & iusticiam co-  
 lendam testantur. **TERTIO** prouocat ad internum  
 testimonium conscientiae. **QUARTO**, qualis sit ille te-  
 stis definit, intra sese λογισμῶν, hoc est, rationibus excu-  
 santibus aut accusantibus. Nam cum dicit in mentem  
 uenire rationes, quibus gentes quod recte factum est de-  
 fendunt, & quod male & turpiter factum est, accusant  
 & redarguunt, iuxta regulam operis legis cordibus  
 inscriptam: aperte definit conscientiam esse naturalem  
 quandam legis intelligentiam, quae ut honeste facta pro-  
 bat, ita turpiter commissa detestatur. Vel ut clarius  
 forte dicatur, Conscientia est iudicium mentis peti-  
 tum ex lege, de facto, quod iudicium, sequitur aut dolor aut  
 trepidatio in corde. Constat itaq; conscientia syllo-  
 gismo practico & motu cordis, syllogismum practicum  
 naturaliter comitante. Huius syllogismi practici maior  
 est regula certa, huic regulae cum accommodatur per  
 rationem factam in minori, concluditur mentis iudicium,  
 quod naturaliter sequitur aut laetitia aut trepidatio  
 cordis. Hanc esse ueram conscientiae descriptionem, ipsa  
 conscientia in omnibus testari potest.

**REGULA** autem triplex est una naturalis, legalis  
 alia, tertia Euangelica. **NATURALIS** regula  $\sigma\omega\tau\eta$ -  
 γωνος dicitur, & est scintilla quaedam legis naturae,  
 quae aduersatur uicijs & mala perpetrata continuo  
 N 3 arguit,



arguit, ut, Deus colendus est, honesta sectanda, & turpia fugienda syntereses sunt. Quidam ideo hanc regulam hoc nomine appellari putant, quia pertinet ad conservationem hominis, ne se peccati maculis inuoluat. Ex hac regula Oedipus & Iocasta mater sic colligunt: Turpiter facta sunt supplicio digna.

Nos commisimus turpissimum factum, nempe incestum nefandissimum.

Igitur nos sumus scelerati, ac supplicio digni.

Hunc syllogismum tanta mentium trepidatio est secuta, quod non sustinentes tam graue onus, ille oculos excruerit, ne tantis maculis inuolutus aspiceret hunc solem, hæc laqueo uitam finierit. Contra, Socrates accusatus, se ita colligendo consolatur.

Honeste agere, ac benemeritum esse de republica, est gloriosum ac præmio dignum.

Ego honeste egi.

Igitur non culpandus sum, sed gloria potius & præmio dignus, quod dum homines negant, dii immortales cumulate largiuntur.

Hanc collectionem læticia quædam animi est secuta, qua leniuit præsentem dolorem. Sed quia lux Euangelij illi defuit, euentus non respondit, Nam ira Dei manet super eos, qui non credunt in Filium.

ALTERA REGULA est lex Dei, quæ Decalogo continetur, cui etiam subijci leges magistratus, cuius nos subditi sumus, modo nihil præcipiant contra naturam aut scriptam Dei legem. Hæc regula ad duo capita refertur, ad obedientiam erga Deum, & iusticiam inter homines, Ex hac regula Saul sic colligit: Aut Deo obediendum,

aut



aut pœnæ expectandæ, Ego Deo non obœdiui, sed contra  
 ipsius mandatum feci. Igitur Deus mihi irascitur, &  
 infligit pœnas. Hunc syllogismum secuta est tanta tre-  
 pidatio mentis, ut tandem desperauerit. Verum Ioseph  
 in Aegypto sollicitatus ad adulterium perpetrandum,  
 & falsa dilatione coniectus in carcerem, ita ratiocina-  
 tur ex regula immota legis & uoluntatis Dei. Deo  
 probantur honesta facta, eisq; promisit præmia. Ego ho-  
 neste feci, nolens assentiri impudicæ adulteræ, Igitur  
 Deus tuebitur iuxta suam promissionem meam innocen-  
 tiam. Hunc syllogismum secuta est læticia cordis, qua  
 in carcere erexit animum, donec cum Deus liberauit,  
 & amplissimo præmio donauit, propter seruatam ca-  
 stitatem. TERTIA REGULA est ignota rationi  
 & legi, quæ est uox Euangelij de reconciliatione, &  
 peccatorum remissione propter Christum. Qui credit  
 inquit ueritas Ioan. 3.) in Filium, habet uitam ætera-  
 nam. Item: Ioël 2. Omnis qui inuocauerit nomen Domi-  
 ni, saluus erit. Ex hac regula Dauid commisso homicidio  
 & adulterio sic colligit. Deus promittit ueniam pœni-  
 tentibus & credentibus. Ego tantis peccatis contami-  
 natus, doleo ob peccatum turpiter commissum, & in ip-  
 sum credo. Igitur Deus me recipiet in gratiam, etsi in-  
 dignum, & multis enormibus peccatis contaminatum.  
 Hunc syllogismum secuta est in corde Dauid tanta læti-  
 cia, quod non solum se reconciliatum Deo putauerit, uerum  
 etiam inter eos numerauerit, quorum Deus peculias  
 rem curam habeat. Sic Manasses, Petrus, Paulus se ere-  
 xerunt.

CAETERVM quia conscientia talis, ex regula Eu-  
 angelij

N 4



angelij ualde tenera est, nonnulla de eius certissimis signis ac ueluti fulcris dicam, ne quis ( quod multi pro dolor faciunt ) conscientiam suam inquinatissimam pro purgata habeat. **SUNT** itaque quatuor fulcra bonae conscientiae, quorum **PRIMUM** & praecipuum est, **FIDUCIA CHRISTI**, qua statuitur esse remissum peccatum, iuxta illud: *Beati omnes qui confidunt in eo.* **SECUNDUM**, est **BONUM PROPOSITUM** quo abijcitur peccandi uoluntas. Qui enim in animo habet aliquando peccare, fidem quidem iactare potest, sed ea prorsus uacuum est. **TERTIUM**, ardens **DESIDERIUM** uitam totam in posterum approbandi Deo ueris cultibus, inuocatione, gratiarum actione, praedicatione Dei, dilectione erga omnes. **QUARTUM** fulcrum est **SANCTA** in cuiusque uocatione **CVRA**, Nam qui suos negligit (inquit Paulus 1. Tim. 5.) abnegauit fidem, et est infideli deterior. Hanc conscientiam Clemens Alexandrinus stramateon sexto, pag. 284. in Florentinis exemplaribus describit in hanc sententiam, inquit: Bona conscientia quam una uoce *ἡ συνείδησις* uocat ) pietatem erga **DEVM** & iusticiam erga homines tuetur, animam cogitationibus castis, uerecundis sermonibus & iustis actionibus puram conseruans. Hoc modo uirtute a **DOMINO** percepta, anima meditatur diuina, malum quidem nihil aliud quam inscitiam, & actionem cum recta ratione pugnantem existimans. Pro omnibus praeterea **DEO** gratias agit, audiendo quae iusta sunt, legendo diuina, quaerendo uera, per oblationem sanctam, per precationem beatam, laudans, celebrans, benedicens, psallens. Huiusmodi anima ne ad momentum



mentum quidem temporis unquam a Deo auellitur. Has  
etenus uerba Clementis reddidi ut potui. Et profecto om-  
nibus pijs conandum est, ut huiusmodi suam esse conscien-  
tiam uere affirmare possint.

TERTIO LOCO proposui de differentijs consci-  
entiae, nam alias mala, alias bona dicitur. Sed utraque  
nunc uere nunc falso ita nominatur. Hic primum obser-  
uandum, quod has differentias non sumat conscientia a  
iudicandi facultate, quae naturale donum est, ideoque in bo-  
nis numerandum, quod donum nunc *ἡγεμονία φύσιν*,  
nunc lux mentis, & dictamen rationis, nunc naturalis li-  
ber, nunc alijs nominibus dicitur. Sed has qualitates ac-  
cipit ab his tribus: facto praeterito, affectu cordis praes-  
enti, & euentu futuro. Nam si mens sibi conscia recti  
facti est, laetatur & spem bonam fouet, (quae *ἀγαθὴ γυν-  
αίκα* est, ut Pindarus ait) conscientia bona dicitur.  
Contra si mens sibi sceleris conscia est, trepidat, metuit  
poenas, conscientia mala dicitur. Hinc utriusque definitiões  
extruamus. CONSCIENTIA BONA est iucunda  
bene actae uitae recordatio, cum spe & expectatione lae-  
ti euentus. Seu, est laetus & iucundus motus cordis,  
cum conscientia recti facti coniunctus, propter quam co-  
pulam conscientia dicitur & non scientia. MALA  
uero CONSCIENTIA est, mala ac crucians male  
actae uitae recordatio, cum metu poenae coniuncta. Seu,  
mala conscientia est tristis ac crucians motus cordis,  
cum scientia scelerati facinoris coniuncta. PORRO  
conscientia bona falso dicitur, cum regula facti putatur  
uera & non est, & factum congruit cum regula. Mo-  
nachus habet regulam de sua Missa celebranda, quare



cum celebrat habet conscientiam quidem bonam, sed falso bonam. Contra, si negligit habet conscientiam malam, sed falso malam.

Iam QVAESTIONES diluendæ restant. PRIMA an liceat gloriari ob bonam conscientiam, ad quam Paulus respondet: Hæc est gloriatio nostra, testimoniū conscientiae nostræ. At contra idem Paulus, 2. Cor. 10. Qui gloriatur, in Domino gloriatur. Respondeo. Quilibet potest in suis recte factis gloriari, sed non extra Dominum. Quare has tres exceptiones constituamus. PRIMAM, ut quicquid habemus boni, Deo feramus acceptum, nihil nobis arrogantes. DEINDE, ut retineamus illud fundamentum, in sola misericordia Dei sitam esse nostræ salutis fiduciam. TERTIO, ut in solo bonorum omnium autore acquiescamus. His iactis fundamentis, bona est, imo necessaria gloriatio vera in recte factis, quæ gloriatio non erit Thraconicus fastus, sed approbatio conscientiae recte iudicantis. ALTERA QVAESTIO est, utrum erronea conscientia obliget nec ne? Conscientia erronea obligat sic intelligendo, quod faciens contra, peccet: tamen quia illa obligatio nociua est, cum divina lege homo ad contrarium obligatur, Deus obligationem quæ est per conscientiam erroneam, non acceptat. Quicquid enim sit uel repugnante uel hæsitante uel errante conscientia, peccatum est. TERTIA quæstio est, num satis sit cuilibet homini conscientia bona apud semetipsum? Augustinus respondet, duæ res sunt, conscientia et fama: Conscientia necessaria est tibi, & fama proximo. Verum si conaris famæ consulere quantum poteris, & nihil proficis, securus esto bona conscientia apud Deum.

OCTA



VETVS HOMO, ET  
NOVVS HOMO, EORVMQVE  
DIVERSA STVDIA.

**V**ETVS HOMO & NOVVS homo metonymia  
Ebraica dicuntur, Nam substantiæ seu subiecti  
nomen pro adiuncto ponitur, & epitheta, diuersa studia  
innuunt. Dupliciter autem considerantur, alias enim ut  
inter se opponuntur, renatus & non renatus: expers  
fidei regniq; CHRISTI, & utriusque consors atque  
particeps: ille uetus, hic nouus homo dicitur. VETVS  
quidem, quia detinetur in suæ originis iniusticia & pec  
cato. NOVVS uero, quia iam a peccato absolutus per  
fidem in CHRISTVM, regeneratus est, ut sit noua crea  
tura. DEFINITVR autem ad Epheſios quarto,  
NOVVS HOMO hoc modo: Qui secundum Deum  
creatus est, in iusticia & sanctitate uera. Alias uetus  
homo & nouus non in diuersis hominibus, sed in eisdem,  
hoc est, in regeneratis opponuntur. Vt enim PRI  
MO MODO nouus dicitur propter fidem, ita SECVN  
DO MODO nouus dicitur propter novos fructus no  
uæ arboris, hoc est, propter nouam obædientiam & ui  
tam, quæ sequitur fidei iustificationem. Quod autem in  
his, id est, regeneratis spiritu, opponitur, uetus homo  
dicitur. Vnde Paulus ueterem hominem interdum CAR  
NIS uocabulo, & nouum SPIRITVS appellatio  
ne designat, idque duplici metonymia. PRIMVM  
enim Carnis & Spiritus uocabula, non pro sub  
stantijs,



stantijs, sed pro qualitatibus usurpat: DEINDE causam pro effectu sumit, nam ut caro, hoc est, carnis uiciositas pro rebellionem, ita spiritus pro motibus spiritualibus, qui excitantur per Spiritum sanctum, accipitur.

Verum EXTERNVS HOMO & INTERNVS alia dicuntur ratione. Est enim externus homo quicquid ad præsentem uitam spectat, 2. Corint. 4. Est autem duplex uita, terrena & cælestis. Ut igitur conseruatio terrenæ uitæ, quæ non tantum ætatis flore, bona ualitudine, sed opibus etiam, honoribus, amicitijs & alijs subsidijs continetur, exterior homo dicitur: ita interior homo, est conseruatio cælestis uitæ. PORRO ueteris & noui hominis DIVERSA STUDIA ad Galat. 5. describuntur. Et Sancti perpetuam luctam ueteris ac noui hominis in seipsis experiuntur, ut Paulus de seipso testatur, Roman. 7. CAETERVM I. Corin. 15. est alia hominis diuisio: homo PRIMVS TERRENVS Adam, SECVNDVS CŒLESTIS Christus, quæ diuisio pertinet non ad substantiam, sed ad qualitatem & uim utriusq;. Quemadmodum enim ab Adam habemus, ut uiuamus in hoc mundo tanquam rami a radice, ita Christus nobis principium est & autor cælestis uitæ. Hoc adijcere uolui propter Manichæos, qui perperam hæc epitheta ad substantiam retulerunt.

#### TESTIMONIA.

Ad Rom. 6. Verus ille homo noster cum illo crucifixus est, ut aboleretur corpus peccati, ut ultra non seruimus peccato.

Ephes. 4. Deponite uos secundum pristinam conuersationem



sationem ueterem hominem, qui corrumpitur secundum desideria erroris: Renouamini autem spiritu mentis uestræ, & induite nouum hominem, qui secundum Deum creatus est, in iusticia & sanctitate ueritatis.

Colossen.3. Nolite mentiri inuicem, cum exueritis ueterem hominem cum membris suis, & indueritis nouum, qui renouatur in agnitionem Dei secundum imaginem eius qui creauit eum.

## CAPVT NONVM.

LITERA ET  
SPIRITVS.

**Q**UIA quid nouus & uetus homo sit exposuimus, non intempestiuum forte erit, nonnihil hic adicere de SPIRITU & LITERA. Huius enim rei recta explicatio geminum pariet nobis fructum: PRIMUM enim liberabit nos ab errore Origenis & Papatum, qui has uoces ad interpretationem scripturæ reserunt. Nam grammaticum & literalem sensum interpretantur literam, quam dicunt occidere: Allegoricum uero Spiritum, quem dicunt uiuificare, quo sane errore nullus pestilentior esse potest. aperit enim non solum nostram hæreticis omnibus, ad faciendum quodlibet ex quolibet, uerumetiam fidem extinguit, quæ ex grammatico sensu & literali, concipitur & dependet. DEINDE & hunc fructum percipiemus, quod magis simus amaturi uerbum Dei, cum illud nequaquam in tot Prophetas transformandum audiuerimus, & statuerimus Deum clare & perspicue per uerbum suum nobis loqui.

PORRO



PORRO occasionem istius erroris sumsit Origenes ex dicto Pauli, 2. Corint. 3. ubi sic loquitur Apostolus: Qui nos fecit idoneos ministros, noui testamenti, non litera, sed spiritus. Nam litera quidem occidit, spiritus autem uiuificat. Hic quid per literam, & quid per spiritum significetur, ambigitur. Verum ut ad huius rei noticiam pertingamus, primum quid Litera quidq; Spiritus in genere sint, uidebimus, id quod ex collatione plurium locorum facile deprehenditur, Rom. 7. Vt seruiamus in nouitate spiritus, & non in uetustate litera. Rom. 2. Circumcisio cordis in spiritu non litera. Ad Corinthios operat spiritum Dei uiui tabulis lapideis. Ex his locis apertum est, per utrumq; significari doctrinam & opus, sed nomina illa differentias faciunt, ut litera quidem sit doctrina uel opus inefficax sine Spiritu sancto, intus in corde efficaci: Spiritus uero sit doctrina uel opus in cordibus uirtute spiritus Dei efficax: Non igitur haec uocabula ad interpretationem pertinent, sed ad uim fructumq; referenda sunt per metonymiam siue metalepsin. LITERA proinde erit doctrina tota Dei, scripta, lecta, intellecta, atq; adeo omne opus hominis sine efficacia spiritus intus corda renouantis. Lex ergo est litera, similiter Euangelium, item Sacramenta, & omne opus, quando illa sola sunt, sine spiritus energia, & saluari in corde motu. Ita contra omnis doctrina, Lex, Euangelium, Sacramentum, opus, cum uiuo sensu cor penetrant, SPIRITVS sunt, & non litera. Breuiter, cum inefficax manet aliquid, litera est, cum efficax est, spiritus nominatur. SED quomodo haec interpretatio congruit cum Pauli dicto: Litera occidit, spiritus uiuificat? Si omnis doctrina

trina



*L*itera sine spiritu est litera, occidit utiq; quare prædica-  
tio quoq; Euangelij uidetur occidere, quod dictu absur-  
dum uidetur. Respondeo. Nec Lex nec Euangelium sim-  
pliciter occidunt, sed propter euentum mors & uita il-  
lis tribuuntur. Cum enim Lex auditur, & nō adigit ho-  
minem ad Christum uiuificantem, dicitur occidere pro-  
pter talem euentum, nam is qui sic legem audit, incurrit  
in mortem. Similiter cum Euangelium prædicatur, legi-  
tur, intelligitur, dicitur occidere, non quod sit Euangelij  
occidere, sed quia talis euentus est eoru, qui non credunt  
Euangelio prædicato. Atq; hoc est, quod dicit Simeon,  
Lucæ 2. Christum esse positum multis in ruinam. Item:  
Qui non credit, ira Dei manet super eum. Ioan. 3. SA-  
CRAMENTA itidem dicuntur occidere, non instituto  
is consilio, sed ex euentu Sacramentis sacrilege abuten-  
tium sine fide & timore Dei. Atq; hæc ita intelligenda  
sunt, cum Litera & Spiritus seorsum dicuntur de Lege,  
Euangelio, Sacramentis, Operibus. At si collationem in-  
stituis inter uetus & nouum testamentum, seu inter Le-  
gem & Euangelium, quemadmodum Paulus facit 2. Co-  
rint. 3. alio respectu dicuntur. Nam ubi ad hanc collatio-  
nem uenitur, uere et congruenter dicitur, legis naturam  
esse, literaliter docere homines, ita ut ultra aures non pe-  
netret. Euangelij autem naturam esse spiritualiter doce-  
re, quia gratiæ Christi sit instrumentū. Quatenus itaq;  
Lex & Euangelium opponuntur, dicitur illa Litera occi-  
dens, hoc Spiritus uiuificans, quia illius prædicatio sine  
Christo mortua est, huius prædicatio uiuificum  
salutis ministerium existit.

SECUNDÆ CLASSIS FINIS.



# EXPLICATIO CAPITVM

TERTIAE CLASIS.

PRIMUM CAPVT.

## PRAEDESTINATIO.



VEMADMODVM DO-  
 ctrina praedestinationis longe  
 utilissima est, modo rite ac so-  
 briè tractetur. (nam aeterna  
 Dei praedestinatio est funda-  
 mentum ac prima causa bono-  
 rum omnium, quae a Deo percipi-  
 mus:) ita nullibi periculosius  
 erratur, quam hic, ubi a verbo  
 tradito ad humanas cogitationes deflectimus. Quare  
 consiliū Pauli in hac doctrina sequamur, qui immensam  
 Dei bonitatem in ea considerandam proponit, ad gratia-  
 rum actionem incitat, inde petit salutis credentium cer-  
 titudinem, per eamque omnia merita humana destruit.  
 Hic enim uerus fons est, unde haurienda est diuina misere-  
 ricordiae cognitio. Hic os obstruitur omnibus homini-  
 bus, ne quid sibi arrogare ausint uel queant. Iccirco  
 meminisse oportet finium huius doctrinae, quos Paulus  
 tradit, & quaerendi non sunt alij fines, praeter & con-  
 tra uerbum Dei in nostri perniciem, quemadmodum mul-  
 tos fecis-



tos fecisse, proh dolor, manifestum est. Hæc præfanda duxi, ut studiosi non abhorreant ab hac doctrina, sed de ea forment iudicium ex Scriptura & uerbo Dei, non ex humano cerebro.

Vt autem ordinem aliquem in huius mysterij explanatione teneamus, sex excutienda proponam, quæ in prædestinationis doctrina, præcipua momenta uidentur. PRIMVM enim regulas quasdam tradam, quibus confirmabitur conscientia, ne Stoicæ opinioni de prædestinatione subscribat. DEINDE quis sit ordo in prædestinationis negotio dicam. TERTIO, unde iudicium de

prædestinatione sit petendum, exponam. QUARTO, prædestinationis definitionem ex prioribus capitibus colligam. QUINTO, qualis sit prædestinationis certitudo, undeque petenda sit, ostendam. POSTREMO loco iudicium nonnihil de finibus & usu prædestinationis.

REGULAE itaque obseruandæ hæ sunt: PRIMA, Nequaquam ex ratione, sed ex solo uerbo Dei nobis patefacto, iudicandum est de prædestinationis mysterio. Hæc regula confirmatur ex eo, quod aliunde non sit de uoluntate Dei iudicandum, quam ex uerbo. Regulæ usus, ut excludas ex hoc negotio Stoicas de necessitate opiniones, quibus tollitur contingentia, & læditur gloria Dei, præuique mores confirmantur, & Epicurismus inuehitur.

SECUNDA, Promissio gratiæ est uniuersalis. Confirmatur regula multis testimonijs, Matth. 11. Venite ad me omnes, qui laboratis & onerati estis, ego reficiam uos. Ioan. 3. Sic Deus dilexit mundum, ut Filium suum unigenitum daret, ut omnis qui credit in eum, non pereat, sed habeat uitam æternam. Ro. 13. Iusticia Dei per fidem

Iesu



Iesu Christi in omnes, & super omnes credentes. Rom. 10. Idem Dominus omnium diues in omnes, qui inuocant eum. Rom. 11. Conclufit Deus omnes sub inobædientiam, ut omnium miferetur. 1. Timoth. 2. Deus uult omnes homines faluos fieri, & ad agnitionem ueritatis peruenire. Esa. 53. Omnes nos quasi oues errauimus, unusquisq; in uiam suam declinauit, & posuit Dominus in eum iniquitatem omnium nostrum. V s v s regulæ est, ut hanc uniuersalem promissionem nobis accommodemus, ac iuxta mandatum Dei, Christum induamus, qui omnes ad se uocat, & omnibus sua beneficia gratis offert fide accipienda.

TERTIA, Non est *προσωποληψία* apud Deum. Hæc regula expresse traditur Rom. 2. Act. 10. Vere comperio, quod non sit *προσωπολήπις* Deus, sed in omni gente, qui timet eum, & operatur iusticiam, acceptus est ipsi. Eph. 6. Scientes, quod & illorum & uester Dominus est in cælis, & *προσωποληψία* non est apud eum. Galat. 2. Personam hominis Deus non accipit. Deut. 10. Circumcidite præputium cordis uestri, & ceruicem uestram ne induretis amplius, quia Dominus Deus uester ipse est Deus deorum, & Dominus dominantium, Deus magnus & potens & terribilis, qui personam non accipit, nec munera. VERVM ad huius regulæ declarationem nonnulla ascribam ex Commentarijs Philippi ad Romanos, qui sic ait: Vsite describitur acceptio personarum esse, dare æqualia in æqualibus. Oritur autem sententia prohibens *προσωποληψίαν* ex fontibus iusticiæ. Iusticia est æqualitas, sed ordinata, secundum mensuram aliquam, ut, Iudex tunc est iustus, cum æqualiter mensuram



mensuram seruat, punit fontes & defendit innocentes, nec discedit a mensura propter alia accidentia in hominibus, & contra hanc mensuram facere inaequalitas est, quæ est iniusta & tyrannis. Ideo cum dicitur: Apud Deum non est acceptio personarum, tribuitur ei laus iusticiæ & æqualitas, cuius hæc mensura est: Vniuersaliter irascitur Deus peccato in homine, uniuersaliter & recipit omnes ad mediatorem confugientes. Hanc mensuram suo sapientissimo & iustissimo consilio sanxit, & uult immotam esse, Et fingere, quod non seruet hanc æqualitatem, est tribuere ei  $\pi\epsilon\sigma\sigma\omega\pi\omicron\lambda\eta\psi\iota\alpha\nu$ . Ideo et Paulus inquit: Deus uult omnes homines saluos fieri.

**HACTENVS Præceptor.** VSVS regulæ est, ut ipsum opponamus Stoicæ opinioni et imaginationi, quæ fingit in Deo inaequalitatem esse, & consolemur nos, quod Deus sit æqualis, uelutq; omnes ad mediatorem confugientes recipere sine omni personarum acceptione.

**QVARTA,** in Deo non sunt ponendæ contradic-toria uoluntates. VSVS regulæ est, ne sophistica sinamus nobis auferri utiles sententias, qualis illa Domini: Matthæi undecimo, Venite ad me omnes, &c. Et illa: 1. Timoth. 2. Deus uult omnes homines saluos fieri. Mat. 22. Ierusalem Ierusalem, quoties uolui congregare filios tuos, quemadmodum congregat gallina pullos suos sub alas suas, & noluiisti. Hic Christo Domino tribuere uel diuersam a Patre uoluntatem, uel quod alia secreta uoluntate uoluerit, quam uerbis se uoluisse ostendit, horrenda in Deum blasphemia est. Quare certo statuamus, Deum uere id uelle, quod se sua uoce uelle testatur. Cum dicit Paulus: Deus uult omnes homines

O 2

saluos



saluos fieri, Deum inconstantiae & mendacij arguit, quicunque Deum quorundam salutem nolle putat, quantum sane ad consilium creationis attinet. Quod autem quosdam æterna morte punit, id fit, quia noluerunt Deo uolenti ipsorum salutem, obædire.

QVINTA, Gratia superat peccatum. Hæc regula Pauli est, cuius hic est vsus, ne ob magnitudinem peccatorum desperemus, sed confugiamus ad illum, qui plenus gratia & ueritate est, ipsius enim sacrificium sufficiens est ad omnia quantūuis enormia peccata expianda.

SEXTA, ut in primo parente Adam lapsum est totum humanum genus: ita promissio data Adamo pertinet ad totam eius posteritatem. Confirmatur regula promissionis uerbo: Semen mulieris conteret caput serpentis. 1. Cor. 15. Sicut in Adam omnes moriuntur, ita in Christo omnes uiuificabuntur. Hoc non solum de resurrectione, quæ est futura, intelligendum est, uerum etiam de salutari uiuificatione, in ijs, qui Christum in hoc mundo possident. Regulæ itaq; vsus est, ut porrectam nobis dextram Dei, hoc est, Dominum nostrum Iesum Christum apprehendamus firma fide, unde fiet, ut uitæ et iusticiæ Christi donati promissam spem consequamur.

SEPTIMA, Quia tamen uidemus multos ruere in æternam damnationem, tenenda est hæc regula: Deus non prædestinat quenquam hominem ad malum culpæ, sed ad malum pænæ, seu supplicium æternum propter culpam admissam ab omnibus ijs, qui non conuertuntur. Nam de ijs qui conuertuntur, est immota uoluntas Dei: Eze. 33. Viuo ego, nolo mortem peccatoris, sed ut conuertatur & uiuat. Si igitur ad creationis consiliū respicimus,

Deus



Deus nullum condidit ad æternum exitium. At si respicimus euentum, multi sunt ad exitium conditi. Pius pater nullum filium generat ad patibulum, si consilium generantis spectatur: Verum si euentus ob maliciam filij, patris pio uoto non respondeat, dicitur pater filium ad patibulum generasse. Ad eundem modum si creationis consilium consideretur, neminem destinauit Deus certo exitio. At si euentus spectatur, impium dicitur ad diem malum creasse. Deus enim mortem non fecit, neque lætatur in perditione uiuorum. Sed ut culpa ab homine, ita iusticia in Deo est, qui hominem non conuersum ad supplicium iustum, non ad aliquod opus iniustum, ad pœnam, non ad culpam, ad punitionem, non ad transgressionem, ad interitum, quem ira iusti iudicis peccantibus reddet, non ad interitum, quo in se iram Dei peccantium iniquitas prouocauit, Dominus prædestinasse dicens est. Huius regulæ vsus est, ut timeamus Deum, ne prouocemus iram Dei nostra securitate & impœnitenti corde, ac ita præter opinionem & expectationem incidamus in manus Dei uiuentis.

HAS regulas ideo huic doctrinæ præponere uolui, quia non dubito eas plurimum doctrinæ & consolationis continere, ne uel sinamus nos sophistica in opinionibus stoicas pertrahi, uel securi reddamur aut languidi ad apprehendendam gratiam omnibus oblatam, a qua nemo excluditur, nisi qui se ipsum sua excludit malicia & diffidentia.

DE ORDINE ACTIONVM Dei in prædestinationis negocio Paulus est consulendus, qui ponit quinque gradus actionum Dei in hac doctrina, quæ sunt, præ-



scientia, electio, uocatio, iustificatio, glorificatio. **PRAE-**  
**SCIENTIA** praescit Deus sua futura facta. **ELECTIO-**  
**NE** ordinat & disponit apud sese quod est factururus.  
**VOCATIONE** inuitat quos antea praesciuit & ele-  
git. **IUSTIFICATIONE** praescitos, electos & uoca-  
tos a reatu absoluit, & in filio unigenito caros habet.  
**GLORIFICATIONE**, iustificatos donat aeternae ui-  
tae fruitione, quae est fructus ultimus & meta praedesti-  
nationis. Haec confirmantur uerbis Pauli Rom. 8. Noui-  
mus inquit, quod ijs, qui diligunt Deum, omnia simul co-  
operantur in bonum, ijs scilicet, qui iuxta propositum  
uocati sunt sancti, quoniam quos praesciuit, hos etiam  
praedestinavit conformes imaginis Filij sui, ut sit ipse  
primogenitus inter multos fratres. Quos uero praede-  
stinavit, eos & uocauit, & quos uocauit, eos etiam iusti-  
ficauit, & quos iustificauit, eos etiam glorificauit. Nec  
alia huius rei causa quaerenda est, nisi ea, quam Paulus  
nouit, quae est, *ἀγάπη* Dei in Christo Iesu & philan-  
thropia, quae est *ἔξ ἐνεργειῶν τῶν ἀγαπῶν*. Habitus be-  
nefaciendi hominibus.

Ex his etiam haud obscure intelligi potest, quod **TER-**  
**TIO** loco proposui, Vnde uidelicet **IUDICIUM** de  
**PRAEDESTINATIONE** petendum sit. Paulus es-  
nim certam regulam tradidit, nimirum hanc: Quos  
praedestinavit, hos & uocauit, sentiens uocatos esse praede-  
stinatos. Verum ut hoc rite intelligatur, sex circum-  
stantiae nobis spectandae sunt, quarum **PRIMA**: **QUIS**  
**NAM VOCET?** Deus, cuius uocatio ut est gratuita, ita  
& ἀμεταμέλητος, hoc est, cuius cum non poeniteat, Rom.  
11. Hic obiter obseruandum, quod electionis uocabulum

&



Et pro causa & effectu ponitur in scriptura. ALI  
QUANDO enim significat eam electionem, qua ante ini-  
tium mundi elegerat saluandos, hoc est, credentes in Chri-  
stum. ALIQUANDO huius electionis effectum, nimi-  
rum uocationem cum communem piorum, qua in filios  
Dei adoptantur, tum particularem, qua ministros uerbi  
ad praedicandi officium destinauerat. PORRO ELE-  
CTIO illa prior dicitur interdum per tropum LIBER  
VITAE. Liber autem Catalogum Ebraica consuetudine  
significat, ut Gen. 3. Liber generationum Adam, id est,  
catalogus. Vnde liber uitae est catalogus iustorum, qui  
praordinati sunt ad uitam. Dicuntur autem PRAEOR-  
DINATI propter euentum, non quod Deus diues in om-  
nes misericordia & gratia, ullum ad certum interitum,  
si consilium formationis respicis, fecit. Hunc catalogum  
Deus repositum apud se habet. Itaq; nihil aliud est liber  
uitae, quam aeternum Dei consilium, in eius pectore desi-  
nitum, quo nos adoptauit in filios, & ad uitam aeternam  
destinauit in dilecto. Hunc librum Ezechiel cap. 13. scri-  
pturam domus Israel appellat. Psal. 69. liber uiuentium  
dicitur. De hoc libro deleri dicuntur, qui fidem & con-  
fessionem abijciunt. Cum iustis autem in hoc libro scri-  
bi dicuntur, qui fide se erigunt, & confugiunt ad me-  
diatorem. Atq; haec ratio loquendi de arcano Dei con-  
silio, seu aeterna Dei electione, sumta ab humana con-  
suetudine est, ad quam demittit se DOMINVS, ut alia  
quo modo percipiamus praedestinationis diuinæ doctri-  
nam. SECUNDA circumstantia, QUAN-  
DO VOCAT? Ab initio mundi, statim post lapsum  
parentum nostrorum, ipse Dominus uocare caepit,



Et postea nonnunquam per angelos, interdum per Prophetas, postea per Filium & Apostolos, & hodie uocat omnes, quibus ex sua bonitate Euangelium patefacit.

TERTIA circumstantia, QVOS VOCAT? Omnes, ad quos suum Euangelium uenit. Omnes qui sentiunt suum onus. Venite (inquit Matth. 11.) ad me omnes, qui laboratis & onerati estis, & ego refocillabo uos. Item: Marci ultimo: Ite in mundum uniuersum, & proclamate Euangelium omni creaturæ. Nam ut promissio & misericordia Dei est uniuersalis, ita etiam uocatio, ut sua prædictum est. QVARTA circumstantia: QVAE causa uocationis est? Nulla alia quam *Odor* pateris, misericordia, philanthropia & dilectio. Roma. 9. Ephe. 1. Et Ioan. 3. Huc accedit meritoria causa, nempe *λογος* Filius, per quod uocati a reatu absoluntur, & donantur iusticia Christi, in quo credentes sibi caros reddit Dominus, quos elegerat in ipso ante constitutionem mundi. QUINTA circumstantia: QUID REQUIRIT DOMINVS IN VOCATIS? Fidem & sanctimoniam. Fide enim induimus Christum, accipimus Spiritum sanctum, quo obsignatur nobis electionis promissio. Sanctimonia uitæ est fidei indicium, ad quam sanctimoniam electi sumus. SEXTA circumstantia: QVIS FINIS? Prædicatio gloriæ & gratiæ Dei, qua caros nos habuit in dilecto. Verum si extra uerbum iudicare uelis de hoc mysterio, hæc sequentur incommoda. PRIMVM contemptus ministerij uerbi, & exercitiorum pietatis. Hinc sequitur impænitentia & peccandi indulgentia, ac tandem desperatio. Quare semotis carnis prophanis cogitationibus, quas ratio ingerit sæpe



saepe sine uerbo, retineamus uniuersalem salutis pro-  
 missionem, nimirum, quod omnis qui crediderit, sal-  
 uus erit, quod omnis qui inuocauerit nomen Domini, sal-  
 uabitur. Iam ex ijs quæ dicta sunt, colligi potest præ-  
 destinationis definitio in hunc modum:

PRAEDESTINATIO est electio, qua Deus æter-  
 no consilio elegit saluandos ante creationem mundi in  
 Christo Iesu, & ordinatio seu dispensatio diuina, qua or-  
 dinauit & uocauit, ordinat & uocat electos uoce Euan-  
 gelij, iuxta beneplacitum suum in adoptionem filiorum  
 Dei, per eundem Christum, quem fide possident, electionis  
 æternæ testimonium certissimum, Idq; ut in uera sancti-  
 tate & puritate gloriam gratiæ Dei prædicent electi.  
 Hæc definitio ex superioribus collecta est, & Ephes. 1.  
 paulino testimonio confirmatur. Verum si placet, bre-  
 uior definitio sit hæc Augustini: PRAEDESTINATIO  
 est gratuita adoptionis præparatio, qua nos præ-  
 destinationis adoptauit in filios per Iesum Christum. Bre-  
 uius adhuc: PRAEDESTINATIO est diuinæ uolun-  
 tatis per gratiam electio. Fulgentius definit, sempiter-  
 nam esse dispositionem futuri operis Dei.

QVINTVM quod proposui, fuit de CERTITVDI-  
 NE PRAEDESTINATIONIS, quantum ad singu-  
 los homines attinet, quæ nobis clarissime in Domino nos-  
 tro Iesu Christo patefit. Quemadmodum enim in ele-  
 ctione nostri primas gratuito beneplacito Dei tribuere  
 oportet: ita rursus ea ab effectibus proprijs nobis co-  
 gnoscenda est. In hac certitudine assignanda, periculo-  
 se a Sophistis erratur. Quare illorum sententia omissa,  
 ex uerbo DOMINI colligam quatuor causas, quarum



PRIMA est, VOCATIO & communicatio ministerij salutis, per uocalem prædicationem. Nihil enim periculosius aut magis præposterum est, quam omissa uocatione electionis nostræ, certitudinē quærere in abscondita Dei præscientia, contra uerbum & uoluntatem Dei. Quare ex uocatione de hoc arcano iudicandū est, iuxta consiliū Pauli ad Roman. 8. Quos elegit, hos & uocauit, & contra: Quos uocauit, hos & elegit. Itaq; Paulus unicuique uult uocationem esse pro electionis testimonio. Est enim uocatio Dei fixa & rata, ut Deus ab ea discedere minime uelit. SECUNDA certitudinis causa est SPIRITVS SANCTVS, intus operans fidem ad uocationis uerbum, certificans de promissis diuinis, & excitans ad Dei cultū. Hoc comprobatur ad Ephes. 1. his uerbis. In quo & uos qui credidistis, obsignati estis spiritu promissionis sancto, qui est arrabo hæreditatis nostræ. TERTIA causa certitudinis est NOUITAS uitæ, seu sanctitas, ad quā electi sumus. Neq; enim debent a se inuicem separari sanctitas uitæ et electio æterna. Sic enim docet Paulus ad Ephes. 1. Vt simus sancti & irreprehensibiles coram ipso in dilectione. 2. Thess. 2. Elegit uos Deus ab initio in salutem, per sanctificationem Spiritus et fidem ueritatis. Et Petrus, (2. Pet. 1.) Quapropter fratres operam date, ut per bona opera certam uestram uocationē & electionem faciatis. Hac enim nota electi se probant non frustra uocatos, si bona consciētia, uitæ integritas fidei professioni respondeat. Has tres causas hoc sequens Pauli testimonium continet: Qui uocauit uos per Euangelium nostrum in acquisitionē gloriæ Domini nostri Iesu Christi. Hic uocatio, fides & sanctificatio coniunguntur.



ur. Hæc diligenter notanda sunt, ne præterita uoluntatis Dei reuelatione, in qua acquiescendum, feramur ex-  
ra uerbum in profundū labyrinthum. QVARTA cer-  
titudinis caussa, SACRAMENTA sunt, uerbo uocatio-  
nis addita. Sunt enim Sacramenta ut sigilla gratiæ Dei,  
ta æternæ prædestinationis nostræ certissima testimo-  
ia. His certitudinis cauſis contenti ſimus, & cum  
imore & uera inuocatione expectemus promiſſam ſalu-  
em, hæc ſpes nequaquam fallet nos. Eſt enim fundata in  
ilectione Dei, a qua nulla creatura nos poterit auellere.

POSTREMVM ſequitur de VSV & FINIBVS  
prædestinationis, quæ in quinque poſita ſunt. PRI-  
MVM enim prædestinationis doctrina tollit opinionem  
meritorum humanorum. Qui enim fieri poteſt, ut ſua  
auſſa effectus ſit prior? Nunc autem ſanctificatio eſt  
effectus eſt prædestinationis, proinde fieri nequit, ut ex  
meritis æſtimetur electio. SECVNDO magnificere  
nos facit hæc doctrina miniſterium uerbi, per quod uo-  
camur. Nam cum nos uocat DOMINVS, electionem  
noſtram confirmat. Sunt enim tres electionis gradus,  
PRAEDESTINATIO, DESIGNATIO AB  
UTERO, & VOCATIO, quæ eſt effectus &  
complementum utriuſque. Nam prædeſtinatione an-  
te mundi initium elegit, Designatione ab utero elegit,  
cum nos in hunc finem edimur, ut in nobis quod ſtatuit,  
compleat: Vocatione adoptat in filios, quos elegit  
& deſignauit. Huc pertinet miniſterium uerbi,  
quo nobis tantus gratiæ theſaurus affertur. TER-  
TIO, electio admonebit nos gratiarum actionis. Finis  
enim electionis noſtræ eſt, ut conſecrati Deo, ipſum  
per



per omnem uitam nostram corde, ore & opere laudemus  
& celebremus. **QVARTO**, consolabitur nos hæc do-  
ctrina sub cruce. Quoties enim castigat nos Dominus,  
fiducia electionis animos erigere debemus, certi, quod  
qui uocauit, etiam liberet, quantumuis uel totus orbis col-  
labi uideatur. **QVINTO**, quoties aliquid subita mu-  
tationis præter opinionem & spem nostram suboritur,  
quoties audimus persecutores Euangelij grassari in pios,  
cum circumferuntur rumores de defectionibus regnorū,  
prouinciarum, ciuitatum & magnorum hominum ab  
Euangelio, consolemur nos hac electionis doctrina, ut ue-  
niat nobis in mentem dictum Pauli: Firmum fundamen-  
tum Dei stat, habens sigillum hoc, Nouit **DOMINVS**  
qui sunt sui.

#### TESTIMONIA PRÆDESTI- NATIONIS.

**Ephes. 1.** Quemadmodum elegit nos in ipso antemum  
di creationem, ut essemus sancti & inculpati in conspe-  
ctu suo per caritatem, qui prædestinauit nos in adoptio-  
nem filiorum per Christum Iesum in sese, secundum bene-  
placitum uoluntatis suæ, in laudem gloriæ gratiæ suæ,  
qua nos caros reddidit in dilecto.

**Act. 13.** Et crediderunt quotquot erant prædesti-  
nati ad uitam æternam.

**Ioan. 13.** Ego scio, quos elegerim.

**Ioan. 10.** Oves meæ uocem meam audiunt, & ego  
noui eas, & me sequuntur, & ego uitam æternam do-  
cis, & non peribunt in æternum, & nemo rapiet eas de  
manibus meis.

HVC



HVC pertinent 9. 10. & 11. capita ad Romanos, in quibus cauendum, ne alienas a proposito, ut plurimi faciunt, disputationes sectemur.

## CAPVT SECVNDVM.

## ECCLESIA.

**E**CCLESIA Græca uox est, ab ἐκκληῖν, hoc est, euocando dicta, cuius uocis usus apud Athenienses fuit. Cætus enim ciuium uoce præconis de reliqua turba euocatus ad audiendam sententiam senatus, ἐκκλησία dicebatur. Hinc uocabulum Apostoli transtulerunt ad uerbum institutum, propter similitudinem. Est enim Ecclesia apostolico usu cætus hominum, uoce præconum uerbi euocatus e regno mundi, ad audiendam & recipiendam sententiam Dei, de salute generi humano parta per Christum Pontificem. Huius rei pulcerrimum exemplum in Abrahamo habemus, qui cum esset idololatra apud Caldæos, inde uoce Dei euocatus in terram Canaan, cui obtemperauit, & cultum iuxta eius uoluntatem præstitit, & si in eadem terra non pauci impij & hypocritæ fuerunt. Hinc iam plenam definitionem elicere, non erit difficile, qualis hæc esse poterit: ECCLESIA est cætus hominum, euocatus e regno Satanæ, ut Christum audiat, sequatur, eiq; uerò cultu seruiat, utq; huic Christo uero capiti suo ita adhæreat, ut suis membris coalescat, unumq; corpus constituat, ac tandem per eundem Christum fruatur in cælo perpetuo Dei & Angelorum consortio. Breuius: ECCLESIA est congregatio



gregatio membrorum Christi, id est, sanctorum, qui credunt uere & obædiunt Christo, cui in externa societate hypocritæ & multi mali admixti sunt, iuxta parabolam de Zizanijs. HÆC ECCLESIA uarijs titulis ornatur in Scriptura. 1. TIMOT. 3. DOMVS DEI VIVENTIS dicitur, quia in medio nostri, quos adoptionis gratia in filios recipit, habitat. Huius domus architectus est Christus, EBRÆ. 4. Et FUNDAMENTVM, 2. COR. 3. Fundamentum aliud nemo potest ponere, præter id, quod positum est, qui est Christus Iesus. Sed quomodo rite super Christum ædificatur Ecclesia? Si ipse solus statuitur pro sapientia, iusticia, sanctificatione, redemptione, satisfactione, purgatione, denique uita & gloria. COLUMNA ET FUNDAMENTVM VERITATIS, 2. TIMOT. 3. dicitur, quia suo ministerio ueritatem propagat & tuetur pura Euangelij prædicatione. Unde colligitur, illic non esse Ecclesiam, ubi ueritas sepulta iacet, & horrendum in modum diruta, eversa pedibus calcatur. Non dicitur columna ueritatis, quasi ex ipsa simpliciter penderet, sed hominum respectu. Sustinet enim Ecclesia ueritatem, dum eam puram retinet & sinceram, dum prædicatione transmittit ad posteros, dum suo præconio ornat. GALAT. 4. cœlestis IERUSALEM & mater fidelium dicitur. Ierusalem quidem cœlestis, quia originem a cœlesti gratia trahit, & fide sursum habitat. πολιτόμα enim Ecclesiæ in cœlis est, Philippiens. 3. MATER uero FIDELIUM dicitur Ierusalem, quia semen uitæ incorruptibile apud se depositum habet, quo nos format, fouet in utero, edit in lucem, lacte & cibo procreatos alit. Quorum mater est Ecclesia,



Ecclesia, Deus pater est, qui per Ecclesiae ministerium filius sibi generat & tollit. Vocatur & HAEREDITAS OMNI, Psal. 2. 1. Pet. 5. idq; ideo, quia Christo in periculum data est Ecclesia, cum reliquus mundus interim maneat in sua caecitate sub regno Satanæ. Ephes. 1. CORPVS CHRISTI dicitur, cuius caput est Christus, quia sua plenitudine Ecclesiam absoluit perficitq; & uia capitis gloria membris cæteris communis est, moentur hac appellatione de glorificatione Ecclesiae, quam habitura est una cū capite suo Christo Domino. SVNT & aliæ APPELLATIONES Ecclesiae, ut sunt: Virgo, sponsa, ciuitas murata, uinea, ager, messis, regnum cælorum, regnum Christi. Has appellationes intelligere & excutere facile est, modo metaphorice hæ appellationes integris similitudinibus reddantur.

DISTINGVITVR ECCLESIA in militantem & triumphantem, & definiunt MILITANTEM conregationem esse omnium fidelium sub Christo rege in hoc mundo adhuc militantium contra diabolum, carnem, mundum. Huius Ecclesiae arma ad Ephes. 6. recensentur. TRIUMPHANTEM dicunt eam Ecclesiam, quæ parta uictoria per Christum nunc in cælis cum beatis spiritibus triumphat, quæ olim post resurrectionem plenum triumphum aget.

SED quare VNA dicitur, cum tot sint cætus dispersi per orbem, quarum singuli Ecclesiae titulum sibi uendicant? Ecclesiae VNITAS non consistit in cohabitationibus, neque in externis ritibus aut ceremonijs, sed in doctrinae & fidei consensu. Nam in omnibus, qui in CHRISTVM uere credunt, unus est Spiritus, unus est

Domina



Dominus, unum caput Christus, una fides, una spes, unum baptisma, unus Deus & Pater omnium, unusq; aduocatus & mediator IESVS CHRISTVS. Hinc est, quod toti Ecclesiæ dicitur ad Galat. 3. Omnes uos unus estis in CHRISTO IESV. Atque ob hanc causam CATHOLICA etiam dicitur, Quia ubiq; & semper omnia Ecclesiæ Christi membra in spiritu, doctrina & fide consentiunt. Id enim Catholicon usu Ecclesiastico ceptum est appellari, quod in Ecclesia creditum est, semper, & ubiq; & ab omnibus.

HINC nascitur & alia Ecclesiæ diuisio, qua diuiditur in CATHOLICAM & PARTICVLAREM. Sed hæc pars est catholicæ Ecclesiæ.

PORRO ut Ecclesia constat, & fulcitur quatuor partibus, nimirum doctrina, sacramentis, ceremonijs & disciplina, de quibus suis locis dicitur: ita eiusdem signa non fallacia sunt hæc tria simul: 1. CONSENSVS in doctrina Euangelij incorrupta, scilicet, in fundamento. 2. LEGITIMVS usus Sacramentorum. 3. OBOEDIENTIA ministerio debita, iuxta Euangelium.

#### TESTIMONIA DE ECCLESIA.

Ebra. 12. Accessistis ad montem Sion, & ad ciuitatem Dei uiuentis, Ierusalem cælestem, & ad innumerabilem Angelorum cætum, & ad concionem primogenitorum, qui conscripti sunt in cælis, & ad iudicem uniuersorum Deum, & ad spiritus iustorum perfectorum.

Ephes. 5. Christus dilexit Ecclesiam, & semetipsum exposuit



exposuit pro ea, ut illam sanctificaret, mundatam lauacro aquæ per uerbum uitæ.

Psal. 26. Vnam petij a Domino, hanc requiram, ut inhabitem in Domini domo omnibus diebus uitæ meæ, ut uideam uoluntatem Domini, & uisitem templum eius.

Psal. 83. Beati qui habitant in domo tua Domine.

Psal. 91. Plantati in domo Domini, in atrijs domus Dei nostri floreunt.

Psal. 35. Lauabo inter innocentes manus meas, & circumdabo altare tuum Domine. Dilexi decorem domus uæ, & locum habitationis gloriæ tuæ.

Psal. 121. Rogate quæ ad pacem sunt Ierusalem: & abundantia diligentibus te: propter domum Domini Dei nostri quæsiui bona tibi.

Ebre. 10. Non relinquentes congregationem nostram.

1. Cor. 1. Non sint inter uos schismata, sed sitis coagentati eadem doctrina & eadem uoluntate.

Matt. 12. Qui non congregat mecum, dispergit.

## CAPVT III.

SYMBOLVM ET  
TESSERA ECCLESIAE.

**S**YMBOLVM Ecclesiæ Christi nota quædam est, per quam a reliquo mundo discernitur Ecclesia. SEV, est professio Christianæ religionis. Quemadmodum enim symbolum militare, quod Latinis tessera dicitur, est ignum, quo socij ab hostibus & exploratoribus dignoscuntur:



scuntur: ita Symbolū Ecclesiæ est tessera militum Christi, id est, credentium, per quam se & uni Christo nomina dedisse, & ab alijs omnibus in mundo sectis dissentire testantur. Hoc Christianum Symbolum Irenæus traditionem apostolicam uocat, quia Apostoli putantur unanimi consensu articulos nostræ fidei, qui Symboli apostolici nomine usitate appellantur, collegisse & Ecclesiæ commendasse. Continet autem Symbolum præcipua capita totius religionis Christianæ. Nam causas nostræ salutis optimo ordine enumerat. Orditur a primo fonte, & ita paulatim per gradus progreditur ad finem, qui est uita æterna, in qua perpetua quædam celebratio Dei uigebit. Verum ut nos certum quendam ordinem in explicatione teneamus, primum Symboli partitionem, deinde, quid in singulis partitionis membris quærendum sit, obseruemus.

#### PARTITIO SYMBOLI.

Quatuor sunt symboli membra maxima. PRIMVM est de Deo Patre, & fide in ipsum. SECYNDVM de Deo Filio, & fide in eundem. TERTIVM de Spiritu sancto, & fide in illum. QVARTVM & ultimū est de effectu totius Trinitatis & fide oblata bona accipiente. Atq; ita Symbolum in uniuersum duo requirit a Christianis, primum VERAM NOTICIAM persuasioneq; doctrinæ. Deinde FIDEM, per quam acquiescimus in Dei uerbo, & firmiter statuimus nos uere accipienturos, quæ Deus promittit.

Nam symbolum Christianum non tantum est externa  
quædam



quædam doctrinæ confessio, sed cordis seria fiducia in Deum, per Dominum nostrum Iesum Christum. CAETERVM in explicatione partium symboli hunc ordinem sequi non erit inutile. PRIMVM historia consideretur. SECUNDO, eius probatio ex uerbo Dei adijciatur. TERTIO fides ipsa, quæ uersatur circa doctrinam, qualis sit, ostendatur. QUARTO, quid fides inde colligere doctrinæ & consolationis debeat.

## PRIMVM MEMBRVM.

**Credo in Deum Patrem omnipotentem,  
Creatorem cœli & terræ.**

Hic primum historia de Deo cognoscenda est, quæ ad tria capita refertur, nimirum ad unitatem essentiæ diuinæ, personarum trinitatem, & diuinæ uirtutis efficaciam, de quibus in genere uide ea, quæ in prima Classe capite primo dicta sunt. Hic solummodo ea exponam, quæ uerba symboli recensent. Loquitur itaq; hoc membrum de Deo Patre, prima in diuinis persona, atque ei tria tribuuntur. 1. Quod sit PATER. 2. Quod sit OMNIPOTENS. 3. Quod sit CREATOR cœli & terræ. SECUNDO, huius historiæ confirmatio petatur ex primo, secundo & tertio capitibus primæ Classis. TERTIO, consideretur qualis hic fides requiritur, nempe certa noticia huius historiæ de prima persona in Trinitate, et fiducia in ipsam, quod uere talis sit nobis, qualis hic describitur, quod sit Pater, qui nobis beneuclit, quod omnipotēs, qui possit tueri & defendere eos, quos in suam tutelā recepit. Quarto, ut ex eo, quod sit Pater, colligamus ipsius paternā erga nos uoluntatē, quæ uult nobis libēter adesse et



nos iuuare. Ita ex eo, quod sit omnipotens, statuamus illum & posse aduersarios nostros opprimere, & uelle potenter liberare nos ab omnibus malis. Hic quoque fides meminerit, quare Deus sit tibi Pater, nimirum propter Christum, qui dedit potestatem filios Dei fieri omnes, qui credunt in nomen eius. Soli enim credentes adoptionis gloria gaudere possunt. Porro de creatione uide supra classe prima, capite secundo.

### SECVNDVM MEMBRVM

#### DE FILIO DEI.

Et in Iesum Christum filium eius unicum, Dominum nostrum, qui conceptus est de Spiritu sancto, natus ex Maria uirgine, passus sub Pontio Pilato, crucifixus, mortuus & sepultus. Descendit ad inferna: tertia die resurrexit a mortuis: ascendit ad cœlos: sedet ad dexteram Dei patris omnipotentis: inde uenturus est iudicare uiuos & mortuos.

PRIMUM historia Christi ad quatuor capita referri potest: ad diuinitatem, humanitatem, officium & fidem in ipsum. De primo & ultimo in prima classe dictum est, de duobus medijs hic dicendum est. Historia itaque humanitatis Christi in sex partes in symbolo secatur. PRIMA, est de conceptione & natiuitate Christi. SECUNDA, de passione & morte. TERTIA, de descensu ad inferos. QUARTA, de resurrectione a mortuis, QUINTA, de ascensione in cœlum. SEXTA, de aduentu eius ad iudicium. De his ordine dicendum est, ubi prius



prius huius secundæ personæ in diuinitate nomina & titulos explicauero, ex quibus diuinitas ipsius & officium intelligi possunt.

Primum uocatur **I E S V S**. Hoc nomen Ebraicum est, Filio Dei in circumcissione impositum, idq; mandato Dei per angelum, Matth. 1. Complectitur autem hoc nomen miro compendio, qualis sit persona Filius Dei, quale officium, adeoq; cur in hunc mundum uenerit. Nam primum hæc uox (**I E S V S**) significat, quod Filius Dei ab æterno a Patre genitus, sit uerus Deus uerusq; homo, ac saluator populi sui. Huius enim gratia aduenit in mundum, ut populum suum, hoc est, credentes, ab æterna morte & ira Dei liberatos, uita donaret æterna. Hoc ita esse, docetur multis Scripturæ testimonijs. Primum ex promissione seminis, 2. ex Euangelica historia. 3. ex pluribus locis ueteris & noui testamenti, quæ non est opus referre, præsertim cum in prima classe non pauca huius generis enumerata sunt. Porro fides in hunc Iesum *ἡ ἀνάγκη* talis esse debet, qualis in unicum saluatorem, hoc est, certa, fixa, qualis hæmorrhousæ, Iairi atq; aliorum plurimorum, qui ad ipsum Dominum in sua necessitate tanquam ad unicam salutis anchoram, confugerunt. Porro, **MEDITATIO FIDEI** in his consistit, **PRIMUM**, quotiescunque hoc nomen nobis in mentem uenit, cogitabimus nos sine hoc **I E S V** extreme perditos esse. Nam si nobis saluator est datus, sequitur profecto, quod sine hoc saluatore hæreamus in damnatione, idque ob peccatum nostrum. **SECUNDO** admoneamur hoc nomine, quod salus ab ipso solo sit petenda & expectanda. Nam si solus Filius est **I E S V S**, hoc est, saluator relinquitur, nulla

P 3

opera,



opera, nulla merita, breuiter, nullam creaturam nos e  
damnatione commerita eximere posse. TERTIO op-  
ponendum est hoc nomen desperationi, magnitudini pec-  
cati, indignitati, particularitati, potentiae & uiribus  
diaboli. Nam cum hic Iesus uerus sit *θεός*, haud  
dubie poterit & uolet omnes ad se confugientes tueri  
& saluare. QVARTO, sciamus hoc nomine compendii  
unius totius Euangelij contineri. Nam & admonet nos  
peccati nostri, & monstrat Filium Dei saluatorem, qui  
fide apprehendendus est, quemadmodum uerba symboli  
sonant: Credo in Iesum, &c.

SECUNDVS titulus, quem filio Dei tribuit, est  
CHRISTVS, qui sane titulus modum salutis per Filium  
Dei partae compendiose monstrat. Quemadmodum enim  
prior appellatio Filium Dei saluatorem esse monet, ita  
haec, quomodo nobis sit Saluator factus, indicat, nimirum  
eo, quod sit Christus noster. Haec enim appellatio meto-  
nymice significat, quod Iesus sit Rex, Pontifex, & Pro-  
pheta, qui suo regali sacerdotio & doctrina suis salutem  
acquisiuit.

#### SED QVOMODO REGIS NOMEN ILLI COMPETIT?

Et si regnum Christi considerari potest tripliter, nam  
cuius est triplex modus, quorum primus est POTEN-  
TIAE, secundus GRATIAE, tertius GLORIAE: ta-  
men solummodo medij rationem habebo. Regis itaque  
nomen PRIMVM Christo competit, quia uendicauit sibi  
regnum nempe Ecclesiam, quam inuaserat Diabolus,  
Psal. 20.



psal. 20. SECUNDO propter uictoriam, qua superauit  
superbum illum tenebrarum regem. TERTIO propter  
defensionem, qua potenter omnes eos quos in suam tute-  
lam suscepit, hoc est, eos, qui ad ipsum confugiunt, qui  
ipsum Dominum ac Regem agnoscunt, qui denique ipsi  
homagium præstant fidele, defendit. Hic omnes sui re-  
gni, hoc est, Ecclesiæ ciues ex fide in æternum beatos red-  
dit. Atq; hæc breuiter de regio Christi officio.

## CVR DICITVR SACERDOS?

Quia de sacerdotio Christi nuper admodum a me di-  
sputum est, uolo easdem Hypotheses huc ascribere,  
quæ ex disputatione Apostoli ad Ebraeos collectæ sunt.

HYPOTHESES DE SACER-  
DOTIO CHRISTI.

1.

**Q**uoniam peccatores sumus, reiq; mortis æternæ  
propter peccatum, aut æternum nobis fuit pe-  
reundum aut reconciliatio cū Deo offenso ineunda erat.

2.

Verum quia reconciliatio sine compensatione iniu-  
riæ Deo factæ, & sine sacerdote & mediatore fieri  
non potuit, Sacerdos necessarius erat, qui nobis Deum of-  
fensum reconciliaret, facta simul iniuriæ compensatione.

3.

Quoniam autem maior est ira Dei, quam ut eam su-  
stinere posset purus homo, & iusticia Dei requirebat, ut  
aliquis in humano genere satisfaceret, λόγος Dei æternus

P 4

nus



nus assumfit humanam naturam, ut fieret mediator & sacerdos, qui iram Dei placaret.

4.

Cæterum, quia in huius sacerdotis noticia & fide nostra reconciliatio cum Deo, et salus est posita, pro studio ratio sacerdotij Christi quærenda est.

5.

Videtur autem mihi plana & perspicua sacerdotis nostri Christi noticia referri posse ad quinque capita, quæ sunt: Conditio personæ, officium, testimonium, duratio & applicatio cum usu.

6.

Conditio duplex consideranda occurrit in persona huius sacerdotis, naturarum uidelicet & qualitatis.

7.

Conditio naturarum est, quod hic sacerdos sit Deus & homo, una persona, alias enim mediator esse haud potuisset, Nam ut sua diuinitate Patri, ita nobis humanæ naturæ societate coniunctus est.

8.

Huius coniunctionis causas Irenæus explicat hisce uerbis: Oportebat mediatorem Dei & hominum propter suam ad utrosque *ὁμιλιᾶν*, in amicitiam & concordiam utrosque reducere, & facere, ut Deus reciperet hominem, & homo restitueretur Deo.

9.

Conditio qualitatis nostri sacerdotis ab Apostolo explicatur, quod sit sanctus, innocens, impollutus, segregatus a peccatoribus, & excelsior cælis, qua unica oblatione perfungi posset suo sacrificio.

10. Officio



10.

Officij partes tres numerantur, docere suum populum, orare pro ipso, ac offerre Deo oblationem pro peccatis populi sui expiandis.

11.

Doctrina ipsius est Euangelij prædicatio, Intercessio durat usq; ad iudicium, Oblatio semel peracta, est in perpetuum efficax, & tanquam recens semper apparet in conspectu Dei.

12.

Porro in oblatione plura perpendenda occurrunt, ex quibus fides concipitur, fouetur & alitur, PRIMVM, quod Sacerdos & sacrificium simul sit ipse Christus  $\text{Ἰησοῦς Χριστός}$ : DEINDE, quod Deo Patri obtulerit semetipsum per æternum Spiritum: TVM, quod pro humano genere reconciliando Patri cælesti sacrificium suum peregerit: POSTREMO, quod semel peracta uictima nunquam iteranda sit. Nam una oblatione consummavit in sempiternum sanctificandos.

13.

Porro quia sacerdos omnis alicuius fæderis seu testamenti sponsor & mediator existit, Videndum necessario, qualenam sit huius nostri Sacerdotis fædus.

14.

Tametsi autem multa in hoc fædere concurrunt, tamen eius præcipua membra sunt: obligatio mutua inter Deum & homines, ac fæderis confirmatio.

15.

Obligatio ex parte Dei est, quod Deus promittit se propitium fore iniquitatibus nostris, fore Deum nos

P 5

strum



strum (qui daturus sit leges suas in mentem nostram, & scripturus easdem in cordibus nostris, idq; propter Filium, & sacerdotem & hostiam, qui semper uiuit ad interpellandum pro nobis) adoptaturum nos in filios, donaturum Spiritu sancto, & tandem in gloriosum Christi regnum nos introducturum.

16.

Obligatio ex parte hominis est, quod homo se uicissim committat fidei Dei, credat in ipsum, expectet bona promissa, ac ipsi suam uitam perpetuo approbare conetur. Christus enim consummatus omnibus obtemperantibus sibi factus est autor salutis æternæ.

17.

Confirmatio fæderis huius effusione sanguinis Christi nostri sacerdotis facta est, in cuius rei testificationem & memoriam perpetuam, diuinitus in Ecclesia duo Sacramenta ordinata sunt, Baptismus & Cæna Domini.

18.

Duratio sacerdotij Christi typo, testimonio diuino, & uictimæ præstantia, comprobatur.

19.

Typus quidem durationem figurat, Nam secundum ordinem Melchisedech est sacerdos constitutus, qui neq; initium dierum, neq; uitæ finem habens, assimilatus Filio Dei, manet sacerdos in æternum.

20.

Testimonium Patris typum declarans est hoc: Iurauit Dominus & non pœnitebit cum: Tu es sacerdos in æternum, secundum ordinem Melchisedech.

Præstantia



21.

Præstantia uictimæ est, quod semel ingressus Christus in sancta, satisfecerit pro omnibus mundi peccatis, inueneritq; redemptionem perpetuo duraturam, & nunc appareat uultui Dei pro nobis.

22.

Applicatio præterea sacrificij Christi fit per fidem. Sic enim Paulus docet : Roman. 3. Quem Deus constituit propitiatorem per fidem in sanguine eius.

23.

Ut enim nobis ipse Christus ex mera gratia & philanthropia sua beneficia offert : ita nos uicissim oblatam gratiam cordis brachijs, hoc est, fide apprehendere & tenere debemus.

24.

Cum autem hanc gratiam fide possidemus, regales sacerdotes constituimur, quibus incumbit, ut iusticia & sanctitate induti, hostias offeramus Deo gratas per Christum, mediatorem unicum. Nam ut ipse nostras conscientias ab operibus mortuis emundat : ita nos uicissim excusso peccati iugo, Deo uiuenti seruire debemus.

25.

Ex ijs quæ hætenus dicta sunt, (ut rem in angustius contraham) duas extruam definitiones, unam sacerdotis Christi, alteram noui Testamenti cuius sponsor est Christus.

26.

Sacerdos itaque summus & uerus, est persona una, Deus & homo Iesus Christus, mundus & purus ab omni peccato, amans hominum, ex decreto Dei Patris profectus

ratis



rens Euangelium, offerens seipsum semel pro hominibus, & persoluens λύτρον, & applicans sua merita credentibus, in æternam redemptionem, pro quibus & interpellat apud Patrem.

27.

Nouum Testamentum est pactum Dei cum hominibus, sancitum sanguine Christi, in quo ut Deus promittit se ignosciturum peccatis hominum propter Filium uicimam & Mediatorem: ita homo uicissim fidei Dei se committit, credit in Deum, cum promissione obædientiæ erga ipsum.

28.

Ex his patet, non solum Leuiticos sacerdotes typicos tantum fuisse, uerumetiam sacrilegos esse Papistas, qui suum missaticum sacrificium & histrionicam saltationem mundo obtrudunt, in contumeliam Christi sacerdotis, ac si sua unica & perfectissima uictima non fecisset satis pro mundi peccatis. Porro de ueteri & nouo Testamento copiosius dicam infra. Huc de sacerdotio Christianorum nonnulla adijciam.

#### DE SACERDOTIO CHRISTIANORVM.

SVNT NE CHRISTIANI OMNES SACERDOTES?

Sunt profecto. Nam per communicationem omnis regeneratus aqua & spiritu, quemadmodum a Christo Christianus appellatur, ita per eundem rex & sacerdos constituitur. Hinc Petrus Christianos regale sacerdotium



tium nuncupat. Per Christum enim habemus ius uerbum Dei docendi, seruata cuiusque uocatione. Habemus ius inuocandi Deum, iuxta illud: Psalm. 50. Inuoca me in die tribulationis &c. Item: Ioan. 16. Quicquid petieritis Patrem in nomine meo, dabit uobis. Habemus præterea ius offerendi sacrificium, sed eucharisticum uel laudis: Nam nemo mortalium sacrificium propitiatorium offerre potest. Is enim honos soli summo Pontifici Christo Domino competit. Christianorum enim sacrificia supra enumerata sunt capite quinto secundæ classis, ubi quinque genera recensui: Spiritum contribulatum, Sacrificium iustitiæ, Sacrificium laudis seu uitulos labiorum confidentium nomini Dei, Hostias beneficentiæ & communionis, Et hostiam rationalem propriorum corporum. Micheas interrogat, quid dignum Domino offerrent? Huic respondetur: Indicabo tibi, o homo, quid sit bonum, & quid Dominus requirat abs te. Vtiq; facere iudicium, & diligere misericordiam, & humilem ambulare coram Deo tuo.

Porro quantum ad illos attinet, quos hodie uulgo sacerdotes appellamus, sciendum est quod triplici nomine ita appellantur. PRIMVM, quia una cum alijs Christianis inaugurati sunt Christo, & sacerdotes eatenus recte uocantur, quatenus uere Christiani sunt. DEINDE imitatione populi Israëliti, qui sacerdotes appellant eos, qui in ministerio uerbi & sacrificijs legis occupati erant, atq; hic honos soli tribui Leuiticæ concedebatur. TERTIO, placuit sanctis patribus, Apostolorum successoribus, hoc augusto titulo sacerdotali eos ornare præ alijs, qui uerbum Dei docent, administrant Sacramenta,



menta, annunciant hominibus, sola Christi sacerdotis summi uictima deletum peccatum, mortem & damnationem. Veteres sacerdotes legales animalia obtulerunt: sed Apostoli & reliqui sacerdotes Christi seu Euangelij, homines ipsos mactant, uiuumque sacrificium Deo per Euangelium offerunt. Paulus Apostolus hoc sacrificio se functum testatur, cum gentes mactarit gladio Euangelij, ut fieret oblatio acceptabilis Deo, sanctificata per Spiritum sanctum, ad Rom. 15.

CAETERVM, sacrificium papisticum plane sacrilegum est, non enim institutum est, ut doceat Christum, & mactet homines Deo, gladio Euangelij, sed ut immolet Christum pro uiuis & mortuis, ita contaminans & conculcans sacrificium Christi. Qui Christus, solo sacerdotio æterna redemptione inuento, est functus. Ita enim cap. 10. ad Ebræos legimus: Hic autem unam pro peccatis offerens hostiam in sempiternum, sedet ad dexteram Dei, de cætero expectans donec ponantur inimici eius scabellum pedum eius, una enim oblatione consummauit in sempiternum sanctificandos, id est, eos qui sanctificantur. Sacrilegi ergo sunt sacerdotes papistici, qui quod a Christo sacerdote perfectum est in æternum, impudenter iterare audent.

SED CUR ADDIT SYMBOLUM, FILIUM EIVS VNICVM?

CVM Christus nominatur Filius Dei, mens non imaginabitur generationem carnalem, sed diuinam, non temporaneam, sed æternam, qua Deus Pater ab æterno Filium genuit, unde Micheas capite 5. Ex te enim mihi egres-



egredietur, qui sit Dominator in Israël, & egressus eius ab initio a diebus æternitatis. Hæc uox, Filius, distinguit personam Christi seu æterni λόγος a persona Patris. Debemus igitur certo statuere, quod Christus & unigenitus & uere Dei Filius sit, quod semper fuerit cum Patre, alia tamen persona, quemadmodum Ioannes capite 1. testatur. Quid autem additur, quod VNICVS sit Filius Dei, distinctionis causa additur. Nam necesse est hunc Filium ab adoptiuis distinguere. Solus enim Christus est æternus & naturalis Dei Filius, eiusdem potentiae & essentiae cum Patre. Alij autem sunt filij adoptione, nimirum qui credunt in hunc unicum Filium Dei. Dedit enim potestatem filios Dei fieri omnes, qui credunt in nomen eius. Hic quia Filius Dei est, potest omnia quæ uult, uult autem omnia quæ sunt in salutem animarum nostrarum. In hoc ergo unico Dei Filio in omni tentatione hærendum est certa fiducia. Promisit enim, se apud nos futurum usque ad consummationem seculi. Fides itaq; nostra hunc fructum uberri- mum haurire potest in omni afflictione. Nihil enim po- tentius est ad consolandam afflictam conscientiam, quam cogitare, nobis regem & sacerdotem esse Filium Dei, qui hoc titulo unice oblectatur, ut Rex, Sacerdos & Sala- nator ad se confugientium dicatur. PRAETEREA Christiani hunc Christum agnoscunt suum DOMINVM, idq; potissimum ob duas causas. PRIMVM, iure crea- tionis, gubernationis & prudentiae. Etenim ut creator omnium est, ita Dominus, cuius nos subditos profite- mur. DEINDE iure redemptionis, nos enim suo san- guine redemit, 1. Corinth. 5. 1. Ioan. 1. Romanor. 4. Tit. 1.



Tit. 1. Sed de hac re infra copiosius. Atque in hunc modum tituli, quos Filio tribuit Symbolum, naturam et officium Christi aperte docent.

PRIMVS ARTICVLVS DE HVMANITATE CHRISTI, NEMPE DE conceptione & natiuitate.

Qui conceptus est de Spiritu sancto, natus ex Maria uirgine.

IN conceptione & natiuitate Domini nostri IESU CHRISTI circumstantias sex potissimum consideremus. Prima, quod ab Angelo annunciata sit eius conceptio. 2. quod conceptus sit de Spiritu sancto. 3. quod natus sit de Virgine. 4. quod ea uirgo fuerit desponsata uiro. 5. quod ex prosapia David fuerit illa uirgo. 6. quo tempore natus sit Christus.

DE PRIMA.

PRIMUM igitur ab Angelo annunciatur Domini conceptio, quia summum bonitatis diuinæ erga homines beneficium est natiuitas Christi. Voluit igitur Deus id Mariæ per Angelum nunciare, ut totus mundus sciat, negotium diuinum esse & arduum. Hic Angelus Mariam primum salutat, deinde legationem suam exponit, tum obiecta carnis diluit, & signo certificat. Salutatio fauorem Dei uirgini annunciat, ut sciat se Deo gratam esse, eique placere. 2. legatio exponit, quod sit paritura Dei Filium, mundi Saluatorem. 3. obiecta carnis cum diluit, potentiam Dei nobis commendat, ut quantumuis tota rerum



ta rerum natura contraria esse uideretur, tamen uoce Dei, et signo ei addito, firmiter nitendum sit. Non enim est impossibilis apud Deum ulla res.

## DE SECUNDA.

DEINDE conceptus est de Spiritu sancto, hoc est, non de substantia, sed operatione & efficacia Spiritus sancti. Ita enim Angelus respondet Virgini: Spiritus sanctus superueniet in te, & uirtus altissimi obumbrabit te. Hinc Augustinus: Per gratiam Dei, seu potentiam Dei & operationem Spiritus sancti, de carne Virginis assumptum est, quod uerbo est unitum. Idque ideo si ex uirili semine fuisset, cum omnibus natis Adam immundus extitisset. Quod autem ex carne natum est, caro, mendacium, & uanitas, Ioan. 3. Nunc autem per Christum oportuit fieri gratiam & ueritatem. non igitur potuit de uiro concipi, sed oportuit id fieri occulta quadam Dei uirtute, quo ab omni peccato purus & sanctus, nos quoque purificaret & sanctificaret, futurus Patri hostia sancta & incontaminata. Deinde de Spiritu sancto conceptus est, ut sciamus, quicquid Filius loquitur, esse ipsissimam Patris uoluntatem. Est enim Spiritus sanctus amor Patris & Filij substantialis. Præterea, quia Spiritus sanctus est spiritus sanctificationis & purificationis. Hic enim ex sanguine quem purificauerat, Christi corpus ædificauit & sanctificauit, ut esset mundum & immune ab omni peccato, ut supra quoque dictum est.

## DE TERTIA.

TERTIA circumstantia est, quod natus sit de Virgine. Hic primum obseruemus uarias hominum in mundum



dum propagationes, quæ quatuor sunt. Prima solius Adam, qui ex humo creatus est, 2. solius AEUæ, quæ ex Adæ costa ædificata est, 3. solius Domini Christi, qui ex sanguine uirginali, per operationem Spiritus sancti, sine uirili semine, natus est, 4. communis. Est .n. hominum omnium aliorum, qui ex seminis uirorum & mulierum coniunctione nascuntur. Quod autem ex Virgine nasci debuerit, plures sunt causæ. PRIMA, si fuisset ex uiri et mulieris seminibus coniunctis natus, in peccatis fuisset conceptus & natus. Sed decuit eum, qui uenit ut tolleretur peccatum, absq; peccato esse. Conueniebat igitur, ut nouo quodam modo & conciperetur in Virgine, & nasceretur ex Virgine. SECUNDA causa uaticinia fuerunt, Gene. 3. Semen mulieris conteret caput serpentis. Gene. 49. Non auferetur sceptrum de Iuda, donec ueniat Silo, hoc est, eius, scilicet mulieris, filius. Esa. 7. Ecce uirgo pregnant pariet filium, & uocabitur nomen eius Emanuel, id est, nobiscum Deus, & saluator. Nam idem hoc nomen ualet, quod Iesus, quemadmodum ex supra dictis manifestum est. TERTIA causa, ut esset signum spiritualis regenerationis, quæ non ex uoluntate carnis, neq; ex uoluntate uiri, sed ex Deo est, Ioan. 1. Vnde de Augustinus: Oportebat caput nostrum in signi miraculo secundum corpus nasci de uirgine, ut significaret sua membra de uirgine Ecclesia secundum spiritum nascitura.

## DE QUARTA.

QUARTA circumstantia est, quod uirgo mater Domini fuerit uiro desponsata, idq; ob quatuor causas potissimum factum est. Prima, ut hac ratione commendaretur



retur dignitas matrimonij, 2. ut consuleretur pudicitia, fama, & uitae Virginis, 3. ut Ioseph esset custos Virginis & pueri nutricius, 4. ne hostes haberent quod obijcerent Christianis, ac dicerent illorum Christum illegitimum esse.

## DE QVINTA.

QVINTA circumstantia, quod ex prosapia David fuerit Virgo orta, id duabus causis euenisse uidetur. PRIMA propter oracula. Fuit enim praedictum, ut nasceretur de prosapia David, id quod notissimum fuit non solum ipsis Scribis ac Phariseis, sed toti populo Iudaico, & externis principibus, qui praerant isti populo. Fuit enim primum Abraham promissus, deinde, quod ex tribu Iuda esset oriundus. Tum iuratus est Dauidi Psal. 132. Iurauit Dominus David ueritatem, & non frustrabitur eum, de fructu uentris tui ponam super sedem tuam. SECUNDA, ut magis confirmaretur, hunc esse Messiam, quem ex Abraham Dauidisq; lumbis oracula legis et Prophetarum tanto tempore antea promiserant.

## DE SEXTA.

SEXTA circumstantia est temporis, quo natus est Christus, in quo primum oracula sunt obseruanda. Est enim natus regnante Augusto, Luc. 2. Vnde Prophetia Iacob certificatur, qui Gene. 49. ita praedixerat: Non auferetur sceptrum de Iuda, & dux de femore eius, donec ueniat Silo. Huc hebdomadae Danielis pertinent, Daniel. 9. Vnde haec temporis circumstantia conuincit, hunc Filium uirginis uere esse Christum. Nam eo tem-

Q 2

pore



pore est natus, quo dictum erat. Confirmatur igitur hinc fides in Christum uerum Messiam, & confutantur Iudæi, qui excæcati ob suam maliciam, adhuc Christum expectant, quem sperant fore monarcham mundi.

HÆ SEX circumstantiæ, de quibus breuissime dixi, in hoc articulo diligenter sunt considerandæ. Plurimum enim faciunt, tum ad historiam recte intelligendam, tum ad fiduciam concipiendam in hunc Filium, & fouendam.

PORRO Christus Dominus ueniens in hunc mundum, respectum habuit ad quatuor potissimum. PRIMUM ad Patris uoluntatem, cui obædiendum fuit. SECUNDO ad scripturas certificandas, & confirmandas. TERTIO ad genus humanum, quod sua uictima erat liberaturus. QUARTO ad diabolum, ad quem superandum uenit. Christus enim apparuit (ut inquit Ioannes 1. Ioan. 3.) ut destrueret opera diaboli.

SECUNDA PARS DE HUMANITATE CHRISTI, NEMPE DE passione & morte.

Hæc pars historiæ Christi maxime admirandum opus continet, de passione & morte Domini nostri Iesu Christi, qui passus & mortuus est propter peccata nostra, quemadmodum plurima testimonia ueteris & noui Testamenti ostendunt. Ipsi enim passio & mors sacrificium propitiatorium est, quo Deus propitiatur, id est, pius et clemens redditur ijs, pro quibus sacrificium peractum est. Ut autem doctrinam dominicæ passionis distinctius teneamus, PRIMUM dicam de sacrificio propitiatorio,



atorio, quid sit, & quot ad illud requirantur. DEIN-  
DE causas passionis dominicæ breuiter attingam. TER-  
TIO, effectus passionis. QVARTO antithesin adijciam.  
POSTREMO ueram meditandæ dominicæ passionis  
rationem exponam.

QVID EST SACRIFICIUM PRO-  
PITIATORIUM, ET QVÆ AD  
illud requiruntur?

SACRIFICIUM PROPITIATORIUM est  
opus placans iram Dei pro alijs, & satisfactorium pro  
culpa & pœna æterna. Sic enim inquit Dominus, Iob. 17.  
Pro ijs sanctifico meipsum, ut sint & ipsi sanctificati in  
ueritate. Deinde constat ex scripturis, proprium fuisse  
officium Christi seipsum offerre, sicut dicit Scriptura,  
Heb. 10. Ipsum unica oblatione sanctificasse suos. Item,  
semel apparuisse per oblationem sui. Hinc & quid sit sa-  
crificium propitiatorium, & quod unicum sit, nempe  
Iesu Christi, apertissime colligitur. PORRO ad huius  
sacrificij perfectionem quinque requiruntur, 1. Deus, cui  
offerendum est. 2. sacerdos, qui offert. 3. res quæ offer-  
tur. 4. res, pro qua offertur. 5. fœdus seu testamentum,  
Est enim omnis sacerdos sponsor fœderis alicuius. Hinc  
filius Dei est sacerdos, qui seipsum obtulit Deo Patri pro  
genere humano liberando ab æterna morte.

QVÆ SVNT CAUSSÆ PAS-  
SIONIS DOMINI?

OBJECTVM mouens, *πρόκαταρχὴν* quod uocant,  
fuit calamitas humani generis, et tyrannis diaboli in ge-  
nus

Q 3



nus humanum. IMPELLENS CAVSSA interna fuit amor Dei Patris erga suam creaturam. Sic enim inquit Dominus Ioan. 3. Sic Deus dilexit mundum, ut Filium suum unigenitum daret. OBSEQUENS CAVSSA, fuit ipse Filius Dei, qui, ut inquit Paulus, usq; ad mortem crucis obcediens fuit Patri. Instrumenta fuerunt diabolus, Scribæ & Pharisei, Pilatus & carnifices ipsi. FORMALIS CAVSSA fuit ipsa passio, quæ petenda est ex historia euangelica, quæ distingui potest in quinque actus seu membra, quæ his uersibus continentur : Hortus, Pontifices, Reges, Crux atq; sepulcrum, Historiæ passi membra notanda Dei.

Harum singula membra plures habent articulos, de quibus euangelica historia consulenda est. FINALES uero hæ sunt, PRIMA, ut glorificetur Deus ob iusticiam & misericordiam. SECUNDA, ut saluetur genus humanum, quod peccato perditum fuit, quando hunc sacerdotem fide apprehenderit. TERTIA, ut destrueret Christus opera diaboli sua morte. In hoc enim apparuit (ut inquit Ioannes) ut destruat opera diaboli. Has causas omnes miro compendio complectitur Dominus Ioan. 3. ubi ita inquit : Sic Deus dilexit mundum, ut Filium suum unigenitum daret, ut omnis qui credit in ipsum non pereat, sed habeat uitam æternam.

#### QVI SVNT EFFECTVS PASSIONIS DOMINI?

De ijs tantum EFFECTIBVS breuiter attingam, qui ad humanam redemptionem pertinent, de quibus extant sanctorum Patrum breues sententiæ, quibus summam



nam fructus dominicæ passionis complexi sunt, qualis hæc est: Christus passione sua uicit diabolum, quem ligauit, infernum, quem spoliavit, mortem, quam superauit, mundum, quem contempsit, supplicium, quod detulit, cælum, quod aperuit. Et Augustinus: Per redemptoris nostri mortem de tenebris ad lucem, de morte ad uitam, de corruptione ad incorruptionem, de exilio ad patriam, de luctu ad gaudium, de terris ad cæleste regnum uocati sumus. Huiusmodi quam plurimæ sanctorum patrum sententiæ de fructu passionis dominicæ passim leguntur. Sed ego breuiter quosdam effectus colligam, ac eos numeris distinguam memoriæ gratia, additis testimonijs ex sacra Scriptura.

PRIMVS, Deo præstita est obædientia, Philip. 2. Humiliauit semetipsum, factus obædiens usq; ad mortem, mortem autem crucis.

SECUNDVS, diabolus uictus. In hoc inquit Ioannes, apparuit filius Dei, ut destrueret opera diaboli. 1. Ioan. 3.

TERTIVS, homo a peccato saluatus est & iustificatus. Ecce, inquit Ioannes, agnus Dei, qui tollit peccata mundi. 2. Cor. 5. Eum, qui non nouit peccatum pro nobis fecit peccatum, ut nos fieremus iusticia Dei in ipso.

QUARTVS, æquatio Iudæorum & gentium, abolita inimicitia per mortem Christi. Ad Ephe. 2. Ipse enim est pax nostra, qui fecit ex utrisq; unum & interstitium maceriæ soluens, inimicitias per carnem suam, legem mandatorum in decretis abolens, ut duos conderet in semetipso in unum nouum hominem, faciens pacem ut reconciliaret ambos in uno corpore Deo per crucem.

QVINTVS, mors abolita est, Osee 13. Ero mors

Q 4

tua,



tua o mors, &c. morsus tuus ero inferne. Vita Christi (inquit Bernardus) uiuendi mihi regula extitit, mortis a morte redemptio. Breuiter: Christi hostia est λόγος, quo Deus placatus, homo redemptus, Diabolus uictus, omnia in cælo & in terra uni capiti Christo subiecta sunt, Ephes. 2.

Cum hoc sacrificio & passione pugnat, quicquid homines mali excogitant, pro satisfactione peccati, cuius generis sunt, iusticia operum, Missæ, indulgentiæ, inuocationes Sanctorum, fictum purgatorium, & huiusmodi aliæ nugæ, quas excogitauerunt Monachi, in contumeliā crucis Christi. Nam si Christus, ut Esaias inquit, uulneratus est propter peccata nostra, sequitur, omnia illa ex diametro pugnare cum passione Domini, quibus uolunt homines placatum sibi Deum reddere. Nec potest maior contumelia Filio Dei fieri, quam ulli rei, præterquam ipsius passioni & morti tribuere redemptionis beneficium. Nec est ullum idololatriæ genus maius, quam hominis operibus tribuere satisfactionis gloriam, quod tamēn totum Papisticū regnum ex instinctu Diaboli facit.

IN QVIBVS REBVS CONSISTIT  
VERAE DOMINICAE PASSIONIS  
MEDITATIO?

Meditatio Dominicæ passionis utilis, ad sex capita referri potest. PRIMVM ueniat nobis in mentem, quantam necesse sit iram Dei fuisse ob peccatum, quæ non poterat placari, nisi morte unigeniti Filij Dei. SECUNDO cogitandum quam immensa & imperuestigabilis



bilis fuerit misericordia Dei Patris, qui potius uoluit Filium sustinere turpissimam mortem, quam genus humanum a se conditum, perdere. Hæc misericordia multis in locis sacræ Scripturæ commendatur. TERTIO, cogitandum est etiam de summo & inenarrabili amore Filij Dei erga genus humanum, uolentis in se deriuare iram Patris, ac sustinere tam ignominiosam mortem, idq; pro ingratissimis hominibus. QUARTO, de applicatione dominicæ passionis cogitandum est. Nisi enim nobis fide applicetur, inanis quædam historiæ noticia manebit. Quare fide statuendum est, ipsum Deum pro TE mortem subiisse, quod cum feceris, passionis dominicæ factus es particeps, usq; adeo, ut tota obædientia Christi tua sit iusticia, qua uestitus non amplius ut peccator, sed tanquam iustus in conspectu Dei appareas, Roman. 5. Vnde Bernardus: De remissione quidem peccatorum ualidissimum tenco argumentum, dominicam passionem. Vox siquidem sanguinis eius ualet plus quam sanguinis Abel, clamans in cordibus electorum remissionem peccatorum. Traditus est enim propter peccata nostra. Nec dubito, quin potentior & efficacior sit mors illius in bonum, quam peccata nostra in malum. QUINTO, admonebit nos passio DOMINI fortis piorum in hoc mundo. Quemadmodum enim CHRISTVS est passus, ita uult & reliquos pios pati, ut sint conformes imaginis Filij DEI. Ideo enim compatimur, ut una cum illo glorificemur, Roman. 8. SEXTO, admonebit nos passio DOMINI, uitæ in posterum recte formandæ, utque caueamus, ne rursus uolentes DEVM peccatis nostris offendamus. De hoc membro uide Roman. 6.

Q 5

Hinc



Hinc enim sumit Paulus argumentum exhortatorium ad  
piam & honestam uitam.

TERTIA PARS DE HUMANITATE  
CHRISTI, NEMPE DE SEPUL-  
tura & descensu ad  
infernus.

TIPOVS sepulturæ Christi fuit dies Sabbati, id est,  
quietis, unde prophetia Davidis: Psalm. 15. Et caro mea  
requiescet in spe. Esa. 11. Et erit sepulcrum eius gloriosum.  
In horto sepultum ideo sancti Patres dicunt, quia  
primus homo in horto mortuus est.

SED CUR SEPULTVS FVIT?

PRIMUM ad ostendendum, quod uere fuit mortuus.  
2. ut iter nobis præberet a sepulcro ad uitam. 3. ut  
nos spiritualiter mortui a peccato, nunc quiescamus a  
peccato, & desideria peccati non faciamus. Sepulti  
(inquit Paulus Roman. 6.) sumus cum ipso per baptis-  
ma in mortem, ut quemadmodum ipse excitatus est a  
mortuis per gloriam Patris: ita & nos in nouitate ui-  
tæ ambulemus.

SED CUR OPORTVIT DOMINVM AD  
INFEROS DESCENDERE?

Quemadmodum Christus mortuus est, ne nos æterna  
morte moriamur: ita etiam ad inferos descendit, ne nos  
inferorum potestati subijciamur.

AN



An non CHRISTI corpus iacuit in sepulcro?

An non animam commendauerat Patri?

Quomodo ergo fuit apud inferos?

Augustinus respondet: Totus Filius fuit apud Patrem, totus in utero Virginis, totus in cælo, totus in terra, totus in cruce, & totus in inferno. At si quis dixerit, secundum animam tantum descendisse ad inferos, ipsius sententiam nequaquam improbo, neque refert scire magnopere, quo modo ad inferos descenderit, modo uera fide teneatur, ipsum ab inferorum potestate nos liberaſſe.

#### QVARTA PARS DE HVMANITATE

CHRISTI, NEMPE DE RES

surrectione ipsius.

HAEC QVARTA pars est de resurrectione, quæ est ipsius uictoria & triumphus super mortem & infernum. Nam hic Dominus se uerum Deum esse declarat. 1. Virtute enim diuina surrexit. 2. hac resurrectione meruit a suo Patre, ut omnia sibi sint subiecta, in cælo & in terra. Breuiter, declarat se sua resurrectione esse benedictum illud semen, quod contritum erat caput serpentis, hoc est, aboliturum regnum diaboli.

SED QUID COMMODI NOBIS EX  
CHRISTI RESURRECTIONE  
ACCEDIT?

Meruit CHRISTVS nobis sua gloriosa resurrectione, dummodo in eum credamus, æternam iusticiam & æternam



æternam salutem. Vt enim obædientia & morte sua pro peccatis nostris satisfecit, ita sua resurrectione iustificationem & uitam æternam acquisiuit credentibus. Quemadmodum Paulus Rom. 4. miro compendio complexus est: Mortuus est pro peccatis nostris, & resurrexit propter iustificationem nostri, nimirum ut nobis suam iusticiam impertiret. DEINDE, habemus fædus bonæ conscientie erga Deum per resurrectionem Christi. TERTIO, Christi resurrectio nos admonet, ut resurgamus non solum in extremo iudicio (Est enim resurrectio Christi nostræ resurrectionis certissimum testimonium) uerumetiam in hoc mundo. Nam ut morientis, sic & resurgentis Christi membra debemus esse. QUARTO, resurrectio Christi merito admonere deberet omnes Christianos, intimi cuiusdam amoris & fraternitatis erga se inuicem. Nam ita iussit Christus resurgens nunciari discipulis suis, Ioan. 20. Ascendo ad Patrem meum, & ad Patrem uestrum, ad Deum meum, & ad Deum uestrum. Aut si apertius placet. 1. Primum est donum, quo iustificamur. 2. est uirtus, quæ in nos credentes transfunditur, ut possimus a uicijs resurgere. 3. exemplum est & symbolum nouitatis uitæ. 4. est caussa nostræ resurrectionis, eiusdemq; pignus.

QUINTA PARS DE HVMANITATE  
CHRISTI, NEMPE DE ASCEN-  
sione in cælum, & sessione ad  
dexteram Patris.

IN HAC parte duo sunt potissimum obseruanda.  
PRIMUM mandatum Christi dicentis, Marc. ultimo:  
Euntes



Euntes in mundum uniuersum, & prædicate Euangelium. Antea intra pomeria terræ Palestinæ docebatur manifeste uerbum Dei: nunc iubet eos exire in omnem terram. Qua uoce declarat suam mortem, resurrectionem & ascensionem efficacem esse in omnibus partibus & angulis mundi, non quibusdam generosis hominibus, sed promiscue omnibus suam gratiam offerens. Dicit enim: Proclamate. Quibus? Omni creaturæ, contra tentationem de particularitate, de prædestinatione, & de indignitate nostra. Quid? Euangelium, hoc est, nouum nuncium, uidelicet, quod Christus uictor & triumphator offerat omnibus credentibus remissionem peccatorum. Ita enim additur in mandato Domini: Qui crediderit & baptisatus fuerit, saluus erit &c. **AL**  
**TERVM**, hoc loco obseruandum est, ut ipsa Christi ascensio recte a nobis æstimetur. Hic semel ascendens in cælum, adeptus est nobis & sibi in perpetuum, ius & dignitatem mansionis cælestis. Huc Psalm. 10. Huc dictum Pauli pertinet ad Ephes. 4. Ascendit ut omnia impleret, non ut abesset, sed ut præsentis uirtute replet cælum & terram, ut esset nobiscum, iuxta uerbum & promissionem suam, usque ad consummationem seculi. Eleuatus enim supra cælos sparsit suas uirtutes & bonitatis suæ radios, ultra & supra omnes fines terræ, & aperuit nobis uiam in cælum, quæ per Adæ delictum & nostrum occlusa erat. **QVOD** autem Symbolum adijcit, **CHRISTVM SEDERE AD DEXTERAM PATRIS**, significat ipsius regnum ita stabilitum esse, ut frustra se illi opponant omnes inferorum portæ. **DEINDE**, ut habeamus apud Patrem præsentem aduoca-



aduocatum, quemadmodum Ioannes inquit, 1. Ioan. 1. **V**ERVM ut breuiter totam rem complectar, Spiritus sancti concionem de gloriosa Christi in cælum ascensione adijciam. Ita enim Dauid & Paulus ex Spiritu concionantur, Psal. 68. & Ephes. 4. Ascendit in altum, captiuam duxit captiuitatem, dat dona hominibus. In hac concione tria sunt. **P**RI MV M, testimonium ascensionis Christi. 2. **D**EScriptio triumphi. Ipse enim ut uictor captiuum ducit diabolum, infernum & mortem. 3. **L**IBERALITAS ipsius ac beneficentia erga homines, & potissimum erga Ecclesiam, cui largitur Spiritum suum, & alia dona, quibus Ecclesia in hoc mundo conseruatur.

**P**ORRO, **V**SVS huius partis est, ut nos hic in terra uersantes cogitemus conuersationem nostram seu politiam debere esse in cælo. Vnde expectemus reuersurum esse eum, qui ascendit, ut iudicet omnem carnem, quemadmodum sequenti parte dicetur.

**SEXTA PARS DE HVMANITATE  
CHRISTI, NIMIRVM DE AD-  
uentu eius ad iudicium.**

**H**AEC PARS horrenda est quidem impijs & Christi hostibus: Christianis uero summe delectabilis, & in omni angustia ueluti sacra anchora est. Nam cum audit pius oppressus in hoc mundo uarijs calamitatibus, iudicium extremum penes eum esse, qui dixit: Matth. 11. **V**enite ad me omnes, qui laboratis & onerati estis, & ego refocillabo uos. Item: Ioan. 5. Qui credit in Filium, non gustabit mortem in æternū: concipit spem & fiduciam, se aliquan-



aliquando cum summa gloria liberatum iri ab omnibus angustijs. Quomodo enim clementissimus Princeps perderet populum suum? Quomodo membra, sua morte sibi adiuncta, caput dissiparet? Quomodo suos clientes aduocatus condemnaret? Quomodo IESVS non saluaret? Quomodo is, qui sanguine suo precioso, in patibulo crucis effuso, nos sibi asseruit, nunc in extremo periculo desereret? cum hic Christus rex & pontifex noster iureiurando promisit, se seruaturum omnes, qui ad se confugiunt, quantumuis enormibus peccatis obnoxij fuerint. HACTENVS de naturis, de persona & officio CHRISTI dictum est. Vnde tota salutis nostrae summa ac singulae eius partes dependent. Quare cauendum est, ne uel minimam partem salutis nostrae alio deriuemus. Si enim salus quaeritur, ipso nomine docemur, penes cum esse omnem salutem: Si alia quaelibet dona quaeruntur, in ipso uncto rege & sacerdote nostro reperientur, qui sedens ad dexteram Patris, dat dona hominibus: Si fortitudo, in eius dominio quaeratur: Si puritas, in eius conceptione: Si indulgentia, in eius humanitate, qua factus est nobis per omnia similis, excepto peccato, ut condolescere disceret infirmitatibus nostris: Si redemptio quaeratur, in eius passione sita est: Si absolutio, in eius damnatione: Si maledictionis remissio, in eius cruce est: Si sanctificatio, in eius sacrificio: Si purgatio, in eius sanguine est: Si mortificatio carnis, in eius sepulcro: Si uita nouitas, in eius resurrectione: Si immortalitas, in eadem: Si haereditas regni caelestis, in caeli ingressu: Si praesidium, si securitas, si bonorum omnium copia & affluentia quaeratur, in eius regno inuenientur: Si securus iudicij



iudicij expectatio, in potestate iudicandi illi tradita est. Denique in ipso thesauro omne genus bonorum cum sint, inde ad facietatem hauriantur, non aliunde. Nam qui uno Christo non contenti feruntur huc atque illuc, in spes uarias, certam uiam non tenent, sed exciderunt salute.

### TERTIVM MEMBRVM SYMBOLI.

#### Credo in Spiritum sanctum.

TAMETSI in primo primæ Classis capite de Spiritu sancto dictum est, hic tamen uerba Symboli explicanda sunt. Hæc uerba Symboli tria nobis suggerunt cogitanda. PRIMVM, Quis, qualisq; sit Spiritus sanctus. 2. Quale sit eius officium. 3. Qualis fides in Spiritum sanctum requiratur.

#### QVIS IGITVR QVALISQVE EST SPIRITVS SANCTVS?

Spiritus sanctus est eiusdem essentiae cum Patre & Filio, sed distincta *uōsasis*, id est, persona ab utroque Patre & Filio procedens, purificator, cum utroq; simul adorandus. Soli enim Deo tribuendus est diuinus cultus, qualis est fides. Hic cultus iuxta uerba Symboli Spiritui sancto tribuendus est, proinde Spiritus sanctus uere est Deus. Alia quæ huc pertinent ad declarationem diuinitatis Spiritus sancti, petantur ex Symbolo Athanasij.

#### QVALE EST OFFICIVM SPIRITVS SANCTI?

IN hac



IN hac unica uoce sanctitatis comprehenditur tanquam in genere. Nam iccirco Spiritus dicitur, quia quicquid est gratiæ Dei, id consequimur, si per Spiritum sanctum communicatur nobis. Verum quia hoc in genere quodammodo dictum obscurius est, speciatim seu per partes quomodo per hunc Spiritum Dei sanctificemur, ostendamus. Multis enim nominibus sanctitatem nobis impartit. PRIMVM, quia est CLAVIS THESAURORVM cælestium. Is enim illuminat aciem mentis nostræ, ut mysteria fidei intelligere ualeamus, quæ procul posita sunt a rationis captu. Animalis enim homo (ut inquit Paulus 1<sup>a</sup> Cor. 2.) non capit ea, quæ sunt Spiritus Dei. Et Dominus Ioan. 16. dicit: Vbi Paracletus uenerit, ducet uos in omnem ueritatem. 2. Quia est ARRABO promissionis, ad Epheseos primo. Est enim nobis tanquam arra, quam nobis donauerat in certitudinem futuræ hæreditatis. 3. Quia est SIGNACVLVM, quo certitudo diuinarum promissionum nostris mentibus obsignatur. 4. Quia est MAGISTER VERITATIS, ducens nos in omnem ueritatem, purgantem mentes nostras ab ignorantia, 5. Quia est AUCTOR LVCI, expellentis tenebras per peccatum inductas. 6. Quia FONS SAPIENTIAE & intelligentiæ est. 7. Quia est AQUA repurgans nos a prophanis sordibus, in sancta Dei templa nos consecrans, atq; ut germina iusticiæ proferamus fœcundans. 8. Quia OLEVM & VNCTIO est, quo nobis uerum uitæ uigorem effundit. 9. Quia IGNIS est, excoquens & expurgans nostræ conscientiæ uicia, incendit corda nostra amore iusticiæ, ut aduersus carnem indefinenter pugnemus. Hæc aliaq; huiusmodi Spiritus sancti officia

R.

in



*in Ecclesia elegantissime describuntur in hymno: Veni creator Spiritus.*

QUALIS FIDES IN SPIRITUM SAN-  
CTUM REQUIRITUR?

*Fides in Spiritum sanctum tria complecti debet. PRIMVM agnoscat, Spiritum sanctum tertiam in diuinitate personam esse æqualem & consubstantialem Patri & Filio, quemadmodum describitur in Symbolo Athanasij. DEINDE officium Spiritus sancti intuebitur fides. POSTREMO in eius bonitate niti & acquiescere debet, cauebitq; ne impuritate et scelerate Spiritum sanctum contristet & expellat homo.*

QUARTVM MEMBRVM  
SYMBOLI.

*Sanctam Ecclesiam Catholicam: Sanctorum communionem: remissionem peccatorum: carnis resurrectionem: & uitam æternam.*

*Hoc quartum membrum Symboli docet de effectu totius Trinitatis, & fide accipiente oblata beneficia. Hactenus enim symbolum de causa efficiente & materia nostræ salutis disseruit. Nunc autem, quo illa omnia beneficia Trinitatis, misericordia Patris, uictima Filij, sanctificatio Spiritus sancti pertineant, adiicit. Nam hæc omnia beneficia ad Ecclesiam pertinent, quam dona-*  
tam



tam remissione peccatorum in extremo die excitabit, ac aeterna gloria ornabit. Diuiditur autem hoc symboli membrum in quinque articulos, quos nunc ordine declarabo.

# PRIMVS ARTICVLVS QVARTI

MEMBRI NEMPE DE ECCLESIA.

Tametsi supra quædam de Ecclesia dixi, tamen hic symboli uerba breuiter sunt explicanda. In Symbolo Apostolico & Athanasij quatuor potissimum huius sanctæ Ecclesiæ conditiones numerantur. **PRIMA**, quod sit una, **SECUNDA**, quod sit sancta, **TERTIA**, quod sit catholica, **QVARTA**, quod sit firma.

**VNA** ideo dicitur & credenda est, quia ut unicum Pontificem Iesum Christum agnoscit, ita unicam regulam religionis, quæ consistit in uera fide, spe & caritate, habet. Hanc Ecclesiæ unitatem conseruat unus Spiritus per uerbum & Sacramenta, quo totum ministerium uerbi referendum est. **SANCTA** credenda est, **PRIMUM** quia sanguine Christi purgata est, iuxta illud 1. Ioannis primo. Et sanguis IESU CHRISTI emundat nos ab omni iniquitate nostra. 2. Quia spirituali unctione Ecclesiæ membra, hoc est, omnes credentes uncti sunt, ut sint Christiani, hoc est, reges & sacerdotes. Nam Christus omnibus in se credentibus tribuit honorem spiritualium, regum & sacerdotum. 3. Quia ipsa sancta Trinitas habitat in Ecclesia, quemadmodum Christus ipse testatur in concione post cenam ultimam: Qui diligit me, et mandata mea seruat, ad eum uenimus, & mansionem apud eum faciemus. 4. Inuocatione sancti

R 2



sanctificatur Ecclesia. Præterea CATHOLICA, hoc est, uniuersalis est credenda. PRIMVM ratione loci. Non est Ecclesia alligata certo loco, certis regnis, certis prouincijs, sed uniuersalis seu catholica dicitur, quia sparsa est per totum mundum. Sic enim Matthæi ultimo dicitur: Bunt es in mundum uniuersum. Qua re Papi starum error refutatur, qui Ecclesiam Romæ alligant, tanquam ibi esset sedes ueræ Ecclesiæ. 2. Conditione hominum Ecclesia dicitur Catholica. Nullus enim reijcitur a cœtu Ecclesiæ, siue dominus siue seruus sit, siue masculus siue fœmina. Vnde destruitur error Iudæorum, qui putant Ecclesiam solam pertinere ad semen Abrabæ carnale. 3. Ratione temporis dicitur Catholica Ecclesia. Non enim durabit in mundo, ad aliquot centenos annos ut somniant Anabaptistæ, & uetus hæresis, sed durabit perpetuo in mundo, iuxta promissionem Christi, Matthæi ultimo: Ego ero uobiscum usque ad consummationem sæculi. Hoc ipsum docet pontificatus Christi, qui perpetuus est. 4. Ratione doctrinæ Catholica appellatur Ecclesia, nam in ipsa Ecclesia uniuersaliter eadem doctrina, eadem religio perpetuo manet. Id est enim catholicum, quod ubiq; semper & ab omnibus creditum est. POSTREMO credenda est FIRMA ECCLESIA, unde fides nostra integrum (ut ita dicam) mare diuinarum consolationum in omnibus tentationibus haurire potest. Hæc fides sustentat trepidantem conscientiam. Pia mens contra imbecillitatem carnis, contra rabiem Diaboli, contra furorem mundi, consolabitur firmitudine huius Ecclesiæ, quæ usq; adeo firma est, ut nulla uis aduersus eam præualere possit. Portæ inferorum  
( inquit



(inquit Dominus Matth. 16.) non præualebunt aduersus eam, ac si dicat: Bellabunt aduersus Ecclesiam infectorum potestates, sed nequaquam aduersus ipsam præualebunt aut expugnabunt. Ipsa enim Ecclesia uictrix erit per fidem, quæ FIDES VICTORIA EST MVNDI.

SECVNDVS ARTICVLVS QVARTI  
MEMBRI, NEMPE DE COMMUNIONE SANCTORVM.

SANCTORVM COMMVNIO est æqualis participatio omnium euangelicarum promissionum. Sicut enim in omnibus est unus Christus, æquale precium & meritum redemptionis & salutis: ita omnibus una & eadem reconciliatio, redemptio, iusticia, sanctificatio, uita & salus. Paulus ad Ephescos 4. hinc extruit exhortationem ad mutuam animorum concordiam. Quid enim magis conuenit, quam ut illi se prosequantur amore & beneuolentia, quibus tantus thesaurus cælestium bonorum existit, præsertim cum sint eiusdem cælestis Patris filij dilecti, & eiusdem corporis membra, & ad eandem beatitudinem uocentur? Pertinent & ad hoc, communia Ecclesiæ bona, quod credentes mutuis precibus subleuentur, quarum nequaquam sunt participes, qui Ecclesiam deserunt.

TERTIVS ARTICVLVS QVARTI  
MEMBRI, NEMPE DE REMISSIONE PECCATORVM.

R 3

Remissio



REMISSIO PECCATORVM est præcipuum ornamentum Ecclesiæ, quo donatur a suo sponso Christo. Nam forma propria iustificationis Ecclesiæ & singulorum membrorum in Ecclesia, hic exprimitur, quæ est remissio peccatorum & imputatio iusticiæ Christi, & acceptatio personæ credentis gratis propter Christum. SVNT autem hic tria consideranda. PRIMVM, quid Deus in homine inuenit ante iustificationem. SECUNDO, Quomodo Deus peccatum tollit. TERTIO, Quaratione homo remissionis peccatorum fit particeps.

#### QVID ERGO INVENIT?

PECCATVM, iram Dei, maledictionem, tyrannidem diaboli, rebellionem multiplicem, breuiter meritum æternæ mortis. Vnde nulla nostra dignitas esse apparet, quæ mereri poterit fauorem Dei, aut tanti peccati remissionem. Omnes enim aberrauimus, nec est unus inuentus mundus a peccato, inter filios hominum, nec quisquam debitum honorem Deo exhibuit.

#### QVOMODO DEVS TOLLIT PECCATVM?

Tollit remittendo, id est, condonando pœnam commertam, & largiendo iusticiam alienam, nempe Christi. Quemadmodum per unius inobedientiam totus mundus obnoxius est iræ Dei: ita per obædientiam & iusticiam unius Iesu Christi multi constituentur iusti. Sic enim Paulus multis in locis docet, 2. ad Corinth. 5. ita iniquiens: Eum qui non nouit peccatum, pro nobis fecit peccatum, ut nos fieremus iusticia Dei in ipso. Proinde  
iusticia



iusticia Christiana, qua remissionem peccatorum obtinent apud Deum, nihil aliud est, quam iusticia & obedientia Christi, imputata credentibus.

QVA RATIONE REMISSIONIS PECCATORVM FIT HOMO PARTICIPE?

FIDE. Sic enim symbolum habet: Credo remissionem peccatorum, id est, certo certius mihi persuadeo, remissionem peccatorum mihi contingere propter victimam Christi. Et q; hoc dictum symboli multis erroribus de iustificatione opponendum, nempe Turcorum, Iudeorum, Papistarum, hypocritarum, atq; adeo omnium, qui non sola uictima Christi iustificari homines credentes existimant. Deinde quisq; exerceat hoc dictum quotidiana praxi, ut magis ac magis dulcescat sibi tam lætum Euangelium. Huc pertinet tanquam ad scopum totum uerbi ministerium. Huc pertinent Sacramenta, quæ omnia eo referantur, ut hæc symboli pars radices agat in cordibus nostris.

QVARTVS ARTICVLVS QVARTI MEMBRI, NEMPE DE  
carnis resurrectione.

Huius partis explicationem habes copiosissimam 1. ad Cor. 15. ubi Paulus differit multis & ualidis argumentis de hoc articulo & uana esse ostendit omnia, quæ in scripturis traduntur, nisi futura esset resurrectio, quæ est fructus resurrectionis CHRISTI. In hoc articulo

R 4

primum



PRIMUM est consideranda resurgentium conditio. DEINDE usus fidei resurrectionis. CONDITIO eorum qui resurgent, in uniuersum est quadruplex. PRIMA, quod eisdem corporibus resurgemus, ita enim Paulus docet 1. ad Corinth. 15. Item ad Philip. 3. Item Iob cap. 19. SECUNDA conditio est, quod corpora resurgentium erunt incorruptibilia, bonorum quidem in gloria, malorum uero in pœna, 1. ad Corinth. 15. TERTIA conditio est, quod boni & mali resurgent cum integritate omnium partium corporis, ut in citato loco Paulus testatur. QUARTA conditio est, quod resurgentes nunquam sunt rursus morituri.

PORRO, quantum ad BONOS attinet, quadruplex rursus erit resurgentium conditio. PRIMA CLARI-  
TAS, Matth. 12. Secunda IMPASSIBILITAS, 1. Cor. 15. Tertia AGILITAS, Sapient. 3. Fulgebunt iusti, & tanquam scintillæ in arundinetis discurrent. Quarta, SVBTILITAS. Seminatur corpus, inquit Paulus, animale, surget corpus spirituale, non quod omnino sit spiritus, sed quia per omnia Spiritui subijciatur. CAETERVM, quantum ad MALOS attinet, resurgentium conditio contraria erit conditioni beatorum.

## V S V S.

V S V S præterea fidei resurrectionis in his consistit. PRIMUM, consolabitur nos hæc fides in calamitatibus & iniurijs quibus obnoxium est hoc corpus, dum uiuimus. SECUNDO, hæc fides mitigabit tristitias, quas de mortuis concipimus. TERTIO, minuet timorem mortis, dum credimus meliorem uitam post hanc mortem



tem sequuturam, ad Ebræos 2. Vt per mortem destrueret cum, qui habebat mortis imperium, id est, diabolus, & liberaret eos, qui per timorem mortis per totam uitam obnoxij erant seruituti. **QVARTO**, fides hæc reddit nos sollicitos & alacres ad bene operandum, & bene merendum de ijs, cum quibus nobis futura est perpetua societas in æterna uita. **QVINTO**, hæc fides retrahet nos a malo, ne contaminemus nobilissimam animam, & corpus sanguine Christi consecratum, quod corpus in illa perpetua sanctitate uiuet, conuersabitur cum Deo, Angelis, Patriarchis, adeoque omnibus, qui hinc directi ad Deum mente discesserint.

### QVINTVS ARTICVLVS QVARTI

MEMBRI, NEMPE DE

uita nostra.

**HIC** articulus additur, ut significet nos resurrecturos, non ad calamitates aut momentaneas fortunas, sed ad perpetuam beatitudinem. Quia autem Symbolum diserte meminit æternæ uitæ, significat aliam uitam propositam esse credentibus, quam quæ temporis intervallo aut diuturnitate interrumpitur. **PORRO**, Theologi ex Scriptura tria uitæ discrimina faciunt, ut **PRIMA** sit **VITA NATVRÆ**, qua boni & mali promiscue in hoc mundo uiuunt. **SECUNDA** sit **GRATIAE**, qua soli filij Dei in spirituali regno Christi in hoc mundo uiuunt. **TERTIA** **VITA** sit **GLORIÆ**, de qua hic articulus Symboli intelligendus est, qua uiuunt in æternum, qui credentes hinc discedunt.

R 5

AD



AD EUNDEM modum secundum Scripturas triplicem esse mortem accipimus. PRIMA est, qua morimur peccatis, et Deo uiuimus. Beata profecto mors, quæ culpæ refuga, Domino debita, a mortali nos separat, immortali nos consecrat. ALIA MORS est uitæ excessus, qua mortuus est patriarcha Abraham, Dauid & alij plurimi, & sepulti sunt cum patribus suis. Hæc mors definitur esse dissolutio corporis & animæ, uidelicet, cum anima nexu corporis liberatur. TERTIA MORS est, qua corpus & anima moriuntur, ut non sentiant, sed ut coniuncta perpetuis pœnis addicentur, & hæc AETERNA MORS uocatur. Possunt & alia discrimina uitæ & mortis assignari. Sed hæc præcipua sunt.

## V S V S.

V S V S huius articuli est, qui & præcedentis. Nunc totum Symbolum contraham in compendium: Credo in Deum Patrem, qui me creauit. Credo in Iesum Christum, qui homo factus, sua uictima ad Patris iussu me redemit. Credo in Spiritum sanctum, qui me beneficiorum Christi participem reddit, ut ascriptus cœtui Sanctorum, & donatus remissione peccatorum, tandem a morte resurgam ad uitam æternam, ad quam uitam nos perducatur uictor mortis Dominus noster IESVS CHRISTVS, Deus benedictus in sæcula, AMEN.

## CAPVT QVARTVM.

## ORATIO.

QVIA



**Q**UIA proprium opus Ecclesiæ est ORATIO, oportune hoc loco de illa dicendum uidetur. Id autem ut distincte & methodice fiat, quinq; ordine nobis sunt explicanda. PRIMVM, quænam in omni oratione necessario sint spectanda. SECUNDO, quid & quotu-plex sit oratio. TERTIO, circumstantiæ orationis externæ, temporis, loci, modi gestusq; corporis. QUARTO, obiectiones quædam diluendæ. QUINTO, methodus seu regula enarrandi Orationem dominicam, cum eiusdem succincta declaratione.

## DE PRIMO.

IN omni oratione quinq; necessario spectanda sunt. 1. Affectus orantis. 2. Causæ orationis. 3. Quis orandus. 4. Quo mediante sit orandum. 5. Quid orandum. Hæc uno uelut intuitu contemplanda sunt, Quæ memoriæ gratia hoc qualicumq; uersu complector:

Affectus, Causæ, Quis, Per quem, Quidq; petendum

AFFECTVS itaq; orantis huiusmodi esse debet. 1. ut exuat omnem cogitationem gloriæ propriæ. 2. ut certa fide ad orandum incendatur animus. 3. ut uere inopiam suam sentiat. 4. ut in uera pœnitentia se coram Domino prosternat. Nam qui uel tumet cogitatione propriæ gloriæ, uel fide uacat, uel non sentit suam inopiam, uel de seria pœnitentia non cogitat, nequaquam inuocat uere & efficaciter.

CAUSAE INVOCATIONIS sunt hæc. Prima MANDATVM DEI, quo serio a nobis hic cultus exigitur. Inuoca (inquit Psalm. 15.) me in die tribulationis. Item: Luca 22. Orate ne intretis in tentationem.



tationem. 2. PROMISSIO DEI promittentis se auditurum preces ad se clamantium. Quicquid (inquit Ioan. 16.) petieritis Patrem in nomine meo, dabit vobis.

3. SENSUS NOSTRAE INOPIAE & crucis, cum totius Ecclesiæ, tum politiarum & æconomiarum.

4. VICTORIA super tentationibus. Orate, inquit Dominus, ne intretis in tentationem. Non enim facile uel insidijs diaboli, uel improbitate mundi, uel instigatione uiciosæ carnis superabitur, qui serio & assidue orat. Hinc Salomon: Prouer. 18. Turris fortissima nomen Domini.

5. UT COR nostrum orandi consuetudine ad uerum Deo cultum præstandum magis magisque inflammetur.

6. EXEMPLVM cum Christi tum omnium Sanctorum, quorum præcipua cura in uita fuit, Deum serio inuocare.

HÆ SVNT magnæ causæ, quibus merito excusari deberemus ad seriam inuocationem: quam cum statueri debeamus, Deum exaudire ubique & ubicunque sumus, & in quouis periculo: admoneamur, ut nihil agamus cuius testem uereamur Deum, ut eius providentia omnia administrari cogitemus, utque bonitatem paternam in Deo uolente exaudire meditemur, utque Stoicam necessitatem detestemur. Nam si uerum esset Stoicum illud paradoxum, uanæ essent nostræ preces, ut docte conuincit Chrysostomus in orationibus, *πρὸς τὴν εἰσαγγελίαν*.

CAVSIS cognitis sciendū est etiam, quod SOLVS DEVS sit inuocandus, qui est æternus Pater, Filius & Spiritus sanctus, iuxta illud: Inuoca me in die tribulationis. Inuocare enim creaturas maxima idololatria est. Nam quod Deo debetur, sacrilege illi aufertur, & creaturis



turis tribuitur. DEINDE nulla alia, quam unius Dei inuocatio habet aut mandatum Dei, aut promissionem, aut exemplum in Ecclesia probatum. Vnde constat inuocationem creaturarum minime ex fide proficisci. Quare talis inuocatio impia & sacrilega iudicanda est.

PORRO quoniam peccatores non exaudit Deus, sciendum est, quod nostra merita, nostram dignitatem aut opera nostra coram Deo iactare non debeamus, quemadmodum Chryses & Agamemnon apud Homerum fecerunt, & Pharisæus in Euangelio. Sed quod NOMEN CHRISTI unici Mediatoris, in omni oratione nostra prætereundum oporteat. Sic enim inquit Christus: Quicquid petieritis Patrem in nomine meo, dabit uobis. Quasi dicat: Nequaquam debetis uestra opera aut dignitatem iactare in conspectu Dei, sed ME nominabitis, & propter ME petetis. SCIENDVM autem hoc loco, quod Christus duplici modo inuocari debeat, PRIMO, ut Deus, dator bonorum cum Patre & Spiritu sancto. DEINDE, ut Mediator & Intercessor, ut per ipsum exaudiamur, ac ut ipse pro nobis sit deprecator apud æternum Patrem, & ut ipse perferat nostros gemitus & preces ad æternum Patrem, iuxta dictum Psalmi 110. Tu es sacerdos in æternum. Et Rom. 8. Qui est ad dexteram Dei & interpellat pro nobis. Et Ebræ. 7. Semper uiuens, ut interpellat pro eis.

POSTREMO loco, Quid orandum sit, scire oportet, quod duplici genere continetur. Aut enim ad gloriam Dei, aut utilitatem nostram & commodum omnis referetur oratio. PRO GLORIA DEI perpetuo orandum est, idque sine conditione, tametsi modus non est

Deo



Deo præscribendus. Nam sæpe quæ nos ipsius gloriæ minime interesse arbitrabamur, ad ipsius gloriæ illustrationem maxime faciunt. VERVM si ad NOSTRVM COMMODVM oratio referretur, tenendum est hoc discrimen, quod ALIA ad salutem animæ, ALIA ad præsentem uitam spectant. Illa sine conditione petenda sunt, quia habent promissionem immotam, Ioël. 2. & Roman. 10. Omnis qui inuocauerit nomen DOMINI, saluus erit. Debemus igitur certo statuere, Deum uere uelle præstare promissam salutem, quam tamen sine intermissione petere debemus: hæc, id est, pertinentia ad præsentem uitam, petenda quidem sunt, sed cum conditione salutis nostræ, & gloriæ Dei non impediendæ. Nam si tale quid petierimus imprudentes, Deus ut est bonus & amans nostri, minime exaudiet, in specie salutem eius rei quam proponimus, sed aliquid melius largiatur. Non enim frustra ex fide finit se inuocari.

## DE SECVNDO.

ORATIO Christiana nihil aliud est, quam explicatio cordis nostri coram Deo, qua uel precamur, uel deprecamur aliquid, uel gratias pro acceptis beneficijs agimus. Paulus 1. Timoth. 2. quatuor orationis genera ponit. *ἑνς*, deprecationem, *προσκύνησιν*, adorationem, *ἐντροπήν*, intercessionem, *εὐχαριστίαν*, gratiarum actionem. Hæc genera in modum hunc discernenda sunt. DEPRECATIO *ἑνς*, est oratio, qua deprecamur mala a nobis & ab alijs. ADORATIO est oratio, qua petimus salutaria nobis ipsis. INTERCESSIO est oratio,



oratio, qua petimus salutaria alijs, GRATIARVM  
ACTIO est oratio, qua & agnoscimus beneficia Dei,  
& pro illis gratias agimus, pollicemurq; gratitudinem,  
cū perpetua gloriae Dei prae dicatione. Ad haec quatuor  
genera omnes omnium Prophetarum ac piorum preces  
referendae sunt, quarum omnium compendium est Do-  
minica oratio.

## D E T E R T I O .

CIRCUNSTANTIAS Christianae orationis ex-  
ternas (nam de internis in primo partitionis membro  
dictum est) quinque hoc loco considerandas proponam.  
PRIMA sit de tempore. 2. de loco. 3. de ordine ora-  
tionis. 4. de gestu corporis. 5. de mora.

DE TEMPORE sciendum est, quod Paulus scribit  
1. ad Thessal. 5. Indesinenter orate. Et Dominus Luc. 18.  
Oportet semper orare, & non deficere. Item Eccle. 18.  
Ne impediariis semper orare. Est enim oratio cultus,  
quem Deus uult esse perpetuum. Verum disciplina gra-  
tia haec tempora a pijs potissimum observari solent. Ma-  
tutinum cum surgis, deinde ante cibum sumendum, &  
post cibum sumtum. 3. cum cubitum eundum est. 4.  
medio quoq; tempore, quoties aut laeta aut tristia offe-  
runtur. Nec pugnant haec cum mandato Dei, iubentis  
semper orare, & non deficere. Omnia enim pia Christi-  
anorum uota & suspiria orationes sunt, tametsi non sem-  
per in uerba erumpant.

DE LOCO praeterea sciendum est, quod nullo  
non loco sit orandum. Si enim semper orandum est,  
aptus utique omnis locus erit orationi, siue sis domi,  
siue



siue foris, siue mari, siue terræ. Breuiter, ut ubiq; Deus est colendus, ita & inuocandus ubique existit. At disciplina gratia templum destinatum est communibus & solennibus precibus, ubi Ecclesia congregata communes necessitates proponit, idq; multorum exemplo. Quid ergo est, quod dicit Dominus Matth. 6. Tu autem cum oraueris, intra in conclaue tuam, & clauso ostio adora Patrem tuum, qui est in occulto? Hic ex signo affectum orantis exprimit. Dominus enim hoc loco taxat uiciosum affectum hypocritarum, nimirum inanem gloriam, quam quærebant suis orationibus, dum in publicum egressi orarent. Deinde sententiam uerborum Domini hoc pacto colligito: Qui intrat in conclaue suam clauso post se ostio suo, non facit ibi quicquam, ut uideatur quod facit. Qui non facit ut uideatur, nequaquam facit inanis gloriæ & hypocriticæ ostensionis gratia. Ergo metaphorici Ebraica per ingressum in conclaue significat Dominus, ab omni oratione hypocrisin, ostentationem & inanem gloriam excludendam esse.

TERTIA circumstantia orationis externa est, de ORDINE in oratione seruando. HIC ORDO consistit in tribus: Compellatione, Propositione, & Confirmatione. COMPELLATIO excitat animum ad orandum. Hæc enim recitat mandata Dei & promissiones, quibus accenditur animus ad ardentius orandum. PROPOSITIO res enumerat petendas. Quamuis autem propositio in nulla oratione abesse potest, tamen propositionis ordo hic inter circumstantias externas est numerandus. CONFIRMATIO promissionem gratitudinis & emendationis ut plurimum continet. Huius ordinis



ordinis exempla a Philippo in locis Theologicis præscriptæ formulæ precandi suppeditant.

QVARTA, circumstantia orationis externa, est GESTVS CORPORIS, qui etsi nullis regulis astringitur, tamen honestum esse conuenit. Optimus orantis gestus, omninoq; necessarius, est genua cordis flectere, quem admodum Manasses fecit. Verum hic de corporis gestu agitur, qui uariis commemoratur in Scriptura. Moses manus in cælum leuat, & Paulus monet, puras manus esse leuandas. Qui sane gestus liberorum est, qui parentibus manus porrigunt, cum aliquid impetrare uolunt, tanquam certi, quod statim accepturi sint petita. Quidam in genua procumbunt, quo gestu humilis subiectio significatur. Publicanus tundeat pectus, id quod fidei & ardori precantium seruit. Paulus uirum non uelato capite, mulierem uelato uultu orare iubet. Hi corporis gestus tametsi liberi sunt, ut externæ circumstantiæ, tamen non sunt contemnendi, sed adhibendi pro ratione temporis & loci. Seruiunt enim rite formandis & excitandis affectibus.

QVINTA & postrema circumstantia, est de MORA. Iudith capite s. obiurgat ciues suos, quod dies quinque præfiniuerant Deo, intra quos opem ab ipso expectarent, dicens: Qui estis uos, qui tentatis Deum? Posuistis tempus miserationis Dei. Abac. 2. Si moram fecerit Dominus, expecta eum, nam ueniens ueniet, & non tardabit.

#### DE QVARTA.

IAM ALIQUOT obiectiones, quibus uel orandi studium prorsus extinguatur, uel negligentes aliqui facere



cere soleant carnales homines, refutandæ sunt. Quidam, quia oratio est cordis potius quam oris, ut in Mose cernimus, & Christus confirmat Ioannis 4. ubi dicit, Deum spiritu & ueritate adorandum esse, iudicant orationem Christianorum fieri debere sine uerborum expressione. Sed breuiter illis hoc sit responsum, quod affectus cordis uerbis excitatur orantis. Et Christus diserte dicit Lucae 11. Quando oraturi estis, DICITE: Pater noster. Præterea innumera Sanctorum exempla, uoce orantium nobis Scriptura commendat.

SUNT rursus Epicurei, qui ideo Deum inuocandum negant, quia ipse nos amat & scit, quibus indigemus, etiam sine nostra oratione. Verum pios scire oportet, præferendum esse mandatum Dei omnibus cogitationibus, cum eo pugnantibus. Quanquam autem Deus nos amat, & scit optime quibus indigeamus, tamen orare præcipit, ut intelligamus, unde auxilia quærenda sint in quauis afflictione, ut admoneamur nostræ inopiæ & mendicitatis, ut statuamus eum præsentem inspectorem esse omnium actionum nostrarum, utque sciamus, quod quemadmodum pater filiis, ita ipse orantibus uelit conferre, quæ petunt iuxta ipsius uoluntatem. Nec uult hunc ordinem suæ prouidentiae a nobis contemni. Ipsius enim prouidentia est, omnibus afflictis, se in uera fide inuocantibus, opem ferre. SUNT quoque imbecilles, qui se indigniores putant, quam ut orare ausint, & maiores peccatores se agnoscunt, quam ut impetrent quod petunt. At mandatum Dei indignitati, & promissiones uniuersales peccatorum sensui opponere oportet. Scriptum est enim; **inuoca me in die tribulationis.** Item: **Quia** quid



quid petieritis Patrem in nomine meo, dabit uobis. Item: Omnis qui inuocauerit nomen Domini, saluus erit.

SUNT præterea, qui tametsi orare audeant, tamen quia non statim impetrant quod uolunt, despondent animum, & segniores ad orandum fiunt, Interim ignorant, Deum Patris affectum erga nos gerere, qui petita interdum non ideo negat, quia nostras preces contemnit, sed quia quæ petimus, nobis minime salutaria sunt. Nam ut medicus peritus cum ægroto, ita Deus cum homine se inuocante agit, id quod perpulcre Hieronymus ostendit his uerbis: Et quomodo (inquit) si ægrotus & æstuans febribus aquam frigidam postulet, & dicat ad medicum: Vim patior, crucior, uror, exanimor, usquequo medice clamabo, & non exaudies? & sapientissimus medicus respondeat ei: Scio quo tempore dare debeam quod postulas, & non miserebor modo, quia misericordia crudelitas est & uoluntas tua contra te petit. Ita & Deus clementiæ suæ sciens pondera atque mensuras, interdum non exaudit clamantem, ut eum probet, pro uocet eum ad rogandum, & quasi igne excoctum iustiorrem & puriorem faciat. Hæc Hieronymus. Augustinus quoque ait: Sæpe non exaudit ad uoluntatem, ut exaudiat ad salutem, Idem: Si non dat ad horam, exercet quærentem & non contemnit petentem.

DVPLEX præterea est Deo modus exaudiendi. NUNC enim apertum auxilium præbet, NUNC uirtute Spiritus sancti assistit, ne malis uicti deficiamus. Viris in Babylonica fornace, & Danieli obiecto leonibus, apertum auxilium præbuit: Stephano & Laurentio uirtute Spiritus sui assistit, ne crucis acerbitate uicti defice-



deficerent. Vtriusque modi exempla multa recitat epistola ad Ebræos II.

QVIDAM præterito Deo, qui solus iuxta Scripturam est inuocandus, ex eo stabilire conantur inuocationem Sanctorum, quia putantur pro nobis in cælo orare, ut nos hic in terris pro nobis inuicem orare debemus. Sed infirmo fundamento nituntur. PRIMVM enim ex dubijs non sunt dogmata extruenda. DEINDE, si constaret, Sanctos in cælo pro nobis orare, tamen inde non sequeretur, nos debere eos inuocare. Solus enim scrutator cordium est inuocandus. Quia uera oratio ex intimo cordis proficiscitur, ut quæ potius est cordis affectus quam strepitus oris. Quod autem alij pro alijs hic in terris orant & intercedunt, habent mandatum, promissionem, & probata piorum exempla, quibus omnibus destituitur mortuorum inuocatio. Deinde intercessio seu oratio pro fratribus uiuentibus nititur solido fundamento, nempe Christo Iesu, cuius merito preces nostræ exaudiuntur pro fratribus. Deinde etiam hæc oratio pro fratribus mutue dilectionis certissimum argumentum est.

#### DE QVINTO.

QVINTO loco promisi me methodum enarrandi Dominicam orationem, una cum succincta eiusdem orationis declaratione, traditurum, id quod breuissime nunc expediam. In primis itaq; hæ tres regulæ diligenter obseruandæ sunt. PRIMA, cuiusq; precationis propositio resoluenda est in suas partes, quæ methodo Didascalica simplici sunt declarandæ, declaratæ coniungentur, & oratione exponendum, quid ualeant coniunctæ. SE-

CYNDA,



CVNDA, Quoties unum petimus, simul omnia precamur, & quæ ad illud unum consequendum requiruntur, & quæ cum illo quod petimus coniuncta sunt. Expetito enim sine, simul omnia expetuntur ordinata ad finem. Et cum aliqua natura coniuncta sunt, & unum eorum dicitur, cætera tametsi non exprimuntur intelliguntur tamen: TERTIA, In singulis petitionibus Dominicæ precationis aliquid precamur, & aliquid deprecamur, unum quidem expresse, & alterum implicite, Quæ eodem modo iuxta superiores regulas tractari possunt. His ita constitutis brevissime Dominicæ orationis explanationem subiiciam, ut regularum usum aliquo modo ostendam.

## COMPELLATIO.

PATER NOSTER QVI ES IN COELIS.

HAEC COMPELLATIO seu exordium non est temere prætercundum. Magnam enim doctrinam & consolationem continet. Quanquam autem pie & recte dicitur, duo continere hanc compellationem, nimirum uoluntatem & facultatem, quæ in omni actione requiruntur. (Ex eo enim quod PATER est, paterno affectu præditus libenter opem ferre uult filiis se implorantibus. Et quoniam COELESTIS est Dominus, potest utiq; præstare quæ uult, ut qui omnibus inferioribus potestatibus mundi & inferorum potentissime dominatur) tamen utile est, accuratius et distinctius proponere, quarum rerum orantem admoneat hoc exordiolum.

S 3

Primum



PRIMUM itaq; docet hoc exordium, quis sit inuocandus, nempe DEVS, quem Patris nomine iubemur compellare. Non enim alium inuocare licet, quam eum, quem Dominus inuocandum præcipit. Obseruandum autem, quod PATER hoc loco non unius personæ, sed essentiæ nomen sit. Omnis enim inuocatio quæ fit ad Deum, intelligitur complecti Patrem, Filium & Spiritum sanctum. Deinde Filius duplici modo est inuocandus, primum cum Patre & Spiritu sancto, ut Deus, dator omnium bonorum, deinde ut Mediator missus & intercedens. SECUNDO docet hoc exordium, quod uelit Deus libenter & ex animo exaudire inuocantes. Est enim Pater. Patris enim uocabulum uim promissionis continet & affectum Dei erga inuocantes. TERTIO, quod possit præstare petita. Est enim cælestis Dominus, ut qui possit omnia in cælo & in terra. Nam potentiæ & maiestatis titulus est: Qui es in cælis. QUARTO subindicat hæc compellatio, quinam debeant & possint uere orare, nempe filij Dei. Nam soli filij Dei Patrem compellare possunt. QUINTO, quod fides requiratur. Per hanc enim filij Dei constituimur. Dederat enim potestatem filios Dei fieri, quotquot credunt in nomen eius. SEXTO, per quem orandum sit insinuatur, nimirum per Filium Dei unigenitum. Si enim filij Dei sumus, per illum quoq; & in ipsius nomine orare est necesse. Hinc illud: Quicquid petieritis Patrem in nomine meo, dabit uobis. SEPTIMO & ultimo colligitur ex his omnibus discrimen inter Christianorum, Turcarum, Iudæorum, & aliarum prophanarum gentium orationes. Nam Christianorum preces ex fide per



per Christum fiunt, aliorum autem minime. Atq; hæc ex  
connexis & coniunctis collecta esse manifestum est.

## PRIMA PRECATIO.

## SANCTIFICETVR NOMEN TVVM.

CVM NOMEN Dei sit noticia, fama ac gloria Dei,  
& sanctificare sit non solum celebrare Deum, uerum etiam  
omnem nominis Dei prophanationem cauere, diceamus  
nomen Dei tum demum sanctificari, cum Dei noticia,  
fama ac gloria ab hominibus celebratur, caueturq;  
ne uel noticia Dei obscuretur, uel fama sileat, uel gloria  
cesset. Cæterum, quia Deus celebrari non uult nisi  
a credentibus, et fides non potest haberi sine uerbo Dei,  
sine publico ministerio: Sequitur nos hac prima pre-  
catione precari, PRIMVM ministerij uerbi conserua-  
tionem, DEINDE noticiam Dei & uirtutem Dei,  
TERTIO fidem, QVARTO prædicationem nominis  
& famæ Dei, quæ prædicationis superiorum finis est,  
QVINTO ut auertat Deus quicquid superioribus ullo  
modo aduersatur.

## SECUNDA PRECATIO.

## ADVENIAT REGNUM TVVM.

Hic primum definiendum est regnum Dei. Deinde  
considerandæ partes, tum præsidia & adiuncta expo-  
nenda, quæ omnia hic precamur, & simul deprecamur,  
quæ cum his pugnant. Verum de his omnibus dictum est  
supra capite 15. primæ classis.

S 4

Tertia



## TERTIA PETITIO.

FIAT VOLUNTAS TVA SICVT IN  
COELO ET IN TERRA.

*Quia uoluntas Dei tum fit, cum ei obtemperemus, et facimus quod precipit (iuxta illud Deut. 12. Quod præcipio tibi, hoc tantum facito Domino.) PRIMVM, hic petimus uerum intellectum uoluntatis Dei, DEINDE alacrem uoluntatem obtemperandi, TERTIO uires præstandi, QVARTO, ut nos in Christo simus tanquam seruulus in uite, QVINTO, ut ipse nos suo Spiritu regat, SEXTO, ut singuli Deo in sua uocatione seruiant, in iusticia & sanctitate, omnibus diebus uitæ suæ. Deprecamur autem quæ cum his pugnant.*

## QVARTA PRECATIO.

PANEM NOSTRVM QVOTIDIANVM  
DA NOBIS HODIE.

*Panis nomine non tantum intelligitur cibus & potus, uerum etiam quicquid ad sustentationem nostri in hac uita pertinet. Sed quia hæc haberi non possunt, sine diligenti labore, administratione civili, legibus, disciplina, pace, bona uoluntate, terræ fecunditate, agricultura, omnia hæc simul precamur, & deprecamur quæ contraria sunt.*

## QVINTA PETITIO.

DIMITTE NOBIS DEBITA NOSTRA,  
SICVT ET NOS DIMITTIMVS  
DEBITORIBVS NOSTRIS.

Per



PER debita intelligit potissimum quotidianos lapsus fidelium. Septies enim in die cadit iustus. De remissione peccati uide supra in Symbolo.

PORRO appendix quomodo intelligenda sit, quæ additur, docet parabola de debitore decem millia talentorum, Matth. 18. Simile est regnum cælorum homini regi. Quemadmodum enim hic rex supplici seruo condonauit totum debitum, gratis ex mera liberalitate: ita Deus Pater confugientibus in uera pœnitentia ad Christum, condonat gratis omnia debita, hoc est, peccata. Verum sicut rex ille seruum illum ingratum & durum aduersus conseruos reuocat ad pœnam, & quod antea supplicanti condonauit, iam a contumaci ac duro in conseruos repetit: ita Deus Pater postquam recepit gementes in gratiam, uult nos imitari suum exemplum benignitate erga proximum. Non igitur ista appendix causam remissionis continet, sed effectum seu consequens necessarium. Quare hæc appendix admoneat nos nostri officij erga fratres, ut ipsis in nos peccantibus condonemus, idque exemplo Patris cælestis. Quod si fecerimus, certum si gnium remissi nostri peccati a Deo habebimus.

## SEXTA PETITIO.

ET NE NOS INDUCAS IN TENTATIONEM.

QUONIAM tentatio perficitur (teste Gregorio) tribus: Suggestione, delectatione, & consensu, peccamur hac precatione, ne Deus sinat nos MALIS SUGGESTIONIBVS impeti, PERVERSA DELECTATIONE

S 5

CTATI



CTATIONE obrui, & CONSENSV in laqueos  
tentatoris incidere. Tametsi autem diabolus proprie  
Tentator dicitur, ut qui fallendi & decipiendi gratia in  
perniciem tentati tentat, tamen Deus tentare dicitur  
probationis gratia in bonum tentati. Sicuti de Abraham  
dicitur Gen. 22. de qua re supra in ὑπομνήσαι.

## SEPTIMA PETITIO.

SED LIBERA NOS A MALO.

HÆC generalis petitio est, qua deprecamur omnia  
nobis ullo pacto nocentia. In malo enim, ut in genere,  
continetur quicquid saluti nostræ aduersatur, ut ærum-  
næ huius uitæ, peccata, tyrannis diaboli, persecutiones.  
Breuiter, quicquid uel Ecclesiæ seu regno Christi spi-  
rituali, uel politico statui, uel æconomij impedito  
& damno est.

A M E N.

Particula AMEN, ut uotum & admonitio seu con-  
firmatio est. VOTVM quidem, quo optamus, ut uere  
exaudiamur, & uere fiant quæ petimus. ADMONIS-  
TIO uero, ut uere statuamus, nos exauditos propter  
Christum Mediatorem. Vberiore explanationem pes-  
tant studiosi aliunde. Hic tantum uolui inuentionem iuxta  
regulas præscriptas aliquo modo ostendere.

PORRO, si quis tractationis ordinem requirit, hic  
sane ordo minime incommodus esse uidetur, si de singulis  
precationibus quatuor proponantur. PRIMVM res,  
expressa uerbis nominatim. SECUNDO, enumeratio  
eorum,



eorum, quæ ad rem expressam uerbis necessario requi-  
runtur & ordinantur. TERTIO, quæ cum re con-  
iuncta sunt uerbis expressa. QVARTO, pugnantia.

## CAPVT QVINTVM.

DOCTRINA EC-  
CLESIAE.

**H**OC fixum mente tenendum est, quod DOCTRINA ECCLESIAE CHRISTIANA non sit, quæ in Lege, Prophetis, Euangelicis historijs & Epistolis Apostolicis traditur. Ad Legem enim & testimonium mittit Esaias. Christus dicit: Ioan. 8. Oves meæ uocem meam audiunt. Item: Lucæ 16. Habent Moſen & Prophetas, illos audiant. Verum quia multa sunt in Scriptura, non omnibus obuia, accedunt piorum interpretationes, quæ tanquam lucem obscurioribus locis afferunt. At ne nos sinamus a fonte aquæ uitæ abduci ad cisternas & puteos contritos, qui continere aquam non ualent, tenendum est discrimen inter dicta interpretum. Non enim quiduis a quolibet uel sanctissimo patre dictum, eiusdem ponderis & autoritatis in Ecclesia Christi esse debet.

SUNT itaque dicta Patrum in triplici discrimine. QVAEDAM enim demonstrata sunt, QVAEDAM probabilia, sed præter Scripturam, & QVAEDAM enunciata contra Scripturam & analogiam fidei. DEMONSTRATA uoco, quæ ex apertis Scripturæ testimonijs, & immotis axiomatibus euidenti consequentia collecta



collecta sunt. Cuius generis sunt Symbolum Apostolicum, Nicenum, Athanasij, Chrysostomi, Gregorij, Ambrosij &c. Nam hæc immota consequentia ex uerbo Dei collecta sunt. De his tenenda est regula, quod pondus & auctoritatem non habeant ab hominibus, sed ab ipso uerbo Dei, unde fluxisse demonstrantur. Quare non minoris apud nos auctoritatis esse debet hoc genus dictorum Patrum, quam ipsissima uox Dei de cælo ad nos allata. PROXIMUM genus dictorum est eorum, quæ etsi apposite & sapienter dicta sunt, attamen demonstratione ex uerbo Dei carent. Huius generis dicta tantisper magnificare oportet, propter reuerentiam sanctorum Patrum, donec trahantur in malam consequentiam ab hostibus sanæ doctrinæ. Sancti patres sæpe Satisfactionis ac Meriti mentionem faciunt, non stricte uocum proprijs significationibus inhaerentes, sed eas abusiue propter aliquam allusionem transferentes ad suum propositum. Quare si quis contra mentem Patrum huiusmodi dictis abuti uelit aduersus doctrinæ sinceritatem, nos non debemus sinere Patrum dicta præferri apertæ Scripturæ. POSTREMUM genus est eorum, quæ enunciata sunt contra Scripturam & analogiam fidei, ex incogitantia quadam, unde facile homines labuntur in errores. Sed hic regula Ambrosij sequenda est, qui libro primo Officiorum sic inquit: Nos noua omnia, quæ Christus non docuit, iure damnamus, quia fidelibus uia CHRISTVS est. Si igitur Christus non docuit quæ docemus, & nos id detestabile iudicemus. Hanc regulam confirmat præceptum Domini dicentis: Mar. s. Cauete a fermento Phariseorum, hoc est, a corruptione doctrinæ. Item: Matth.



Matth. 7. Caute a falsis Prophetis. Et Paulus inquit: Gal. 1. Si quis aliud Euangelium docuerit, anathema sit.

PRAETEREA & hoc in Ecclesiae doctrina cauendum, ne inutilibus quaestionibus inuoluamur, quemadmodum a sententiariorum factum esse uidemus, qui innumeras inutiles quaestiones proponunt, probant, improbant, ac tanquam pilam inter se iaciunt. Vnde fit, ut necessaria Ecclesiae doctrina neglecta iaceat, & moles commentariorum & inutilium quaestionum Ecclesiae Christi obtrudatur. Quare nos qui Christi discipuli esse uolumus & gloriamur, sequamur uerbum Dei tanquam lucernam ueram, quae sola a tenebris ignorantiae ad lucem uerae notitiae Dei nos adducere potest. Et alienis periculis admoniti simus, ne omisso uiuo fonte quaeramus cisternas, ac ita paulatim in errores pristinos recidamus.

PRAETEREA & hoc admonendum duxi, quod in tractatione & illustratione scripturae uti liceat triplici probandi genere. NUNC enim Scripturae apertis axiomatis, NUNC ratiocinatione, eaq; directa & indirecta, NUNC exemplis approbatis. Hoc triplici genere usus est ipse Dominus non raro, Paulus frequentissime, ac alij Apostoli. quibus probandi rationibus nos pronuntiata Patrum adijcere possumus, sed hac ratione, si habeamus praecurrentem lucernam Dei.

IAM multa addi possent de autoritate, dignitate, necessitate ac utilitate doctrinae Ecclesiae, sed istis tanquam apertis omiſſis, nonnulla de certitudine adijciam, ut contra furores Mahometicos ac Atheismum prophanorum hominum, Epicurismum, Romanismum, atque adeo aduersus omnem astutiam ac uersutiam diabolorum & hominum,



num, quibus ad fallendum utuntur, mentes nostras muniamus, ac certi de doctrina Ecclesiae eam avidius discamus, moresque nostros iuxta normam ipsius formemus.

Gloriantur Philosophi de suae doctrinae certitudine, iactant sua *επιτήδεια*, demonstrationes proferunt, Universalem experientiam praedicant, ordinis intellectum (per quem ignota rimantur, adhibita amissi philosophica, ut uocant) extollunt. Fateor certe, istas certitudinis causas non esse contemnendas, imo tanquam dona Dei suscipiendas, attamen si cum certitudine rei Theologiae ista philosophica conferantur, apparebit, multis nominibus, doctrinae Ecclesiae certitudinem demonstrationibus philosophicis praeponeendam esse. Sed PRIMUM de doctrinae Ecclesiae certitudine dicam. DEINDE nonnihil de collatione doctrinae Ecclesiae & Philosophicae adiciam.

CERTITUDO itaque DOCTRINAE ECCLESIAE solo Testimonio nititur, quod est duplex, externum & internum, de utroque ordine dicendum est. EXTERNUM Testimonium uoco, quod in sensus incurrit, quod uerbum caeleste confirmat tanquam firmissimum sigillum. Verum hoc habet sex partes. Nimirum patefactionem diuinam, miraculorum uarietatem, prophetiarum firmitudinem, consensum uerae Ecclesiae perpetuum, tanti temporis durationem, ac cruentam plurimorum Martyrum confessionem. Verum haec paulo apertius declaranda ac distinguenda sunt.

PRIMA igitur pars externi testimonij est patefactio diuina, per quam ipse Deus de sua arcana sede procedens, se olim sanctis Patribus patefecit, & suum uerbum

eis



eis tradidit ac commendauit. Quanquam autem Domi-  
 nus sæpe apparuisse legitur, tamen paucas eius appari-  
 tiones recitabo, in quibus summam doctrinæ Ecclesiæ  
 proponit, inculcat, repetit & illustrat. Primum itaque  
 apparuit Adamo post lapsum, Genes. 3. & doctrinam le-  
 gis & Euangelij primus sua uoce tradidit, pœnas infli-  
 xit ob peccatum. Ab hac doctrina uera Ecclesiæ Dei nun-  
 quam deficit, sed perpetuo eandem amauit, retinuit &  
 propagauit. Deinde apparuit Noë, ac factò confirma-  
 uit doctrinam Legis & Euangelij, dum impœnitentes  
 quidem diluuiò perdidit, Noë uero cum sua familia ex  
 gratia promissionis clementer liberauit. Post diluuium  
 ut doctrinam, fere hominum malicia collapsam, erigeret,  
 apparuit Abrahamo decies, Eius filio Isaac bis, nepoti  
 Iacob sexies, in quibus apparitionibus eadem doctrina  
 est proposita, & promissionis uerbum clarius illustratū  
 est. Iustificationis quoq; doctrina in Abrahamo certissia-  
 mo typo expressa est apertius. Post hæc in Aegypto  
 Mosi apparuit, eandemq; doctrinā repetijt & confirma-  
 uit, factò declaraturus, quid inter cætum, uerbum suum  
 amplectentem, & reliquum mundum interesset. Prætea  
 rea multis Prophetis idem uerbum in uisionibus & soma-  
 nijs apparens commendauit. In nouo quoque Testamento  
 idem Deus suum uerbum sonuit de cælo, & proprio ore  
 nobis Christum doctorem commendauit, dicens: Lu-  
 cæ 3. & 9. Hic est Filius meus dilectus, in quo mihi  
 complacuit, HUNC AUDITE. Ac si dicat: Olim promisi,  
 Semen mulieris destructurum caput  
 serpentis, & reparatorem generis humani sublata  
 legis maledictione. Ecce hic adest, eum audite, in eum  
 credite,



credite, quibus uita & salus cordi est, in hoc enim mihi complacui, & reconciliatus sum mundo per ipsum. Hæ omnes apparitiones cum multis alijs, una cum Angelorū concionibus & reuelationibus, nostræ infirmitati seruire debent, ac confirmabunt nostros animos, ne credamus imposturis diaboli, qui cum omnibus Sophistis & Mabo, metistis, prophanisq; gentibus in hoc totus incumbit, ut nos ab isto uerbo, tot apparitionibus Dei nobis mandato, abstrahat, quemadmodum nostros parentes a uerbo uitæ, quod acceperant, abstraxit.

SECUNDA PARS EXTERNI TESTIMONII est uarietas miraculorum, quæ miracula sunt quædam extra ordinaria opera Dei, quibus tanquam sigillis firmissimis uerbum suum, hoc est, Legem & Euangelium quatuor millibus annorum confirmauit, qualia sunt plurima, cum in ueteri, tum in nouo Testamento. Veteris Testamenti miracula in hæc tempora commodè distinguui possunt: Ut primo loco considerentur, quæ ante diluuium contigerunt, secundo, quæ in diluuiio, tertio, quæ post diluuium, quarto, quæ in Aegypto, quinto, quæ in exitu ab Aegypto, sexto, quæ in monte Synai, dum Lex promulgebatur, septimo, quæ quadraginta annos in deserto, octauo, quæ sub Iosua, nono, quæ sub Iudicibus, decimo, quæ sub Regibus, undecimo, quæ sub captiuitate populi in Chaldaea, duodecimo, quæ reliquo tempore usque ad Christum sub uarijs ducibus. Sed ex his pauca exempli gratia referamus. ANTE DILUUIUM itaque duo insignia occurrunt. PRIMUM in oblatione Abel & Cain, ubi Dominus aperto testimonio confirmauit Legem & Euangelium, non respexit



spexit ad Cain, sed ad Abel. Ille enim hypocrita fuit lege damnatus: hic pius propter fidem in promissum semen. Vnde primum respexit ad Abel, deinde ad munus seu sacrificium eius, quod propter offerentis fidem placuit. SECUNDVM in Enoch, quem Dominus e consortio hominum sustulit in cælum, unde doctrinam Euangelij confirmat de uictoria super regno Satanæ. IN DILV VIO duo quoque sunt præcipua. VNVM miraculosa pœna ob peccatum iuxta legis doctrinam. ALTERA admiranda liberatio credentium iuxta promissionis uerbum. Ita Cataclysmus mundi, obsignatio est utriusque doctrinæ Ecclesiæ, nimirum legis & Euangelij. POST DILVVIUM primum occurrit confusio linguarum, in ædificatione turris Babylonis. Hac minæ in contumaces confirmantur. Deinde partus aniculæ Saræ sterilis per Angelum annunciatus. Pugna Iacob cum Angelo. Scala extensa in cælum uisa ab eodem, promissionis gratia certitudini seruiunt. IN AEGYPTO ardet rubus, sed incolumis manet. Virga in colubrum uertitur. urgente Mose mandatum DOMINI de exitu populi, decem mirabilia signa eduntur, quæ his uersibus complecti soleo:

Sanguis, Rana, Cinips, cum Musca, Pests & Vlcus,  
Grando, Locustæ, Tenebræ, Natorum mors inimica.

Hæc omnia clare testantur, Deum iuxta legis minas punire contumaces, & rursus iuxta gratiæ promissionem suos tueri. IN EXITV ab Aegypto, ut miraculosa maris exiccatio, per quam liberantur Ebræi, promissæ gratiæ testimonium est: ita submersio Pharaonis cum suo exercitu, legis diuinæ est sigillum. Deinde eo

T

dem



dem pertinet miraculum columnæ nubis per diem, & columnæ ignis per noctem, qua suum populum Dominus in itinere direxit. IN MONTE SYNAI multis miraculis doctrina legis confirmatur, ac lapideis tabulis inscribitur, ibi fulgura, tonitrua, miraculosum ieiunium Moysi, colloquium Dei cum Mose, testantur legis doctrinam uere a Deo profectam esse. TEMPORE XL. annorum, quibus populus in deserto permansit, plurima sunt miracula edita, quibus utraque doctrinæ pars confirmata est. Legis doctrina confirmatur miraculosa pæna Choræ, Dathan & Abyron, cum eorum socijs, quos terra aperto ore absorpsit. Deinde thurificantes contra legem ignis de cælo absumpsit, inobedientes serpentibus percutiuntur, &c. Euangelium quoque ex altera parte confirmant miraculosa beneficia Dei. Aqua de petra nat, & comitatur populum quocunque proficiscitur. Man de cælo datur, unde tot millia hominum aluntur quadraginta annis. Aspectus aënei serpentis erecti ex mandato Domini, quo sanantur percussi a diipsadibus. Vestimenta ac calcei tot hominum tanto tempore non teruntur. SUB IOSVA Duce primum occurrit transitus per medium Iordanis, stante aqua ab una parte instar muri, & defluente ab altera. Ciuitatis Hiericho septeno circuitu, & uoce tubarum iuxta uocem Domini euersio. Prolongatus dies pugnantibus Ebræis contra Gabaon. Lapidés de cælo demissi, quibus occisi sunt hostes populi Dei. His omnibus confirmari utrunque doctrinæ caput nemo non uidet. SUB DVCIBVS etsi plurima contigerunt miracula, duo tamen præ alijs sunt insignia. Vellus Gidconis, et fortitudo Samsonis utrumque



que ueritatis diuinæ sigillum est. TEMPORIBVS  
 REGVM Elias & Eliseus miraculis plurimis clare-  
 runt, quibus utramque doctrinæ partem Dominus mi-  
 rabiler confirmauit. Helias excitat mortuum. Hostia  
 am perfusam aqua impetrato miraculose igne de cælo  
 accendit, in testimonium doctrinæ suæ. Ad preces eius-  
 dem tribus annis non pluit, quo petente pluuiam, nubes  
 statim densantur, & pluuiam mittunt. Hic pallio Iora-  
 danem diuidit, siccus transit, & ignito curru in cælum  
 tollitur, Eliseus sanat aquas pessimas & steriles, dat  
 mulierem oleo, suscitatur mortuum, sanat Naaman Syrum  
 a lepra. Sunt & alia miracula temporibus Regum edic-  
 ta, confirmantia Ecclesiæ doctrinam, quæ breuitatis cau-  
 sa omitto. SVB CAPTIVITATE populi in  
 Chaldæa, hæc sunt præcipua: Miraculosa liberatio  
 trium uirorum, qui propter confessionem doctrinæ Ec-  
 clesiæ in ardentem fornacem coniecti sunt. Ignis enim  
 imperio creatoris cessit, & non læsit, quos Dominus il-  
 læsos in testimonium suæ doctrinæ uoluit. Miraculosa  
 defensio Danielis, coniecti in lacum, ut deuoraretur a le-  
 onibus, eo quod nollet abicere doctrinam ecclesiæ, &  
 idola prophana loco ueri Dei colere. MIRACVLA  
 sub Ducibus usque ad Christum post transmigrationem  
 Babylonicam fuerunt non pauca. Sed præcipuum est,  
 quod Deus populum adeo exiguum, tot persecutionibus  
 fractum, contra adeo potentes Reges & principes des-  
 fenderit, ut firmum staret uaticinium Iacob de expecta-  
 tione gentium seu aduentu Messiae. PORRO NO-  
 VI TESTAMENTI miracula plurima sunt, quorum  
 præcipua capita commemorabo. Primum occurrit ste-  
 rilis



rilis aniculæ partus, deinde Virginis, uterque ab Angelo annunciat, non sine doctrinæ Ecclesiæ commendatione & confirmatione. Sequuntur angelorum conciones, Magorum stella, facta Christi diuina, eaque plurima, ut sanationes ægrotorum, suscitationes mortuorum, &c. apparitiones in monte, resurrectio Christi. Et multa alia, quæ refruntur in Euangelica historia, quibus omnibus accedit ueluti regia quædam obsignatio, uisibilis donatio Spiritus sancti quinquagesimo die post resurrectionem Domini. EODEM pertinent miracula Apostolorum, quibus doctrina confirmata est in primitiua Ecclesia. HUNC esse uerum miraculorum VSVM sequentia testimonia confirmant. Exod. 13. Erit quasi signum in manu tua, & quasi monumentum in oculis tuis, ut lex Domini semper sit in ore tuo. Num. 14. Usquequo non credent mihi in cunctis signis quæ feci in medio eorum? Ioan. 8. Si mihi non creditis, credite operibus meis. 3. Regum 17. Vidua excitato filio dixit: Nunc scio, quod uir Dei es tu, & uerbum Domini in ore tuo uerum est. Atque hæc de miraculis & de secunda parte externi testimonij.

TERTIA pars externi testimonij, prophetarum observatio & ueritas est. Cuius generis sunt, prophetia Iacob de regno Iuda & aduentu Christi. Prophetia Balaam de Christo sub imagine stellæ. Vaticinium Esaie de Virginis partu. Danielis prædictio de quatuor Monarchijs, de hebdomadibus, de tempore aduentus Christi, de eius morte æternoque regno. Hæ prædictiones omnes scopum habuerunt Christum Dominum, qui legis maledictionem tolleret, ut æternam iusticiam donaret credentibus,



dentibus, quemadmodum Esaias & Daniel clare concionantur. Vnde apparet has prædictiones eidem doctrinæ Ecclesiæ testimonium præbere, quam Deus ab initio sua uoce proposuit, ac miraculis confirmauit. Sciamus igitur uaticinia prophetica esse quædam doctrinæ Ecclesiasticæ signacula.

QUARTA PARS externi testimonij est consensus Mosis, Prophetarum, Christi, Apostolorum, ac catholicæ totius Ecclesiæ in doctrina, cultu & uita. Nam hi omnes legem & promissiones urgent, ac alij alijs clarius exponunt.

QUINTA PARS externi testimonij est ipsa duratio Ecclesiæ, ac doctrinæ legis & Euangelij. Nam si hæc ex hominibus fuisset, aut etiam ex diabolo, nequaquam tot annis perdurasset aduersus tot tyrannorum insultus, tot hæreticorum sectas, tot sophistarum technas, quibus mundus se opposuerat Ecclesiæ & doctrinæ cælesti. Atque adeo uerum esse ostenditur, quod Dominus promisit Mat. 16. Portæ inferorum non præualebunt aduersus eam. Huc quoque pertinet dictum Gamalielis Act. 5. Si ex hominibus est opus hoc, dissoluetur.

SEXTA PARS externi testimonij, est cruenta confessio tot martyrum, inde usque ab Abel ad Christum Dominum, & ab ipso in hunc usque diem. Nam tanta & tam atrocia supplicia nequaquam subiissent pro incerta & erronea doctrina. Nec hoc testimonij genus infringit, quod multi entusiasmo quodam instigati, non dubitarunt pro erroribus suis confirmandis mortem oppetere. Nam destituti fuerunt superioribus testimonijs, quæ semper tanquam regula adhibenda sunt, ut discernatur in-



ter ueros martyres & enthusiasmo concitatos a diabolo, ad oppugnandam ueritatem. Haftenus de externo testimonio, quo confirmatur doctrina Ecclesiae.

INTERNUM testimonium unicum est, nimirum arabo seu pignus Spiritus sancti, quo obfirmatur uerbum in cordibus fidelium. De hoc interno testimonio concionatur Paulus 1. Corinth. 1. & 5. Ad Ephes. 1. & c. Haec testimonia quae sunt causae certitudinis in caelesti doctrina, si conferuntur cum philosophica certitudine, plurimum excellent. Omnia enim in Philosophia lumini rationis & sensibus subiunguntur. Verum hic lumen Dei, imo ipse Deus est, qui suam doctrinam proponit & confirmat. Philosophia uero, quibusdam mentis facultatibus nititur. Sed hic Spiritus sanctus doctrinam confirmat atque obfirmat, adeo, ut nihil certius pio cordi haberi possit, quam haec Spiritus obfirmatio. Valeant igitur prophani homines, qui certitudinem rei theologiae in tertium locum post scientiam reijciunt, et fere cum eadem coniungunt. Atque haftenus de doctrina Ecclesiae.

## CAPUT VI.

## SACRAMENTVM.

PRIVSQVAM ad tractationem Sacramentorum noui Testamenti descendam, pauca dicenda sunt de institutione & ratione Sacramentorum, & cur uoce hac Sacramenti usa sit Ecclesia. Haec enim nos deducunt in ueram Sacramentorum noticiam, ut nulla nobis amplius relinquantur haesitandi occasio. Ut itaque institutionem



tionem intelligamus, obseruandum est, quod Deus semper, & antequam homo lapsus est ab innocentiae statu, & postquam ipsi uisum est, genus humanum peccato sua aque culpa perditum reparare: consueuerit suam uoluntatem homini patefacere duabus rebus, nimirum uerbo, & signo uerbo addito, ut ita hominum saluti consuleret. SIGNA autem duplicia sunt adiecta uerbo. NAM ALIA confirmabant certitudinem uerbi, de quibus dictum est in praesentis Classis quinto capite: ALIA FVERVNT fauoris Dei obsignationes & sigilla, de quo genere hic nobis est sermo.

CVM homo adhuc esset in statu innocentiae, accepit uerbum, cui si obtemperasset, in aeternum beatus uixisset. VERBO adiecit Deus duplex signum seu Sacramentum, alterum IMMORTALITATIS, quod signum a fine dictum est: alterum PROBATIONIS, quod signum scientiae boni & mali, ab euentu est nominatum. Post lapsum proposuit uerbum reconciliationis, quod Semen mulieris semel contritum esset caput serpentis, hoc est, destructurum opera diaboli, adducta iusticia sempiterna. Huic uerbo adiecit signum, nempe ritum sacrificandi, quæ uisibilis quædam concio erat de uenturo Messia. Deinde cum Noë locutus est Dominus, promissioni signum faederis addidit arcum caelestem. Abrahamo postea promissionem seminis proposuit uerbo, sed signum adiecit Circumcisionem, quæ esset ueluti uisibile promissionis uerbum, quod durauit usque dum CHRISTVS uenit iuxta promissionis uerbum. Mosis quoque data Lege, & facta promissione, commendauit signa externa uaria, quibus POPVLVS admoneretur de promissio-



promissionibus diuinis. Eodem prorsus modo Christus, postquam de cælo aduenisset, confirmassetq; promissionis doctrinam, signa & testimonia suo uerbo, numero quidem paucissima, sed significatione maxima, ut Baptismum & Cœnam, adiecit, quæ essent ueluti aspectabiles quædam noui fœderis per sanguinem Christi sanciti conationes. Hæc signa cum ueteris tum noui Testamenti, propterea, quod aliud continebant, quam foris apparebat, Orientalis Ecclesia *μυστήρια*, occidentalis, hoc est, Latina, Sacramenta appellauit.

His ita de institutione Sacramentorum dictis, ratio Sacramentorum plenius tradenda est. Hanc rationem ut inuestigemus, certius proponenda sunt nobis aliquot particularia Sacramenta, unde generalem definitionem extruemus. Proponemus itaque in medium circuncisionem, cui noster Baptismus successit, deinde agnum Phasæ, cui cœna Domini substituta est. IN CIRCUNCISIONE itaque PRIMVM uox Domini instituentis, & mandatum occurrit. Dicit enim DOMINVS: Custodies pactum meum. ET OPVS COMMENDATVM externum, quod in oculos & sensus incurrit. TERTIO promissionis uerbum additur: Ero Deus tuus, & seminis tui post te. QVARTO, requirit ab Abraham fidem in promissionem. OMNIS ENIM PROMISSIO DEI FIDE ACCIPIENDA EST. Similiter agnus Phasæ PRIMO mandatum Dei habuit. SECUNDO externa & uisibilis erat commestio, certo ritu celebrata. TERTIO additum erat promissionis uerbum, quod DEVS in suam fidem reciperet istum populum, cuius promissionis



missionis ueluti uisibilis concio quædam erat commestio agni. QVARTO, requirebat Deus a populo, ut se suæ fidei committeret, expectaretq; promissa bona. Hæc quatuor similiter concurrunt in asperzione sanguinis, atque adeo omnibus reliquis signis, a Deo institutis, ut testentur de ipsius fauore erga homines, quarum unum si sustuleris, non erit plena Sacramenti ratio. Ex his iam extruimus generalem Sacramenti definitionem in hunc modum:

SACRAMENTVM est signum uisibile, mandatum & institutum a Deo, quo ut Deus suam testatur erga homines promissionem de reconciliatione humani generis: ita homines uicissim suam erga Deum fidem profitentur. Hæc plana, perspicua, & immota definitio Sacramenti est, adeo ut quicquid hanc definitionem non recipiat, rationem Sacramenti tueri non possit, modo cum Ecclesia ueteri de Sacramentis loqui placet. Ex quo etiam conficitur, duo tantum esse noui Testamenti Sacramenta, nimirum BAPTISMVM & COENAM DOMINI. Ex his quoque planum esse iudico, quod prudentissimo consilio sancti Patres talibus signis Sacramenti nomen dederunt. Nam ut externam rem oculis cernebant, ita rem Sacramentis contentam, & significatam, oculis fidei contemplabantur. Vnde Sacramentum definierunt actionem externam, habentem spirituales contemplationem, & Latinis in genere Sacramentum est pignus promissionis. Sed quia hoc pignus alias fit uerbis tantum, ut iusiurandum, alias rebus, uidelicet, cum signa quasi pignora adduntur promissionibus: hoc significatu transferunt Sacramenti nomen ad signa sacra noui Testamenti.



stamenti. VERVM, priusquam accedamus ad explanationem Sacramentorum noui Testamenti, hic quoque obseruatione dignum est, quod signa gratiæ seu Sacramenta diuinitus ordinata, symbolica sunt, nam habent quandam analogiam ad rem inuisibilem, quam continent & significant, præterquam quod sint signa gratiæ & externa fiduciæ erga Deum & professionis testimonio. Quare Circuncisio non est tantum signum gratiæ, ut externa nota, qua populus Dei discerneretur ab impio mundo: sed erat etiam symbolum seu signum per comparisonem, quam habet cum re signata, docens Abraham & eius posteros. Docebat enim Circuncisio, humanam naturam esse immundam, ideoque mundandam. Deinde quia erat in membro genitali, docebat de futuro Semine, qui esset naturam humanam suo sanguine ab omni peccato & macula mundaturus. Atque ita tria sunt in signis spectanda. PRIMVM, quod sint signa gratiæ. DEINDE, quod sint tesserae professionis. TERTIO, quod sua analogia nos doceant. Vnde Augustinus: Si Sacramenta earum rerum, quarum sunt Sacramenta, comparisonem non haberent, Sacramenta non essent.

POSTQVAM autem hæc in genere de Sacramentis dicta sunt, accedamus ad explanationem Sacramentorum noui Testamenti, quæ sunt, Baptismus & Cæna Domini: in quibus illa quatuor insunt, quæ supra dixi ad Sacramentorum rationem pertinere, quæ simul complectar in definitione: SACRAMENTVM noui Testamenti est signum uisibile, diuinitus mandatum & institutum, promissioni in Euangelio traditæ additæ, ut sit testis



testimonium exhibitæ promissionis gratiæ, & applicatæ ijs, qui Sacramentis utuntur, fideq; promissionem gratiæ amplectuntur. Hæc definitio meminit mandati, signi externi, fauoris Dei, ac fidei intuentis in fauorem Dei seu promissionem gratiæ. Poterit & hoc modo definiri: SACRAMENTVM NOVI TESTAMENTI est ceremonia & actio a Christo instituta, in qua adhibito promissionis uerbo, sub uisibili re, inuisibile donum & gratia offertur, & obsignatur credentibus. Hanc definitionem perspicuam & propriam esse non dubito. Nam omnia complectitur, quæ ad Sacramentorum noui Testamenti substantiam requiri uidentur. Quæ ut apertius a studiosis conspiciantur, breuiter ea retexam, ac in membra quatuor distribuam. PRIMVM est institutor & autor Sacramentorum noui Testamenti. SECVDVM promissionis uerbum & mandatum seu institutio. EST enim uerbum promissionis ueluti uita Sacramenti. TERTIVM, signum seu elementum seu symbolum una cum re, quæ cum his iuncta est. Non enim sensus nostros ludit Deus uanis simulacris, sed ut uerax est, ita ueraciter complet suam promissionem, cuius testimonium est externum signum seu elementum seu symbolum. Nam hæc tria uocabula, etsi eandem rem in hac doctrina significant, ratione tamen differre uidentur. SIGNVM enim habet relationem ad rem signatam. ELEMENTVM dicitur, quia est res corporea & sensibilis, in oculos & sensus incurrens. SYMBOLVM propter analogiam et comparisonem signi, ad rem signatam. In re itaq; externa tria concurrunt. PRIMVM res illa externa, & signum, & testimonium gratiæ. DEINDE



est nota professionis. TERTIO est symbolum, hoc est, signum comparatione quadam docens nos uirtutem Christi & nostrum officium, sicuti postea rursus dicitur. QUARTVM est fides, qua uerbum promissionis apprehenditur. Hæc quatuor membra supra in definitionis complexum inclusi, quæ ideo distinctius proposui, ut postea commodius singulis noui Testamenti Sacramentis accommodari possint.

Sunt autem noui Testamenti Sacramenta duo tantum, nimirum BAPTISMVS & COENA DOMINICA, ut supra ostensum est. Illo in familiam Christi recipimur, ideoque initiale Sacramentum noui Testamenti dici potest, ut Circumcisio initiale erat ueteris populi Sacramentum. Hoc recepti confirmamur & alimur. Quare Sacramentum commemorationis ex uerbis Cænæ potest appellari. HAS enim duas ceremonias solus Dominus (penes quem unicum ius est Sacramenta in Ecclesia instituendi & ordinandi) instituit & ordinauit. Tametsi autem multæ sunt promissiones in nouo Testamento, qualis est illa: Amen amen dico uobis, quicquid petieritis Patrem in nomine meo &c. tamen aliud est, solis uerbis promissionem confirmare, aliud uerbis ac elementis, seu symbolis uisibilibus simul, quod profecto ad Sacramenti plenam rationem requiritur. Quare cum nulla alia externa signa adiecerit Dominus suis promissionibus quam illa duo, nempe, Baptismum & sacram Cœnam, recte duo tantum noui Testamenti Sacramenta numerantur, quæ quomodo a Sacramentis ueteris Testamenti distinguenda sint, breuiter explicandum est.

Sunt autem tres differentiæ præcipuæ, quarum

PRI  
MA



MA a temporis circumstantia petitur. VETERA enim illa prænunciarunt rem futuram, NOVA significant rem exhibitam. Hæc differentia confirmatur etiam Augustini testimonio, qui sic inquit: Lex & Prophetæ, sacramenta habebant rem futuram pronuncianti. Nostri uero temporis sacramenta, uenisse contestantur, quod illa uenturum prædicabant. SECUNDA differentia sumitur a diuersitate signorum. Sacramenta (inquit Augustinus) Iudæorum, in signis a nostris sunt diuersa. Vetera enim signa, ut Circumcisio, oblationes uariæ, sanguis &c. abolita sunt, quia typus fuerunt uenturi, quibus Baptismus & Cæna dominica subrogata sunt, ut quæ Christum exhibitum ostendunt. TERTIA differentia sumitur a numero, significatione & uirtute. Sic enim inquit Augustinus de Sacramentis loquens: Nostra numero pauciora, significatione augustiora, uirtute præstantiora. Nec hoc pugnat cum dicto Pauli, 1. Cor. 10. dicentis, omnes eandem spirituales escam comedis. Nam Paulus de spirituali uirtute & fructu loquitur, qui plane similis est in utriusq; Testamenti Sacramentis. Ut enim idem est Christus utriusque Testamenti: ita idem Spiritus Christi, qui in illis & in nobis est efficax.

## CAPVT SEPTIMVM.

## BAPTISMVS.

GRÆCA uox βάπτω, tingo & lauo significat. Hinc deducitur aliud uerbum βαπτίζω, quod significat immergo, intingo, abluo. Hinc uerbale nomen βαπτισμός.



βαπτισμῶς. Item βάπτισμα, hoc est, immersio, ablutio, in-  
tinctio, lotio, quo nomine sæpe usi sunt Euangelistæ, atq;  
hæc est nominis ratio.

REI definitio hæc sit: BAPTISMVS est Sacra-  
mentum noui Testamenti, institutum diuinitus per minia-  
sterium Ioannis, constans ablutione hominis per aquam,  
cum uerborum pronuntiatione, iuxta institutionem Chri-  
sti, non solum ad obsignandam ablutionem hominis a pec-  
cato per sanguinem Christi: uerumetiam ad figurandam  
regenerationem, quæ mortificatione carnis, & uiuifica-  
tione Spiritus perficitur. Aut si mauis breuius in  
hunc modum: BAPTISMVS est Sacramentum ablu-  
tionis peccatorum per mortem Christi, & nouæ rege-  
nerationis. PORRO DVPLICIS BAPTISMI  
meminit Scriptura, nimirum Aquæ & Spiritus. Illo re-  
cipimur in externum Ecclesiæ cætum, hoc in internam  
scu spiritualem Ecclesiam & consortium Christi, nec ta-  
men alter ab altero separandus est. Externus enim in-  
terni testimonium est, hoc est, Aquæ baptismus, pignus  
est spiritualis baptismi, & internæ ablutionis. CAE-  
TERVM, ut omnia clarius conspiciantur, quatuor illa  
quorum superius memini, in hoc Sacramento quæramus,  
& quid fructus ex singulis fides percipiat, uideamus.

PRIMUM itaque de institutione huius Sacramenti  
uidendum est. Tameñ autem Ioannes ministerium Ba-  
ptismi incoauit, tamen ex Euangelica historia constat,  
Ioannem uerbo Dei uocatum ad baptizandum & præ-  
dicandum pœnitentiam. DEINDE, Christus suos disci-  
pulos ad docendum & baptizandum post suam resurre-  
ctionem misit hoc mandato: Mar. ult. Ite in mundum  
uniuersum



inuersum, prædicare Euangelium omni creaturæ, ba-  
 ptizate eos in nomine Patris, & Filij, & Spiritus san-  
 cti. Qui crediderit & baptizatus fuerit, saluus erit.  
 Qui uero non crediderit, condemnabitur. Habes manda-  
 tum, habes institutionem. IN HAC INSTITVTIO-  
 NE multa concurrunt meditanda. PRIMVM, insti-  
 tutoris maiestas. SECUNDO, unde uis & efficacia  
 Baptismi. TERTIO, inuersale mandatum. QUA-  
 RTO, qualis inauguratio sit Baptismus. Primum MA-  
 IESTAS INSTITVTORIS CHRISTI, merito  
 nos in admirationem & reuerentiam excitare debet.  
 Magnum enim esse necesse est, quod prius de cælo uerbo  
 suo præcepit, postea exemplo confirmauit, deinde ipse  
 baptismum recepit, figuram imminentis suæ mortis, sepul-  
 turæ, resurrectionis, cõmunionis corporis sui nobiscum.  
 Postremo resuscitatus discipulis iniunxit baptizandi mu-  
 nus, ac eundem baptismum suæ Ecclesiæ commendauit, ut  
 interim sileam plurimos huius sacrosancti lauacri typos  
 fuisse, ut diluuium, mare rubrum, Iordanis transitus, lotio-  
 nem Naaman Syri leprosi in Iordane, piscinam probatia-  
 cam &c. EX HIS omnibus hunc FRVCTVM fi-  
 des colligere debet, quod hæc actio uere exhibeat quod  
 figurat. Vult enim Christus hoc signum non inane sym-  
 bolum esse, sed quod simul offerat recõciliationem  
 baptizato, siue infans fuerit ab Ecclesia oblatus, siue ad-  
 ultus fidem in promissionis uerbum professus. Quan-  
 tum enim ad adultos & rationis compotes attinet, fi-  
 dei baptismi professio requiritur, sine qua nec symbo-  
 lum externum nec uerbum efficax est. SECUNDO,  
 Vis & efficacia baptismi non dependent a ministro  
 bapti-



baptisante, sed a Christo purgante, & ablucante nos per lauacrum in uerbo uitæ, ad Ephes. 5. Nullum igitur discrimen baptismi externi facit personarum diuersitas, Nam ministri tantum externam ceremoniam adhibent ex mandato Christi. Christus ipse, iuxta promissiones, uere ijs, qui baptizantur, adest, & efficaciter abluit animæ maculas, quantum quidem ad reatum coram Deo attinet. Hinc fides nostra discat non intueri baptisantis ministri dignitatem, sed institutionem Christi, quia ipse & non alius purgat. TERTIO, Vniuersale mandatum est, ut baptizentur omnes gentes, unde fides fructum geminum colligat. PRIMVM, quod infantes citra sacrilegium excludi non possint a baptismo. DEINDE, quod Dominus uere uelit salutem omnium hominum, Quorsum enim attineret pignus gratiæ offerre, nisi cum pignore rem promissam exhibere uellet. Externus igitur baptismus si inefficax manet, id non Christi, sed hominum culpa, fieri necesse est. QUARTO, Inauguratio nostri per baptismum est significata his uerbis: Baptisantes eos in nomine Patris, & Filij, & Spiritus sancti. Hæc uerba PRIMVM testantur, baptisatos a Patre cælesti recipi in gratiam. DEINDE, Filij beneficia ipsis donari & applicari, TVM, Spiritum sanctum promitti, imo infundi, qui ipsos regat & sanctificet. Vnde fides nostra confirmari debet in hunc unum Deum, qui est Pater, Filius & Spiritus sanctus, in cuius nomine ideo inauguramur, ut illum uera pœnitentia, fide, inuocatione colamus, abnegatis omni iniusticia & iniquitate.

DEINDE VERBUM PROMISSIONIS additum baptismo est hoc: Quisquis crediderit & baptisatus



satus fuerit, saluus erit. Quemadmodum autem omnis promissio Dei, ita hæc fide accipienda est, & firmiter statuendum, quod Deus uere præstet quod baptismus ob-  
signat. Nec tamen hoc promissionis uerbum arcet infan-  
tes a baptismo, qui sub generali mandato continentur. Nam fidei professionem in adultis requirit, quales fue-  
runt præcipue, qui sub initium Ecclesiæ nascentis, post Christum passum & glorificatum, baptizabantur. Ut enim Circumcisio non solum fuit adultis signum gratiæ  
cælestis, uerum etiam infantibus: ita baptismus utri-  
usque salutaris est. Nam ut efficax fuit Spiritus sanctus in utero Elizabeth, matris Ioannis Baptistæ, ad infun-  
dendam infanti in mundum nondum edito, gratiam: sic idem Spiritus sanctus ex bonitate mera, peculiari ratio-  
ne regenerat infantes ab Ecclesia sibi oblatos, cum ipse Dominus iusserit ad se infantes adduci, & illorum esse regnum cælorum pronunciauerit. Huc & illa Abra-  
ham facta promissio accedit: Ero Deus tuus & seminis tui. Gene. 17. VERVM inter Christianorum & gentilium pueros hoc est discrimen, Tametsi utrosq; ob-  
latos ab Ecclesia, in gratiam Dei iuxta promissionis uer-  
bum, recipi non est dubitandum: tamen si sine baptismo discesserint utriq; infidelium quidem pueri Dei iudicio relinquendi sunt, fidelium uero infantes promissionis huius, (Ero Deus tuus & seminis tui) uere participes sunt. Nam in illa promissione etiam Christianorum in-  
fantes includi non dubito. Et ut pueris Iudæorum nihil nocuit, si obierint ante octauum diem sine Circumcisione, ad eundem modum nec Christianorum infantibus obfu-  
turum pie credendum est, si subita morte præuenti bap-  
tismatis

V

tismatis



tismatis laudacro non abluantur. At dices, renascentiam esse necessariam ad salutem, iuxta illud Ioan. 3. Nisi quis renatus fuerit ex aqua & spiritu, non introibit in regnum cælorum. Respondeo: RENASCENTIA est res spiritalis, quæ peragitur ALIAS uirtualiter tantum, sine externo symbolo, ut Ebræorum pueri præuenti morte ante octauum diem uere participes erant benedictionis promissæ: Bro Deus tuus & seminis tui in æternum. Ac ita uirtualiter regenerati sunt sine externo signo. Ad eundem modum Christianorum infantes, qui morte præuenti discedunt, consortes sunt promissionis eiusdem. ALIAS uirtualiter & actualiter (ut loquitur Bernardus) simul, nempe, cum externum symbolum accedit. Quare Augustini sententiam hic amplector, qui dicit: Sed tum impletur inuisibiliter, cum mysterium baptismi non contemptus religionis, sed articulus necessitatis excludit. Et Bernardus: Voluntas pro facto imputatur, ubi factum excludit necessitas.

SIGNVM EXTERNVM est aqua, immersio seu ablutio hominis, atque adeo tota illa uisibilis actio cum pronuntiatione uerborum. Hæc actio cum repræsentet ipsius sanctæ trinitatis arcanam actionem circa hominem, qui baptizatur, merito summa cum reuerentia & religione celebrari deberet, sine nugis istis, quas addiderunt Papistæ, ut sunt, ceroma sacrum, saliuæ, sal, exorcismus aquæ, adiuratio Satanae, &c. quæ omnia maculant quodammodo hanc diuinam actionem, quæ fidem, pietatem, & inuocationem Dei, obædientiam institutionis Christi requirit. PORRO in hoc sacro baptismo triplex est signum, 1. testimonium gratiæ exhibitæ & applis



applicata. 2. tessera & nota professionis. 3. symbolum  
 quadam comparatione nos docens de uirtute Christi &  
 nostro officio. VIRTUS Christi ita docetur ba-  
 ptismo, quod quemadmodum aqua abluitur corpus ex-  
 ternum: ita sanguine Christi spiritualiter, sed uere  
 abluitur conscientia baptizati a mortuis operibus.  
 Hæc ueritas cum externo signo coniuncta est. Christus  
 itaque hominem, qui baptizatur, recipit in Ecclesiam,  
 abluat a peccato, Spiritus sancti gratia regenerat, ut  
 iam sit noua creatura cuiusque regni Christi, Deo serui-  
 ens, cui iam fidem dederat, & in cuius gratiam & tute-  
 lam receptus est. VNDE Petrus definit baptismum  
 non esse depositionem sordium carnis, sed stipulationem  
 bonæ conscientie cum Deo, per resurrectionem Christi.  
 Ex quo discrimen colligitur, inter fideles habentes si-  
 gnum, ac infideles, qui de externo signo gloriantur, uae  
 cui ueritatis propter suam incredulitatem. Nam ut  
 Paulus Rom. 2. negat Circumcisionem literæ ualere sine  
 circumcisione Spiritus: ita Petrus statuit de baptismo,  
 non sufficere nullam & externam carnis ablutionem,  
 nisi accedat bonæ conscientie stipulatio, quæ est mutui  
 fœderis consensus. Vt enim Deus uerbo & Sacramento  
 baptizato promittit gratiam: ita conscientia bapti-  
 zati promissam & oblatam gratiam fide, qua statuit  
 Iesum Christum uere pro se mortuum & resuscitatum  
 esse, accipiet, alioqui pedibus gratiam conculcare uide-  
 tur. Si igitur ueritas signo non respondeat, culpa est gra-  
 tiam Dei abijcientis.

CAETERVM, quomodo nostrum officium nos doceat  
 baptismus, eleganter a Paulo explicatur Roman. 6.

V 2

his



his uerbis: An ignoratis, quod quicumque baptisati sumus in Christo Iesu, in mortem eius baptisati sumus? Consepulti igitur sumus cum ipso per baptismum in mortem, ut quemadmodum excitatus est Christus ex mortuis per gloriam Patris, sic & nos in nouitate uitæ ambulemus. Vnde relinquitur, figurari hac externa actione, nos peccato contaminatos uenisse ad Baptismum, sed per baptismum in sanguine CHRISTI ablui, Christum induere, ac reddi participes mortis, sepulturæ ac resurrectionis ipsius. Vt enim mortis communicatio figuratur per immersionem in aquam, & sepulturæ per moram sub aqua: ita resurrectionis communicatio per extractionem ex aqua repræsentatur. Breuiter, spiritualem renascentiam figurat baptismus, quæ constat mortificatione & uiuificatione. Nam ut corpus eius, qui baptizatur, immergitur in aquam: ita morti addicitur uetus homo, ut crucifigatur cum suis concupiscentijs, quod fit contritione & abnegatione sui. Et ut ex aqua homo baptisatus eleuatur & eximitur: ita nouus homo uiuificabitur, id quod uera fide fit, & obædientia noua declaratur.

Ex his obscurum esse haud potest, quæ sit uera & pia meditatio huius sanctissimi lauacri, quod nos per totam uitam consolabitur. PRIMVM enim statuere oportet, hunc baptismum sacramentum esse nostræ cum Deo reconciliationis. DEINDE baptismo admonebimur, quod hæc reconciliatio sit facta per sanguinem, & mortem et sepulturam ac resurrectionem Christi. TERTIO admonebimur mortificationis carnis & uiuificationis spiritus, adeoque perpetuæ in hoc mundo pœnitentiæ, & futuræ



futura cum Christo, quem induimus per baptismum glorificationis. **QVARTO** admonebimur, quod regenerationis beneficium sit donum totius Trinitatis, in cuius nomine baptizamur, ut ipsi adhæreamus, ipsum inuocemus ac colamus per totam uitam. **HAEC** si uere meditati fuerimus, iuxtaque ea uitam instituerimus, legem seruamus baptismi. Sin minus, noster externus baptismus in sordes nobis uertitur, idque propria nostra culpa, qui nostra fœditate sacrosanctum Baptisma commaculamus.

**ADDAM** huc nonnihil de modo baptismi. Video enim quosdam non parum offendi, cum alij totos infantes in aquam immergunt alij aspergunt aquam in capita infantum. Hi mihi uidentur offendi re ualde exigua.

## TENEATUR ITAQVE HAEC REGVLA:

Baptizare omnes iussit Dominus, sed modum baptizandi liberum reliquit. **CHRISTVS** mandauit baptizare, id est, tingere, mundare, madefacere, quod baptismi nomen sonat, nihil adijciens de tingendi, mundandi seu madefaciendi modo, neque explicans, corpus ne totum, an ipsius partem aliquam ablui uellet.

**DEINDE**, ut sanguine fœderis totus populus aspersus fuisse dicitur, quia in omnes aspergi consueuerat: ita totus madefactus, mundatus intelligitur, cum membrum aliquod tantum madefactum, tinctum siue mundatum est. Ista legalis aspersio fuit figura sanguinis Christi (quo asperguntur conscientiae) & baptismi nostri.

**DEINDE**, cum uis emundandi animos non profici-



citur ex aqua, perinde est, siue totum corpus, siue pars aliqua, ut caput, abluatur. Satis igitur fuerit, si obseruetur spiritualis baptismi significatio. QVOD autem baptizare non significat totum hominem immergere in aquam, ex capite septimo Marci, & undecimo Lucae facile colligitur, illic reuersi a foro non comedunt nisi prius baptizati. Hic miratur Phariseus, quod Christus non baptizatus accumbat mensæ.

## CAPVT VIII.

## COENA DOMINI.

COENA DOMINI est sacramentum nostræ per Cuiusmodi Christi redemptionis, ab ipso Christo institutum, in quo cum pane & uino uere & realiter exhibetur & recipitur corpus & sanguis Domini, ut sit confirmatio noui testamenti, hoc est, fœderis gratiæ & remissionis peccatorum, ut sit recordatio immolationis corporis & sanguinis Christi in cruce pro nobis traditi & effusi. Hæc definitio ex ipsis cænæ uerbis desumpta est, quare labefactari non potest. Et quanquam ex hac breui definitione intelligi potest, quid sit de hoc sacramento pie statuendum: tamen breuiter ista quatuor attingam quæ supra in omni sacramento consideranda admonui.

DE INSTITVTORE eadem hic perpende quæ supra de Baptismi institutore enumeravi. In institutione sunt hæc potissimum circumstantiæ: Tempus, locus, personæ, mandatum, res, executio mandati, finis. Quæ omnia ex contextu sunt aperta. Matth. 26. Marci 14. Lucæ 22.

1. Corin. 11.



1. Corinth. 11. In hac ipsa institutione uerbum ipsum promissionis clare expressum est. Promittit corpus & sanguinem, mandat discipulis ut edant porrectum corpus, & sanguinem porrectum bibant. Iubet annunciari morem suam quoties hæc cæna celebratur.

EXTERNVM SYMBOLVM est panis uerus, & uinum uerum, non mutatis substantijs naturarum, sed ueraciter manentibus, iuxta uerba Pauli: 1. Corint. 10. Panem quem frangimus. Et Gelasius ait: certe sacramenta quæ sumimus, corporis & sanguinis Domini, diuina res est, propter quod & per eadem diuinæ efficimur participes naturæ, & tamen esse non desinit substantia uel natura panis & uini. VERITAS cum SIGNO externo coniuncta est, quæ est gratia remissionis peccatorum, & obsignatio noui fæderis per ipsum uerum corpus & sanguinem Domini. Ut enim cum uisibili columna in baptismo Domini, & flatu Christi dicentis, Ioan. 20. (Accipite spiritum sanctum,) & cum linguis flammis in die Pentecostes uere aderat Spiritus sanctus: ita firmiter credendum est, quod uere & essentialiter & realiter astit Christus in cæna totus. Neque enim dicens est adesse fictæ aut simulate aut tropice, sed uere ac proprie, id quod uerba Domini conuincunt: (Quod datur pro uobis, Qui effunditur pro uobis) quæ uerba omnem ambiguitatem tollunt. Quare nullus tropus est in uerbis singulis, nec in pane nec in uino, nec in corpore aut sanguine, nec in uerbo Est, quo uerbo significatur nexus prædicati cum subiecto simpliciter, ut propria natura utriusq; symboli & rei, maneat ac exhibeatur communicantibus.



VERVM si de prædicandi modo quæris, scito non esse philosophicum, sed sacramentalem & diuinum, quales sunt isti: Columba erat Spiritus sanctus: Flatus Christi dicentis, accipite, est Spiritus sanctus, lingue dissecæ sunt Spiritus sanctus. In his prædicationibus naturarum ueritas manet, præsertim in duabus posterioribus, & sub appellationibus rerum uisibilium & sensibilibus, res inuisibilis intelligenda manifestatur, quæ certo adest & ueraciter cum rebus sensibilibus. Proinde de SACRAMENTALIS PRAEDICATIO est, cum subiecti natura manet, quæ uocabulo significatur, & per illud prædicati ueritas, quæ est inuisibilis, præsens cum subiuncta re adesse creditur. Si quis igitur synecdochen dicat, non errat. Nec hoc pugnat cum eo, quod supra dixi, nullum tropum esse in uerbis singulis, proprie enim & Panis & Vinum, & Corpus & Sanguis, & uerbum Bt accipiuntur, sed quia non oculis apparet corpus & sanguis, quæ uere assunt, adesse per externa signa intelliguntur. Cum enim panis est corpus, uinū est sanguis, sub appellationibus panis & uini intelliguntur res inuisibiles, corpus & sanguis Domini, quæ certo & ueraciter assunt, & cum pane & uino manu ministri porriguntur dignis & indignis. Hæc sobrie de modo prædicandi sacramentali dicta sufficiant.

ANALOGIA panis ad corpus Christi, & uini ad sanguinem Christi hæc est: Quemadmodum panis uim habet ad nutrienda corpora, ut præsens uita conseruari possit: ita corpus Domini uim habet ad spiritualiter nutriendas animas nostras. Bt ut uinum reficit uires, & exhilarat corda hominum: ita Domini sanguis reficit &



Et exhilarat animas nostras. Ac propterea duo coniunguntur Symbola, nimirum panis et uinum, ut sciamus Christum non solum cibum nobis esse, uerumetiam potum, nec alibi quam in eo solo ullam spiritualis uitæ partem quæramus. Paulus 1. Corint. 10. Calix benedictionis cui benedicimus, nonne communicatio sanguinis Domini est? Panis quem frangimus, nonne communicatio corporis Domini est? Vnus panis, unum corpus sumus omnes qui de pane uno et de uno calice participamus. His uerbis significat Paulus, et nos Christo coniungi ac incorporari per hoc Sacramentum, et inter nos effici unum corpus, cuius caput est Christus, seu ut inquit Athanasius: Quemadmodum corpus illud unitum est, ita nos per panem hunc ei copulamur. Cæterum clarioris explicationis gratia, nonnulla adijciam de uarijs appellationibus huius Cœnæ, de rerum in ea coniunctione et de salutari eiusdem meditatione.

IN COENAE doctrina utitur Ecclesia uarijs appellationibus, ut eius cognitio sit familiarior, et usus illustrior. Panis et uinum ELEMENTA dicuntur, propterea quod sint res corporeæ et sensibiles, incurrentes in sensus, seu quia sunt ueluti materia sacramenti, cuius forma est quod uerbo adijcitur. Constat enim quodlibet Sacramentum materia et forma, hoc est quod dicit Augustinus: Accedit uerbum ad elementum, et fit Sacramentum. SACRAMENTVM autem dicitur hæc Cœna, quod sub rebus terrenis et sensibilibus, cœlestis res et inuisibilis, fidei oculis proponitur. SIGNI appellatio relationem ad signandam rem, non quidem absentem, sed uere præsentem indicat. SYMBOLVM quoque



que dicitur, propter spirituales fructus, qui ex eo percipiuntur, hoc est, propter comparisonem rerum terrenarum ad res cælestes. Ut enim panis & uinum externum, hominem refocillant & exhilarant in hoc mundo: ita corpus & sanguis Domini alunt, refocillant, & exhilarant internum hominem in regno Christi ad uitam æternam. Hinc Augustinus: Nisi Sacramenta haberent comparisonem carum rerum, quarum sunt Sacramenta, Sacramenta non essent. AGAPE quoque nomen Græcis fuit usitatum, propterea quod requirat mutuam inter communicantes dilectionem, qua eiusdem corporis mystici membra, mutua præstando officia se inuicem fouent. SYNAXIS appellatur PRIMVM, quia consociationem animorum communicantium requirit, DEINDE, quia est publica multorum in unum congregatorum cæna, non unius sacrificuli tantum, TERTIO, quia nunquam conuocabatur olim Ecclesia sine cõmunionem corporis & sanguinis Domini. EUCCHARISTIA dicitur, propter gratiarum actionem, sine qua hoc Sacramentum cænae celebrari nequit. OBLATIO appellatur, tum propter donationes quæ fiebant in usus pauperum & ministrorum, tum quia cæna offerebatur communicantibus a ministris Ecclesiæ. HOSTIA quoque dicitur, propter preces quæ offerebantur Deo, & quia memoria est hostiæ Christi, semel peractæ pro nobis in cruce, unde & memoria mortis Domini dicitur ab Euangelistis. Eandem ob causam SACRIFICIUM quoque dicebatur. Sed Papistæ corruptores cænae, aliam rationem commenti sunt, nimirum quod ideo sacrificium dicitur hæc sacra cæna, quod in Missa offeratur a sacrificulo filius Dei in hoc



in hostiam & sacrificium propitiatorium pro uiuis & mortuis. Sed hanc erroneam opinionem confutat Epistola ad Ebræos. Porro ex isto papistico errore, de sacrificio, ortus est & alius error, de eleuatione & uentilatione panis & uini in cœna. Postquam enim in ueteri Testamento sacrificia quædam fuisse, quæ eleuabantur sursum & uentilabantur seu mouebantur certo gestu, antequam igni cremarentur animaduenterunt: cacozelia Aaronica theruma & thenupha, hoc est, eleuationem ac uentilationem panis & uini in Missatiko suo sacrificio instituerunt, ut uel isto pacto sacrificium esse ostenderent. Verum cum iam rectius edocta Ecclesia Christi, nouerit cœnam sacramentum esse, & non sacrificiū proprie loquendo, debet istam Aaronicam eleuationem & uentilationem siue mouendam abolere, ac sacra Christi cœna uti, sine peregrinis ceremonijs quæ Aaronicam cacozeliam, & papisticam impietatem redolent. Græci totam actionem ΛΕΙΤΟΥΡΓΙΑΝ uocant, idq; propter administrationem cœnæ. Si quæ sunt aliæ uoces quibus appellata est hæc Cœna, facile uel ex parte aliqua cœnæ, uel ex actione, uel fine & usu dijudicari possunt. Originem uocabuli MISSAE ipsi Papistæ ignorarunt multis seculis. Polydorus Virgilius ad Ebraicam originem, Missam reuocat, nam Missa Ebræis oblationem significat: Verū sanior est eorum opinio, qui ab euentu hoc nomen cœpisse cœnam dicunt, nimirum quod Missa, hoc est, remissio peccatorū annuntiaretur in cœna, unde claudunt cœnam his uerbis consolationis: Ite missa est, hoc est, remissio est. Hæc ratio nominis nihil habet incōmodi, imò de uero usu cœnæ communicantes commonefacit.

PORRO



PORRO tria sunt ueluti paria rerum diuersissima-  
rum in Cæna Domini. PRIMVM, externum uerbum  
& internum uerbum. Cum enim uerbum externum so-  
nat in auribus, æternus λόγος & mentis aures ferit, ut  
quod in auribus sonat extrinsecus, intrinsecus corde per-  
cipiatur. SECUNDO, homo externus & homo inter-  
nus. TERTIO, uisibilis panis & uisibile uinum, quib-  
us ueraciter assunt corpus inuisibile & inuisibilis san-  
guis. In his tribus obseruanda est dispensatio diuina.  
Verbum externum & elementum destinantur externo  
homini. Verbum internum & corpus sanguisq; ad ho-  
minem internum pertinent. Ut igitur homo externus  
capit auribus corporis uocale uerbum, & sumit uisibile  
elementum ore corporis: ita homo internus internum  
uerbum & corpus sanguinemq; Domini percipit. Et  
quemadmodum corpus externum hominis panis & uino  
pascitur: ita internus homo uero corpore & uero san-  
guine Christi (quæ ineffabili modo uere sacra in Cæna  
assunt) pascitur ad uitam æternam.

PORRO uera MEDITATIO in his consistit  
membris: PRIMVM cum accedis ad sacram hanc Cæ-  
nam, certo statuens iuxta promissionem Christi adesse  
uerum corpus & uerum sanguinem Domini: de pecca-  
to tuo, propter quod mortuus est Christus, cogita. SE-  
CUNDO, cogita de uictima corporis & sanguinis Chri-  
sti, peracta ad redimendum te a iure peccati. TERTIO,  
hæc uictima admonere te debet, de magnitudine  
iræ Dei aduersus peccatū, de inenarrabili misericordia  
Dei recipientis te in gratiam, de amore Filij Dei inter-  
cedentis pro te, & deriuantis in se iram Dei. QUARTO,

penitentia  
magnitudinis  
miserico  
Quia  
tanta rei,  
Cæna, ag  
contemplatio  
et re  
moderationem re  
um ut uisibilis  
uere sentiant  
sacramento, se  
adeoq; nouit  
corpore Christi  
per hanc sac

CA  
TEST  
ESTAMEN  
pactum inter  
aliquid pro  
reducia promi  
ideris alit co  
na est ex cap  
me 31. Ebra  
numis quat  
quoddam ex  
Deum & ho

TO,



**T**O, pœnitentia quidem accendetur cogitatione peccati & magnitudinis iræ Dei in peccatores, fides uero cogitatione misericordiæ & amoris Filij Dei & uictimæ peractæ. **Q**UINTO, hæc fides confirmabitur sacramento tantæ rei, dum eleuata mente, fide consideras in hac sacra Cœna, agnum Dei. Est enim hæc cœna quædam contemplatio, & ueluti speculum in quo Christum crucifixum & resuscitatum contemplaris. Hinc, qualem probationem requirit Paulus facile intelligitur, nimirum ut unusquisque se probet, utrum pœnitentia & fides uere sentiantur. **S**EXTO, hanc fidem confirmatam Sacramento, sequi debet, gratiarum actio, mutua dilectio, adeoque nouitas uitæ, ne quid facias quod indignum sit corpore Christi, cui incorporatus es (modo uere credis) per hanc sacratissimam Cœnam.

## CAPVT NONVM.

## TESTAMENTVM.

**T**ESTAMENTVM usu Scripturæ est fœdus seu pactum inter Deum & homines, in quo ut Deus homini aliquid promittit, ita homo in Deum promittentem fiducia promissionis recumbit, fidemque suam testimonio fœderis alit confirmatque. Hæc definitio generalis collecta est ex capite Genes. 17. Exodi 24. Iosue 24. Ieremiæ 31. Ebræ. 8. Testamentum sane, si quis rationem nominis quærit, dictum, quia uoluntatis Dei testimonium quoddam existit. **P**ORRO in omni testamento inter Deum & homines tria concurrunt, promissionis uerbum,



uerbum, fides promissionis, ac eiusdem externa testifica-  
tio & testimonium, unde etiam fit ut Synecdoche Ebræ-  
is usitatissima, singula horum trium Testamenti nomen  
accipiant. Gal. 3. pro promissione. Psal. 10. pro fide &  
obœdientia hominis erga Deum. Gen. 17. Act. 8. pro  
promissionis externo testimonio Testamenti uox usurpa-  
tur, Huius uarietatis obseruatio discrimen ueteris &  
noui Testamenti illustrius & facilius reddet. **U T I G I**  
**T V R** simplicius habeatur discrimen ueteris & noui Te-  
stamenti, promissionum uarietas est spectanda, quarum  
**Q V A E D A M** ad reconciliationem cum Deo, **Q V A E D A M**  
ad terrena cōmoda referuntur. Omnes promissiones de  
reconciliatione, ubicunq; leguntur, ad nouum Testamen-  
tum quo Deus recōciliationem & nouam uitam promit-  
tit, pertinent. Contra, legales promissiones quibus patri-  
bus se obstrinxit, imo totus mundus legi naturæ obstri-  
ctus est, præterea quoq; promissiones terræ Palestinæ,  
cum signis & sacramentis, uetus testamentum dicuntur.  
Promissiones itaq; has si consideras, illustre erit discrimē  
ueteris & noui Testamenti. Ut uetus sit Testamentum,  
quod promissiones legales & terrenas, nouum autē quod  
Euangelicas & cœlestes habet. Pro differentia promis-  
sionum uariat & fides. **C A E T E R V M** si signa respi-  
cis, hoc discrimē ex Epistola ad Ebræos colligitur, quod  
ea signa quæ uenturū Christū significabant ueteris, quæ  
uero exhibitum, noui sine fœderis seu testamenti. Vnde  
Christus: Hic Calix est nouum testamētū in meo sangui-  
ne. Porro si omnia, hoc est, promissionem, fidem & si-  
gna, complecti simul uelis definitionibus, ad hunc modum  
discernere inter uetus & nouum testamentum licebit.

V E T V S



VETVS TESTAMENTVM est pactum, sancitum sanguine animalium, quo obligatus fuit uetus populus ad legem & totam politiam Mosaicam, ut in ea politia conseruaretur & propagaretur promissio de uenturo semine. Testamentum quidem dictum, ut autor est scriptor ad Ebraeos, eo quod fœdus erat sanguine animalium & uictimis confirmatum. Vetus uero propterea quod antiquandum & abolendum erat, ac potissimum ad ueteris populi paedagogiam pertinebat usque ad aduentum Christi, unde Ambrosius: Testamentum dicitur, quoniam sanguine dedicatum est, Vetus in typo, Nouum in ueritate.

NOVVM TESTAMENTVM est fœdus, sancitum sanguine Christi de remissione peccatorum & reconciliatione promissa omnibus gentibus et populis credentibus in Christum crucifixum. Hoc Testamentum quidem dicitur eo, quod sanguine & morte filij Dei sancitum & confirmatum est. Nouum uero, cum quia ueteri successit, tum quia ad nouum hominem & regeneratum pertinet, estq; nouæ cuiusdam iusticiæ & uitæ æternæ testimonium. HAEC DVO testamenta tametsi ab uno Deo profecta sunt, & in eundem scopum, nempe CHRISTVM, tendunt: tamen quinque differentiis differunt, quas his uersiculis complexus sum:

Tempore, subiecto, respectu, fine, figura,

Tu uetus atq; nouum fœdera bina seca.

TEMPORE quidem differunt, quia uetus tempore antecedit instaurationem naturæ incoatam. Est autem triplex Tempus noui Testamenti, nimirum promissionis, exhibitionis & completionis. PROMISSIO facta est primis parentibus, qua omnes patriarchæ & electi inde



inde usque ab initio se sustentarunt, ac hoc promisso fœdere salutem consecuti sunt, quotquot promissioni fœderis crediderunt. **EXHIBITIO** facta est, dum Christus sanguinem fudit in ara crucis, quo hoc nouum Testamentum confirmauit, quod paulo antea sacratissima Cœna commendauerat. **COMPLETIO** erit æternæ uitæ possessio & fructio, quam hic fide expectamus, sed postea reipsa possidebimus, abolita morte & resurrectionis corporibus.

**DEINDE** subiecto differunt. Vetus enim proprie ad ueterem hominem, nouum ad nouum hominem pertinet, quemadmodum supra dictum est.

**RESPECTV** quoque differunt, Vetus carnem, nouum spiritum ipsum respicit. Sic pij ueteris Testamenti, etsi iuxta carnem ueteri Testamento subijcebantur, tamen secundum spiritum noui fœderis erant participes.

**FINE** quoque differunt, quia Vetus pædagogia quædam erat in Christum, Nouum gratiæ Christi communicatio.

**POSTREMO** differunt in hoc quoque, quod Vetus illud ceremoniarum inuolucris erat inuolutum. Nouum ipsam ueritatem sine umbris continet. **HÆC** de ueteri & nouo Testamento ideo breuius dixi, quia copiose omnia explicantur in locis Theologicis Philippi.

#### TESTIMONIA DE TESTAMENTO UTROQUE.

Jeremiæ 31. & Ebræ. 8. Ecce dies uenient, dicit Dominus, & consummabo super domum Israël, & super domum



domum Iuda testamentum nouum, non secundum testamen-  
 tum quod feci patribus eorum, in die apprehendentis  
 me manum eorum, ut educerem eos de terra Aegypti,  
 quia ipsi non manserunt in testamēto meo, et ego neglexi  
 eos, dicit Dominus. Quoniam hoc est testamentum quod  
 disponam domui Israël post dies illos, dicit Dominus,  
 dans leges meas in mentem eorum, in corda eorum inscri-  
 bam eas, & ero eis in Deum, & illi erunt mihi in popu-  
 lum. Nequaquam docebunt unusquisq; ciuem suum, &  
 unusquisque fratrem suum dicens: nosce Dominum.  
 Quia omnes scient me, a paruo eorum usque ad magnum  
 eorum, quia propitius ero iniquitatibus peccatorum eor-  
 um, et iniquitatum eorum nequaquam meminero amplius.

Iudith. 9. Memento Domine testamenti tui, & da  
 uerbum tuum in ore meo.

Psal. 88. Neq; prophanabo testamentum meum, neq;  
 quæ procedunt de ore meo, faciam irrita.

Psal. 24. Vniuersa uia Domini misericordia et ueritas  
 requirentibus testamentum eius.

Psal. 77. Non custodierunt testamentum Dei, & in  
 præceptis eius noluerunt ambulare.

Daniel. 3. Ne dissipēs testamentum tuum.

Zacha. 9. Tu quoq; in sanguine testamenti tui emisisti  
 uinctos tuos de lacu.

Act. 7. Dedit ei testamentum circumcisionis.

## CAPVT X.

## DE ORDINE EC

## CLESIASTICO.

X

Quoniam



**Q**UONIAM Spiritus sanctus in omnibus rebus ordinem requirit & amat, certaue ratione omnia facit: non est existimandum, quod regnum Christi omnium pulcerrimum, citra ordinem administrari uelit. Quare uidendum, qualis sit legitimus ordo Ecclesiæ, & in quibus rebus consistat.

PRIMUM igitur in Ecclesiâ, seu in regno Christi, præsidet unus Monarcha IESVS CHRISTVS, qui a Deo Patre acceptum regnum suo spiritu uerboq; gubernat. Hic Monarcha est ἀντιπρόσωπος solus, suæ enim administrationis nemini rationem reddere cogitur aut obnoxius est. Est enim supremus, imo solus sui regni gubernator, id quod plurima testimonia scripturæ conuincunt. Psalmus 2. Dominus dixit ad me, &c. Et Psal. 72. Deus iudicium tuum regi da, &c. Zacha. 9. Lucæ 1. Ioan. 17. Regnum huius Monarchæ est ipsa Ecclesiâ, id est, omnes qui huic regi dederunt nomina. Hoc regnum pulcerrima Symmetria cohæret, ut unum corpus constituat, Quemadmodum Paulus docet ad Ephes. 2. & 4. Est enim Ecclesiâ cætus hominum, qui in Christo rege suo renati, & de carne & ossibus eius facti, Domino ipsi capiti suo sic adhærent, & inuicem ita sunt coniuncti, coaptati, & coagmentati pro cuiusq; fidei mensura, pro donorum spiritus sancti uarietate, pro uocationum coaptatione ac ueluti connexionem, ut unum corpus, quemadmodum dixi constituent, ut eodem omnes spiritu uiuant & agantur, ut singuli suum proprium munus habeant, & donum, quo commoda & incrementa uniuersi corporis pro se quisq; efficiat & promoueat, nullum enim membrum in hoc corpore potest esse ociosum, aut non aliquid commu-

ni



ni corpori conferre, cum animata sint omnia, ac uiuant spiritu Christi, & in hoc ipsum uaria secundum datam gratiam dona huius spiritus habeant, unde & caritate mutua inter se indies magis magisque coalescunt. An non hic pulcherrimus ordo est? Quæ harmonia concinnior? quæ aptior dispositio? Unus enim Monarcha uni regno, adeo iusta connexionе sociato, donisque uarijs ornato præsidet. Nec impedit hanc pulcherrimam harmoniam, quod in particularibus cætibus huius Ecclesiæ Catholicæ admixti sunt hypocritæ, multi infirmi, multi nomine tantum Christiani, sed reuera rabiosi canes. Nam Catholica Ecclesia non æstimanda est ab ipsis sordibus, sed a sua propria natura & indole.

PRAETEREA cum hic cætus uerbo Dei regitur, duo sunt in eo genera hominum, nimirum uerbi præcones & eorum auditores, qui non secus atq; patres & filij se inuicem uenerantur & colunt. Verum in ministris magna est diuersitas. Quanquam enim potestas omnium eadem est ministrorum, quantum ad spiritualem iurisdictionem attinet (de externa enim disciplina suo loco dicendum est) tamen dispares dignitatis ordines & gradus sunt, idq; partim iure diuino, partim Ecclesiæ approbatione. Christus ipse ascendens in altum dat dona hominibus Apostolos, Prophetas, Euangelistas, Doctores, Pastores. Ephes. 4. Hi omnes eiusdem sane potestatis sunt, sed dignitatis & functionis minime. Apostoli enim, Euangelistæ, Prophetæ, Doctores et Pastores eorundem mysteriorum Dei æconomi erant, eandem doctrinam proponebant, eadem potestate spiritali usi sunt: attamen Paulus gradu dignitatis & ordine Timotheo & Tito erat

X 2

superior.



superior. Timotheus gradu & ordine excelluit reliquos Ephesinæ urbis presbyteros, & Titus Cretensibus præerat. Hæc prælatura in tribus uidetur mihi posita: In donorum excellentia, laborum magnitudine, & uocationis diuersitate. Sic Paulus Timotheo præferebatur donis, laboribus uocatione. Idem Paulus Barnabæ foras donis & laboribus æqualis fuit, sed uocatione ipso superior erat. Hæc prælatura erat non dominij, sed ministerij. Qui maior est uestrum (inquit Dominus Mat. 20.) sit omnium minister.

Ecclesia, cui Dominus potestatem dedit in ædificationem, ordinem ministeriorum instituit pro commodo suo. ut omnia sint rite ordinata ad instaurationem corporis Christi. Hinc Ecclesia prior secuta tempora Apostolorum, alios Patriarchas, quorum erat curare, ut Episcopi cuiusq; diocesis rite eligerentur, & ordinarentur, ut suum munus Episcopi singuli probe administrarent, ut cuiq; suus clerus & sua plebs in his quæ Domini sunt pie obsequerentur. Alios choripiscopos (coadiutores nimirum episcoporum, quos hodie præpositos appellamus) alios Pastores & Catechetas. Hæc fuit purioris Ecclesiæ ordinatio. SED postea paulatim uicia & superstitiones irrepsērunt, donec prorsus Apostolorum & ueteris Ecclesiæ ordinatio interijt. Nam in regno Papæ post corruptionem doctrinæ, monstrosa quædam Ecclesiæ æconomia inuenta est, idque astu Satanæ, ut ita paulatim regnum Christi inuaderetur & deuastaretur. Quanquam autem principium non fuit adeo malum, tamen paulatim res in deterius commutata est, donec tyrannide Papæ fere sit Christi Ecclesia oppressa.



pressa. In hac œconomia, PRIMVM ordinem ministerio-  
rum faciunt sacramentum, præter uerbum Dei. DE  
INDE Chrysma κακοζηλία Aronica adhibent, & ras-  
suras contra consuetudinem Apostolicæ & purioris Ec-  
clesiæ, tum ordines ecclesiasticos septem numerant, ut  
primus Ianitorum sit, 2. Lectorum. 3. Exorcistarum. 4.  
Acolutorum. 5. Subdiaconorum. 6. Diaconorum, postre-  
mus Presbyterorum, quorum plures gradus fecerunt.  
Alios enim uocarunt Episcopos, alios Archiepiscopos,  
Metropolitanos, Parochos, Antistites & Præsides. De-  
inde his gradibus non contenti, fecerunt tres patriar-  
chas: Romanum, Antiochenum, & Alexandrinum. Ve-  
rum temporis progressu, inter hos quem maximum uo-  
luerunt Papam appellarunt, quem Papam monarcham  
Ecclesiæ creauit impius Phocas Imperator, qui sanctissi-  
mum Mauritium obtruncavit cum uxore & liberis. Ex  
eo tempore inuaserunt Romani pontifices Ecclesiam, &  
usurparunt sibi ius utriusq; gladij, ut uocant, & ita re-  
gnum antichristi erectum est, quod initium a libidine  
dominandi sumsit.

SED quid hic antichristus facit? destitutus est scri-  
pturæ aperto testimonio, ideo confugit ad allegoriam.  
Nam eo quod Lucæ 22. fiat mentio duorum gladiatorum,  
& Christus dicat, eos sufficere: inde inferunt adulato-  
res Papæ, utrumq; gladium, nimirum uerbum Dei, ac po-  
liticam administrationem (ut illi quidem interpretan-  
tur) penes Papam residere. Sed istius dicti occasio  
denda est. Christus dixit: Qui non habet gladium emat.  
An hic incitat suos ad arma? Nequaquam. Debebant  
igitur interpretationem istius loci quæsiuisse, non pu-  
gnantem



gnantem cum Domini mente aut regni eius conditione. Notum est omnibus, qui in sacris literis uel leuiter uersati sunt, metonymiam frequentem esse in scripturis, quares per signum designatur. Cum igitur Christus dicit: Qui non habet gladium emat, certe nolebat suos ad arma incitare, sed belli tempus instare significabat. Vnde patet, errare uehementer Papistas, qui ex dicto Christi respondentis discipulis dicentibus, Ecce duo gladij hic, Satis est, extruunt Papæ tyrannidem. Nec ualet ulla allegoria ad confirmanda dogmata, nisi habeat præcunctam scripturam. Præterea illa allegoria ex diametro pugnat cum regno Christi, quod est spirituale, cuius arma etiam spiritualia esse docet Paulus 1. Corinth. 10. Huc accedit quod Dominus apud Lucam ministerium uerbi ab officio Principum separat, huic dominationem relinquens, illi prorsus adimens. Reges, inquit, Lucæ 22. gentium dominantur ipsis, uos autem non sic. Inde enim ortus erat sermo, quod inter se Apostoli contenderent, quis inter eos maior esset futurus, ac ueluti rector aliorum in regno Christi. Vt eiusmodi ambitio tolleretur, monet regnum suum spirituale esse, non in mundana celestitudine positum, non in pompa aut dominatione, sed omnem ministrorum suorum eminentiam in hoc constitutam esse, ut seruiant. Cum ergo hoc loco dicat Dominus, Apostolos & ministros Ecclesiæ Regibus non fore similes, nempe ut dominantur, summæ impietatis est & impudentiæ, quod Papa sibi contra interdictum CHRISTI, regiam auctoritatem & potestatem uendicet. Verum ut tegat uulpem immanis ille *ψυχρογόανος*, uisna pelle se texit, ac seruum seruorum Dei se appellare cæpit.



cæpit. Sed factum ipsius & tyrannis secus docet. Porro ex huius psychotyranni officina prodierunt cardinales et infinita Monachorum agmina, quibus horrendis modis Ecclesiam Christi ista bestia uastauit & fere oppressit.

Contra huius bestię tyrannidem subinde Dominus excitauit pios, & doctos uiros, qui tyrannidem Papæ uoce, scripto & sanguine oppugnarunt, & postremum in hac ætate beatum Lutherum in Germania excitauit, qui regnum Papæ potenti spiritu inuasit, errores reuelauit, concionibus & scriptis confutauit, & Ecclesiam iuxta Apostolicam obseruationem, & purioris Ecclesię exemplum reformauit. Nam cum uideret totum mundum & Papatum conspirasse contra & aduersus Euangelium Christi, ipse spiritu Dei auctus se mundo opposuit: & ueritatis uiam alijs monstrauit. Vnde & nostra Ecclesia emendata, purum Euangelium Christi amplectitur, ordinat ministros utiles Ecclesię, insistit uestigijs Apostolorum & primitiue Ecclesię, abiicit inutiles ceremonias, quibus refertus fuit totus Papatus, retinet & ordinat pios ritus, quibus ecclesia exercetur pie & utiliter. Et quanquam primatum Papæ atq; omnem eius tyrannidem & imperandi libidinem execratur, tamen ecclesia nostra Danica, non est ἀνέφαλος, sed agnoscit cum Ecclesia Catholica unum CHRISTVM regem et sacerdotem. Deinde quantum ad disciplinam externam attingit, agnoscit magistratum ciuilem ius gladij habere, quod exercere debet secundū suas leges in reos. Agnoscit etiam ecclesiasticam disciplinam, qua superiores legitime uocati ad ministerium, ut episcopi, pastores, doctores,



in scholis, uti possunt ad coercendos contumaces uerbo, sine ui corporali. Arma enim ministrorum uerbi, spiritualia sunt, quemadmodum Paulus docet, 2. ad Corinth. 10. Inter hos ministros agnoscit etiam Ecclesia nostra gradus dignitatis, & ordines pro diuersitate donorum, laborum magnitudine ac uocationum dignitate, ac iudicat barbaricum esse, de Ecclesia hunc ordinem tollere uelle, iudicat ceteros ministros suis episcopis oportere obtemperare in omnibus quæ ad ædificationem ecclesiæ faciunt, iuxta uerbum Dei, ac utilem Ecclesiæ æconomiam. Iudicat Episcopos ius habere in ceteros ministros Ecclesiæ, non despoticum sed patrum. Et quanquam fatetur nostra Ecclesia, æqualem ministrorum uerbi potestatem esse, quantum ad iurisdictionem spiritualement attinet, de qua re postea dicemus: tamen quia disciplina Christiana retineri non potest nisi corrigantur uicia, & officia singulis debita commendentur, indicat recte facere Episcopos, qui hortationibus & obiurgationibus non solum laicos (ut uocant) uerumetiam presbyteros in officio retinent. Hoc confirmatur non solum officij exequendi necessitate, uerumetiam Pauli testimonio, qui suum Timotheum hortatur, ne presbyteros asperere obiurget, sed tanquam pater hortetur. Ex hoc Pauli testimonio 1. Timoth. 4. duo aperte colliguntur: PRIMVM Episcopos habere ius hortandi & obiurgandi non facientes officium. DEINDE quia frustra fieret obiurgatio et hortatio præfractis et contumacibus, uult Paulus ut inferiores pijs præceptionibus, monitionibus & obiurgationibus superiorum cedant. Pijs dico, quia si episcopi aliquid præceperint, quod non sit sui officij, hic modeste



modeste licet inferiori ministro, quod imperatur recusare. DEINDE & hoc ex mandato Dei apertum est, quod Episcopis uel uerbum Dei corrumpentibus, uel supprimantibus, nullo pacto sit obtemperandum. Episcoporum enim potestas ad ædificationem Ecclesiæ, non ad destructionem se extendit. 2. Corint. 13. Liqueat & hoc, quod inferioris gradus ministris liceat superiores pie & modestè admonere, si quando recto pede ad ueritatem Euangelij non incedant. Neque hoc ægre ferre debent pii Episcopi, sed tanquam patres benigne filiorum suorum hortamenta cum gaudio excipient. Sic Petrus admonitus est a Paulo, cum non recto pede ad ueritatem Euangelij incederet. Sic Paphnutius presbyter sententiæ Episcoporum de interdicto sacerdotum coniugio obuiavit, cui pii Episcopi cesserunt.

HUNC ordinem amplectitur nostra Ecclesia, hos dignitatis in ministerio gradus seruientes decoro & disciplinæ agnoscit. Nec mouetur Anabaptistarum ac Libertinorum effreni libidine, qui Ecclesiam Christi barbariam cum quendam hominū cætum, sine ordine fingunt, in quo cætu nulla aut donorum aut laborum aut uocationum ratio habeatur, cum habeat nostra Ecclesia non solum exemplum Apostolicæ & purioris Ecclesiæ, uerumetiam mandatum Spiritus sancti, omnia ordinate & decenter ad ædificationem faciendi.

## CAPVT XI.

## DE POTESTATE

## ECCLESIASTICA.

X 5

POTEST



**P**OTESTAS Ecclesiastica Symbolo clauium in Scripturis designatur, Matth. 16. cum dicitur Petro: Dabo tibi clauēs regni cælorum, & quodcunq; ligaueris in terra, erit in cælis ligatum, & quodcunq; solueris super terram, erit solutū in cælis. Clauēs autem regni cælorum sunt, quibus regnum cælorum aperitur & clauditur. At regnum cælorum quod est Ecclesia, administratur, aperitur et clauditur prædicatione Euangelij. Proinde CLAVES REGNI cælorum nihil aliud esse possunt, quam munus & potestas administrandi Ecclesiæ Christi, idq; secundum uerbum Christi. Appellationis ratio hæc est: Qui œconomi constituuntur in aliqua domo, ijs traduntur clauēs, ut omnia aperiant & claudant pro arbitrio domini sui. Inde factum est, ut clauium symbolo in Scripturis significetur domus administratio. Esa. 22. Dabo clauem domus David super humerum eius, & aperiet, & non erit qui claudat, & claudet, & non erit qui aperiet. Hic aperte clauis domus David significat administrationem regni Dauidici. Vnde ministri uerbi qui prædicatione uerbi aditū ad cælum patefaciunt recipientibus uerbum, & clausum esse cælū inobædientibus uerbo docent: Oeconomi regni Dei & clauēs regni cælorum habere dicuntur. Quare ECCLESIASTICA POTESTAS recte definitur esse facultas Ecclesiæ data, qua ipsa recipit, quos iubet Dominus, remissis peccatis, in consortium regni ipsius recipere: & rejicit quos ipse rejici præcipit, pascit receptos & regit uerbo, sacramentis & disciplina, ut ueterem hominem indies magis magisque aboleant, & nouum instaurent: eijcit rursus ex consortio regni Christi, qui suis moribus promerentur, bant,



bant, ac iterum eiektos, si egerint pœnitentiam, recipit.  
 Postremum uocat ministros ad ministerium uerbi, quibus  
 hanc administrationē commendat. Hæc uera Ecclesiasti-  
 ca potestatis est descriptio, quæ in genere ita quoq; de-  
 finiri potest, quod sit munus Ecclesiæ collatum, quo ipsa  
 administrari debeat iuxta uerbum Dei. Quod autem in  
 uerbo Dei fundata debeat esse hæc potestas, ex eo liquet,  
 quod Paulus omnem potestatem a Deo datam Ecclesiæ  
 ad ædificationem (fidei) dicat: Nunc autem quicquid  
 pertinet ad ædificationem fidei, id uerbo Dei cõtinetur.  
 Proinde potestas Ecclesiastica omnis ut ex uerbo est, ita  
 in eodem uerbo inclusa existit. Et cum Dominus, Ioan. 7.  
 dicit, Doctrina mea non est mea, sed eius qui misit me,  
 ministris Euangelij omnibus, quam in docendo regulam  
 sequi debeant, suo exemplo præscribit. Non igitur Ec-  
 clesiæ potestas infinita est, sed certis limitibus definita,  
 ut quæ uerbo Dei sit subiecta & ei inclusa. EX HIS  
 etiam manifeste colligitur, tria requiri in potestate Ec-  
 clesiastica. PRIMVM, ut a Deo sit data. SECVN-  
 DO, ut in salutem & ædificationem Ecclesiæ exercea-  
 tur. TERTIO, ut uerbo Dei nitatur. Data quidem  
 est toti Ecclesiæ, sed eam rite exercent, qui mandato  
 eius fideliter obœdiunt legitime uocati, idq; si uerbum  
 Dei tanquam unicam agendi regulam sequantur. POR-  
 RO hæc Ecclesiastica potestas duplex est, nimirum Ora-  
 dinis & Iurisdictionis. ORDINIS POTESTAS  
 est ministerium uerbi, quo recipiunt in Ecclesiam eos,  
 qui uel dant ipsi Christo nomina, ut illa tria millia homi-  
 num, qui ad concionem Petri compuncti corde credide-  
 runt, quos Petrus recipit in Ecclesiam communicata  
 baptis-



baptismo: Vel qui offeruntur Ecclesiæ per credentes, ut infantes, qui pro se non loqui possunt, quos Dominus nihilominus uult recipi in Ecclesiam, iuxta illud: Baptizantes omnes gentes, in quorum numero infantes includuntur. Deinde eadem potestate in Ecclesiam receptos regunt doctrina, sacramentis & ceremonijs. Hanc potestatem ideo ordinis esse dico, quia certam & ordinatam regulam habet, quam semper sequi debet, nec in bene constituta Ecclesia requirit deliberationem aut sententiam Ecclesiastici sententiam, sed ad ministerium uocati ministri iuxta ordinis præscripti rationem se gerunt, quantum quidem ad publicam functionem attinet. ALTERA PARS potestatis Ecclesiasticæ est IURIS DICTIO, quæ maxima ex parte pendet a potestate clauium. Hæc nihil aliud est, quam ius spirituales politiam conseruandi. Et in tribus consistit. PRIMVM, in cognitione ueræ doctrinæ. SECUNDO, in improbatione falsæ doctrinæ. TERTIO, in disciplina.

QVOD autem ECCLESIA VNIVERSALIS, habet ius cognoscendi ueram doctrinam, testantur plurima testimonia. Christus inuitat ad se omnes, ut a se discant. Apostoli mittuntur ut doceant. Deus requirit noticiam sui uerbi, sine qua salus nemini contingere potest. Quare horrendo sacrilegio tenentur Papistæ, qui laicos arcent a lectione sacrorum librorum, & interdiciunt, ne sacra biblia uulgata lingua excudantur, & legantur a laicis (ut uocant) qua re declarant, se immanes hostes esse salutis hominum, quos Dominus Lucæ 11. obiurgat dicens: Væ uobis legisseritis, qui tulistis clauem scientiæ, ipsi non introiistis, & eos qui introibant prohibet



prohibuistis. Item Matth. 23. Væ uobis Scribæ & Pharisei, hypocritæ, quia clauditis regnum cælorum ante homines, uos enim non intratis, nec aduenientes finitis intrare. Hæc uehemens obiurgatio pertinet ad omnes omnium temporum Phariseos, qui sibi docendi ius uindiciant, sed interim ueram uiam ad Christum intercludunt. DEINDE, quod ius habeat Ecclesia improbandi falsam doctrinam, ostendit mandatū Christi, Matth. 7. Cauete a pseudoprophetis. Matt. 16. Lucæ 12. Cauete a fermento Phariseorum. Item ad Gal. 1. Si quis aliud docuerit Euangelium, Anathema sit. TERTIA Iurisdictionis pars est DISCIPLINA, qua membra corporis Christi, hoc est, Ecclesia inter se cohærent. Nam ut doctrina ipsa est ueluti anima Ecclesiæ: ita disciplina instar neruorum est, quibus membra suo quæq; loco aptantur, connectuntur & continentur. Huius disciplinæ magna laus est. Prædicatur enim esse sanitatis subsidium, ordinis fundamentum, unitatis uinculum. Nam sine disciplina nulla domus, nulla respublica incolumis persistere potest. Et quia quæque familia quo honestior fuerit, eo iustiore sectatur disciplinam, par est, ut omnium honestissima familia Christi, hoc est, Ecclesia, optima disciplina regatur. Quare huc pauca de disciplina Ecclesiastica adijciam, idq; non ex Pontificijs decretis, quæ sapient tyrannidem: sed ex uerbo Domini, traditione Apostolica, & exemplo purioris Ecclesiæ.

DEFINITUR autem DISCIPLINA ECCLESIASTICA hoc pacto, quod sit pædagogia quædam, qua homines in familiam Christi recepti coercentur & ad pietatem, iusticiam, modestiamq; assuescunt, ne quid adeo



adeo augusta professione indignum committant, sed ut iuxta doctrinam Euangelij præscriptum singuli suum officium faciant. EST AUTEM hæc disciplina duplex, COMMUNIS, ET CLERICI PECULIARIS: Illi subesse omnes debent ex æquo, huic soli clerici. Porro Communis duplex est: Ordinaria, ET Extraordinaria, de quibus distincte deinceps dicendum est, ac primum de Ordinaria.

ORDINARIA itaq; disciplina est, quæ uerbum Dei ac traditionem Apostolicam pro regula habet, a qua nunquam licet discedere, Est enim iuris diuini, ac dependet proprie a potestate clauium. Hæc quia lapsus contra legitimam uiuendi rationem corrigit, PRIMUM lapsuum genera nobis sunt explicanda, DEINDE qualis disciplina in singulis obseruari oporteat, POSTREMO penes quos sit corrigendi facultas, declarandum est. LAPSVS itaq; disciplina corrigendus duplex est, Occultus nimirum ET manifestus. OCCULTVM uoco, cuius unus aut pauci admodum sunt conscij. MANIFESTVM uero, qui est publice notus ET apertus. Occultus rursus aut ex ignorantia, aut ex infirmitate, aut ex malicia contingit. Manifestus seu publicus aut delictum est, aut flagitium. DELICTVM quidem quod errore uel infirmitate perpetratur, aut etiam casu inopinato: FLAGITIVM uero est enorme scelus, ut homicidium, adulterium, usura, furtum ETc. Deinde flagitiorum alia multitudinem inuasunt, alia paucos tantum de multitudine. NUNC qualis in his lapsibus disciplina adhibenda sit uideamus.

Si itaq; LAPSVS OCCULTVS est, regula emendandi



dendi ac corrigendi, quam Dominus præscribit Matth.  
 18. sequenda est: Si peccauerit, inquit, in te frater tuus,  
 uade & argue eum inter te & ipsum solum, Si te audie-  
 rit, lucratus es fratrem tuum. Si autem te non audierit,  
 adhibe tecum adhuc unum aut duos, ut in ore duorum aut  
 trium testium consistat omne uerbum. Quod si non au-  
 dierit eos, dic Ecclesiæ, Quod si Ecclesiam non audierit,  
 sit tibi uelut ethnicus & publicanus, hoc est, prophe-  
 nus & impius. Amen dico uobis, quæcunque ligaueri-  
 tis super terram, erunt ligata in cælo, & quæcunq; solu-  
 ueritis super terram, erunt soluta in cælo. IN HAC  
 concionis Christi pericopa quatuor sunt nobis diligen-  
 ter obseruanda. PRIMVM est mandatum Christi,  
 quod nemo contemnere citra magnum sacrilegium po-  
 test. Si peccauerit, inquit, in te frater tuus, id est, te  
 conscio, uel sub tua conscientia. Nam in Græco est εἰς σὶ,  
 quod phrasi græca non significat contra te, sed coram  
 te, seu te conscio. Esset enim contra Christi doctrinā pro-  
 priam iniuriam persequi. DEINDE monstratur hic  
 præcipuum disciplinæ Ecclesiasticæ fundamentum, quod  
 est priuata correptio. Vade, inquit, & argue eum inter  
 te & ipsum solum. TERTIO loco indicantur gradus  
 priuatae correptionis, & tres enumerantur. Primus, ut  
 arguas ipsum pro modo delicti inter te & ipsum solum,  
 hoc cum dicit Dominus, non uult ut peccatum fratris,  
 quod tibi soli aut paucissimis est notum, omnibus manife-  
 stum facias, hoc enim cum caritate fraterna pugnat,  
 & magis ad destructionem quam ædificationem facit.  
 Nam alijs scandalo est postquam enotuerit ipsum fa-  
 ctum. Quod si hoc primo gradu promoueris aliquid,  
 &



Et emendauerit se reus frater, fecisti officium & lucratus es fratrem tuum. Verum si hac uia nihil profeceris, gradus secundus tentandus est, hoc est, adhibebis unum aut alterum testem tecum ac in ipsorum præsentia conaberis fratrem in uiam reuocare. Quod si frustra feceris, adhuc non desperandum de fratre, sed extrema tentanda sunt, & coram Ecclesia, hoc est, uel coram senatu Ecclesiastico, uel coram pluribus fratribus contumacem obiurgabis, ut uel hoc pacto suffusus rubore resipiscat. Verum si hac uia nihil succedit, habendus est pro impio & prophano, quia nihil habet commune cum Ecclesia Christi. Tunc enim uere isti contumaci continget, quod Salomon Prouerb. 15. dicit: Qui increpationes odit, morietur. POSTREMO Ecclesiæ iudicium ratum fore in cælo Dominus pronunciat his uerbis: Amen dico uobis, Quæcunque ligaueritis super terram, erunt ligata in cælo. Sed de hoc iudicio Ecclesiæ infra plura dicenda sunt.

PORRO SI LAPSVS fratris fuerit MANIFESTVS, sequendum est præceptum & factum Pauli. 1. Timoth. 5. præceptum habetur in hunc modum: Peccantes coram omnibus argue, ut & cæteri timorem habeant. Hoc præceptum nisi intelligatur de manifestis peccatis, cum mandato Domini iubentis arguere fratrem inter te & ipsum solum, stare non potest. Quare non dubium est, quin de emendatione publicorum delictorum intelligendum sit hoc Pauli præceptum. Factum Pauli quo præceptum confirmatur, habetur ad Galat. 2. Vbi Petrum palam in facie Ecclesiæ obiurgauit. Fuit enim lapsus Petri Ecclesiæ præsenti cognitus. Ex his  
duas



duas colligamus regulas. PRIOREM, in occultis delictis corrigendis procedendum est secundum gradus a Domino præscriptos, nimirum, ut primum solus, deinde adhibitis testibus, postremo coram Ecclesia, seu quibusdam delectis uiris, quorum pietas & grauitas est spectata, fratrem delinquentem corripias. POSTERIOREM: In manifestis delictis statim procedendum esse ad solennem Ecclesiæ correptionem, idq; cum ut lapsus emendetur, tum ut reliqui fratres timeant & ipsius exemplo reddantur cautiores. VERVM quemadmodum in occulto lapsu, ita etiam in publico prudenter castigatio adhibenda est. Si enim quis lapsus est ignorantia aut infirmitate, sufficit paterna & blanda admonitio cum exhortatione in posterum uitandi tale delictum. At si ex malicia peccatum est, lapsus quidem occultus seuerius corrigendus, Manifestus uero excommunicatione feriendus est, sed ita tamen omnia moderanda sunt, ne castigationis seueritas errantem in desperationem adigat. Est enim æquitate & clementia temperanda disciplina Ecclesiæ, ne rigor modum excedat. Seueritate quidem opus est, ne impunitate, quæ peccandi illecebra est, mali reddantur audaciores. Ac rursus quia periculum est, ne is qui castigatur, animum despondeat, adhibenda est moderatio, nempe ut ecclesia simul atq; resipiscentiam illius certo cognouerit, ad dandam ueniam sit parata. Loco huius regulæ de moderatione, sit nobis consilium Pauli 2. ad Cor. 2. qui obsecrat Corinthios, ut incestum resipiscentem caritate prosequantur, condonent ei flagitium, ac pœnitentem consolentur, ne forte abundantiori tristitia absorbeatur. Quemadmodum enim correa

X

ptio



ptio fraterna a caritate proficisci, ita etiam in emendationem et ædificationem fratris delinquentis tendere debet. Id quod euincitur ex finibus disciplinæ Ecclesiæ, unde consilium in corripiendis fratribus omnino petendum est.

SUNT autem tres FINES castigationis Ecclesiasticæ, ac potissimum EXCOMMUNICATIONIS. PRIMVS est, ne cum Dei contumelia inter Christianos nominentur, qui turpem ac flagitiosam uitam degunt. SECUNDVS, ne assidua malorum consuetudine boni corrumpantur. Modicum enim fermentum totam massam corrumpit: TERTIVS ut lapsi, pudore suffusi tandem resipiscant & reconcilientur Ecclesiæ. Ex his finibus satis apparet, in castigatione Ecclesiastica gloriam Dei quærendam esse, ædificationem Ecclesiæ & resipiscentiam lapsi fratris, quo si respexerimus, non erit difficile seueritatem æquitate & clementia temperare.

RESTAT ultima distinctio, qua flagicia alia in multitudinem grassantia, alia paucorum esse dixi, de quibus hoc loco in uniuersum tenendum est, Quod suo genere omnino digna sint excommunicatione, ut testatur dictum Pauli 1. Corinth. 5. Si quis frater nominatur inter uos, uel scortator, uel maledicus, uel ebriosus, uel rapax, uel auarus, uel cultor idolorum, cum huiusmodi nec cibum sumere permitto. Verum his prout status est præsentis Ecclesiæ, cauendum est, ne in maiorem destructionem adhibeatur excommunicatio, & ex medicina fiat uenum. Quare censeo sequendas esse duas regulas Augustini: quarum prior est de peccatis in multitudinem grassantibus, qualia prob dolor, in hoc regno sunt, ebrietas, luxus



luxus uestium, comessationes, usura, & huius generis  
fere infinita: Non asperere inquit, quantum existimo,  
non duriter non modo imperioso, ista tolluntur, magis  
docendo quam iubendo, magis monendo quam minando.  
Sic enim agendum est cum multitudine peccantium. Hoc  
Augustini consilium regulam præscribit agendi cum  
multitudine peccantium, quæ regula confirmatur ex fini-  
bus excommunicationis supra positis. Nam si hic ex-  
communicatio adhiberetur, magis turbaret paucos bo-  
nos infirmos, quam corrigeret multos animosos malos.  
Neque tamen ex eo sequitur, non esse taxanda publice  
grassantia scelera, sed tantum modum castigandi tempe-  
rare oportet, publicæ pacis gratia. De paucorum fla-  
gitijs hanc dat regulam Augustinus: Seueritas exer-  
cenda est in peccata paucorum. Hæc enim stare potest  
cum correptionis Ecclesiasticæ finibus.

PORRO hic duo genera hominum admonere opor-  
tet, nimirum INFIRMOS, ne deficient ab Ecclesia pro-  
pter grassantia flagitia, & MINISTROS uerbi, ne uel  
despondeant animum, uel omnino munus docendi abjici-  
ant, cum parum admodum se proficere suis laboribus &  
uigilijs animaduertūt. INFIRMI itaq; sciant, abstinere  
dum esse a flagitiosis, quantam ad priuatam conuersati-  
onem attinet, non quantum ad Ecclesiæ externam com-  
munionem, nisi censura Ecclesiæ fuerint excommunica-  
ti. Nec cum his pugnat præceptum Apostoli 2. ad Thes.  
3. Præcipimus autem uobis fratres in nomine Domini  
Iesu Christi, ut subducatis uos ab omni fratre ambulante  
inordinate. Non enim hic Paulus de externa Eccle-



sic communionem agit, sed de priuata conuersatione & familiaritate. In libertate enim nostra ac facultate positum est, an familiariter uersari cum sceleratis uelimus, nec ne: at in arbitrio nostro nequaquam positum est, a communionem ecclesiae abstinere. **OBSERVETUR** & haec regula Augustini: In corripiendis fratribus, misericorditer corripiat homo quod potest, Quod autem non potest, patienter ferat, & cum dilectione gemat ac lugeat. Ministri uerbi huius regulae sint memores, quod omnis pia ratio & modus ecclesiasticae disciplinae, unitatem spiritus in uinculo pacis intueri semper debeat. Quisquis igitur uel quod potest arguendo corrigit, uel quod corrigere non potest, saluo pacis uinculo excludit, uel quod saluo pacis uinculo excludere non potest, & equitate improbat, firmitate supportat, hic a maledictione liber & solutus est: ita enim eradicanda sunt zizania, ne frumenta laedantur.

**IAM** PENES quos sit corrigendi facultas, breuiter est dicendum. Quantum igitur attinet ad **PRIVATOS** lapsus omnium Christianorum, qui eius lapsus sunt consocij, officium est, eos corrigere doctrina, admonitione, & obiurgatione, iuxta gradus a Christo praescriptos, qui supra enumerati sunt & declarati. **PUBLICA** DELICTA a ministris uerbi palam coram omnibus arguenda sunt, si uidebitur ad aedificationem facere. Idque non unius pastoris censura, sed uel totius Ecclesiae, uel saltem quorundam grauium uirorum, qui uice totius Ecclesiae funguntur, fieri oportet, Ita tamen ut pastor toti Ecclesiae excommunicatione sententiam pronunciet. Haec enim ratio excommunicandi in primitiua Ecclesia seruata



nata est, & habet pro regula apostolicam traditionem  
 1. Cor. 5. Præterea eiusdem Ecclesiæ est emendatos in Ec-  
 clesiam recipere per ministros uerbi, qui ministri pœni-  
 tentiam seriam eorum qui reconciliari ecclesiæ cupiunt,  
 exponere debent. HACTENVS de ordinaria discipli-  
 na, quæ proprie dependet a potestate clauium, huic subi-  
 seruit ordinatio certi temporis, loci, quando & ubi po-  
 pulus conuenire debeat, ad audiendum uerbum & ad sa-  
 cramentum cœnam. Hæc ordinatio tametsi quantum ad certi  
 temporis & loci circumstantias attinet, est libera, ut  
 quæ non obliget nos uerbo Dei, tamen quantum ad genus  
 attinet, iuris diuini est. Omnibus enim mandatum est  
 uerbum audire et participare sacramentis. Quapropter  
 nemo pius certam temporis & loci, quando & ubi uer-  
 bum & sacramenta tractabuntur, ordinationem contem-  
 nit, sed libenter se huic disciplinæ Ecclesiasticæ parti  
 subiicit. Nec hoc pugnat cum Christiana libertate. Nam  
 qui in Christo sunt liberi, ut sciant se per Christum a  
 peccato, maledictione legis, ac ritibus humanis esse libe-  
 ros: ita quoque norunt se disciplinæ & ordinis gratia,  
 quantum ad externum Ecclesiæ regimen attinet, hone-  
 stæ ac piæ disciplinæ subiectos esse. HACTENVS de  
 communi disciplina & ordinaria dictum est: nunc pau-  
 cis de extra ordinaria dicendum.

EXTRAORDINARIA DISCIPLINA nec  
 tempus nec modum nec formam præscriptam uerbo Dei  
 habet, sed in Ecclesiæ arbitrio posita est, & temporum  
 rationem cum euentu habet unde in hac extra ordinaria  
 disciplina respicere oportet ad tria tempora, præteri-  
 tum, præsens, & futurum. Ad PRÆTERITVM, ut si  
 Y 3 aliquid



aliquid præter opinionem euenit, ueluti magnorum uirorum liberatio e periculis, felix Ecclesiæ & ministerij uerbi successus, propagatio doctrinæ in alijs nationibus. Hic officium ministrorum uerbi fuerit, consentientibus præcipuis Ecclesiæ membris populum certo tempore conuocare ac ad gratiarum actionem inuitare. Ad PRÆSENS, ut si grassari incipiat pestilentia, uel fames, uel bellum, hic populus conuocandus est, exhortatio ad pœnitentiam, ieiunium, preces, instituenda est. Ad FUTUREVM tempus, ut si uel clades aliqua imminere uidetur, uel aliqua magna deliberatio siue de religione, siue de statu politico ineunda est, piorum pastorum officium fuerit, hortari populum ad solennes preces, ut Dominus pericula imminuentia uel auertat prorsus, uel conuertat in sui nominis gloriã, ac deliberationes instituendas suo spiritu gubernet. Hæc extra ordinaria disciplina cum Prophetarum tum Apostolorum puriorisq; Ecclesiæ exempla habet. Quare nequaquam ubi res postulat negligenda est.

NUNC restat disciplina quam CLERICI PECVLIAREM dixi. Hæc canone & executione constat. CANNOT uersatur circa quatuor, ALIAS circa certarum rerum prohibitionem, ut ne quis clericus uenationi, ne quis fœnori aut mercaturæ uacet, ne quis lasciuis saltationibus intersit. ALIAS circa certa exercitia, ut sunt cantationes, sacræ lectiones, uigiliæ: ALIAS circa officiorum in Ecclesia distinctionem, ut in Ecclesia alius doceat, alius recitet aliquid ex sacris literis, alius præsit cœnæ dominicæ. ALIAS circa pœnas, quarum gradus fuerunt, priuata obiurgatio ab Episcopo, publica a concessu episcoporum et presbyterorum, depositio ab officio, excom-



excommunicatio, extremus gradus fuit anathematizatio, quæ solum adhibebatur contra obstinatos hæreticos, quales fuerunt Arius, Cherinthus, &c. Veteris enim Ecclesiæ mos fuit, sine vi externa in suum clerum animaduertere. HUIUS DISCIPLINAE executio potissimum Episcopis commissa erat, qui ideo aliquando bis, aliquando sæpius in anno synodos provinciales conuocabant, ubi non unius Episcopi censura, sed totius cleri collecta sententia res agebatur. In hisce synodis de doctrina, de moribus, de ceremonijs, de disciplina, atq; alijs rebus Ecclesiæ utilibus tractabatur, atq; tantisper res feliciter successit, donec dominandi libido inuasit Papam aliosq; creatos ab eo Episcopos. HÆC DE DISCIPLINA Ecclesiastica communi & clericali dicta sint.

VERVM si quis cupit priuati hominis disciplinam, sciat eam in quatuor consistere, ut suos affectus petulantes & cogitationes prauas meditatione uerbi & oratione domet: ut uerba pietate regat, ut facta ad normam legis exigit, utq; gestus similiter pietati congruos amet. Sed de his satis: nunc de tertia hierarchiæ ecclesiasticæ parte dicendum est.

## CAPVT XII.

DE AVTORITATE  
ECCLESIASTICA.

CVM potestate coniuncta est AVTORITAS, in qua duo sunt consideranda. Vnum, quarum rerum sit, Alterum, penes quas personas resideat Ecclesiæ autoritas.



tas. Duas res subiiciunt Ecclesiæ autoritati, traditiones nimirum & interpretationes scripturæ. TRADITIONES sunt ritus, qui absq; scriptura traditi dicuntur, uel ab Apostolis, uel post Apostolos a sanctis patribus. Huius generis sunt baptisma infantium, obseruatio diei dominicæ, quod cæna Domini a ieiunis celebretur, & a ieiunis percipiatur, Item canones pleriq; de disciplina Ecclesiæ & cleri. Sed quid sentiendum sit de huiusmodi traditionibus, uide in locis Theologicis Philippi. Interpretationes scripturæ sunt peculiaria dona Dei, quibus eruuntur & in lucem producuntur quæ obscura uidebantur. In hoc genere sequenda est regula Pauli, nimirum quod omnis scripturæ interpretatio debeat esse analogæ fidei, hoc est, conuenire debeat cum primis et apertis pronunciatis scripturæ, continentibus ueræ religionis fundamenta. DEINDE & hoc discrimen obseruetur, quod dicta interpretum sint in triplici genere. ALIA enim sunt demonstrata, alia probabilia, sed præter scripturam, alia pugnantis cum scriptura. PRIMIGENERIS summa est autoritas, nam eiusdem firmitudinis sunt quæ immota consequentia ex uerbo aperto Dei colliguntur, atq; ipsa oracula Dei. Huc pertinet symbolum Nicensium Athanasij. MEDIUM genus tantisper propter auctoritatem patrum retineri potest, donec a Sophistis in malam consequentiam trahatur. De postremo genere utilem tradit regulam Ambrosius libro 10. officiorum: Nos noua omnia, quæ Christus nos docuit, iure damnamus, quia fidelibus uia Christus est, Si igitur Christus non docuit quod docemus etiam nos, id detestabile iudicamus. Proinde quicquid ex Patrum scriptis cum autoritate



ritate scripturæ congruit, cum laude illorum accipien-  
dum, quod autem non congruit, cum pace illorum respu-  
endum est, sed de his supra.

RESTAT ut dicatur, penes quas personas resideat  
autoritas Ecclesiæ. Papa sibi autoritatem uendicat, sed  
falso: Est enim autoritas Ecclesiæ fundata in oraculis  
Dei, contra quæ nulla humana autoritas ualet. Quare  
sciendum est hanc AVTORITATEM penes totam &  
uniuersam Ecclesiam esse, sed diuersimode. MAIOR  
enim est eorum in Ecclesia autoritas, qui ex ueris fructi-  
bus spiritus declarant se spiritum Christi habere. Item  
MAIOR piorum ministrorum quam laicorum. AM-  
PLIOR adhuc penes pios doctores, longo tempore ex-  
ercitados. GRANDIOR adhuc penes piorum consi-  
lia, ubi ex fructibus, spiritus Christi adesse cognoscitur.  
Verum hic iuxta consilium Pauli 2. Corint. 11. probandi  
sunt spiritus, an ex Deo sint, quod nulla alia re certius fi-  
eri potest, quam ipsa Scriptura, ipsa lege Dei, ad quam  
Dominus ipse probationem spirituum exigendam præ-  
cepit, Deuteron. 13. his uerbis: Si surrexerit in medio  
tui Propheta, aut qui somnium uidisse se dicat, & præ-  
dixerit signum atque portentum, & euenerit quod lo-  
cutus est, & dixerit tibi: eamus & sequamur deos alie-  
nos, quos ignoras, & seruiamus eis: non audies uerba  
Prophetæ illius aut somniatoris, quia tentat uos Domi-  
nus Deus uester, ut palam fiat, utrum diligatis eum, an  
non. In toto corde & in tota anima uestra, Dominum  
Deum uestrum sequimini, & ipsum timete, et mandata il-  
lius custodite, & audite uocem eius, ipsi seruietis, & ipsi  
adhærebitis. Quod autem interpretationem Scripturæ



rarum certis personis & certo hominum ordini ascribunt, falsissimum est. Nam interpretatio scripturarum donum Dei est, quod largitur Dominus in Ecclesiæ suæ ædificationem, cuicumque uoluerit. Hæc breuiter de Hierarchia & eius partibus sint dicta.

## CAPVT XIII.

## SATISFACTIO.

**V**T autem doctrina de SATISFACTIONE clara & perspicua habeatur, PRIMVM de civili satisfactione, SECUNDO, de ea quæ coram Deo ualet, TERTIO, de Ecclesiastica satisfactione dicendum est.

CIVILIS SATISFACTIO duplex est. Hominebus enim læsis dupliciter satisfacit, VNO MODO, cum hi qui offenderunt, læsis tantum præstant rei uel officij, ut id quod læsis iniuria detractum est, iure compensatum habeatur. ALIO MODO, cum hi qui offenderunt, culpam tantum agnoscunt, & dolere eam sibi testantur, ueniamq; supplices orant, cum officiũ in posterum plenius præstandi promissione. HÆC duplex civilis satisfaciendi ratio ad tribunal Dei accommodari potest, sed hoc seruato discrimine. Quantum enim ad priorem attinet modum satisfaciendi, solus Christus satisfecit patri pro iniuria Deo ab humano genere illata. Hunc enim solum Scriptura prædicat eum esse, qui sua uictima patrem cælestem placauerit, unde solus est expiatio pro peccatis nostris. Supra eum solum correctio pacis nostræ, per solum eius nomen obtinetur remissio peccatorum, Vnde constat



constat ex Scriptura, quod hic Iesus Christus sit satisfactio pro omni offensa, qua cœlestem patrem offenderat genus humanum. Huius satisfactionis soli credentes participes sunt. Quare sacrilegiū est tribuere ulli rei hanc satisfactionis gloriam, quæ soli Christo competit. Verū quia iustificati satisfactione Christi sæpe labimur, ac Deum offendimus quotidianis erratis, & Deo supplices, per ueram pœnitentiam deprecamur culpam per Iesum Christum, dicimur interdum a sanctis patribus Deo satisfacere, sed ut filij, offensum patrem pœnitentia sibi conciliant. Hinc Cyprianus: offerimus uobis animi & consilij nostri salutare munus, & quia odisse non licet nobis, & sic Deo plus placemus dum nullam pro iniuria uicem reddimus, hortamur, dum facultas, dum aliquid de seculo superest, Deo satisfacere, et ad ueram religionis candidam lucem de profundo tenebræ superstitionis emergere.

ECCLESIASTICA SATISFACTIO pars est disciplinæ Ecclesiæ, & refertur non ad tribunal Dei, sed ad placandum offensos fratres in Ecclesia. Fuitq; olim ritus externus Ecclesiæ, non pertinens ad conscientiam seu remissionem peccatorum coram Deo, sed duos alios fines habuit, ut exploraretur an serio redirent lapsi ad Ecclesiam, deinde etiam ut alij admoniti diligentius regerent mores, ne simili pœna aliquādo lapsi castigarentur. Hæc satisfactio publicæ pœnitentiæ pars tertia olim numerabatur. Nam pœnitentiam, quam requirebant a lapsis coram Ecclesia quando recipiebantur, diuiserunt sancti patres in CONTRITIONEM (quæ ex lacrimis pœnitentis agnoscebatur) CONFESSIONEM (qua reus coram Ecclesia deplorabat suum lapsum) & SATISFACTIO-

FACTIO



FACTIONEM, qua satisfacerebat Ecclesiæ. Has postea indocti Monachi ad conscientiam transtulerunt. Hæc quia ad potestatem Iurisdictionis pertinebat, non privato unius pastoris arbitrio, sed maturo deliberatoque seniorum consilio res gerebatur, ne quid imperito aut intempestivo zelo fieret contra caritatis regulam, aut etiam ne crimen lapsi propalatum unius zelo maius scandalum excitaret.

## CAPVT XIIII.

## CHRISTIANA LIBERTAS.

**L**IBERTAS CHRISTIANA est manumissio spiritualis, parta sanguine Christi, quam offert Euangelium credentibus in Christum, per quam liberati a peccato, a damnatione legis ac ritibus humanis, donamur spiritu sancto, ut formidolosæ nostræ conscientie pacificentur, & sub cruce gloriemur, certi, quod breui liberator noster sit nos ex omnibus malis erepturus, ut amplius non simus hominum serui, hoc est, humanarum traditionum, sed ut liber populus, ijs libere, boni ordinis & decori seu disciplinæ gratia, utamur citra opinionem iustitiæ, cultus, meriti, necessitatis. Hæc descriptio multa continet. PRIMVM, quod libertas Christiana non sit civilis aut carnalis, sed spiritualis, ut quæ in Christi regno spirituali locum habet & in conscientia dominatur. DEINDE, quia natura sumus serui peccati, monet descriptio quod sanguine Christi sit hæc parta libertas,



bertas, quæ ut offertur per Euangelium, ita fide recipienda est. Si enim Filius uos liberauerit (inquit liberator noster Ioan. s.) uere liberi eritis.

DEINDE recitantur quatuor gradus huius libertatis, qui tametsi natura coniuncti sunt, tamen eos discerni utile est, ut cor pium inde maiorem consolationem haurire possit. PRIMVS itaque gradus est liberatio a peccato, cum quo SECUNDVS libertatis gradus coniunctus est, liberatio a maledictione legis. Christus enim (inquit Paulus) redemit nos a maledictione legis, factus pro nobis maledictum. Et significanter dicitur a maledictione legis, nam quantum ad obædientiam legis moralis pertinet, omnes adoptati sumus, ut Domino seruiamus, præstemusq; ei iuxta uerbum obædientiam. TERTIVS gradus est donatio Spiritus sancti, per quem non solum confirmatur primus & secundus, uerumetiam uiuificamur ad præstanda ea opera, quæ spiritualis uita requirit. Et tametsi opera sic facta propter uiciositatem carnis minime satisfaciunt præcepto, tamen placent propter adoptionis spiritum, quo donati sunt credentes. QVARTVS gradus est, quod liberi sumus a ritibus non solum Mosaicis, uerumetiam ab omnibus humanis ritibus, quantum quidem ad conscientiam attinet. De hoc gradu Paulus ad Galat. & ad Coloss. disputat.

## V S V S.

VERVM ne quis abutatur hac libertate, FINES quoque adiecti sunt, ut, pacificatio conscientiarum contra peccatum & sententiam legis, Consolatio in cruce, liber usus rituum externorum, ne conscientijs nostris laqueos



laqueos iniiciant humanæ traditiones. At ne quis omnes ritus contemnat, pietas, caritasq; suadent, ut pios ritus ordinis disciplinæq; gratia seruemus, modo ne cultus Dei necessarius aut opinio iusticiæ, meriti & necessitatis in illis collegetur.

## CAPVT XV.

## CEREMONIA.

**C**EREMONIAE sunt ritus & ordinationes ad regendam Ecclesiasticam politiam institutæ. Harum ALIAE pugnant cum uerbo Dei, quales pleræque hodie Papistarum, a quibus liberos nos esse superiore capite declaratum est: ALIAE non pugnant cum uerbo Dei, sed AVT apertum uerbum & mandatum habent, ut Baptismus & Cæna Domini, AVT faciunt reuera ad conseruandam doctrinam & politiam Ecclesiasticam, & sunt a senatu Ecclesiastico ordinatæ, uocanturq; a Paulo *ἡ ἀρχαὶ τῆς θρησκείας*, id est, traditiones. Hæ traditiones aut decori, aut ordinis gratia institutæ esse debent. DECORI quidem partes duæ sunt: PRIOR est, ut excitemur ad pietatem illis adminiculis, POSTERIOR, ut modestia & grauitas in pietatis tractatione cluceat. Quare nec ἄσχητοι nec histrionici esse debent, quales pleræq; in papatu fuerunt. ORDINIS uero partes sunt tres. PRIMA, ut præsidentes habeant certam agendi regulam. SECUNDA, ut auditores assuefiant ad obædientiam & disciplinam. TERTIA, ut bene composito Ecclesiæ statu, paci & tranquillitati consulatur. Sed de hac re supra dictum est.

CAPVT



## A D I A P H O R A .

**T**RIPPLICIA sunt opera. QVÆDAM enim opera necessario faciendæ sunt, ut quæ expresso uerbo Dei præcipiuntur: QVÆDAM necessario cauendæ sunt, ut quæ Deus aperto uerbo prohibuit. QVÆDAM sunt inter hæc media, quæ usitate ἀδιάφορα uocantur, quæ Nazianzenus τὰ ἐν μέσῳ καί ποτα uocat, de quibus quid sentiendum sit, breuiter exponam.

VSITATE definiunt ἀδιάφορα res esse, quæ neque mandantur neque prohibentur uerbo Dei aperto. Verum ne hic erretur, diligenter cauendum est, & imprimis tres regulæ obseruandæ sunt.

PRIMA, operis in specie non expresse præcepti uel prohibiti, genus, aut est præceptum aut prohibitum: Si præceptum est genus, recte opus censetur ἀδιάφορον. At si genus prohibitum est, nequaquam opus ἀδιάφορον dici potest. Est enim in genere prohibitum. CELEBRARE Missas hodie Papistæ clamitāt esse adiaphoron, quia ut nullibi esse præceptum, ita nec prohibitum esse uociferantur. Verum quia genus eius, quod est colere Deū mandatis hominum, aperte prohibitū est: Sequitur & hanc prophanationem Missaticam in genere interdictam esse, alioqui admitteretur implicatio contradictionis. Vnde sic definienda adiaphora colligo, quod uera A D I A P H O R A sunt, cum genus quidem facti est mandatum, Specierum uero circumstantiæ sunt liberæ & indifferentes, ut uerbum audiendum est ex mandato Dei,



Dei, decorum seruandum est & ordo. Sed circumstantiæ loci, temporis, uestitus sunt liberæ & indifferentes.

SECUNDA regula: In adiaphoris & opus & usus indifferentia esse debent. Adiaphororum natura est candida & linea ueste res sacras, ut Baptismum, Cœnam Domini peragere: Verum si usus non est liber, sed superstitionis gratia seruatur, non potest amplius inter res adiaphoras numerari, tum enim, ut in casu confessionis adiaphora esse desinunt. Quare recte fecerunt ministri uerbi, qui per nouas & papatum redolentes constitutiones, noluerunt cogi ad recipiendas istas uestes, quas propter abusum & superstitionem iam longo tempore abiecerant.

TERTIA, Adiaphora considerari debent dupliciter. PRIMUM in se, ut sunt res mediæ absq; relatione ad personas. DEINDE ex ratione personarum quæ illis utuntur. Si per se considerantur neq; placent neque displicent Deo, ut nec sub præceptum nec sub interdicitum ipsius cadant. Verum si ex personis considerantur, tenendum est hoc discrimen, quod personæ utentes adiaphoris, aut sunt fideles aut non. Si sunt fideles, Deo placet obædientia in adiaphoris propter fidem fidelium, nec obstat quod Paulus dicit, Quicquid non fit ex fide, est peccatum, quia non omnino uerbo Dei carent uera adiaphora, imo habent uerbum quantum ad genus facti attinet, unde æstimationem capit opus coram Deo, ubi fides accedit. Ezechias non habuit uerbum expressum de tollendo æneo serpente, attamen placuit Deo, quia genus facti mandatum est, nimirum tollere idololatriam, & idololatriæ occasiones. Quare hoc factum Ezechiae ex fide profectum placuit Deo, eique gratus cultus fuit.



fuit. At si utentes adiaphoris sunt infideles, polluta sunt  
 & mens & conscientia illorum, qui illa faciunt. Nam  
 quicquid non est ex fide peccatum est, hoc est reum, pol-  
 lutum ac maledictum coram Deo.

## CAPVT XVII.

## SCANDALVM.

**S**CANDALVM in genere est quicquid alijs uel caus-  
 sa uel occasio offensionis est, & usitate diuiditur in  
 Datum & Acceptum. DATVM quidem uocant, cum  
 aliquis efficacem causam lapsus alijs præbet seu dat.  
 ACCEPTVM uero, quod homines ex aliorum recte fa-  
 ctis, aut alijs rebus accipiunt, sibi ipsis in ruinam. Verum  
 quia nullum maius malum in mundo est, quam scandalum,  
 & Christus dicit: Væ mundo a scandalis: utile erit ut-  
 rumq; genus additis regulis certis, de cauendis & non  
 cauendis scandalis explicare.

DATVM itaque scandalum, si materiale seu funda-  
 mentum spectes, AUTORITUR ex facto in se malo, AUT  
 ex facto in se adiaphoro seu intempestiue facto, contra  
 caritatis regulam. Vtrumq; quidem malum sed illud pe-  
 ius. Vtrumq; enim grauiter prohibitum est uoce Dei. Et  
 Christus pronunciat, melius esse hominem demergi in  
 mare, alligata mola asinaria ad collum, quam ulli esse  
 scandalo. Sunt igitur hæ regulæ diligenter obseruan-  
 dæ. PRIMA: Scandalum datum malo facto, hoc est,  
 dicto opere, doctrina, pugnantibus cum lege Dei, omnes  
 quibus

Z



quibus salus curæ est, non secus quam infernum cauere debent. *SECUNDA.* In usu adiaphororum consideratur triplex hominum genus. Quidam enim sunt docti Christianam libertatem ideoque firmi, quidam sunt infirmi, quidam obstinati & indociles. Coram extremis generibus, hoc est primo & tertio, rebus adiaphoris uti licet: illis enim non est scandalo factum adiaphorum, imo gaudio potius & consolationi. Nam ex mutua firmitudine in negocijs pietatis non parum gaudent uere pii: His quidem scandali occasionem præbes, sed non causam efficacem, nam occasionem offensionis arripiunt sua malicia, ideoque acceptum est illorum scandalum & non datum abs te. *DE MEDIO GENERE* hæc seruatur regula, quod nihil contra caritatem proximi faciendum sit. Qui enim in Adiaphoris offendunt infirmos, in Christum peccant, percutientes illorum conscientiam infirmam. Vnde Paulus: Si cibus scandalizat fratrem meum, nequaquam comedam carnes in æternum, ne fratrem meum scandalizem. i. ad Corinth. 8. Loquitur enim hic Paulus non de firmis aut obstinatis, sed de infirmis duntaxat. Breuiter fides & dilectio fraterna satis admonere possunt, quando adiaphoris utendum sit & quando non.

*RECIPIT* & hoc scandalum quod datum nominat plura discrimina: Est enim *PRIVATVM*, quod unum aut paucos offendit. Est & *PUBLICVM* quod totum cætum turbat. Vtrumq; suo genere malum est, uerum hoc posterius multo grauius, ut quod pluribus nocet. *SVMPTVR* & aliud discrimen a differentijs personarum, *ALIAE* personæ in aliqua dignitate constitutæ sunt,

ALIAE



**ALIAE** obscuræ priuatam uitam degunt. Quod igitur datur a persona in dignitate constituta, multo grauius est, & meretur grauiora supplicia, cum propter personam ipsam, quæ suum locum in quem a Deo cuncta est, commaculat: tum propter homines alios, quibus lapsus causam præbuit efficaciorẽ suo factõ. Vt enim quo ingentius fuerit saxum cadens ab alta rupe, eo plura fragmenta facit: ita quo dignior fuerit persona, & in sublimiore dignitatis culmine constituta, eo plures in lapsum secum trahit cum cadit. Vt, studiosus peccans ebrietate, libidine, aut alio flagicio, maiori offendiculo est, quam miles aut nauta, atque ideo grauiori pœna coërcendus et puniendus est, nam plures secum in ruinam trahit. Dauid in regno Iudaico non solus peccauit, non solus fuit adulter aut homicida, attamen eius peccatum propter maius scandalum inde ortum, in conspectu Dei aliorum delictis longe atrocius erat. Ad eundem modum de alijs iudicandum, iuxta dignitatis aut officiorum gradus. Atq; hæc de dato scandalo breuiter dicta sufficiant.

**ACCEPTVM SCANDALVM** est, quod aliquis sibi sumit a recte factis aliorum aut alijs rebus, quod duplex docendi gratia constituam, nimirum, Humanum & Diabolicum. **HVMANVM** partim impiorum, partim piorum est. **IMPIORVM** quidem quando impij offenduntur piorum aut recte factis, aut libero Adiaphororum usu, aut etiam externo habitu seu Ecclesiæ forma. Nam cum impij uident cruce premi pios, & esse ueluti reiecta menta in mundo occasionem inde maioris ruinæ accipiunt impij. Vt Iudæi qui offendeabantur humilitate Christi & calamitate Ecclesiæ. Sic Cicero subiectione



atione Iudæorum motus, offendeatur adeo, ut conuicia coniecerit in Deum Iudæorum, & religionem ipsorum. Contra, PII ACCIPIUNT scandalum, quando uident impios florere, quando Ecclesia a Tyrannis opprimitur, cum multi innocentes trahuntur ad supplicia, cum hæresibus turbari Ecclesiam animaduertunt. Verum hoc scandalum rursus superant partim confirmante eos Spiritu sancto, partim exemplis Ecclesiæ Christi, partim ardentibus precibus. Nec ullum præstantius est aduersus huius generis scandala remedium, quam opponere perpetuam consuetudinem Dei, qui in hoc mundo, ideo finit suam Ecclesiam obrui uarijs calamitatibus, ut olim glorificetur cum filio ipsius dilecto. DIABOLICVM scandalum uoco, cum homines præpostere captant quæ ad peccandi licentiam obtendunt. Vt Cham qui absq; dubio ita proterue insultauit patri, ut sibi impune peccandi licentiam acquireret. Tales hodie uidemus permultos, qui uicia sanctorum Patrum plusquam studiosè conquirunt, uti incestum Loth, ebrietatem Noë, adulterium & homicidium Dauid, periurium Petri, durius iugum quod imposuit Aegyptijs Ioseph, rapinam Zachæi, ut sine pudore ad omnem nequitiam se projiciant. Imo ex hominum uicijs quærunt, quomodo se obducent ad Dei contemptum. Quare non immerito hoc genus scandali diabolicum uocaueris, ut quod calumnijs fulcitur in contumeliam Dei.

## CAPVT XVIII.

## C R V X.

QVIA



**Q**VIA CRUX perpetuo Ecclesiam Christi comitari solet, necessaria est doctrina de cruce, ut per armentur aduersus scandalum crucis. Est autem CRUX quæuis afflictio, cum totius Ecclesiæ, tum singulorum membrorum in Ecclesia. Et est multiplex: est animi angustia: est corporis uexatio: est spiritus & carnis lucta: est ex præsentis & imminenti malo sæpe probatio: est in æconomia, politia & Ecclesiastico statu difficultas. Quatuor itaq; de cruce dicemus. PRIMVM de causis crucis. DEINDE discrimen inter crucem piorum, & impiorum. TERTIO, quo animo ferenda sit crux. POSTREMO, unde consolatio petenda.

CAUSSAE autem CRUCIS, cum in nobis ipsis, tum extra nos quærendæ sunt. Sed utrumq; genus uarium est. In nobis enim tres causæ crucis inueniuntur. PECCATVM INHABITANS, CONCVPISCENTIA inde pullulans, & QVOTIDIANI LAPSVS, quos peccatum originis seu inhabitans per suas concupiscentias gignit. Iam nisi cruce premeretur caro, infinitos mortis & damnationis fructus ederet, adeo pestilens radix peccatum est originis, unde sancti potissimum conqueruntur, ut Dauid cum exclamat Psal. 51. In peccatis concepit me mater mea. Animaduertit enim in quantam ruinam per peccatum illud originis & eius concupiscentiam esset pertractus. Et Paulus, cum inquit: Rom. 7. Infelix ego homo, quis liberabit me de corpore mortis huius. Nam ex lucta carnis & spiritus, tantâ tribulatio nem in se sensit, quod optarit mori liberariq; ab hac cruce. Ob hanc igitur causam crux necessaria est Ecclesiæ, ut quasi freno & chamo cohibeatur caro, ne nimium se



rociat aduersus spiritum. Hinc David: Psal. 119. Bonum est mihi quod humiliasti me. Quandiu igitur in hoc mortali corpore manendum est, opus erit cruce ad compositendam carnis ferociam, ne fructus carnis extinguant spiritum. ALTERVM GENVS eas crucis causas complectitur, quæ extra nos quidem positæ sunt, sed tamen in nostrum bonum cedunt, modo ne sub cruce succumbamus. Est autem hoc externum genus crucis Ecclesiæ quadruplex. NVNC enim diabolus, NVNC membra diaboli, NVNC benignus pater cælestis, NVNC uocationis nostræ difficultas crucis est causa, de quibus sigillatim sed breuissime dicam.

1. Pet. 5. Diabolus circuit ut leo rugiens, quærens quem deuoret, & quam multas calamitates in mundum inuexerit, testatur non solum primorum parentum lapsus, uerum etiam totius orbis tristissima facies. Hic homicidio & mendacio ad euertendum regnum Christi usus est, utitur, & utetur, donec hic mundus steterit. Quod autem usque adeo sæuiat in Ecclesiam, potissimum facit odium, cum aduersus totum genus humanum, tum præcipue aduersus Christum reparatorem generis humani, & eius sponsam Ecclesiam, cuius extremam perniciem perpetuo quærit, ut una secum æternis pænis obnoxia reddatur, utq; dominus rex & pontifex suo honore priuetur. Huius sæui hostis tyrannis non est æqualis in omnibus. Filijs enim contumaciæ pleno imperio imperat, eosque pertrahit tanquam bestias ad omnia flagiciorum genera, id quod non solum ueteres historiae, uerum etiam præsens dies plus satis testatur. At filijs Dei facit quidem negocia, sed ne pilum quidem capitis tollerere



lere potest sine Patris cœlestis uoluntate, id quod historia Iob aperte docet. Quare si hic tuti esse uelimus, militandum est nobis in castris Christi, sub duce nostro, uictore satanæ assumpta *παροπλία* Dei, quam Paulus Christianis militibus ad Ephes. 6. commendat.

MEMBRA diaboli, hoc est, mali homines hostes Dei, se Ecclesiæ Christi opponunt totis uiribus, & non parum afflictionis illi inferunt. Hos in quatuor ordines distinguere licet. IN QUORVM PRIMO sapientes mundi collocantur, qui sophistica Ecclesiam Christi oppugnant. In horum catalogum omnia sectarum genera refero, quales sunt ueteres & noui hæretici, qui sanam doctrinam calumniose deprauant, suo duci diabolo obsequium præstantes. SECUNDVM ordinem obtinent tyranni, in bellum contra Ecclesiam a sophistis producti, hi uiolenta manu Ecclesiam conantur opprimere. Horum quidam aperte Christianos gladio persequuntur, ut Turca, Saraceni ac omnes aliæ prophanæ gentes: quidam Christi nomen se magnificere simulant, interim flumine sanguinis piorum, cursum Euangelij occludere moluntur, quorum post diabolum antesignanus est Papa antichristus. Hic sibi adiungit impios principes mundi, Cardinales, Episcopos, Abbates, Priores, Officiales.

IN TERTIO ORDINE sunt hypocritæ, qui ficta religionis specie non parum nocent Ecclesiæ Christi. Huc religiosorum turba, Monachi, moniales, Canonici, uicarij, sacrificuli recenseantur, quorum plerique sparguntur in plures ordines, quo magis Ecclesiam Christi premant, incitentq; alios ad acriorem pugnam. POSTREMI ordinis sunt prophani homines & flagitiosi,



quos ἀλάστορας καὶ καθάρματα Græci uocant. Horum enim caussa non raro affligitur Ecclesia, quemadmodum multæ historiæ docent. Vnius Achan scelere multi bello conciderunt sub duce Iosua. Facinus Roboam multis fuit exitio. Stuprum uxoris Leuitæ usq; ad internecionem tribum Benjamin adduxit, in qua plurimi pii fuerunt. Nec dubium est quin maxima afflictio Ecclesiæ proficiat scatur inde, quod cum quidam nefandis suis sceleribus commereantur graui supplicia, non tamen puniantur. Refert Sophocles, propter unius Oedipi facinus peste uexatum fuisse Thebanum regnum. Testatur Homerus propter abreptam sacerdotis filiam, magnam græci exercitus partem peste abreptam. Scribit Hesiodus interdum unius ob noxam affligi rempublicam.

INTER EXTERNAS crucis causas TERTIO Loco benignum Patris cælestis amorem proposui, quem diligenter intueri oportet in omni afflictione, hinc enim maxima consolationis copia sub cruce petitur. Quamquam autem consilium Dei hic uarium est, tamen ad duodecim reuocabo causas, quare Deus suam Ecclesiam, quam adeo caram in dilecto habet, cruci subiectam in hoc mundo esse uelit. PRIMA igitur est ipsius Dei iusticia, cum paterna storga coniuncta. Ut enim patris iusti & clementis est, errantes castigare, sic benignissimus Pater cælestis omnem filium quem recipit, castigat. Quare qui sine castigatione perpetuo uersantur, adulterini potius quam germani filij censendi sunt. Ad Ebræos 11. SECUNDA priori coniuncta est, ut tanquam freno nos coerceat, καὶ κατεῦχοι, ne præcipites ruamus in tristes lapsus. Hinc Psal. 31. Psalmista, in chamo

et



*Et freno maxillas illorum constringe, qui non appropinquant ad te.* TERTIA. Vt peccatum in nobis per crucem reprimatur, *Et paulatim uim suam amittat, aboleatur, mortificetur.* Vnde Paulus, Roman. 8. Corpus mortuum est propter peccatum. Et Dauid, Psalm. 38. Propter iniquitates corripis filios hominum. QUARTA. Vt crux sit fidei quædam probatio, *Et ueluti examen,* Ita Iob, Abraham, Ioseph cruce tanquam Lydio lapide probati sunt. QUINTA. Vt crux sit argumentum æternæ uitæ. Deus promisit credentibus bonam, sed ea non consequuntur in hac uita, ergo alia restat, in qua Deus promissa præstabit. Non enim potest mentiri. SEXTA. Vt piorum cruce impenitentes admoneantur de æternis supplicijs, nisi resipiscant. SEPTIMA. Vt conspiciatur diuina præsentia in genere humano, *Et potissimum in Ecclesia,* quod fit dum Ecclesia uidet se diuinitus defendi. Numer. 14. Vt audiant Aegyptij, quod tu Domine sis in hoc populo. OCTAUA. Vt crux nostra sit testimonium ueræ doctrinæ. Huc omnium sanctorum martyria pertinent. Vocantur autem sanctorum confessiones MARTYRIA, quia sunt testimonia confessionis doctrinæ, quam non dubitarunt sanguine suo obstringere. NONA. Vt crux præbeat occasionem diligentius discendæ, intelligendæ *Et meditandæ* de Deo doctrinæ. Psalm. 118. Bonum est mihi quod humiliasti me, ut discerem iustificationes tuas. Esaiæ 28. Vexatio dat intellectum. DECIMA. Vt conformes fiant electi imaginis filij Dei. Roman. 8. Item: Si compatiamur, simul etiam regnabimus. VNDECIMA. Vt timor Dei, fides, inuocatio, humilitas, patientia *Et cætera* uirtutes



excitentur & crescant. DVODECIMA. Vt crux sit occasio amplissimorum præmiorum. Hæ sunt causæ, cur Deus uelit suam Ecclesiam subiectam esse cruce.

CAETERVM quia uidemus hostes Dei interdum grauissime affligi: quæri potest, & scire utile est, discrimen afflictionis piorum & impiorum, Quod sane ex quinque potissimum colligendum puto, nimirum ex causis efficientibus, finalibus, effectibus, tempore, & loco.

CAUSSAE EFFICIENTES προκαταεργει sunt, Afflictionis quidem piorum paternus amor, quo filios suos uirga paterna castigat Pater cælestis: Afflictiones uero impiorum, ira & furor iusti iudicis, qui sceleratos puniunt ut hostes & aduersarios. FINALES CAUSSAE, Deus pios quidem in bonum eorum, impios uero in malum punit nisi resipiscant. Pios enim ut cruce probentur, impios ut dignis supplicijs coërceantur. EFFECTVS, Pij, ut Iob, Dominum benedicunt in cruce, impij fremunt aduersus Deum & tristantur: Pij erudiuntur, impij confunduntur: Pij probantur, impij perturbantur: Pij patientia sub cruce discunt & inuocant, impij impatientia uicti desperant. TEMPVS, pij ad breue tempus, ut postea cum capite Christo glorificentur: impij perpetuo malo inuoluuntur, quorum præsens afflictio præludium est afflictionis eorum æternum duraturæ. LOCVS, Pij in hoc mundo tantum erudiuntur, impiorum ignis nunquam exstinguitur. Hic enim conscientia cruciantur mala, illic æterna ira Dei obruti, perpetua & nunquam finienda luent supplicia. Hoc de discrimine crucis piorum, & supplicij impiorum tenere admodum utile est.

PORRO

PORRO ta  
pijs sit feren  
nonnihil  
sub cruce  
omnium re  
placitij, ut  
plus iuxta ca  
merum uiuat.  
si uenit ex a  
pijs, de qua re  
tenet præluce  
merito & in  
iam mali ob  
pijs, ut cum  
pius de manu  
QUARTO, pr  
ri pharmaco  
philitiam, per  
neciam, et  
proposito salutis  
tes eum, præfer  
mendum, modo  
QUANTO  
respeti possunt:  
PRIMVS. Vid  
sit publica au  
non. Si no  
uberis te bon  
militar olim su  
tantia age cum



PORRO tametsi ex dictis intelligi potest, quo animo pijs sit ferenda crux, et unde consolationem capiant, tamen nonnihil de ea re huc adijciam. **PII HOMINIS** animus sub cruce in hunc modum erit compositus: **PRIMUM** omnium renunciabit ueteri homini, & eius concupiscentijs, ut tanquam noua creatura in Christo, non amplius iuxta carnis, sed iuxta spiritus & noui hominis imperium uiuat. Hæc renunciatio carnis seu abnegatio sui oritur ex duplici cognitione, Nempe Dei & sui ipsius, de qua re supra dictum est. **SECUNDO**, fides uera præluce debet in omnibus ærumnis, quæ nititur merito & intercessionem Christi. **TERTIO**, quicquid iam mali obuenerit, accipies tanquam ex manu optimi patris, ut cum Iob dicere possis: cap. 2. Si bona suscepimus de manu Dei, mala autem cur non sustineamus? **QUARTO**, præsentem cruce uti debes, tanquam auxiliari pharmaco contra omnes animi morbos, superbiam, philautiam, petulantiam carnis. **QUINTO**, crux erit incitamentum ac ueluti calcar ad strenue currendum, in proposito salutis stadio ut ardentius inuoces Deum, prædices eum, præsertim cum scias, te olim cum Christo coronandum, modo cum eo patiaris in hac uita.

**QUANQVAM** autem hinc amplissimæ consolationes peti possunt: tamē consolationis locos octo recitabo. **PRIMVS**. Videndum primum, an causa præsentis crucis sit publica aut priuata. Deinde, an tuo singulari culpa, an non. Si non tua singulari culpa accidit crux; consolaberis te bona conscientia & exemplis sanctorum, qui similiter olim sunt afflicti. At si tua culpa affligeris, penitentiā age cum latrone, ut tua crux sacrificiū fiat Deo gratum.



gratum. **SECUNDVS.** Consideratio finium confilia Dei, quos supra recitavi. **TERTIVS.** Cogitatio exemplorum Domini, atq; adeo omnium piorum, qui ante nos uixerunt, quorum plurimi recitantur ad Ebræos 11. **QUARTVS.** Neceſſitas obædientiæ debitæ Deo, qua nullum sacrificium gratius eſſe poteſt. **QVINTVS.** Præſentia Dei. Ego tecum ſum in tribulatione. **PSAL. 91.** **SEXTVS.** Promiſſio liberationis & mitigationis pœnarum & auxilij, quæ promiſſio uerbis propoſita, infinitis confirmatur exemplis. Clamauerunt patres noſtri & audiſti eos, &c. **SEPTIMVS.** Collatio præſentum ærumnarum cum futura gloria, **ROM. 8.** **OCTAVVS.** Dignitas. Nam hac ratione olim gloriſicandi filij Dei declarantur conformes imaginis Filij unigeniti.

## CAPVT XIX.

## MORTIFICATIO.

**H**IC locus uicinus eſt ſuperiori. Eſt enim **MORTIFICATIO** opus, quo caro noſtra mortificatur, ut totus homo ſe imperio ſpiritus ſubmittat. Huius tria genera docendi gratia conſtituamus: Eſt enim mortificatio quædam præcepta, alia libera, alia ſuperſtitioſa.

**MORTIFICATIO** præcepta, eſt communio & ſocietas mortis Chriſti per crucem. Et eſt duplex: **INTERIOR**, quam Scriptura alias crucifixionem ueteris hominis uocat, de qua Paulus ad Roman. 6. Vetus noſter homo



homo simul crucifixus est. Item : Si mortui sumus cum Christo, credimus quod & uiuemus cum eo. Hæc mortificatio in abnegatione tui consistit, nimirum ut uera contritione, ex agnitione peccati orta, renuncies carni & concupiscentiæ eius, ne amplius iuxta carnis, sed iuxta spiritus imperium uiuas. Hanc Dominus commendat omnibus uolentibus se sequi. Lucæ 9. Si quis uult post me uenire, abneget seipsum, & tollat crucem suam quotidie, & sequatur. Item Mar. 8. Siquis uult post me uenire, abneget semetipsum, et tollat crucem suā. **EXT**  
**R**IOR, duo complectitur, nempe patientiam sub cruce, & temperantiam. **PATIENTIA** sub cruce est obædientia, qua submittimus nos Deo, & ab eo expectamus liberationem a præsentibus ærumnis. Hæc in Scriptura **MORTIFICATIO EXTERNI** hominis dicitur, quæ multis tum testimonijs Scripturæ, tum exemplis nobis commendatur. Ad Galat. 6. Patientia inter fructus spiritus recensetur. 2. Timoth. 2. Tu igitur feres afflictionem, ut bonus miles Christi. Ad Ebræos 6. Ne sitis imbecilles, sed imitatores eorum qui per fidem ac patientiam hæreditatem acceperunt promissionum. Psal. 9. Patientia pauperum non peribit in finem. Exempla patientiæ plurima scriptura habet, ut Noë, Abraham, Isaac, Iacob, Ioseph, Dauidis. Sed inter omnia exempla summum ex patientia filij Dei, qui se tantis miserijs subiecit pro humano genere, ut mortem crucis etiam adierit, quo in se credentes ab æterna morte liberaret. **TEMPERANTIA** seruat modum in cibo & potu, alijsq; rebus, ne crapula & ebrietate grauati spiritus imperium excutiamus. Huc dictum Domini pertinet, Lucæ 21.  
**Astendit**



Attendite vobis ne grauentur corda uestra crapula & ebrietate &c. Atque hactenus de mortificatione præcepta.

MORTIFICATIO LIBERA est sponte susceptum exercitium, ut labor, ieiunium, & alia huiusmodi, quibus ferocia carnis domatur. Quæ non eo referenda sunt, ut sint cultus Dei, sed ut sint ueluti frenum iniectum carni, ne lasciuia contra spiritum. In hoc mortificationis genere tria obseruentur. PRIMVM, ut genus facti sub præceptum cadat, tametsi circumstantiæ speciei sint libera. SECUNDO, ne ista exercitia destruant corpus, & ualitudinem lædant. TERTIO, ne paulatim finis superstitiosus attexatur, quemadmodum in multis exercitijs factum est, quæ posteritas a sanctis patribus acceperat.

MORTIFICATIO SUPERSTITIOSA est exercitium seu opus non mandatum a Deo, quo frenatur quidem caro, sed finis est impius & superstitiosus, nimirum ut tale electitium opus sit cultus Dei, ac meritorium apud Deum. Huius generis sunt statura Papistarum ieiunia, preces ad certam mensuram, χαρισμια, iudicia expilis, flagellationes, uigiliæ, processiones in longinquas terras religionis gratia, & huiusmodi plurimæ nugæ, Quæ una hac Christi sententia euertuntur ac damnantur, Marci 7. Frustra me colunt, docentes doctrinas & mandata hominum.

FINIS TERTIÆ CLASSIS.

EXPLI



352

# EXPLICATIO

## TIO CAPITVM

### QUARTAE CLASSIS.

#### CAPVT PRIMVM.

### MAGISTRATVS.



DE MAGISTRATV CIVILI dicturi quinq; constituamus membra. PRIMVM, unde & quid sit magistratus. SECUNDVM, quæ conditiones legitimi magistratus esse debeant. TERTIVM, quod officium, quiq; fines sint administratio-

nis politicæ. QVARTVM, quale nam magistratus ius existat in subditos subditorumq; bona. POSTREMV M, quid magistratui debeant subditi: His enim quinque explicatis, quid de politica administratione sentiendum sit, planissime intelligi existimo.

PRIMVM itaq; membrũ Paulus ad Rom. 13. clare explicat. Docet enim magistratum a Deo esse. Non enim (inquit) est potestas, nisi a Deo. Quæ uero sunt potestates, a Deo sunt ordinatæ. Quod quidem de iure imperij intelligendum est, non de confusione, quæ sæpe in imperijs propter scelera hominum cernitur. Dum itaq; boni  
magis



magistratus præsunt, Deum ueluti nobis propinquum cernimus, & nobis eorum, quos constituit, manu imperantem. Contra cum impij magistratus præsunt, impietas quidem a diabolo & praua imperantis uoluntate est, sed Deus iratus laxat frena tyrannis & impijs, ut ita in gratitudinem hominum ulciscatur. Habes unde sit magistratus: QUID autem SIT, idem Paulus definit, nempe, quod sit ordinatio Dei, subditis in bonum, dum uindictantur boni, & puniuntur mali corporalibus poenis seu gladio. Idem sentit Aristoteles cum definit magistratum custodem legis esse, quod quidem uerum est, quantum ad externam disciplinam attinet.

CONDITIONES boni magistratus (hoc enim est secundum partitionis nostræ membrum) Exod. 12. quas tuor recensentur, nimirum ut sit sapiens, timens Dei, uerax ac minime auarus, quas conditiones memoriæ gratia hoc uersiculo complecti soleo.

Iudex esto pius, sapiens, uerax, misidorus.

PIETAS facit ut Deum respiciat in omnibus causis, caueatq; ne quid committat, quo illum offendat. SAPIENTIA gubernat actiones, ne in administratione per errorem peccet ac peruertat iudicium. VERITAS efficit, ne falsas legum interpretationes ac sycophantias admittat. ODIVM AVARICIAE sinceritatem in iudicando conseruat. Vbi enim nummarij iudices sunt, actum est de æquitate. Nam si personæ acceptio, corruptio est iudicij, ut nullus sit æquitati locus, profecto auaricia efficit, ut iudex potius personam, quam causam intueatur. Quisquis igitur magistratu fungens precio ducitur, æquum & bonum perspicere non potest. Munere enim



enim excæcantur oculi sapientum, et peruertuntur uerba iustorum. Hinc est quod auari iudices furum socij ab Esaia dicuntur capite 1.

OFFICIUM MAGISTRATVS, de quo tertio loco proposui, cum scripturæ testimonijs, tum illustribus exemplis demonstratur, quod quidem in genere est, Ut sit custos legis, quod cum sit exemplo Dauidis, Iosia, Ezechia, Theodosij & aliorum, primum tollit idololatricam, & occasiones idololatriæ. Ut, Ezechias æneum serpentem comminuit: Iosias templum purgauit a uarijs idolis: Moses uitulum confregit: Dauid exhortationibus populum ad uerum cultum Deo præstandum adduxit: Nam si magistratus a Deo ordinatus est, ut sit minister Dei homini in bonum, debet utiq; quæ homini noxia uidet, pro uiribus amoliri, ne reipublicæ bonum & ciuium salus impediatur. Deinde curabit magistratus exemplo Iosia, ut uera religio proponatur, conseruetur ac propagetur, impijs doctrinis abolitis. Quamquam autem distincta sunt officia magistratus ciuilis & ministerium uerbi, tamen in hoc conuenire possunt & debent, ut gloriam Dei et salutem generis humani simul quærant, sed seruata utriusq; legitima ratione, hoc est, ut magistratus ciuilis edicto & gladio, Minister uero uerbi, doctrina, exhortatione, obiurgatione & comminatione impietatem tollere, & gloriam Dei quærere conentur. Præterea quia religio sine docentibus & discipulis conseruari non potest, magistratus officium est scholas erigere, stipendijs conseruare, ut docentes & discipuli pietatis studijs incumbere possint. Ad hæc Ezechia & regis Ninia exempla commonefaciant magistratum,



stratum, ut uel præsentem uel imminentem iram Dei solennibus ad Deum precibus, uerag; ad Dominum conuersione auertere studeant. Atq; hæc quidem ad eam partem legis referenda sunt, quæ religionem potissimum spectat. Quantum tamen ad externum politicum statum attinet, idem officium est magistratus boni in sua republica, quod est honesti patrisfamilias in sua domo, nimirum ut quemadmodum pater liberos disciplina regit; castigat contumaces, bonos honore afficit, largitur præmia, breuiter in hoc totus incumbit, ut sua familia quam optime constituta uideatur: sic magistratus in tota republica facere debet, ut uere de illo dici possit quod Theseus apud Euripidem bono magistratui tribuit, cum inquit, *ὁ εὐχέτης βροτοῖσι καὶ μέγας φίλος*, hoc est, sit beneficus erga homines & magnus amicus. Hinc est, quod reges apud Homerum dicuntur patres. Hinc in Genesi regia appellatio est Abimelech, quod sonat pater mi rex. Proinde regia potestas a paterno affectu separari non debet: uerum ut ad numeros reuocem magistratus officia, sit eius PRIMVM officium studium pacis, ut in tranquillitate Deum colamus, abolitis superstitionibus, quæ ueram religionem corrumpunt. SECUNDVM, curet ut singuli sua officia recte faciant quod fieri non potest, nisi ubi legum manet autoritas & executio. Leges enim ferre, quas executio non sequitur, rerum publicarum perniciēs est. Quare ut honestas leges magistratui ferre licet, ita caueat oportet, ne in contemptum ueniant, quod fit si non sequatur executio. TERTIVM est, ut puniat fontes, & insontes tueatur, iuxta legum præscriptum & prudentem moderationem, Vnde hostes patriæ pio magistratui armis



armis arcere licet, id quod etiam plurima exempla piorum Iudicum et Regum testantur. Ex his fines magistratus facile est colligere, quod sit propter Deum, Ecclesiam, ac rerum publicarum incolumitatem constitutus. Quare recte dicitur, gubernationem, religionem & propriam domum, principi curæ esse debere.

SEQUITUR quartum membrum, quale nam sit ius magistratus in subditos & subditorum bona. Xenophon præclare in primo de institutione Cyri dicit: *μετ' ὧν ἡ ψυχὴ ἄλλ' ὁ νόμος ἐστὶ*, hoc est, Regula non affectus, sed lex esse debet. Vnde sequitur tantum iuris magistratum habere in subditos, quantum leges consentientes decalogo & legi naturæ permittunt. Habet igitur ius iuxta quartum præceptum imperare subditis ne cessaria officia, cum ad publicam incolumitatem, tum ad singulorum commoda facienda. Potest ad bella uocare ubi res postulat, & alias operas necessarias iniungere. Verum quantum ad bona subditorum attinet, sciat magistratus se ius habere in ea, non quantum ad occupatibnem seu possessionem, sed quantum ad defensionem attinet. Quod confirmatur historia de impio Achab, qui a Deo punitus est propterea quod occupauerit per uiolentiam uineam Naboth. Sunt igitur distinctæ possessiones magistratus, & subditorum, quæ ex æquo tueri debet bonus magistratus. Deinde habet magistratus ius exigendi tributa, quorum fines tres facit Cicero pro lege Manilia, nimirum ut sint ornamenta pacis, subsidia belli, nerui reipub. Hos fines quando considerat magistratus, facile intelliget, quando ordinarijs tributis contentus esse debeat, & quando extraordinaria petere liceat. Sæpe



enim accidit, ut propter maiora pericula deuitanda, propter hostes patriæ abigendos & depellendos, & huiusmodi alia, extraordinaria & inconsueta onera maioribus tributis indigeat magistratus. Verum caueat magistratus, ne tributa petantur, ut priuatæ libidinis aut luxuriæ instrumenta sint.

RESTAT QVOD POSTREMO loco proposui, de officio subditorum erga magistratum, quod quidem ad quatuor capita reuocari posse existimo, ut PRIMVM sit iuxta quartum præceptum, honorare magistratum, hoc est, suspicere & reuereri ipsum tanquam ministrum & legatum Dei, ita ut ipsum honores, timeas, ac candide de ipso iudices, errata in meliorem partem accipias, non cum uulgo magistratui detrahas. Nam id seuerè prohibetur, uerbo Dei Exodi 22. Principi populi tui ne maledicas. Maledictionis autem uoce omnes calumniæ & detractationes intelliguntur. Thucyd. dicit: τὸ πᾶσι βλάψαι τοὺς ἀρχαίους, quod quidem in ijs qui uerbo regi nolunt longe uerissimum est: sed qui timet Deum, ordinationem Dei amandam nouit. SECvNDVM, edictis parere, cum in tributis dandis, tum in alijs quoq; rebus, quatenus per religionem & legem naturæ liceat ad Tit. 3. Admoneto illos, ut principatibus & potestatibus subditi sint, ut magistratibus pareant, ut ad omne opus bonum sint parati. TERTIVM, orare pro magistratu. Adhortare inquit Paulus, ut ante omnia fiant deprecationes, obsecrationes, interpellationes, gratiarum actiones pro omnibus hominibus, pro regibus & omnibus in eminentia constitutis, ut placidam & quietam uitam degamus, cum omni pietate & honestate. Quartum,



QVARTVM, non irrumpere in partes magistratus, sed magistratui cognitionem deferre, si quid ad Reipub. salutem pertinere uideatur.

### TESTIMONIA DE MAGISTRATV.

Matthæi 22. Reddite quæ sunt Cæsaris Cæsari.

Roma. 13. Omnis anima potestatibus supereminentibus subdita sit, non est enim potestas, nisi a DEO.

Ad Titum 3. Hortare ut principibus & potestatibus subditi sint.

2. Pet. 2. Subditi estote omnes cuius humanæ creaturæ propter Dominum, siue regi tanquam præcellenti, siue præsidibus, ut qui ab eo mittantur, ad uindictam quidem nocentium, laudem uero recte agentium, quoniam sic est uoluntas Dei.

Ibidem: Regem honorate.

Romanorum 13. Cui tributum, tributum: cui uestigal, uestigal, &c.

### SECVNDVM CAPVT.

## LEGES.

LEGVM ciuiliū magnæ sunt laudes. Demosthenes ita inquit ὁ νόμος τῆς πόλεως ἐστὶ ψυχὴ. ὥστε γὰρ τὸ σῶμα σκετθὲν ψυχῆς πίπτει: ἔτι καὶ πόλις μὴ ὄντων νόμων καταλύει, hoc est, Lex ciuitatis anima est. Vt enim corpus anima priuatum cadit, ita ciuitas remotis legibus



bus euertitur. Et Cicero: Vt corpora nostra sine mente, sic ciuitas sine lege, suis partibus, ut neruis, sanguine & membris uti potest. Vt autem sciatur qualibus legibus utendum sit, duo in legibus obseruanda sunt, Ratio & Auctoritas. RATIO pendebit partim ex lege naturæ, quæ in Ethicis libris et Iurisprudencia explicatur: partim ex lege Dei, cuius epitome est Decalogus, cum quibus si lex pugnat, ratione obligatoria caret, Nam tum locum habet dictum Socratis apud Platonem: ἐγὼ ὑμᾶς, ὦ ἄνδρες ἀθηναῖοι, ἀπαγορεύω μὴ καὶ φιλῶ, πείθομαι τῷ θεῷ μάλλον, ἢ ὑμῖν. hoc est, Ego uos, o uiri Athenienses (Iudices alloquitur) complector quidem et amo, at Deo potius quam uobis obtemperabo. Et illud Antigonæ apud Sophoclem: Magis obtemperandum est dijs, apud quos diutius manendum erit, quam hominibus, cum quibus admodum breui tempore uiuendum est. Quibus dictis accedit responsum Petri in Actis capite 5. Oportet Deo magis obædire quam hominibus. Cum igitur uel demonstratione, uel probabili ratione colligitur lex politica, ex lege naturali aut decalogo, obligat ratione subditos: cum quibus si pugnat, nequaquam obligatoria est. AUCTORITAS legis similiter in duobus consistit, nimirum ut sit a LEGITIMO magistratu lata, ac PUBLICO consensu approbata. Hæc duo si una cum ratione lex habuerit, obtemperandum est illi, PRIMUM propter mandatum Dei, qui uult ut magistratui obtemperemus. SECUNDO, ut nostra obædientia testemur nos subditos esse, ac amantes ordinationis diuinæ. TERTIO, propter proprium commodum, quod non solum in præmijs consequendis aut pænis uitandis positum est, uerum etiam

iam



iam in conscientia, quæ uastatur inobædientia aduersus legitimum magistratum. Legitimum dico, ne quis se obnoxium putet Papalibus legibus, aut legibus aliarum rerum publicarum quarum ciues non sumus.

HIC QVAESTIO explicanda est de legis rigore *ἡ ἐπιεικεία* de qua re sic sentiendum iudico. Iudex in tria respicere debet, in legem, fontem *ἡ* populum. Quantum quidem ad LEGEM attinet, cauendum est ne indulgentia intempestiua legis autoritas minuatur, eleuetur *ἡ* uilescat. DEINDE uidendum quæ sit legis extrema uoluntas, quæ sane non uult perniciem ciuium, sed emendationem cum conuersatione totius corporis reipub. Ut fur omnis iuxta rigorem legis Danicæ suspendendus est, at legis extrema uoluntas uidetur, ut coërceatur petulantia hominum malignorum, qui res alienas rapiunt, unde sequitur rerum publicarum uastitas. Quare si quis paupertate extrema coactus, non alioqui nequitiosus, panem aut pecuniam mediocrem furetur, non est legis uoluntas ut talis suspendatur, sed ut mitiori pœna castigatus seruetur, ita tamen si exemplum non uideatur, nociturum reipublicæ. Melius enim est (ut inquit Bernardus) ut pereat unus, quam unitas. Quantum ad reum attinet, considerandum est, qualis sit ipse, qualeq; delictum perpetratum, unde Iudex æstimabit an mitior pœna sufficiat. Hoc iudicium petendum est ex ante acta uita. In populo duo cauenda sunt, PRIMVM ne lenitatis exemplum pariat peccato patrocinium. DEINDE ne cum damno *ἡ* periculo reipublicæ parcatur reis. Ex hoc fundamento sequens regula colligitur. QUANDO legis uoluntas admittit *ἡ ἐπιεικεία*, *ἡ*



reus emendari sine duriori pœna potest, ac populus non redditur deterior exemplo, potest magistratus clementiore sententia uti, & reo supplici emendationis spe parcere.

CAETERVM una adhuc quæstio hoc loco nobis de terminatione digna uidetur, hæc uidelicet: An liceat Christiano magistratui quicquam permittere in sua republica, quod expresse uerbo Dei prohibitum est? Ad hanc quæstionem ita respondendum iudico: Quædam prohiberi possunt & tolli simul: quædam prohiberi quidem, sed tolli in uniuersum non possunt. Illa nisi aboleat magistratus legibus & pœnis, grauissimo obstringitur reatu, ut qui non solum fert peccata grassari in sua republica, uerumetiam alienis peccatis communicat & inuoluitur: hæc quia penitus aboleri & extirpari non possunt, minuat quantum potest, imiteturque medicos peccatos. Nam ut ipsi arte sæpe malum quod tolli in totum nequit coërcent, ne in uniuersum corpus serpat contagio: ita & ipse conetur certos limites præfigere, extra quos si quis peccare depræbenditur, puniatur seuerè, ne malum maiores uiresumat, ac in infinitum serpat. Hoc licere magistratui ratione firma et probato exëplo, quod uim regulæ habet, confirmatur. Magistratus officium est omnia externa ita in ordinem redigere, ut cedant in gloriam Dei & reipub. tranquillitatem. Quare qui impedit grassantia mala, quantum potest, & qui ea coërcet intra certos limites, quæ omnino tolli nequeunt, pie et sanctè facere est censendus. Exemplum illustre est Moyses, qui statuit, uxore non dimittendam esse ob quamlibet causam, nisi dato libello repudij. Nam cum Moyses uideret

tantam



tantam esse duriciam cordium istius populi, ut non possent in uniuersum diuortia illegitima prohiberi, ne malum nimium serperet, prudenti consilio statuit, ne quis uxorem dimitteret, nisi dato libello repudij, quæ res istorum leuitatem nonnihil coercuit. Sic quoque de usura statuerunt olim Imperatores, & principes pij possunt hodie usuræ certos limites statuere. Postquam enim uident, malum usuræ altius egisse radices, quam ut possit sine magno incommodo & turbatione tolli, hoc requirit eorum officium, ut certis limitibus claudatur usurarius contractus, ne immodica usura pauperes premantur, & tandem sequantur grauiora mala. Cum itaque que parcunt ijs, qui mitiori usura contenti sunt, & eos puniunt qui terminos usuræ permissæ transgrediuntur, pie & sancte faciunt. Interim tamen caueant diligenter, ne suis permissionibus uideantur approbare, quod Deus improbat. HÆC cum ita sint, iudico recte & pie a Rege & Senatu nostro factum, quod petulantiam usurariorum intra certos limites incluserint.

VERVM ne nimium sibi permittat magistratus, tenendum est discrimen peccatorum. ALIA sunt peccata sua natura, ALIA peccati rationem ex adiuncto sumunt. PECCATA quæ talia sunt sua natura, ut idololatria, blasphemia, homicidium, furtum, adulteriũ, falsum testimonium, nullo pacto sunt permittenda, imo seuerè pœnis coercenda sunt a magistratu, qui rite suo officio fungi uelit. PECCATA autem quæ peccati rationem ex adiuncto sumunt, in quorum numero est usura, si penitus tolli nequeunt, permitti possunt, sed prudentia singulari adhibita, ne magistratus ea approbare uideatur.



tur. Non enim per se peccatum est dare mutuo pecuniam iuxta pactiorem interpositam, sed ex adiuncto peccati rationem sortitur, nimirum ex eo, quod & animus usurarii avarus sit & idololatra, & proximus grauetur contra dilectionis præceptum. Atq; hæc causa assignatur plerumq; in Scriptura, quando prohibetur usura. Verum si hæc abesse possent ab usura, usurarius contraetus haud improbari deberet. Nam si sua natura peccatum esset huiusmodi contractus, nequaquam suo populo permisisset Dominus usuras capere ab alienis. Deut. 23. Neque recte contra hæc obijci possunt spolia Aegyptiorum, cum ea fuerint stipendia pro durissimis laboribus, quæ cum negarent Aegyptij, Dominus, ut supremus iudex, ea mutuo accepta ab Aegyptijs, auferri præcepit. SED de usura quid sit sentiendum propter adiunctum malum, infra capite sexto ostendam.

#### TESTIMONIA DE LEGIBVS.

OMNIA testimonia Scripturæ de magistratu, simul & leges non pugnantes cum lege naturæ, & legitima iudicia confirmant.

Prouerb. 29. Qui custodit legem, beatus est.

Esaia 10. Væ qui condunt leges iniquas, scribes iniusticiam, ut opprimant pauperem in iudicio.

Roman. 2. Cum gentes, quæ legem non habent, naturaliter ea, quæ legis sunt, faciunt, eiusmodi legem non habentes, ipsi sibi sunt lex, qui ostendunt opus legis scriptum in cordibus suis.

CAPVT



I V D I C I A .

**C**VM magistratus, ordinatio Dei dicatur a Paulo, non dubium est, quin IVDICIA a Deo approbentur, sine quibus inutilis esset magistratus, & leges irritæ. Vt autem pius animus recte de iudicijs politicis institui possit, primum obseruandum est, duplex esse iudicium, publicum & priuatum. PVBLCVM quidem extra nostram est potestatem, quare ex nostro arbitrio minime pendet: PRIVATVM est, cum propter priuata neq̃cia seu iniurias nobis factas, petitur iudicis sententia.

SED hic oboritur ualde obscura quæstio. Paulus uult, ut pij potius iniuriam sustineant. Dominus dicit, Lucæ 21. In patientia possidebitis animas uestras, Et sæpe Scriptura hortatur, ut condonemus quoties in nos peccauerit aliquis, ut uincamus in bono malum &c. Item, ne malum pro malo cuipiam reddamus. Ex his uidetur consequi, quod accusare quenquam, ob factam nobis iniuriam, non liceat. Ad quod sic respondendum iudico. Inter rem ipsam & accidens distinguere oportet. Accusare quidem, per se non est uiciosum. Paulus enim Christianis permittit arbitros & iudicia: nec Euangelium abolet politicam ordinationem. At affectus adhærentes ut plurimum uiciosi sunt, ut intemperantia, ulciscendi libido, inimicitia, pertinacia ac similes. Si igitur Christianus prosequi suum ius absque offensa Dei uelit, cauere in primis debet, ne quam ultionis animi cupiditatem: ne quem prauum animi motum, ut iracundiam: nec ullum denique uenenum in forum afferat.

Huius



Huius rei CARITAS optima erit moderatrix. Tametsi autem rarum est boni litigatoris exemplū, tamen rem ipsam per se non esse malam, sed uiciari abusu, scire utilissimum est, idq; propter quatuor. PRIMVM, ne uideatur Deus frustra instituisse iudicia. DEINDE, ut sciant pii, quantum sibi liceat, ne mala conscientia quicquam suscipiant. TERTIO, ut admoncantur, ne remedium sibi a Domino permissum proprio uicio contaminent. POSTREMO, ut improborū audacia coërceatur puro sinceroq; zelo. Atq; hæc de iudicijs dicta sufficiant.

#### TESTIMONIA DE IUDICIIS.

Leuit. 19. Non facies quod iniquum est, nec iniuste iudicabis.

Ioan. 7. Nolite iudicare secundum faciem, sed iustum iudicium iudicate.

Actor. 25. Ad tribunal Cæsaris sto, ibi oportet me iudicari.

Deuteron. 16. Iudices & magistratus constituas in omnibus portis.

Leuit. 19. Nolite aliquid facere iniquum in iudicio.

Prouerb. 17. Qui iustificat impium, & condemnat iustum, uterq; abominatio est Domino.

Deuteron. 27. Maledictus, qui peruertit iudicium aduenæ, pupilli & uiduæ.

#### CAPVT QVARTVM.

### VINDICTA.

VINDI

VIND  
Esiq;  
est, quæ ex  
sequente, bon  
moderatio. E  
ac plurima ex  
iudicia publi  
inquiritur tran  
liron finis est  
dum datum de  
dex ad iram.  
cognitiones  
maces fremen  
dicta ex amor  
mirum, ut r  
sint cautiore  
tranquilla  
PRIVA  
ciscens, tende  
Atq; hæc dup  
sona: QVARE  
sciam, Viraq;  
malum pro m  
ne resistatis n  
uos. Deuter  
eis tempore o  
TEST  
Leuit. 19.  
iura ciuium



**V**INDICTA ultio est, qua qui offendit punitur. Estq; duplex, publica & priuata. **PUBLICA** est, quæ exercetur a publica persona, legum præscriptū sequente, bono fine, absq; odio personæ in quam fit animaduersio. Hanc esse licitam, uerbum Dei, lex naturæ, ac plurima exempla in Scripturis ostendunt. Nam sine uindicta publica nulla remanet legum autoritas, nulla relinquitur tranquillitas ab improbis, nullus denique malorum finis esse poterit. Quare Paulus magistratui gladium datum docet, ut sit timori malis operibus, & uindex ad iram. Ad hanc publicam uindictam referantur castigationes æconomicae & scholasticae, quibus contumaces frenantur & retinentur in officio. Sed hæc uindicta ex amore iusticiæ proficiscetur in bonum finem, nisi mirum, ut reus emendetur, & alij admoneantur, quo sint cautiore, ut contumacia & rebellio minuatur, ut tranquillæ politiæ & æconomia sint.

**PRIVATA** uindicta est ultio ex affectu malo proficiscens, tendens in malum eius, de quo petitur uindicta. Atq; hæc duplex est, **QVAEDAM** enim a priuata persona: **QVAEDAM** a publica exercetur, sed priuato affectu, Vtraq; Christianis prohibita est. Rom. 12. Nulli malum pro malo reddentes. Matth. 5. Ego autem dico, ne resistatis malo. Ibidem: Benefacite ijs qui oderunt uos. Deuteron. 32. Mea est ultio, & ego retribuam eis tempore oportuno, ut labatur pes eorum.

## TESTIMONIA DE VINDICTA.

Leuit. 19. Ne quæras ultionem, nec memor eris iniuriæ ciuium tuorum.

Proverb.



Proverb. 24. Ne dicas, quomodo fecit mihi, sic faciam ei: & reddam unicuique secundum opus suum.

Ecclesiastici 28. Qui uindicare uult a Domino, inueniet uindictam.

## CAPVT QVINTVM.

## ZELVS.

**V**ocabulum ZELVS παρὰ τὸ ζέειν a feruendo dictum. INTERDVM PRO PARTE tantum suæ significationis accipitur, ut cum uel amorem, uel indignationem, uel inuidiam, uel studium, uel uehementiam, uel exemplum, uel impetum Spiritus sancti, uel uindictam significat, quemadmodum peristasis loci in quo ponitur requirere uidetur: INTERDVM PROPRIE accipitur, ut est affectus mistus de qua nonnulla dicam. Græca definitio qua zelus definitur esse διεγερσις ψυχῆς εἰς καλὰ πρὸς παράδειγμα ὁρώσης, hoc est, Excitatio animi ad honesta, ad exemplar aspicientis, non est plena, non enim continet omnia zeli genera. Quare aliam colligam. In affectuum animi definitionibus tria concurrere oportet, MOTVM ANIMI, OBIECTVM, & FINEM, ut: Misericordia est motus animi dolentis ob alterius malum, & manus auxiliatrices porrigentis, ut a malo quo premitur liberetur afflicti. Ista tria in definitione zeli etiam concurrere oportet. Sed quia zelus est mistus affectus, singula istorum trium geminari oportet, ut sit duplex motus cordis, duplex obiectum, duplex finis. MOTVS zeli sunt, amor

amor & in  
ca. & ingra  
tū defensio  
fundamentis  
us est affect  
ferens alteri  
ma tribui cup  
inatur qui de  
ur. Hinc de  
lico. Nam ed  
facere uidetur  
uiciofus zel

ZELVS  
bolicus.

ZELVS  
entiam, alter  
SCIENTIA  
ci, Roman. u  
tur Galat. 1. A  
habet cau Jam  
luntatis Dei,  
am. Hinc in  
paganda, &  
Dei hostes, su  
tur, utq; host  
entiam e me  
SCIENTIA  
uiciam, un



amor & indignatio: OBJECTA, res grata seu amica, & ingrata seu inimica: FINES, grati quidem obiecti defensio & fructio, ingrati uero exclusio. Ex his fundamentis hanc definitionem zeli extruamus. ZELVS est affectus, ex amore & indignatione natus, non ferens alteri tribui, quod quis sibiipso uel alicui quem amat tribui cupit, ut res armata quidem recte habeat, eaq; fruatur qui debet & alienus ex eius fruiione excludatur. Hanc definitionem plenam & perspicuam esse iudico. Nam ea continet quæ ad ipsius plenam rationem facere uidentur. Nunc aliquot eius diuisiones subiiciam, ut uiciosus zelus a recto & laudabili discerni queat.

## PRIMA DIVISIO.

ZELVS alius est diuinus, alius humanus, alius diabolicus.

ZELVS DIVINVS duplex est, unus præter scientiam, alter cum scientia. Zelus diuinus PRAETER SCIENTIAM est, qualem Paulus in Iudæis fuisse dicit, Roman. 10. Talis etiam in ipso Paulo erat, ut habetur Galat. 1. Actorum 8. 9. Hic zelus erroneus est, & habet causam antegressam, inscitiam ueri intellectus uoluntatis Dei, & opinionem ueri intellectus, sed erroneam. Hinc inflammatur animus amore gloriæ Dei propagandæ, & indignatione aduersus eos, quos putat Dei hostes, sed falso, eoq; tendit totius, ut Deus glorificetur, utq; hostes quos ita falso iudicat impediuntur, aut etiam e medio tollantur. ZELVS diuinus CUM SCIENTIA habet causam antegressam, ueram Dei noticiam, inflammatur amore uerbi Dei propagandi, &



Et odio earum rerum quæ cursui uerbi impedimento esse uidentur, hic quoque est duplex, nempe, Tempestiuus & Intempestiuus. TEMPESTIIVS, qualis in Mose, Phenie, Elia & Christo exarsit. Tabescere (inquit Psal. 119.) me fecit zelus domus tuæ, quoniam inimici mei obliti sunt uerborum tuorum. INTEMPESTIIVS & incautus, quando non seruatur temporis oportunitas: talis Audæ Episcopi Perfici fuit, de quo Theodorus lib. 5. & Eusebius lib. 10. cap. 3. Talis quoque quorundam martyrum, ut Cointi & aliorum, de quibus Eusebius lib. 4. cap. 15. qui nullo urgente se hostibus puniendos tradiderunt.

HUMANVS ZELVS est etiam duplex. VNUS OFFICII, ut parentis in sua æconomia, principis in regno, præceptoris in schola, concionatoris in templo. Hic zelus facit, ne quis sit negligens aut remissus in officio. ALTER CONTRA OFFICIUM, ut Medæ furor, quo excitabatur ad dilacerandum infantem: Nero nis similiter ad perdendum regnum, qui (ut refert Suetonius in uitis Cæsarum) solitus est dicere, ἐμὲ δαυόν τε καὶ γῆνα μίγειν πύρι, me misceatur igne terra mortuo.

DIABOLICVS ZELVS est Iudæorum, Turcarum, Papistarum, Anabaptistarum, qui rapiuntur & instigantur a Satanæ spiritu ad opprimendam ueritatem Dei. Sed uiuit ille ἀψυδής, qui dixit: Portæ inferorum non præualebunt aduersus eam.

#### SECUNDA DIVISIO.

ZELVS alius est ad uitam, alius ad mortem. ZELVS AD VITAM est flagrans amor cultus diuini & gloriæ

gloriæ Dei  
nem piū,  
quæuis torm  
tate se uelli  
nebementior  
zeli in Ecclesi  
MORTEM e  
Cognoscibis e

Est ZELVS  
quidem, dum  
perniciōsus  
tibus. Hic  
cognoscenda  
demo & Con

ZELVS  
refusus. Hic  
frenis riuale  
tur qui riuale  
transfertur.  
nullum in am  
zelotes ex eo  
fert focum, f  
bi desponsat  
idolorum cult  
scortatio dici  
rum & lasciu



gloriæ Dei, qualis in Abel fuit. Hic Zelus impellit hominem pium, ut nullis malis cedat, sed potius mortem & quæuis tormenta patiatur, quam ut a Deo & eius ueritate se auelli permittat. Hic in omnibus pijs est, in alijs uehementior, in alijs remissior. Exempla plurima huius zeli in Ecclesiastica historia habentur. ZELVS AD MORTEM est flagrans odium cultus ueri Dei, qualis in Cain, Scribis & Phariseis fuisse uidetur.

## TERTIA DIVISIO.

EST ZELVS ad culpam, est zelus ad gratiam. ILLE quidem, dum zelamur in malignantibus, prohibetur ut perniciosus: Psal. 36. Nolite æmulari in malignantibus. HIC uero est ardor pietatis, & religionis ueræ cognoscendæ & intelligendæ studium, qualis in Nicodemus & Cornelio fuit.

## QUARTA DIVISIO.

ZELVS amantium est duplex, Honestus & Inhonestus. HONESTVS amantium zelus, est coniugis, non ferentis riualet uel amoris socium. Vnde zelotes dicuntur qui riualet non sustinent: Hinc uocabulum ad Deum transfertur. Nam quemadmodum zelotes dicitur, qui nullum in amore fert riualet: ita Deus metaphorice zelotes ex eo dicitur, quod nullum in cultu sibi debito fert socium, seu, quia non uult ferre, ut anima hominis sibi desponsata, cum dijs alienis fornicetur. Quapropter idolorum cultus in scriptura spirituale adulterium & scortatio dicitur. TURPIS ZELVS est impudicorum & lasciuorum, qui libidini pro uero Deo & honesto con-

b

sto con-



sto coniugio se tradiderunt, qui zelus extreme uirtutis  
randus, ut qui spiritum Christi ex anima hominis expellit.

## CAPVT SEXTVM.

## CONTRACTVS.

**Q**VONIAM exacte dicere de CONTRACTV  
iusq; generibus, quibus res inter se commutantur,  
iuridicæ facultatis est, nolo falcem (quod aiunt) in alie  
nam messem mittere, sed tantum regulas quasdam præ  
scribam quibus conscientie piorum certificari de licitis  
contractibus possint, ne quid mala erronea aut dubitante  
conscientia in hisce negocijs faciant.

**PRIMA:** Ius naturale, est uere ius diuinum, iuxta  
quod quilibet, quod uult sibi ab alio fieri, ab alio accipere  
possit.

**SECUNDA:** Moralis certitudo in moralibus ne  
gocijs sufficit, hoc est, non ratio exactissima quærenda,  
sed medium ἐν μέσῳ, ut Iurisperiti loquuntur accipi  
endum est.

**TERTIA:** In omni contractu caritas ex fide ma  
nans præluere debet, & nihil in contractibus commi  
tendum, quod cum legis caritate pugnat.

**QUARTA:** In contractibus & rerum commutatio  
nibus proportio arithmetica seruanda est.

**QUINTA:** Præceptum Domini, Luc. 6. in mutuan  
dis rebus seruandum est. Date mutuo, nihil inde speran  
tes, hoc est: Tametsi simile ab ijs, quibus mutuo datur,  
officium minime sperctur, tamen ijs mutuo dari oportet.

Necq;



Neq; enim Christus isto suo præcepto uetat sperare, ut reddatur sors ipsa, sed tantum ne Ethnico more ijs solum res nostras mutuo demus, qui nobis uicissim simili officio saltem in genere uicem rependere possunt.

SEXTA: Omnis contractus pugnans cum superioribus regulis, illicitus est. Vnde sequitur usuram nequam excusandam esse. Est enim usura lucrum supra sortem cuiuslibet rei exactum propter officium mutuationis. Hinc recte Ambrosius cum inquit, Usura est esca, usura uestis est, & quodcunq; sorti accesserit usura est, quod uelis ei nomen imponas, usura est. Nec de usura ulla distinctio contra legem naturæ & uerbum Dei recipienda est. Sunt enim qui usuram ita diuidunt, ut alia sit prægrauans proximum, alia commodans non prægrauans, ideoq; licita. Et hanc diuisionem putant confirmari Ebraico uocabulo, quo usura appellatur Nefec, quod a mordendo dicitur. Verum quia hæc distinctio plane Grammatica est, primum respondeo, usuram non solum uocari Nefec Ebraeis a mordendo, sed Marbith & Tarbith ab augmento siue incremento. Leuitici 25. Non dabis cibum tuum Marbith, id est, ad usuram. Item: Ne accipias ab eo Nefec & Tarbith, id est, usuram & incrementum. Nam posteriori uoce significat quid per priorem intelligit. Nimirum quodlibet augmentum seu incrementum, quod excedit sortem. Deinde dico prohibitiones usuræ esse generales, quare ista distinctio ut parum firma est: ita minime excusat conscientiam usurarij.

Longe igitur rectius sentit Aristoteles qui dicit,  
**VSVRAM ESSE CONTRA NATURAM:**  
 Deinde cum plus recipitur quam datur, uiolatur pro-  
 portio

b 2

portio



portio Arithmetica, quæ in rerum commutationibus perpetuo adhibenda est. Ezech. capite 18. aperte dicit, Vir si non ad usuram dederit, & amplius non acceperit, hic iustus est, & uitam uiuet. Vnde ex contrario sequitur, minime iustum esse, qui usuram exerceat.

SED uasri homines multa quærunt subterfugia, & se benefacere proximo, dando illi pecuniam ad usuram gloriantur, ac ita usurarium contractum impudenter uirtutis nomine induunt, & inter opera caritatis numerant. Sæpe (inquiunt) pauper aliquis redditur ditior ex pecunia pro qua usuram soluit. At Deus non fallitur sophistica non recipit maligna subterfugia, Quare si legem Dei & caritatis contemnis, prorsus circa fidem naufragium fecisti: Quapropter aduersus omnia argumenta eorum qui patrocinantur huic impio contractui usurario hanc regulam opponito: De usura non ex commodo aut incommodo eius qui mutuum accipit, sed ex lege Dei, ex iure naturæ, & affectu usurarij iudicandum est. Lex Dei uitæ regula esse debet, qui animum usurarij furem docet, & uacuum caritatis proximi ostendit. Non igitur humana excusatio hic ualet. Nam de peccatis iudicandum est iuxta uerbum Dei. Quis quæso per humanam rationem iudicasset, morsum pomi adeo enorme peccatum fuisse, nisi tanta calamitas in humano genere fuisset consecuta? Quocirca discamus peccatum esse quicquid Deus prohibet, ut ut uideatur hominibus excusabile, quamcunque ob causam. At firma mente teneamus dictum Davidis Psal. 14. Domine quis habitabit in tabernaculo tuo, & quis requiescet in monte sancto tuo? Hinc inter alia respondet in hunc modum: Qui pecuniam suam non

non dedi  
bernaculo  
usuram.

SED qui  
hanc quasi  
Qui soluit us  
ria. Quod si  
pia coacti ac  
non accedere  
pietates diuini  
cum pacto so  
eum duplici  
eritate præ  
suo exemplo  
rum malicia  
usuram.

Matth. 7  
homines. sic  
Exodi. 22  
Rom. 13  
diligatis. N  
tractibus.  
Leuitici  
1. Thess  
in negotio  
de ijs omni



am non dedit ad usuram, unde aperte excluditur de tabernaculo DOMINI quisquis pecuniam suam dat ad usuram.

SED quid de eo dicendum, qui usuram soluit? Ad hanc quæstionem Philippus respondet in hunc modum: Qui soluit usuras non peccat, non enim alios afficit iniuria. Quod sane intelligendum esse iudico de ijs, qui inopia coacti accipiunt mutuum ab usurarijs, non accepturi nisi accederet pactum de usura. De diuitibus uero, qui ut plures diuitias cumulent, accipiunt ab usurarijs mutuum cum pacto soluendi usuras, intelligendum non puto: Hos enim dupliciter peccare statuo. PRIMVM, quia mediocritate præsentis non sunt contenti: DEINDE, quod suo exemplo præter necessitatem confirmant usurariorum maliciam, unde magis crescit consuetudo dandi ad usuram.

#### TESTIMONIA DE CONTRACTV.

Matth. 7. Omnia quæcunq; uolueritis ut faciant uobis homines, sic & uos illis facite.

Exodi 20. Ne furtum facias.

Rom. 13. Nemini quicquam debeatis, nisi ut inuicem diligatis. Non igitur uult ut alius alium defraudet in contractibus.

Leuitici 19. Dilige proximum tuum sicut teipsum.

1. Thessa. 4. Ne quis supergrediatur neq; superueniat in negotio fratrem suum, quoniam uindex est Dominus de ijs omnibus.

L 3

Leuitici



Leuitici 25. Pecuniam tuam non dabis ad usuram.

Deuteron. 23. Non fœneraberis fratri tuo ad usuram pecuniam.

## CAPVT VII.

## OECONOMIA.

**O**ECONOMIA proprie est priuatæ domus gubernatio seu administratio, de qua pulcerrime & sapientissime Xenophon in suo œconomico differit, & scientiam esse definit administrandæ & augendæ domus. Dicitur autem œconomia οἰκονομία, hoc est a domus gubernatione siue administratione. Hæc ipsum Deum autorem habet, qui eam in paradiso instituit, ac postea quarto præcepto muniuit. Hæc prima Ecclesia fuit, ex hac prodeunt personæ, quibus Ecclesiarum & politiarum administrationes committuntur. Quare detestandæ sunt istæ prophanæ uoces: Domestica cura est diabolica cura. Huiusmodi uoces iactant impij homines, ordinationis diuinæ hostes. Verū contra has blasphemias opponendum est uerbum Dei, quod testatur Deum œconomiarum autorem esse, & simul inuocandus est Deus, ut suæ ordinationi aſsit, eamq; tueatur, ne a Diabolo turbetur, qui familijs potissimum insidiatur. Scit enim, ibi prima pietatis & honestatis semina iacienda esse, quæ suffocare conatur. Quemadmodum in prima familia Adami & Euxæ fecit, & hodie non desinit in multis familijs idem facere.

Porro OECONOMIA tribus quasi iugis constat.

VNUM



VNUM continet seruos & dominos: ALTERVM est coniugium inter uirum & uxorem: TERTIVM constat parentibus & liberis. Ita in œconomia sunt sex diuersæ personæ, quarum singulis suum peculiare est officium, ad totius œconomiae autoritatem & statum conservandum faciens, propter hunc finem, ut œconomia sit ueluti schola quædam, in qua de Deo & bonis rebus primum instituantur homines, ut sint quoddam templum Dei, in quo Deus agnoscatur & celebretur, quo omnes suos conatus unanimiter referre debent illa tria hominum iuga, quæ in œconomia esse dixi, de quibus nunc ordine dicendum.

## CAPVT OCTAVVM.

DOMINIVM ET  
SERVITVS.

**D**ISTINCTIONES superiorum & inferiorum graduum inter homines supra in quarto præcepto, atq; in primo huius classis capite secundo, ostensæ sunt. Hic igitur tantummodo de officijs dominorum & seruorum erga se inuicem (nam hi unum in œconomia iugum constituunt) dicam, idq; breuissime. Qui autem fide præditi sunt domini & serui, ijs non difficile est in præstandis officijs sibi inuicem *τὰ ἴσα*, hoc est, ius analogum reddere. Et quanquam recte dicit Cyprianus, eandem esse nascendi sortem, conditionem unam moriendi, corporum materiam consimilem, animarum rationem communem, æquali iure & pari lege uel uenire homi-

b 4

nes in



nes in hunc mundum, uel de hoc mundo postea discedere: tamen necessarium est propter conseruationem familiarum, ut alij præsent, & alij obtemperent, Nec quicquam excogitari potest τῆς ἀναρχίας tristius, unde recte Creon & Simon in loco apud Sophoclem: τῆς ἀναρχίας ἢ ἐν τῇ μετρίῳ κακόν, hoc est, sine imperio esse nullum maius est malum. ET QVIA inter Christianos, ut inter Philemonem & Onesimum, dominandi & seruienti conditiones sunt per Euangelium licitæ, execrandi sunt Anabaptistæ & Libertini noui, qui ἀναρχίαν in mundum inuhere conantur, contra apertum uerbum Dei, quod concedit & approbat graduum distinctiones inter homines. Dicam igitur breuiter (ut promisi) quædam de mutuis dominorum & seruorum officijs.

Paulus Ephes. 6. utilem tractandi seruos regulam præscribit, cum inquit: Et uos domini eadem facite illis (id est seruis) remittentes minas, ( seu laxantes iracundiam ) scientes quod & uester ipsorum Dominus est in cælis, & personarum acceptio apud Deum non est. Et ad Colos. 4. Domini, quod iustum est, & æqualitatem seruis præbete. HÆC Pauli testimonia tria docent. PRIMVM, quod liceat homini Christiano uti seruorum operis. Non enim iubet Paulus ut domini abijciant potestatem, quam habent in seruos, sed ut eos comiter & benigne tractent. DEINDE quomodo domini Christiani debeant erga suos seruos affecti esse, nimirum, ut eos non contemnant, tanquam uilia & abiecta mancipia, sed ut conseruos Dei placide & amanter foucant. POSTREMO ut reddant τὰ ὅσα seu iustum & æqualitatem. His enim TRIBVS eadem res significatur, nimirum

ius



ius analogum aut distributiuum. Neque enim sic habent domini obnoxios seruos sibi, quin uicissim ipsis aliquid debeant. Vt enim ius analogum ualere debet inter omnes homines: ita inter dominos & seruos ualeat necesse est. Seruus labore fideliter, dominus grato animo redita iusta mercede seruum laborantem complectatur, & foueat in Domino.

PORRO seruis hanc regulam præscribit Paulus Ephes. 6. Serui obædite dominis uestris carnalibus, cum timore & tremore, in simplicitate cordis uestri, tanquam DOMINO, non ad oculum seruientes, quasi hominibus placentes, sed tanquam serui CHRISTI facientes uoluntatem Dei, ex animo cum beneuolentia seruientes sicut Domino, & non hominibus. Et ad Colos. 3. Serui obædite per omnia dominis carnalibus, non ad oculum seruientes, quasi hominibus placentes, sed in simplicitate cordis timentes Deum, Quodcunque facitis ex animo operamini sicut Domino, & non hominibus. EX HIS testimonijs Pauli collige, quid in Christianis seruis requirendum sit. PRIMVM igitur requiritur in ipsis timor Dei, quemadmodum in dominis ipsis, adeoque omnibus hominum ordinibus. SECUNDO requiritur simplicitas cordis, qua nequitia, & uergæ seruilis, contumax rebellio, & responsatrix audacia expellitur. TERTIO exigitur obædientia erga dominos. QUARTO, regula istius obædientiæ præscribitur, nimirum, ut tanquam Christo suis dominis obtemperent serui. Vult enim, ut in omnibus actionibus suis ad mandatum Dei respiciant. Nihil itaque faciendum iubentibus dominis, quod pugnat contra mandatum sue

b 5

premi

11

1



premi Domini, quem omnes uenerari oportet. **P**ostremo magnifice ornat seruorum obœdientiam, cum eam Deo præstari pronunciat. Viliſſima ergo pij famuli aut famulæ ſeruitia Deo placent, illique cultus gratus exiſtunt.

## CAPVT NONVM.

## CONIVGIVM.

**I**VGVM alterum in œconomia eſſe CONIVGIVM, dixi, in quo religionis ſchola primaq; Eccleſia a Domino ordinata fuit; cuius maiestatem ac dignitatem ſi ſpectes, multiplicem ſane inuenies. A Deo patre optimo maximo inſtituitur, ſancitur, confirmatur, benedictioneq; ſæcundatur. A Filio eius Domino noſtro Ieſu Chriſto miraculo & præſentia ornatur. A Spiritu ſancto approbatur, honeſtum, immaculatum, purumq; prædicatur. Ab eodem Spiritu ſancto imago copulæ admittendæ Filij Dei & Eccleſiæ ſtatuitur. Ante peccatum & contaminatam naturam in paradifo ſanctiſſimo loco initium ſumit. Exemplis Patriarcharum, Prophetarũ, ſanctorum Sacerdotum, regum, multorumq; piorum commendatur: legibus diuinis ac humanis omnium gentium approbatur. **H**VC accedunt **F**INIS & **E**FFECTVS, unde eius præcium ſummum æſtimatur, ut ſunt, procreare ſobolem, uitare impuros concubitus, habere mutuum præſidium & auxilium: in hac prima religionis ſchola conſeruare Eccleſiam, relinquere (ubi fatis concedendum eſt) Deo, loco noſtro cultores. Hinc Plato  
nis,



nis, licet Ethnici, grauiſſima, pio tamen homine digniſſi-  
ma ſententia in ſexto de legibus: Ad nuptias (inquit) ut  
deceat celebrandas, & hæc exhortantur, aſſerentes opor-  
tere filiorum filios relinquendo nobis uidelicet in diuino  
miniſterio ſucceſſuros naturam aſſequi ſempiternam. Et  
paulo poſt: Quapropter parentibus utriſque affinibus  
que relictis ſeorſum quaſi ad coloniam proficiſcantur, ac  
uiciſim ſciſpos reſpicientes habitent, liberos generando  
& educando & uitam quam ab alijs acceperunt, a ſe  
quaſi tædas ardentes alijs tradant, Deum ſemper ſecun-  
dum leges colentes. HAEC Dei æterni, ſcripturæ ſa-  
cræ, piorum hominum, ac grauiſſimorum philoſopho-  
rum teſtimonia, opponantur criminationibus Papiſta-  
rum, qui coniugium tanquam rem prophanam, ac ſtatum  
in quo uiuere non liceat ſanctiſſimis uerbi miniſtris iudi-  
cant, cum tamen in ſcriptura de Zacharia & Elizabet  
coniugibus ſic ſcriptum ſit Lucæ 1. Erant autem iuſti  
ambo coram Deo, uerſantes in omnibus præceptis &  
iuſtificationibus DOMINI irreprehenſibiles. Et ne  
excipiant ſacerdotes noui Teſtamenti, Paulus præcipit,  
1. Timoth. 3. eligi ad Episcopii munus maritum, qui ſit  
uniuſ uxoris uir. Et Spiritus ſanctus dicit, Hebræor.  
13. Honorabile eſt coniugium in omnibus, & thor  
immaculatus. QVARE RELICTA Dæmo-  
niorum doctrina de matrimoniꝝ prohibitionẽ, ſcriptu-  
ræ lucem ſequamur, ſecureque contemnamus omnes tæ-  
nebras, quas Papa inuexerat contra apertum uerbum  
DEI.

CAETERVM ut quale nam ſit coniugium intelliga-  
tur, quaſdam ſcripturæ ſententias PRIMVM recitabo,

DEINDE



DEINDE certa puncta seu membra in coniugio spectanda ex adductis testimonijs colligam.

Genes. 2. Adæ cum non inueniebatur adiutor coram eo, immisit Deus soporem in Adam. Cumq; obdormiisset, tulit unam de costis eius, & repleuit carnem pro ea, & adduxit eam ad Adam, dixitq; Adam, hoc nunc os de ossibus meis, et caro de carne mea: Hæc uocabitur Ischa, quoniam de uiro sumpta est. Quamobrem relinquet homo patrem & matrem suam, & adhærebit uxori suæ, & erunt duo in carnem unam.

Ad Ephes. 5. Vxores proprijs maritis subditæ estote, tanquam Domino, quia uir est caput mulieris, quemadmodum & Christus caput Ecclesiæ, & ipse est saluator corporis, sed quemadmodum Ecclesia subicitur Christo, sic & uxores proprijs maritis in omnibus. Mariti diligite uxores proprias tanquam & Christus dilexit Ecclesiam: Et paulo post: Sic debent mariti diligere proprias uxores, tanquam propria corpora. Qui diligit uxorem suam, seipsum diligit.

Ad Coloss. 3. Vxores subditæ estote proprijs maritis, quemadmodum decet in Domino. Mariti diligite uxores uestras, & non sitis amari erga ipsas.

1. Pet. 3. Mulieres subditæ sint uiris suis, ut etsi qui non credunt uerbo per uxorum conuersationem sine uerbo lucrifiant, considerantes cum timore coniunctam castam conuersationem uestram. Et paulo post: Subiectæ proprijs uiris, sicut Sara obædiebat Abraham, dominum eum uocans, cuius estis filia, beneficientes & non perterritæ ullam perturbationem. Viri similiter cohabitantes



habitantes secundum scientiam, quasi infirmiori uasculo muliebri impartientes honorem, tanquam & cohæredibus gratiæ uitæ, ut non impediatur orationes uestræ.

1. Cor. 7. Propter scortationem unusquisq; propriam uxorem habeat, & unaquæq; proprium maritum habeat. Vxori maritus debitam beneuolentiam reddat, similiter autem & uxor marito. Vxor proprii corporis potestatem non habet, sed maritus, similiter autem & maritus proprii corporis non habet potestatem, sed uxor.

Ex his Scripturæ testimonijs quinque colligamus. PRIMVM, quid sit coniugium, eiusq; fines, quamq; arcta sit copula: DEINDE, inter quas personas coniugium licitum sit: TERTIO, quis nam sit ordo potestatis & subiectionis inter coniuges: QVARTO, qualisnam affectus mutuus coniugum esse debeat: POSTREMO, quod nam sit ius analogum in coniugibus. His enim quinque rite perpensis & cognitis, quid de matrimonio pie sit sentiendum apparebit.

QVANTVM ad primum itaq; attinet, Mosis testimonium euidenter docet, non solum quid sit matrimonium, uerumetiam quam sit arcta copula coniugalis. Cum itaq; dicit Moses, Gen. 2. Dixit Deus, non est bonum homini esse solum, faciamus ei adiutorium simile sibi, matrimonium esse ordinationem Dei, iuxta quam aptæ personæ copulentur in mutuum adiutorium, aperte indicat. Est itaque VNVS FINIS coniugij mutuum adiutorium. Deinde cum additur: Erunt duo in carnem unam, in matrimonium tantum duæ personæ, masculus unus & fœmina una admittuntur, ut sint in carnem unam, id est, indissol-



indissolubiler copulatæ, non secus atque substantia seu re ipsa essent una caro. Præterea dum additur: Genes. 1. Crescite & multiplicamini, FINIS SECUNDVS & proprius matrimonij exprimitur, qui est, crescere & multiplicari, quod fit dum liberi procreantur & educantur. Huic fini Paulus adhuc TERTIVM addit: Propter fornicationem (scilicet uitandam) unusquisq; suam uxorem habeat. Ex his non erit difficile de definitionem matrimonij colligere in hunc modum.

MATRIMONIUM seu coniugium est ordinatio diuina, in qua legitime copulantur uinculo indissolubili duæ personæ masculus & fœmina, ut sint sibi inuicem adiutorio, procreent, educent ac instituunt liberos iuxta uoluntatem Dei, præterea etiam ut fugiant scortationem ac omnem prohibitam uenerem. Hæc definitio collecta ex Mose continet omnes causas matrimonij, efficientem, materialem, formalem & finales: deinde iudicat, quam arctum sit uinculum, nimirum indissolubile, cum dicitur, Erunt duo in carnem unam. Neque tamen ex his sequitur, nullum diuortium esse licitum. Nam cum dicitur indissolubile uinculum, ostenditur qualisnam sit res copula conjugalis ex ordinatione Dei, nimirum quod nemo uolens hoc uinculum rescindere debeat. DIVORTIVM itaque uoluntarium prohibetur, quod cum prima ordinatione coniugij pugnat, & improbat a Christo Matth. 5. & 19. Mar. 10. Lucæ. 8. Item a Paulo 1. Corint. 7. cum Dominus ait: Quos Deus coniunxit, homo non separet, prohibet manifeste uoluntariū diuortium, quod fit sine causa iusta, ac sine legitimo iudicio, quod uice Dei exercetur ab ordinatis iudicibus.

Verum



Verum de inuoluntario diuortio longe se aliter res habet. Dicitur autem inuoluntarium diuortium, cum alter coniugum alterum deserere cogitur, ob nefandum & sacrilegum adulterium, quo copula coniugalis corrumpitur, ac fides matrimonij perfide uiolatur. Tale diuortium Christus non improbat, imo disertis uerbis admittit Matth. 19. ubi sic inquit: Dico uobis, quicumque dimiserit uxorem suam, nisi ob fornicationem, & aliam duxerit, mœchatur. Hæc uerba Christi unam iustam repudij causam, nempe fornicationem diserte exprimunt. Qui dimiserit (inquit) uxorem suam, & aliam duxerit, mœchatur, sed excepta fornicationis causa. Ergo ubi adulterium interuenit, licet contaminatam personam repudiare, licet quoque alium aut sociam quærere sine scelere, alioqui exceptio hic frustra a Domino adiecta esset. Quærunt Pharisei, an liceat ob quamuis causam iuxta receptam eorum consuetudinem dimittere uxorem? Quod negat Dominus, ac unam solam exceptionem, nimirum fornicationem statuit. HAEC EXCEPTIO, ut stet Scriptura, subaudienda est, Mar. 10. & Luc. 8. ubi eandem quæstionem tractant Euangelistæ. Neque enim fieri potest, ut Christus æterna Dei sapientia secum pugnet, quod profecto faceret si speciem quam in uno loco exciperet a genere, in alijs in genus includeret, quod fieri nequaquam potest sine contradictionis implicatione. Iuxta eandem Christi regulam, dictum Pauli 1. Corinth. 7. intelligendum est: Loquitur enim Paulus de uoluntarijs ac usitatis uulgo diuortijs quæ fiebant ob quamlibet offensam. Nam si in genere loqueretur Paulus, sine omni exceptione, pugnaret cum regula Christi,



Christi, quod sentire de sanctissimo Apostolo impium est. Ex his itaque clare conuincitur, quod & licitum sit diuortium propter adulterium, & liceat repudianti impuram personam aliud coniugium amplecti. QVOD AVTEM aliqui dicunt, argumentum hoc esse a contrario sensu, quod non in quauis materia ualet, falsum est, quia hic diserte exprimitur exceptio. *μὴ ἐπὶ πορνείᾳ παραιτός τις ἄλλῃ πορνείᾳ*, non ob fornicationem, excepta fornicationis causa. Quare uerbis Domini, pijs in Ecclesia doctoribus Hieronymo, Ambrosio & alijs multis, & sanctorum exemplis potius acquiescendum, quam decretis impuris Pontificum.

CAETERVM hic magis adhuc ardua oritur quaestio de rea persona, an illi liceat coniugium nouum querere post diuortium, sublata omni reconciliationis spe? Sed quaestio haec soluitur ex dicto Christi, Matth. 5. ubi sic dicit Dominus, Omnis enim qui dimiserit uxorem suam, excepta fornicatione, facit eam mæchari: & qui dimissam duxerit, adulterium committit. Hoc dictum Christi etsi uniuersaliter sonat, tamen exceptionem expressam habet, Quare sic resolucenda est sententia. Omnis qui dimiserit uxorem suam, facit eam mæchari, & qui dimissam duxerit, adulterium committit, sed excepta fornicationis causa, hanc exceptionem ad utrumque membrum pertinere non est dubium. Quapropter si causa fornicationis a generali dicto excludenda est, sequitur profecto fornicationis causa repudiatam non mæchari, si alteri nupserit, nec illum qui repudiatam duxerit adulterium committere. Verum hic prudenter nostræ Ecclesiæ, exemplo Saxonicarum Ecclesiarum, &

aliorum,



aliarum, quæ ueram Euangelij doctrinam cum illis amplectuntur, occurrere scandalis conantur, dum externæ disciplinæ gratia permittendum negant, ut in eadem prouincia seu regione in qua crimen commissum est, rea persona nouum matrimonium ineat. Nam si hæc disciplina non adhiberetur, magnæ & horrendæ æconomiarum uastationes proculdubio secuturæ essent. Malignæ enim naturæ studiose se contaminarent, ut hoc modo liberari possent a matrimonio, quod sibi molestius ac durius esse uideretur. Quapropter seuera disciplina hic necessaria est, qua reprimantur homines impudici, ne ordinationem Dei sacrilege uiolent, magno cum Ecclesiæ scandalo, & æconomiarum ruina.

PORRO cum Dominus dicit, Extra causam fornicationis: causam diuortij uelim assignet, qui substantiam matrimonij euertit, qualis est, fornicatio aut aliæ huic similes, ut coactio seu desertio, quarum illa non fuisse coniugium ostenditur, hac sacrilege ruptum coniugij fœdus declaratur. Quare in his casibus prudentes iudices quærendi sunt, qui conscientijs recte consulere norunt. Sed de hac re uide examen Philippi.

HACTENUS de primo membro partitionis dictum est: NUNC inter quas personas coniugium licitum sit explicabitur: Quod ut distinctius fiat, tres quæstiones excutiendæ sunt. PRIMA, sit ne licitum matrimonium in omnibus hominum ordinibus & statibus. ALTERA, qui cognationis seu consanguinitatis gradus sint prohibiti. TERTIA, quibus affinibus contrahere inter se matrimonium liceat. QUANTVM autem ad PRIMAM quæstionem attinet, num licitum sit matrimonium

c

in

11

12



in omnibus statibus hominum & ordinibus, Papa negat, Spiritus sanctus ait. Papa quidem matrimonium sacra-  
menti titulo ornat, sed cum quæritur, an liceat sacra-  
dotibus, monachis & monialibus contrahere matrimo-  
nium, tanquam oblitus sui, inter carnis opera numerat  
matrimonium, & in perfectionis Christianæ operibus  
ponit suum impurum calibatum. Ad quam suam senten-  
tiam stabiliendam impudenter abutitur suo more uerbo  
Dei. Sed quia apertus hostis est Euangelij Christi Papa,  
ipsius autoritas cum omnibus ipsius legibus merito est  
contemnenda. Præterea cum sententia Spiritus sancti,  
pronunciantis prohibitionem matrimonij, doctrinam  
esse Dæmoniorum, & clare enunciantis, matrimonium  
in omnibus honorabile, esse ordinationem Dei, Genesis 2.  
Masculum & Fæminam, &c. & plurima exempla san-  
ctorum Patriarcharum, Prophetarum & Apostolo-  
rum & castissimorum Episcoporum in primitiua Eco-  
clesia, ex diametro cum impuro isto Papæ dogmate pug-  
nent: non iudico opus esse longiore confutatione in re  
adeo perspicua.

At si quis VOTUM interuenisse dicat, quo, quod libe-  
rum erat natura, factum est non liberum, dico uotum te-  
merarium & impium non obligare, postquam is qui stul-  
te uouit, rectius uerbo Dei edoctus est, Sed de hac quæsti-  
one supra capite 6. secundæ classis. ALTERA QUÆ-  
STIO de gradibus consanguinitatis, plus habet difficul-  
tatis. Sunt enim qui inter eas personas omnes, contractus  
matrimonij esse licitos docent, quæ non nominatim pro-  
hibentur Leuit. 18. Sunt rursus qui propter propositio-  
nem uniuersalem in Mose expressam, non tantum eas  
personas



personas prohibitas putant, qui (ut dicunt) recensentur exempli gratia: uerumetiam multo plures, ut quæ a Iurisperitis & Canonistis recitantur, usque ad quartum gradum inclusiue. Sed personas enumeratas in Mose ordine recitabo. **PRIMA**, pater. **SECUNDA**, mater. **TERTIA**, nouerca. **QUARTA**, soror germana. **QUINTA**, priuigna. **SEXTA**, neptis seu filia filij. **SEPTIMA**, amita soror patris. **OCTAVA**, matertera soror matris. Hic primus & secundus gradus consanguinitatis prohibentur, etsi non uniuersaliter. Qui priorem sententiam tuentur, matrimonium extra hos gradus enumeratos consanguinitatis contractum probant & non dissoluendum propter humanas leges docent. Qui secus sentiunt, multo plures personas prohibitas lege naturæ uolunt, de quibus consulendæ sunt leges politicæ, quas iudico in hac religiose seruandas esse, & peccare eos statuo, qui has leges uiolant nisi dispensatione superioris magistratus excusari possint.

PORRO personæ ratione affinitatis prohibitæ, hæc sunt: **PRIMA** uxor patrui: **SECUNDA**, nurus seu filij uxor. **TERTIA**, uxor fratris. **QUARTA**, priuigna. **QUINTA**, filius priuigni, uel priuignæ. **SEXTA**, soror uxoris. Plura de gradibus consanguinitatis & affinitatis petantur ex scriptis Iurisconsultorum & libello Philippi, & tabulis Georgij Maioris. Ego tantum catalogum personarum breuiter in Mose prohibitarum institui.

IAM qualifnam sit **ORDO** inter coniuges uideamus, qui quidem ex prima coniugij institutione ante peccatum, & deinde post lapsum ex mandato Dei intelligi



poteſt, nimirum quod uxor marito ſit ſubieſta, quæ ſane ſubieſtio nequaquam tyrannica eſſe debet, neque qualis dominorum eſt in ſeruos. Non enim uxor habenda eſt tanquam mancipium aut ſerua, ſed tanquam conſors uitæ omniumq; bonorum. VOCABVLVM CONIUGIS quod a coniungendo deductum eſt, tam uirum quam mulierem compræhendit, unde conſortium, coniugium intelligitur. Abraham & Isaac ſua cum uxoribus conſilia communicarunt. Imo ipſe Abraham uerbo Domini iubetur audire ſuam uxorem. Rex Artaxerxes Heſter quam captiuam ſeruam duxit, literis publicis conſortem regni ſui uocat, idq; haud immerito. Neque enim coniugium uxorem, ancillam aut ſeruam eſſe patitur: Quod ſane primam matrimonium clariuſ oſtendit. Eua ſiquidem non de Adæ capite, neque de pedibus eſt facta, uerum ex coſta, ex quo ſignificatur, quam neque domina, neque ſerua illi ſit condita, ſed ſocia & conſors. Liberalis itaq; eſt ſubieſtio mulierum, non ſeruilis, ut quæ caritatis lege potius quam dominationis imperio ſubijciatur marito.

SEQUITVR quod QVARTO loco propoſui, qualenam affectus mutuus coniugum eſſe debeat. Euripides clare dicit, ſalus hæc domus maxima eſt, ſi uxor & maritus recte concordant, & a ſe inuicem non diſſentiunt: tum demum dulcis mariti & uxoris conſuetudo erit, cum eam pietas, uirtus, mutua caritas, & mutuus amor mollem & ſuauem reddit. Firmiſſimum etenim adeoque primum conſuetudinis uinculum fuerit inter coniuges, ſi mentes eorum pariter in Deo unum ſint, quod quidem facit, ut ſe mutuo ament, quia decreuerunt Deo



Deo obœdire. Nulla enim est uirtus firma, nulla stabilis amicitia, nisi a Deo ortum habeat. Virtus inter coniuges mutuam oblectationem parit, quemadmodum inquit Andromacha, hæc nomen decusq; parit, quæ sane dum in secundis & aduersis rebus exercetur, consuetudinem uitæ reddit amabiliorem. Mutua ἐπιεικεία in omnibus amicitijs adhibenda est, & maxime inter coniuges, quasdam interdum iniurias ferre necesse est. Mutuus amor ex pietate natus, uirtute confirmatus, & mutua ἐπιεικεία auctus, errata incidentia corrigit, leniter mitigat. facitq; ut in omnibus duris iucunda sit uita.

RESTAT quod POSTREMO LOCO proposui, de iure analogo inter coniuges, (quod tametsi intelligi potest ex ijs, quæ dicta sunt, tamen breuiter attingendum uidetur.) Cum Dominus dicat Genes. 2. Faciamus ei adiutorium simile illi, hoc est, faciamus mulierem quæ uiro æquali officij iure respondeat. Vt enim mulier iure, marito officium debet, ita uicissim maritus κατ' ἀνάλογίαν mulieri respondeat officio necesse est. Mulier sit uiro subiecta liberaliter, maritus uicissim eam foueat, ac amabiliter tractet. Mulier obœdientiam Deo præstet in ferendis partus doloribus, uir uicissim afflictam consoletur, trahatq; partem iugi commiserando & fouendo. Mulier οἶκος, id est, custos domus, iuxta traditionem Apostoli, & pudica familiarem rem conseruet, augeat & recte dispenset. Maritus contra domum defendat, foris agat, laboret pro uocationis ratione, & iustum uictum iuste conquirat. Breuiter maritus & uxor officiose se inuicem obseruent, ac sibi mutuo debita officia iuxta rationem conditionis utriusque præstent.



Quod cum sit, sibi inuicem reddunt quod debent, seu ut Paulus loquitur τὰ ἀντὶ, quo dicto ius analogum in officijs præstandis significatur. Vt cum mulier marito pareret, maritus armis defendit uxorem. Officia hæc dissimilia quidem sunt reipsa, attamen iure analogo sibi mutuo pulcre respondent & sunt æqualia.

## CAPVT DECIMVM.

## PATRIVM IMPERIVM.

**D**ixi supra, æconomiam tribus quasi iugis constare, Quorum tertium quod est parentum & liberorum, explicandum restat. Quod quia in quarto præcepto supra ex parte explicatum est, hic breuiter PRIMVM scripturæ sententias paucas colligam: DEINDE ex his sententijs notatis, officia parentum & liberorum extruam, ut inde qualenam sit patrium imperium appareat: POSTREMVM de præmijs & pænis præstiti officij & non præstiti agam.

Exodi 20. sancitur patrium imperium his uerbis: Honora patrem tuum & matrem tuam, ut sis longæuus super terram.

Daniel 13. De parentibus Susannæ scribitur: parentes illius cum essent iusti, erudierunt filiam suam in lege Mosi.

Ephe. 6. Et uos patres nolite ad iracundiam prouocare liberos uestros, sed educate in disciplina & correptione Domini.

Col.



Col.3. Patres nolite prouocare liberos uestros, ne dea spondeant animum.

EX HIS paucis sententijs non est difficile colligere officia parentum mutua erga liberos: PRIMVM enim uoce Dei, parentibus traditur autoritas in liberos, ut ipsis præsint in familia, ac quæ recta sunt imperent facienda. EX quo sequitur, liberos iure diuino parentibus debere esse morigeros. SECUNDO parentum est pueros educare, quod officium non solum lex naturæ imperat, uerumetiam hunc affectum educandi & tuendi natos, omnibus animantibus in seuit natura. TERTIO debent parentes liberaliter suos liberos tractare, ac prudenter, ut retineantur in officio. Et summopere cauendum, ne uel nimia indulgentia, uel nimia austeritate natos perdant. QUARTO honestis in moribus & uera pietate erudire liberos pars officij parentum præcipua est, Ideo enim liberos generamus (ut rectissime Plato sensit) ut Deo cultores pro nobis (ubi satis concesserimus) relinquamus. Hoc præcipuum post pietatem animi erga Deum, sanctorum patriarcharum, regum, atq; adeo omnium piorum studium semper extitit. Atq; hæc præcipua parentum officia sunt erga liberos, quos iure analogo æqualia parentibus reddere decet.

Verum quia liberorum officia in quarto præcepto includuntur, cum dicitur: Honora parentes, inde ea colligam. HONORIS igitur uocabulo liberi PRIMVM iubentur agnoscere, parentum autoritatem & eminentiam, ordinationem diuinam esse. Nihil enim uoce Dei honorabile dici potest, nisi idem a Deo profectum sit & ordinatum. DEINDE requiritur hic reuerentia erga pa-



rentes, tanquam erga Dei uicarios & nutricios ciuium Ecclesiæ Christi. Proinde maiestas quædam diuina in parentibus animaduertenda est. TERTIO loco uerbum honoris includit in se obædientiam erga parentes, quæ obædientia tantisper & catenus præstanda est, donec et quatenus cum obædientia, quam supremo parenti Deo debemus, stare potest. Huc dictum Domini Lucæ 14. Si quis uult uenire ad me, & non odit patrem suum & matrem suam, &c. non poterit esse meus discipulus. Hic odij uocabulum non affectum, sed euentum sequentem odium significat, qui est detrectare imperium, & non facere imperata contra Deum. Istud igitur odium pietatis est, non credulitatis. Præterire enim, fugere, negligereq; omnes debemus, quando eos una cum Deo colere nequimus. At uero si utrumq; debite fieri poterit, et Deo & parentibus obædientia exhibenda est. Neq; enim obædire parentibus is recte dicitur, qui quicquid iusserint faciat, sed tum demum parentibus aliquis obædit, cum sponte facit, quæ ipsi recte iusserint. QVARTO, honoris uocabulo GRATITUDO etiam significatur erga parentes, ut si opus fuerit, eos senio confectos iuuent, foueant, alant, & omnium officiorum genere subleuent. QVINTO, honor præterea requirit *ἐπιείκεια*, qua liberi tolerant parentum errata. Quantumuis enim pauperes et miseri sunt, preciosi sunt nobis habendi, consideranda est quædam in ipsis diuinæ maiestatis similitudo. Quare et si interdum uidentur nobis parum honorabiles, maiestas tamē diuina (ut antea dixi) in ipsis consideranda est. Proinde morositati, delirio & quibuslibet parentum uitijs, opponendum est nomen patris et matris. Non enim  
tam



tam quales parentes, quam quod parentes habemus, æstima-  
mandum est. Atq; hæc officia liberorum sunt erga pa-  
rentes, quæ ad duo capita breuitatis causa reuocare pos-  
sumus, nimirum ad AFFECTVM & EFFECTVM.  
Illo eos animo prosequimur, hoc externa beneficia om-  
nia, quæ ijs grata esse nouimus, præstamus. Quantumuis  
enim multa in eorum gratiam fecerimus, semper tamen  
inferiora erunt omnia, quam esse deberent. EX HAC  
collatione officiorum mutuorum parentum & libero-  
rum, non est difficile iudicare, qualenam sit parentum  
IMPERIVM, qualisque liberorum SVBIECTIO.  
Mitius enim parentum in liberos, quam dominorum in  
seruos imperium est. Autoritas maior est parentum in  
liberos, quam maritorum in coniuges, & proxime acce-  
dit imperium patrium ad regale imperium.

IAM RESTAT quod postremo loco de præmijs &  
pænis proposui, quæ duabus uocibus, nempe BENEDI-  
CTIONIS & MALEDICTIONIS in Scriptura  
signantur. Vt enim parentes, qui liberos suos uoluptati-  
bus indulgere permittunt, diuinitus maledicuntur, ut Eli  
sacerdos: sic qui officia præstant a Deo imperata, bene-  
dictionem reportant. Et ut longæua uita promittitur  
liberis honorantibus parentes, ita maledictio immorige-  
ris denunciatur. Salomon: Oculi qui subsannat pa-  
trem ac matrem suam, corui eum effodient. Vnde tritum  
prouerbum:

Paret carnifici renuens parere parenti.

EXEMPLA sunt maledictionis, Cham, Ruben, filij  
Eli, Absolon, & alij innumeri.



## VSVS DIVITIA

RVM, ET RERVM PRÆSENTIS VITAE.

**C**VM diuus Paulus 1. Corint. 7. dicit, Qui utuntur hoc mundo, sint tanquam non utentes, non præcipit Christianis abijcere facultates, sed Christiani hominis animum rebus terrenis non debere occupari, nec in illis acquiescere docet. Sic enim uiuere nos oportet, quasi singulis momentis migrandum sit ex hac uita. Quapropter in omnibus rebus præsentis uitæ corda erecta esse debent ad meditationem uitæ cælestis. Atq; hæc regula generalis esto de usu rerum præsentis uitæ. PORRO quia in rebus mundi nihil periculosius esse potest, quam magna rerum affluentia, nisi sancta prudentia absit (uere enim Plato dixit, diuitias cæcas esse sine prudentia, et easdem acute cernere ubi prouidentiam sequuntur) tria breuiter de diuitijs dicam. PRIMVM, Quæ rationes acquirendarum diuitiarum licitæ sint. DEINDE, Qualiter nos Deus erga diuitias esse uelit affectos. POSTREMO, Quis diuitiarum usus rectus et legitimus.

QUANTVM itaq; ad legitimas rationes acquirendi diuitias attinet, omnium primum incoandum est a regula Christi Matt. 6. Quærite primum regnum Dei etc. PRIMA igitur cura et præcipua esse debet salutis animæ. DEINDE quia hæc uita opus habet adminiculis, iuxta Dei ordinationem, quæri possunt facultates, licetq;



cetq; ijs, quæ ad uictum cultumq; necessaria sunt, quærens  
dis operam dare, id quod nō solum Sanctorum exemplis,  
uerumetiam mandato Dei confirmatur, qui benedictio-  
nem promittit pie laborantibus. DEINDE lucrum  
quod proficiscitur nobis laborantibus ex benedictione  
Dei, capiamus tanquam ex manu Dei, neq; malis artibus  
utamur, quo facultates aliorū ad nos trahamus, fructumq;  
laboris nostri, tanquam iustam mercedem percipiamus.  
IN CONTRACTIBVS absint fraudes & fallacia,  
aperteq; & simpliciter agamus omnia, ea fidelitate, quā  
ipsi ab alijs uellemus requirere. Sit labor legitimus le-  
gitimæ uocationis, ut bona conscientia gloriari possi-  
mus, nos in ullius fraudem nihil egisse.

PARTIS DIUITIIS, singularis ars adhibenda  
est, ne nobis in spinas & laqueos conuertantur. Quod  
ne fiat, Davidis & Pauli sequamur consilia, quorum  
ille quidem Psalmo 61. sic ait: Si affluent diuitiæ, noli  
cor apponere. Hic uero 1. ad Timoth. 6. Diuitibus in  
præsenti seculo præcipito, ne efferantur, neue sperent  
in diuitiarum incertitudinem, sed in Deo uiuo. Est ita-  
que præcipuum, ne diuitiarum huius seculi cupiditate  
ducamur, ne ijs animum aut fiduciam adjiciamus, eas  
a nobis abdicare simus parati, quoties Deo libuerit.  
Siue habeamus eas, siue ijs careamus, tanquam res ca-  
ducas & fragiles aspernemur, atq; solam benedictionem  
Dei omnibus rebus mundi præferamus. Absit fallax spes  
in incertis diuitijs: absit superbia & contemptus paupe-  
rum. Absit spes in diuitiarum largitore: absit pius hu-  
milisq; animus. PORRO ubi sic animo diues effe-  
ctus est aliquis: etsi ei non erit difficile, diuitias recte  
in glo-



in gloriam Dei, & proximi utilitatem dispensare, tamen nonnihil dicendum est, ut legitimus diuitiarum usus conspiciatur.

VSUS igitur diuitiarum est quadruplex. PRIMVS, ut conferantur diuitiæ ad promouendam religionem & gloriam Dei. Si enim ipsi nati sumus ut Deum glorificemus, profecto huic usui quicquid habemus, seruire debet. SECVNDVS usus est, ut eas in quibus uiuimus, res publicas iuueamus ac ornemus nostris facultatibus, id eoque tributa soluenda sunt. TERTIVS usus est, ut ipsi nos pro conditione nostri status honeste alamus, nostram familiam foueamus, ut domus nostra pro facultatum ratione honesta conseruetur, sine sordibus & prodigalitate. QVARTVS & postremus usus est, ut fontes nostri, iuxta Salomonis consilium deriuentur foras, hoc est, ut liberales simus erga pauperes, diuites in bonis operibus, quo multi nostris bonis gaudere possint, nobiscum Deo patri Domini IESV CHRISTI gratias agentes, qui abunde suppeditat omnia.

#### TESTIMONIA DE DIVITIIS.

Prouerb. 11. Qui confidit in diuitijs suis, corruet.

Prouerb. 15. Melius est parum cum timore Domini, quam thesauri magni & insatiabiles.

Psal. 61. Si diuitiæ affluent, noli cor apponere.

Prouerb. 5. Fontes tui deriuentur foras, & tu domus eorum esto.

1. Timoth. 6. Diuitibus huius seculi præcipe ne subline sapiant, & ne sperent in incertitudine diuitiarum, sed in Deo uiuo.

CAPVT



## CAPVT XII.

DE SOLLICITVDI-  
NE, ET CVRA LICITA  
ET ILLICITA.

**Q**VIA nulla maior pestis est ueri cultus Dei, quam ethnica & prophana CVRA & SOLLICITVD O: & rursus nihil magis optandū, quam ut unusquisque sollicite ambulet coram Deo in uocatione sua: operæ precium est, ut recte instituantur pij de sollicitudine licita & illicita, ne nimium uel in dextram partem deflectant, omnem curam abijciendo: uel in sinistram, ethnicam & prophanam curam amplectendo. Quare tenendum, quod triplex sit cura. VNA prophana & ethnica. ALTERA necessaria & sancta. TERTIA mista ex illis. Harum quidem extremæ illicitæ, media uero licita est.

IMPIA SEV ETHNICA sollicitudo est, quæ oriatur ex diffidentia & ignorantia prouidentia Dei. Hæc damnatur Matth. 6. ubi Christus multis argumentis, a prouidentia Dei sumtis, ab ea debortatur. Hæc cura interdum CARNIS CVRA dicitur, cum quia ex carnis sensu sine fide proficiscitur, tum quia scopum habet carnalem, nimirum præsentis uitæ quietem & tranquillitatem.

SOLLICITVD O, quam dico necessariam, piam & sanctam, commendatur Scripturæ testimonijs & exemplis. Rom. 12. Qui præest in sollicitudine. 1. Timot. 5. Si quis suorum, & maxime domesticorum curam non habet,



bet, fidem abnegavit, & est infideli deterior. Abraham, Isaac, Iacob, piam suæ familiæ curam habuerunt. Ioseph in Aegypto septem annorum curam in se pie sumpsit. Daniel in Babylone, pij reges & prophetae in populo Dei, non tanta gesserunt sine hac sancta cura. Paulus 2. Corint. 11. ad Coloss. 2. 1. Thessal. 2. suam sollicitudinem pro Ecclesia fatetur. Sic reges pro suis regnis: patres familias pro sua familia: ministri uerbi pro suis auditoribus: praeceptores pro suis discipulis: breuiter, singuli in sua uocatione sanctam quandam sollicitudinem habere possunt & debent, modo in impietatis notam incurrere nolint. Verum ne hæc sancta sollicitudo contaminetur, sciendum est, ad eam quinque requiri. Horum PRIMVM mandatum Dei est. Mens enim pia nihil aggredi debet sine mandato Dei. Honestæ igitur erit uocatio piæ & sanctæ curæ. DEINDE proficisci debet ex fide. Nam sine fide Deo placere nihil potest. TERTIO, quia nisi Dominus ædificauerit ciuitatem, frustra laborant qui ædificant eam, adhibenda est inuocatio quidem, qua auxilium Dei petas, gratiarum uero actio, qua successum Deo tribuas, & non tuæ prudentiæ aut iusticiæ. Est enim optimum remedium aduersus sollicitudinis ethnicæ tentationem, precibus ardentibus ad Deum confugere, quod ad Philip. 4. docemur. QVARTO tendat tua cura in gloriam Dei principaliter. Quanquam autem tuæ domus incolumitas spectari potest, tamen principalis finis erit gloria Dei. QVINTO, si parum labor noster uotis respondeat, submittamus nos paternæ uoluntati Dei, in uero timore & humilitate, iuxta consilium Petri, 1. Pet. 5. dicentis: Humiliamini sub potenti manu Dei, ut



ut uos exaltet in tempore uisitationis, omnem sollicitudinem uestram proijcientes in eum, quoniam ipsi cura est de uobis. Et Psalm. 54. Iacta super Dominum curam tuam, & ipse te enutriet, & non dabit in æternum fluctuationem iusto. Debent igitur pii iuxta uerbum Christi PRIMVM quærere regnum Dei, DEINDE Dei iusticiam, TERTIO fide promissionem curæ diuinæ amplecti. Dicit enim, Et hæc omnia adjicientur uobis. TVM abijcienda est prophana sollicitudo, strenueq; in uocatione laborandum, seruatis circumstantijs sanctæ curæ, quas enumerauimus.

MISTA EST, quæ partim pia apparet, partim prophana conuincitur, ut cum curamus quidem, quæ officij nostri sunt, id quod Deus a nobis serio requirit: sed propter innatam in nobis dubitationem de prouidentia Dei, limites transgredimur, ac in officium Dei sacrilege irrumpimus. Ut, cum paterfamilias recte quidem & pie instituit liberos, suam familiam curat, sed nimia trepidatio & anxietas ad impatientiam impellit, quando uotis non respondet labor & cura nostra. Iactet igitur hanc curam pius in Dominum, & strenue faciat officiū, nec sinat piam curam ethnica diffidentia conspurcari, quo abiecta ethnica diffidentia & anxietate, pax nobis interne constet, ac erga homines simus modestiores & mansuetiores, cum quibus eidem Domino seruimus excusso iugo Mammonæ & ethnicae sollicitudinis.

## CAPVT XIII.

## PERFECTIO CHRISTIANA.

HVC



**H**VC breuiter commonefactionem & doctrinam utilem de Christiana perfectione adijciam. Nam huius rei uera explicatio, & stimulos addit in stadio pietatis currentibus, & consolatur pios, dum suas sordes & imperfectionem agnoscentes, intuentur beatam illam uitam, in qua plena perfectione beati fulgebunt sicut sol in domo patris sui. VT autem hanc doctrinam rectius intelligamus, omnium primum statuendum est DISCRIMEN inter duplicem perfectionem piorum, quarum ALTERA in praesenti uita existit, ALTERA erit in futura. Ingens enim discrimen est perfectionis Christianae ratione huius duplicis status. Nam longe alia est perfectio currentis, quam perfectio conuenientis. Illa militantis, haec triumphantis est. PII ITAQUE in hac uita dicuntur perfecti, non sicut perficiendi sunt in illa immortalitate, qua aequabuntur Angelis Dei, sed sicut esse possunt in hac peregrinatione perfecti. Neque enim praesentis uitae perfectio aestimanda est ex perfectione iusticiae (nemo enim est qui non peccet) sed ex imputatione diuina, & cordis rectitudine, qualis esse potest in hac uita. AT IN futura uita aestimabitur ex perfectione iusticiae, & erit plena glorificatio futura sanctorum, plena noticia Dei, absoluta cordium puritas, & perfecta obedientia in omni aeternitate.

PORRO DEFINITIONEM perfectionis Christianae, qualis esse potest in hac uita, colligam primum. DEINDE partes eius subiiciam. TUM quare perfectionis nomen ei tribuatur, ostendam.

CHRISTVS Matth. 19. iuueni, a quo interrogatus erat de uita aeterna consequenda, dicit: Si uis perfectus esse,



esse, uade uende tuas possessiones, & da pauperibus, & habebis thesaurum in cælo, & ueni sequere me. Ex his uerbis Domini solidam definitionem colligere non est difficile, ubi primum hoc statuerimus, quod hoc fuerit, quantum ad speciem facti attinet, PERSONALE PRÆCEPTUM, alioqui nec Noë, nec Abraham, nec Dauid fuissent perfecti, qui tamen perfecti testimonio Dei dicuntur. Proinde genus facti nobis definitionem perfectionis exhibebit. Quid hic requirit Christus ab adolescente? ut ex præcepto intelligat se imperfectum esse, iubet ut uendat facultates, det pauperibus, & se sequatur. Vendere autem facultates mandate Christo, est obædientiam erga Christum anteferre omnibus rebus mundi, & paratum esse, non solum uendere, sed etiam perdere propter Christum omnia, si res ita postulauerit, & simul Christum sequi, & proximum beneuolentia complecti. Nam hæc Christus coniungit. PERFECTIO itaque CHRISTIANA est agnita imperfectio, ex fide Christi, obædientiam erga Deum præferre omnibus rebus mundi, ac ei totam uitam approbare. Sita est igitur hæc perfectio in affectu potius, quam in effectu: imputatione perfectionis potius, quam in perfectione iusticiæ. Deus autem ex sua bonitate tale studiū PERFECTIO-  
NIS titulo ornat, ut magis magisque ad perfectionem tendamus. Hæc definitio per locum a coniugatis etiam probari potest. Scriptura Abrahamum pronunciat perfectum, quia uoci Dei obtemperauit, dulci patria, parentibus, amicis, fortunis præsentis uitæ posthabitis, Deum ueracem credidit, ei totam uitam approbauit. Similiter ante ipsum Noë qui iustus & perfectus in scriptura  
d prædis



prædicatur, uocem Dei audiuit, impijs mundi consilijs renunciauit, parauit arcam, et se totum ad normam uerbi diuini, concepta in ipsum fiducia, composuit. Ex his confirmatur apertissime definitio, quam proposui. PHILIPVVS hanc tradit, quæ a mea non dissentit. PERFECTIO CHRISTIANA est agnitio nostræ infirmitatis, & fiducia mediatoris, & præsentia Dei in cordibus nostris transformantis nos, ut fiamus similes imaginis Dei, quæ est, λόγος æterni Patris.

PORRO PARTES Christianæ perfectionis sitæ sunt in rectitudine mentis, affectuum puritate et morum integritate. RECTITVDO MENTIS est recte sentire de Deo, iuxta ipsius uerbum: PURITAS AFFECTVVM agnitione nostræ infirmitatis, fiducia mediatoris, & uoto pietatis continuandæ æstimatur: MORVM INTEGRITAS in pietate erga Deum, sanctimonia uitæ, dilectione erga homines, sancta in uocatione cura absoluitur. Breuiter, perfectio Christiana posita est in uera conuersione hominis ad Deum, seu pœnitentia salutari.

HAEC VERA CONVERSIO siue pœnitentia triplici de causa perfectionis nomine honoratur. PRIMVM propter respectum ad superiorem uitam, cum in tenebris & ignorantia Dei uiuimus: DEINDE propter imputationem. Et si enim sordes multæ adhærent sanctis, tamen Deus istas sordes non imputat, modo spiritu ipsius ducamur: POSTREMVM, quia ad perfectionem illam gloriosam tendit.

PORRO PERFECTIO Christiana qualis in futura uita erit, antea definita est, & similiter in tribus  
est



est posita. PRIMVM in doctrina, seu noticia, seu in  
 mentis rectitudine. Cum uenerit inquit Apostolus 1. Cor.  
 13. τὸ τέλειον, abolebitur τὸ ἐκ μέεζ. Nunc cernimus per  
 speculum in ænigmate, tunc facie ad faciem. DEINDE  
 in affectuum perfectā puritate: erunt purissimi cordis,  
 purissimi affectus, ardēs dilectio Dei, laticia spiritus etc.  
 POSTREMO in tota uita lucebit imago Dei, Nos, in-  
 quit Paulus, spiritu ex fide spem iusticiæ expectamus, 1.  
 Ioan. 3. Carissimi, filij Dei sumus, & nondum apparuit  
 quid erimus, scimus, quoniam cum apparuerit similes ei  
 erimus: quoniam uidebimus eum sicuti est. Et omnis  
 qui habet hanc spem in eo, purificat se, sicut ille sanctus  
 est. Breuiter, PERFECTIO SANCTORVM in bea-  
 ta uita, conformitas nostri cum Deo erit, habitatio Dei  
 in nobis, plena fructio Dei, absoluta dilectio, cuius spes (ut  
 Ioannes monet) nos excitare debet ad sanctimoniam ui-  
 tæ in hoc mundo, ut aliquo modo illam expectatam in-  
 coemus perfectionem iusticiæ. HÆC de perfectione  
 Christiana scire utile est, unde non solum excitamur ad  
 diligentiam in tota uita: uerumetiam aduersus pestilen-  
 tem doctrinam Monachorū de perfectione armamur, qui  
 perfectionem in mendicitate ponunt, contra omne uer-  
 bum Dei, ac exempla eorum qui perfectionis laudem in  
 Ecclesia consecuti sunt.

#### TESTIMONIA DE PERFECTI- ONE CHRISTIANA.

Iacobi 1. Cæterum patientia opus perfectum habeat,  
 ut sitis perfecti & integri, nullaq; in parte diminuti.

d 2

Matth. 5.



Matth. 5. Estote perfecti, sicut & pater uester cœlestis.

Colos. 1. In ipso (Christo) complacuit omnem plenitudinem diuinitatis inhabitare, & per eum reconciliari omnia in ipso.

Philip. 3. Non quod apprehenderim, aut iam perfectus sim, sed sector, si etiam apprehendam, quatenus apprehensus sum a Christo Iesu. Fratres, ego me ipsum nondum arbitror assecutum esse, unum autem illud ago, ea quidem quæ a tergo sunt obliuiscens, ad ea uero quæ a fronte sunt enitens, iuxta præfixum signum insequor ad palmam supernæ uocationis Dei per Christum Iesum, Quotquot itaque perfecti sumus, hoc sentiamus.

Matth. 19. Si uis perfectus esse, uade uende quæ possides, da pauperibus & ueni & sequere me.

F I N I S,

INDEX



# INDEX RE RVM ET VER BORVM.

## A.

<b>A</b> rtes & linguæ in Theologo requiruntur	2
Absurdum in Theologia contra articulos fidei, legem moralem, & claram Dei ordinationem	7
Actionum humanarum gradus	64. 65. &c.
Actionum ad externam disciplinam pertinentium genera duo	66
Actionum spiritualium causæ præcipuæ	69. & 70
Adam consideratur dupliciter	77
Ad actiones, ut recte gerantur, tria requiruntur	64
Administrationis diuinæ modi tres	48. 49. 50
Adiaphora quid	335
in Affectibus definiendis tria oportet concurrere	366
	367
Amen quid	266
Angeli & homines cur conditi	46
Anthropomorphitarum error	36
Antitheseon collatio quid prosit	9
Antinomiæ in sacris literis, cur in specie tantum, & non reales	12
Antinomias sacrarum literarum soluendi ratio dialectica ibidem	
Appellationum, quæ Deo competunt, diuisio	34
Appellationum, quæ Deo competunt, definitiones	36.
	37. 38

d 3

Appella



# INDEX.

- Appellationes filij Dei, quæ naturarum proprietates significanc, ab officij appellationibus discernendæ 42  
 Appellationes filij Dei, quæ denotant officium, competunt toti personæ, non alicui naturæ scorsim ibid.  
 Arrianorum doctrina de Filio Dei impia 37 & 38  
 Autoritas ecclesiastica quas res habeat subiectas 327. 328  
 Autoritas ecclesiastica penes quas personas 329. 330

## B.

- Bona opera 160. 161. 162 & c  
 Bonorum operum doctrina generalis sex quæstionibus comprehensa 161  
 Bona opera quæ faciendæ sint 161. 162  
 Bona opera quomodo fiant, & quæ ad ea faciendæ requirantur 163  
 Bona opera quomodo placeant 164. 165  
 Bonorum operum causæ triplices 165. 166  
 Bonorum operum necessitas ibid.  
 Bonorum operum dignitas 166. 167  
 Bonorum operum præmia multiplicia 167  
 Bonis operibus cur promissiones sint additæ 167. 168  
 Bona opera in quib. Deo placeant, et nõ placeant 168. 169  
 Bonorum operum præmia cur mercedis nomine dignetur scriptura 170. 171  
 Baptismus unde dicatur 285  
 Baptismus quid sit 286  
 Baptismus duplex ibid.  
 Baptismi institutio 286. 287  
 Baptismi definitio apud Petrum 291  
 Baptismi modus 293  
 Confiliis



I N D E X

C.

Consilium discendi Theologiam	1. & 2
Capita doctrinae Ecclesiae duo maxima, Lex & Euangelium	5
Contradictionis iustae octo conditiones	11
Contradictionis iustae lex prima, ut vitetur ambiguitas ibidem	
Contradictionis ambiguitas in quinque rebus consistit ibid.	
Contradictionis iustae lex secunda, de iisdem subiectis	13
Contradictionis iustae lex tertia, de iisdem obiectis ibid.	
Contradictionis iustae lex quarta, de iisdem causis ibid.	
Contradictionis iustae lex quinta, de eadem relatione	14
Contradictionis iustae lex sexta, de eadem comparatione ibid.	
Contradictionis comparatio quintuplex	14. & 15
Contradictionis iustae lex septima, de eodem modo rei significatae & dicentis	16
Contradictionis iustae lex octava, de eodem tempore	17
Contradictionis sacrarum literarum conciliandae generale praecipuum	18
Catalogi capitum, quae in singulis classibus explicantur	22. 23. 24
Cognitionis uocabulum quid significet	28
Communicatio idiomatum quid sit	40 & 41
Communicatio idiomatum cur tantum tribuatur personae in concreto	40
Creatio	45, 46, 47 &c.
	d 4 Crea



I N D E X.

Creatio quid	45
Creaturæ cur bonæ prædicentur causæ	46
Creaturæ de quibus nos admoneant, & in ijs quæ spe- ctanda	46
Creatarum rerum gradus quatuor	47
Creatarum rerum finis	47
Contingentia	71 & 72
Contingentia quid sit?	71
Causarum gradus duo in natura	71
Contingentiæ causa uoluntas Dei, angelorum & homi- num	72
Contingentiæ testimonium Dei prouidentia	72
Concupiscentia quibus rebus constet	75
Contritio quid sit?	93
Contritionis quatuor proprietates	ibid.
Causarum ordines in iustificatione hominis concurren- tium	104 & 105
Cultus Dei quid sit, & definitionis explicatio	156. 157 158
Cultus Dei fundamentum duplex	155
Cultus Dei, alius expiatorius, alius meritorius	156
Cultus Dei regula	154
Cultus Dei alius internus, alius externus, & utriusq; de- finitio	159
Cultus Dei diuisio apud Paulum	160
Cultus Dei spiritualis ratio legitima	154
Conscientia	180. 181. 182 & c.
Conscientiæ malæ descriptio apud Iuuenalem	180
Conscientiæ descriptio apud Ouidium	180
Conscientiæ definitiones ex Paulo	181
	Consci.



# I N D E X.

Conscientia ex quibus constet	181
Conscientiæ syllogismus practicus & eius partes	181
Conscientiæ bonæ fulcra quatuor	184
Conscientiæ differentiæ	185
Conscientia bona & mala quid ?	185
De conscientia gloriatio quas habeat exceptiones	186
Conscientia erronea utrum obliget nec ne ?	ibid.
Carnis & spiritus uocabula quid significant apud Paulum	187
Christi historia ad quatuor capita refertur	212
Christi humanitatis historia in sex partes secatur in symbolo	ibid.
Christi nomina diuinitatem eius & officium explicantia	213. 214. 215
Christi conceptio & nativitas, earumque circumstantiæ	224. 225. 226
Christi natiuitas cur annuncietur ab angelo	224
Christus quomodo & cur a spiritu sancto sit conceptus	225
Christus cur natus ex Virgine	226
Christi mater uirgo, cur uiro fuerit desponsata	226. 227
Christus natus ex prosapia Davidis duas ob causas	227
Christus quo tempore natus sit	227
Christus cur uenerit in mundum	228
Christi passio & mors, & harum causæ	228. 229. 230
Christi passio quem habeat effectum	230. 231. 232
Christi passionis meditatio	232. 233. 234
Christi sepultura & eius typus	234
Christus cur sepultus	ibid.
Christus cur descenderit ad inferos	234. 235
d 5	Christi



I N D E X.

Christi resurrectio, & eius commoda	235. 236
Christi ascensio ad cælos, & sessio ad dexteram patris	236. 237. 238
Christi ad iudicium extremum aduentus	238
a Christo tota salutis summa dependet	239
Catholicum quid sit	244
Carnis resurrectio	247
Conditiones resurgentium	248
Christus duplici modo inuocandus	253. 262
Circumcisio	280
Cæna Domini quid	294
in Cæna Domini quæ circumstantiæ	ibid.
Cæne Dominicæ uariæ appellationes	297. 298
in Cæna Domini tria paria rerum diuersarum	300
Cæne Domini meditatio in quibus consistat	301
Claues regni cælorum quid sint	314
Corrigendi facultas penes quos	324
Ceremoniæ quid & quottuplices	334
Ceremoniæ ordinis & decori causa institutæ	334
Crux quid	341
Crucis causæ	341. 342
Crucis piorum & impiorum discrimen	346
Crucis piorum consolationes octo	347. 348
Contractus	370
Coniugium a quo institutum	378
Coniugij finis & effectus	ibid.
Coniugium quid sit	381. 382
Coniugium inter quas personas licitum	385. 386
Coniugium uota utrum tollant	ibid.
inter Coniuges qualis ordo	387. 388
	Coniug.



# I N D E X.

Coniugum qualis mutuus affectus	388
Coniugum iura analogæ	389
Cura licita & illicita	397
Cura triplex	397. 398

## D.

Definitionis rerum in controuersijs utilitas	5
Diuisionis rerum utilitas	ibid.
Doctrina ad salutem necessaria non est obscura	8
Deus	25. 26. 27. 28. &c.
Dei definitiones duæ ex Platone	26
Dei definitio apud Xenophontem	26
Dei descriptio, & eius quinque partes	29. & 30
Differentia inter naturam & personam	36. 37
Discrimen inter uocabula, nasci & procedere	39
Doctrinæ de Deo utilitates sex	44. & 45
Doctrina uitæ communis filiorum Dei	118
Decalogus quid contineat	118
Decalogus totus est <i>συντοκίαις</i>	126
Decalogum interpretandi ratio	126. 127. 128
Decalogum tractandi ordo	128
Decalogi uerba	129. 130. 131
Decalogi præceptorum duplex distinctio	131. 132
Decalogus constat duabus tabulis	132
Decalogi præcepta ad duas theses refert Christus	ibid.
Dei nomen in uanum assumere quid	142
Deum glorificare quid	158
Deum habere quid	135
de Deo historia ad tria capita refertur	211
Deo patri in Symbolo tria attribuuntur	ibid.
Deus	



# I N D E X

Deus quare sit nobis pater	212
Dei nomen quomodo sanctificetur	263
Dei uoluntas quomodo a nobis fiat	264
Dei apparitionis exempla ex sacris literis	271
Dicta Patrum in triplici sunt discrimine	267. 268
Disciplina Ecclesiastica ordinaria quid & quottuplex	317. 318
Disciplina Ecclesiastica extraordinaria	325
Disciplina cleri peculiaris quibus constet	326. 327
Dicta interpretum triplicia	328. 329
Dominium & seruitus	375
Diuortium uoluntarium & inuoluntarium	382. 383
Diuitiæ & earum usus	394
Diuitiarum acquirendarum ratio legitima	394. 395
Diuitiarum usus quadruplex	396

## E.

Enchiridion auctoris Theologicum in quatuor classes distinctum	21
Euangelium	88
Euangelium quid proprie significet	89
Euangelium quid significet Apostolis	90
Euangelij definitio unde colligatur, & quid sit	ibid.
Ecclesiæ duplex uerbum propositum	97
Ecclesia, & eius significatio	205
Ecclesia quid	205. 206
Ecclesia quibus titulis ornetur in scriptura	206. 207
Ecclesia militans & triumphans	207
Ecclesiæ unitas in quibus consistat	207. 208
Ecclesia	



# I N D E X.

<b>Ecclesia catholica &amp; particularis</b>	208
<b>Ecclesia quibus rebus constet &amp; fulciatur</b>	208
<b>Ecclesiae signa</b>	208
<b>Electio quid significet in scriptura</b>	199
<b>Ecclesiae sanctae conditiones quatuor</b>	243
<b>Ecclesia cur una</b>	ibid.
<b>Ecclesia cur sancta causae quatuor</b>	ibid.
<b>Ecclesia cur catholica causae quatuor</b>	244
<b>Ecclesia cur firma</b>	ibid.
<b>Ecclesiae doctrina</b>	267. 268
<b>Ecclesiae doctrina quam habeat cautelam</b>	269
<b>Ecclesiae doctrina certa</b>	269. 270
<b>Ecclesia catholica quomodo aestimetur</b>	307
<b>in Ecclesia duo hominum genera</b>	307
<b>Ecclesiae ministri quomodo pares &amp; dispares</b>	307. 308
<b>Ecclesiae ministrorum ordo post Apostolos</b>	308. 309
<b>Ecclesiae Danicae ordo</b>	311. 312
<b>Ecclesia uniuersalis ius habet cognoscendi doctrinam</b>	316
<b>Excommunicationis Ecclesiasticae tres fines</b>	322

## F.

<b>Filius Dei cur λόγος dicatur</b>	37 & 38 & 55
<b>de Filio Dei cognitu necessaria</b>	42
<b>Fides quid sit</b>	93 & 97
<b>Fidei uaria significatio</b>	97
<b>Fides legalis &amp; Euangelica</b>	ibid.
<b>Fides fiducia quid sit</b>	ibid.
<b>Fiducia, quod forma sit fidei promissionis, unde probetur</b>	98
<b>Fides professionis doctrinae</b>	ibid.
<b>Fides</b>	



# INDEX.

Fides operationis miraculorum	99
Fides remunerationis bonorum operum	99
Fides sola iustificat	106
Fines iustificationis quatuor	105
Furti quædam species	151
Filius Dei cur uocetur Emanuel	163
Fides in Christum qualis esse debeat	213
Fidei in Christum meditatio in quibus consistat	213.
214	
Fides in Spiritum sanctum qualis requiratur	242
Flagitiorum diuifio	322

## G.

Gradus actionis diuinæ in reparatione nostri	113, 114
--	----------

## H.

Hominis & animantium membra cur Deo tribuantur	
36	
Homo	53. 54. 55
Homo quid	53
Hominis status quadruplex in sacris literis	54. 55.
56. &c.	
Homo qualis fuerit in statu innocentie	54. 55
Homo homini quot modis sit proximus	172. 173
Homo uetus & nouus, & eorum diuersa studia	187. 188
Homo uetus & nouus quomodo & quare sic dicantur	
187	
Homo uetus & nouus dupliciter considerantur	187
Homo uetus & nouus quid	ibid.
	Homi



# I N D E X.

Hominis noui definitio apud Paulum	ibid.
Homo nouus duobus modis dicitur	ibid.
Homo externus & internus	188
Homo apud Paulum diuiditur in terrenum & cœlestem	188
Hominum in mundum propagationes uariæ	226

## I.

Iusticiæ Christianæ definitio	20 & 11
Idioma quid sit	40
Imago Dei quid	54
Imago Dei duplex	55
Imago Dei naturalis duplex, essentiæ & gloriæ	ibid.
Imago Dei gratuita in homine tripliciter consideratur	56. & 57
Imago Dei quatenus in homine remanserit	57
Iusticia originalis	60. 61
Iusticia originalis quid	ibid.
Iusticiæ originalis materiale & formale	ibid.
Inobædientiæ uox quatuor complectitur in scriptura	73
Iustificatio	99
Iustificationis uaria significata	99, 100, 101
Iustificationis definitio	102
Iustificator quis	104
Iustificandi modus	ibid.
In reparatione nostri officium nostrum	114. 115
Imagines, & quid de ijs sentiendum	137. 138
Imaginum in templis usus triplex	137. 138. 139
Imaginum usus politicus triplex	140. 141
Inuocatio	



I N D E X.

Inuocatio Sanctorum & eius fundamenta infirma	260
Iudicia	363
Iudicium publicum & priuatum	ibid.
Iudicijs an recte utantur Christiani	ibid.
Iudicia cur sint concessa, causæ quatuor	364

L.

Locorum Theologicorum Philippi tres ordines	5
Item quatuor	ibid.
Legis uocabulum generale	20
Liberum arbitrium	61, 62
ad Liberum arbitrium pertinentium quorundam uocabu- lorum explicatio	61
Liberum arbitrium quid, & unde sit	62
Liberum arbitrium cur Theologi quidam oppugnent	62, 63
Libertatis uocabulum quæ habeat opposita	63
Libertatis uocabulum in doctrina Ecclesiæ opponitur seruituti, non coactioni	67
Liberi arbitrij definitio	63
de libero arbitrio quæstio potissima, & quomodo ad e- am sine errore respondendum	64
Liberum arbitrium quarum sit rerum	ibid.
Liberum arbitrium in quibus actionum gradibus homo habeat & non habeat	65, 66
Libertatis in externis rebus tres causæ	66
Liberum arbitrium quomodo in homine sit, & non sit, diuerso respectu	68
Liberi arbitrij uires manent quo ad substantiam, non quo ad habitus	69
	Legis



# I N D E X.

Legis uaria significata	119. 120
Lex quid sit	121
Legi neminem satisfacere demonstrationes quinque	122
123	
Lex cur sit præcepta cum sit impossibilis	124
Legis usus triplex	124. 125
Legis tripartita distinctio	125
Legis moralis duæ quasi partes	125. 126
Legis rigor in tribus consistit	126
Lex moralis quomodo sit abrogata	125. 126
Legis præmium duplex & eius explicatio	133. 134
Legis & Euangelij ætate	103
Litera & spiritus	189
Litera & spiritus quid significant	190
Liber uitæ quid	199
Lutherus reformator Ecclesiæ in Germania	311
Lapsuum genera quot	318
Libertas Christiana quid	332
Libertatis Christianæ gradus quatuor	333
Leges	357
Legis rigor & ἐπιείκεια quando obseruanda	359
in Legibus duo obseruanda	358
Liberorum officia erga parentes	391. 392

## M.

Meritum mortis triplex	79
Merces diuersas habet significationes in sacris literis	
170	
Mercedis significatio generalis & specialis	171
c	Mereri



# I N D E X.

Mereri & meritum quid significant proprie & κατα- ἔξινως	ibid.
Mors secundum scripturam triplex	250
Malū in oratione dominica qd in genere significet	266
Miraculorum ueteris testamenti distinctio secundum tempora	272. 273
Miraculorum noui testamenti distinctio	275. 276
Mortificatio quid & quottuplex	348. 349
Magistratus unde	351
Magistratus quid	352
Magistratus boni conditiones	ibid.
Magistratus officium	353. 354
Magistratus quale ius in subditos & eorum bona	355
Magistratui quid debeant subditi	356
Magistratus Christianus an recte possit permittere alia quid prohibitum uerbo Dei	360. 361

## N.

Noticia de Deo duplex	25
Noticia de Deo uniuersalis	ibid.
Noticiæ uniuersalis de Deo usus duplex	27
Noticia de Deo peculiaris duplici fundamēto nititur ibi.	
Noua obædientia quibus rebus constet	94

## O.

Obscuritas aut in rebus, aut in uerbis, aut in utrisque si- mul	7
Obscuritas in rebus explicatur quinque rationibus	7
Obscuritas in uerbis duplex	8
	Obscuritas



# INDEX.

Obscuritas uerborum singulorum unde orta & quomo- do explicanda sit	ibid.
Obscuritas uerborum compositorum seu phrasium quo- modo illustranda	ibid.
Obædientia erga Deum immediata & mediata	132
Opera caritatis	172. 173. 174
Operum caritatis causæ efficientes	172
Operum caritatis obiectum	172. 173
Operum caritatis causæ finales	173
Operum caritatis discrimen	ibid.
Opera uocationis	174. 175. 176
Ordo actionum Dei in prædestinatione	197. 198
Oratio	251. 252
ad Orationem necessaria quinque	251
Orantis affectus qualis esse debeat	ibid.
Orationis & inuocationis causæ	ibid.
Oratio ad quem dirigenda	252
Orationis materia	253
Oratio Christiana quid sit	254
Orationis genera quatuor apud Paulum	254. 255
Orationis Christianæ circumstantiæ	255. 256
Orationis tempora disciplinæ gratia obseruata	255
Orationis locus	255
Orationis ordo	256
Orationis gestus	257
Orandi studium quæ uel extinguant uel impediunt	257
258. 259	
Orationes exaudiendi modus duplex apud Deum	259
Oratio pro fratribus	260
Oratio dominica, & eius enarrandi methodus	260. 261
c 2	Orationis



I N D E X.

<i>Orationis dominicæ exordium, &amp; quid in eo continetur</i>	261
<i>Orationis dominicæ exordium quid nos doceat</i>	263
<i>Orationis dominicæ petitio prima</i>	263
<i>Orationis dominicæ petitio secunda</i>	ibid.
<i>Orationis dominicæ petitio tertia</i>	264
<i>Orationis dominicæ petitio quarta</i>	ibid.
<i>Orationis dominicæ petitio quinta</i>	265
<i>Orationis dominicæ petitio sexta</i>	ibid.
<i>Orationis dominicæ petitio septima</i>	266
<i>Orationis dominicæ explicandæ &amp; tractandæ ordo</i>	266.267
<i>Ordo Ecclesiasticus</i>	306
<i>Opera triplicia</i>	335
<i>Oeconomia quid</i>	374
<i>Oeconomia tribus quasi iugis constat</i>	375

P.

<i>Principia quatuor, quæ afferenda sunt ad studium Theologie</i>	2
<i>Principiorum illorum quatuor usus</i>	3
<i>Peristasis loci sæpe obscuritatem tollit</i>	7
<i>Personæ definitio</i>	37
<i>Personæ diuinitatis tres</i>	ibid.
<i>Patris uocabulum duplicem habet relationem</i>	38
<i>Personarum in diuinitate proprietas duplex</i>	39
<i>Prouidentia Dei</i>	48.49.50
<i>Prouidentia Dei uniuersalis</i>	49
<i>Prouidentia Dei specialis</i>	ibid.
<i>Prouidentia Dei peculiaris</i>	50
<i>Prouiden</i>	



# INDEX.

Providentiæ Dei finis & usus duplex	50. & 51
Providentiæ Dei distinctiones duæ	51. & 52
Peccatum cum suis differentijs	73
Peccati definitio generalis	ibid.
Peccati ratio in quibus consistat	ibid.
Peccati materiale & formale	ibid.
Peccati differentia	74
Peccatum duplex	ibid.
Peccatum originale quid	ibid.
Peccati originis materiale & formale	ibid.
Peccata quæ in lapsu primorum parentum concurrant ibi.	
Peccati originis uaria nomina in sacra scriptura	75. 76
Peccatum originis pro diuersitate personarum uariat ui & efficacia	76
Peccatorum genera tria	76
Peccati originis causæ	77. 78
Peccati originis propagatio	77
Peccatum originis alienum & proprium	78
Peccatum orig. nō est substantia, sed aduenticia qualitas ibi.	
Peccatum actuale quid	78. 79
Peccatum actuale aliud ueniale, aliud mortale	79
Peccare mortaliter quid	ibid.
Peccatum actuale aliud omissionis, aliud commissionis so	
Peccatum actuale aliud ex infirmitate, aliud ex ignorantia, aliud ex malicia	ibid.
Peccatum ex malicia duplex	80. 81
Peccatum in Spiritum sanctum	81
Peccati in Spiritum S. Pharisei conuicti a Christo	ibid.
Peccatum in Spiritum sanctum quid	ibid.
Peccatum in Spiritum S. cur peculiariter dicatur	ibid.
c 3	de Pecca



# INDEX

de Peccato in Spiritum S. a posteriori iudicandum	ibid.
Peccatum in Spiritum S. dicitur finalis impænitentia ab euentu	81. & 82
Peccatum aliud uoluntarium, aliud inuoluntarium	82.
Pæna peccati	84 (168. & 169)
in Pænis peccatorum tria obseruentur	ibid
Pænarum modus	85
Pænarum in pijs & impijs discrimen	ibid.
Pænitentia cum suis partibus	92
Pænitentia quid sit	92. 93
Pænitentiæ tres partes, & duæ, diuerso respectu	93
Pænitentiæ & fidei uocabula πολύσημα	96
Pænitentia duplex	ibid.
Pænitentia Euangelica dupliciter accipitur	ibid.
Præceptum primum & eius explicatio	134. 135
Præcepti primi opera	135
Præcepti primi usus	136
Præcepti primi appendix	136. 137
Præceptum secundum cum explicatione	142. 143
Præcepti secundi finis	142
Præcepti secundi opera	143
Præceptum tertium	143. 144
Præcepti tertij finis, & quæ ad hunc finem pertinent	144.
Præcepti tertij usus peculiaris	ibid.
Præcepta Dei duplicia Catholica & particularia	ibid.
Præcepta particularia, et quæ in his regulæ obseruandæ	
Præceptum quartum	145. 146. 147. 148 (145)
Parentes honorare quid	146
Præcepti quarti finis	ibid.
Præceptum quintum	149. 150
	Præ



# INDEX

Præcepti quinti finis	150
Præceptum sextum	150. 151
Præcepti sexti finis	151
Præceptum septimum	151
Præcepti septimi finis	ibid.
Præceptum octauum & eius finis	152
Præceptum nonum & decimum	152. 153
Præcepti noni & decimi finis	152
Præcepti noni & decimi distinctio	153
Præsentia diuinæ modi seu gradus quatuor	43
Prædestinatio	192. 193. 294
de Prædestinatione unde sumendum iudicium	198. 199
Prædestinationis circumstantia	198. 199. 200
Prædestinationis incōmoda, cum a uerbo Dei disceditur	
Prædestinatio quid	201 (200)
Prædestinationis certitudo & eius caussæ	201. 202. 203
Prædestinationis finis & usus	203. 204
Peccatorum remissio & in his obseruanda tria	246. 247
Patris uocabulū quid significet in oratiōe dominica	262
Panis in oratione dominica quid complectatur	264
Primatus Pontificis reprehenditur	309. 310. 311
Paphnutius cœlibatum improbauit	313
Potestas Ecclesiastica quid	314
Potestas Ecclesiastica requirit tria	315
Potestas Ecclesiastica duplex	315. 316
Potestas iurisdictionis in Ecclesia in tribus consistit	316
Peccata alia sua natura, alia ex adiuncto rationem peccati habent.	361
Patrium imperium	390
Parentum officia erga liberos	391. 392

e 4

Præmia

11

12



# INDEX.

Præmia & pœnæ propter culta & neglecta officia parentum & liberorum	393
Perfèctio Christiana	400
Perfèctio piorum duplex	ibid.
Perfèctio Christiana in hac uita quid sit	401

## Q.

Quæstiones de conscientia tres	186
--------------------------------	-----

## R.

Regula Rabinorum de peristasi locorum obscurorum	7
Regula de prouidentia Dei speciali	49
Regulæ ad controuersiam de iustificatione iudicandam pertinentes	107. 108. 109
Reparationis ordo	113
Reparationis modus	114
Regnum Christi triplex	115
in Regno Christi, quod est gratiæ, sex sunt obseruanda	115. 116
Regnum Christi gloriosum dupliciter consideratur	117
Regeneratio quid	166
Regeneratio conuersioni coniuncta	ibid.
Regulæ de modo præstandi opera caritatis	173. 174
Regula de uotis	178
Regula de factis triplex	181
Regulæ de prædestinatione & illarum usus	193. 194
Regulæ in enarratione orationis dominicæ obseruandæ	260. 261
Regula de dictis patrum demonstratis	268
Renascentia	



# I N D E X.

Renascentia quomodo peragatur	
Regulæ de lapsibus corrigendis	321
Regulæ de adiaphoris	335. 336
Regulæ de contractibus	370. 371

## S.

Scripturæ totius tripartita diuisio	4
Scripturæ historia principalis pars est, in qua sex ob- seruanda	ibid.
Scripturæ res, & in ijs obseruanda quatuor	4. & 5
Scripturæ signa, & in his tria obseruanda	6
Scripturam interpretandi ratio recta	ibid.
Scripturæ interpretatio scopo seruire debet	ibid.
Scripturæ locorum obscurorum examen quomodo insti- tuendum	7
Scripturæ interpretatio fidei analogæ esse debet	ibid.
Scripturæ testimonijs recte & sine errore utendum	9
Scripturæ dicta & exempla in explicatione coniungen- da	10
Scripturæ sacræ lectio ad duo utilis	19
Scripturæ sacræ in quatuor ordines diuisio	20
Series annorum utilis ad intelligendam scripturam	4
Subiectum in Græca lingua quomodo cognoscatur	32
Spiritus de Deo cum prædicatur dupliciter accipitur	33. 39
Scripturæ modus uariis loquendi de filio Dei	39.
	40. 41
Salus hominum in duobus consistit	99
Substantia in rebus aliud est, aliud qualitas	109
	c 5 Senten



# INDEX.

Sententiæ de præmijs bonorum operum duplicem respectum habent	ibid.
Sabbatum sanctificare quid	144.
in Sabbato ueteri tria sunt	145
Sabbati usus legitimus	ibid.
Symbolum	209. 210. 211
Symbolum quid	209. 210
Symboli partitio	210. 211
Symbolum quæ requirat a Christianis	210
Sacerdotium Christi & de eo aliquot hypotheses	215.
216. &c.	
Sacerdotium Christianorum	220. 221
Sacerdotes hodie cur uulgo sic dicantur	221
Sacrificium Papisticum	222
Sacrificium propiciatorium quid, & quæ ad illud requirantur	229
Spiritus sanctus quis sit & qualis	240
Spiritus sancti officium	241
Spiritus sanctus quomodo nos sanctificet	ibid.
Sanctorum communio quid	245
Symboli compendium	250
Scripturæ tractatio & illustratio quæ habeat probandi genera	269
Sacramentum	278
Sacramenti institutio	279
Sacramentum in genere quid	281
Sacramenta noui Testamenti duo	281. 284
Signa uerbo adiecta duplicia	279
in Signis tria spectanda	282
Sacramentum in nouo Testamento quid	282. 283
	Sacra



I N D E X.

<i>Sacramenta ueteris &amp; noui Testamenti quomodo differant</i>	284. 285
<i>Sacramentalis prædicatio in propositione de cæna Domini</i>	296. 297
<i>Satisfactio civilis duplex</i>	330
<i>Satisfactio coram Deo</i>	ibid.
<i>Satisfactio Ecclesiastica tres habet partes</i>	331
<i>Scandalum in genere quid &amp; quottuplex</i>	337
<i>Scandalum datum unde</i>	338
<i>Scandali dati discrimina</i>	338. 339
<i>Scandalum acceptum quid &amp; quottuplex</i>	339. 340
<i>Serui quomodo tractandi</i>	376
<i>Seruorum officia</i>	377

T.

<i>Testimonijs Ecclesiæ quando acquiescendum</i>	8
<i>Testimonium uerbo adiectum duplex</i>	27
<i>Testimonia probantia unum esse Deum</i>	30
<i>Testimonia probantia tres personas diuinitatis</i>	30. 31
<i>Testimonia probantia diuinitatem Filij, &amp; eorum capita quinque</i>	31. & 32
<i>Testimonia probantia Spiritum sanctum esse Deum</i>	33
<i>Testimonia de Dei proprietatibus</i>	43. 44
<i>Testimonia creationis</i>	48
<i>Testimonia prouidentia Dei uniuersalis</i>	52
<i>Testimonia prouidentia Dei specialis</i>	52. 53
<i>Testimonia prouidentia Dei peculiaris</i>	53
<i>Testimonia de primo statu hominis</i>	59. 60
<i>Testimonia euertentia liberum arbitrium in rebus salutaris sine gratia</i>	70



# INDEX.

Testimonia de peccato originis	82. 83
Testimonia de peccatis actualibus	83
Testimonia uerbi accusantis & damnantis	86. 87
Testimonia de Euangelio	91
Testimonia de partibus pœnitentiæ	94. 95
Testimoniorum de iustificatione & bonis operibus duo ordines	107
Testimonia de iustificatione alia sunt <i>Terminâ</i> , alia complectentia personas	111
Testimonia iustificationis per fidem	111. 112
Testimonia de operibus caritatis	174
Testimonia de uotis	179
Testimonia uocationis	176
Testimonia de homine ueteri & nouo	188. 189
Testimonia de prædestinatione	204. 205
Testimonia de Ecclesia	208. 209
Tentatio quibus rebus perficiatur	265
Tentatio duplex	266
Testimonia certitudinem doctrinæ Ecclesiæ confirmantia	270. 271 &c.
Testamentum quid	301
in Testamento quæ concurrant	302
Testamenti ueteris & noui discrimen	ibid.
Testamenti ueteris & noui definitio	303
Testimonia de Testamento utroque	304. 305
Traditiones quid	328
Testimonia de magistratu	357
Testimonia de legibus	362
Testimonia de iudicijs	364
Testimonia de uindicta	365. 366
Testimo	



I N D E X.

Testimonia de contractibus	373
Testimonia de coniugio	380. 381
Testimonia de patrio imperio	390
Testimonia de diuitijs	396
Testimonia de perfectione Christiana	404

V.

Vsus uocabuli naturæ in doctrina de diuinitate	37
Vsus doctrinæ de homine	59
Vsus doctrinæ de originali iusticia	61
Voluntas libera & serua quid sit	67. 68
Voluntas coacta	68
Vsus doctrinæ de libero arbitrio	69
Vsus doctrinæ de contingentia	73
Vsus doctrinæ de peccato	84
Verbum accusans & damnans quid sit	86
Verbo accusante duo genera hominum tanguntur a Spi ritu sancto	ibid.
Vsus doctrinæ de uerbo accusante & damnante	87
Vsus doctrinæ de Euangelio	92
Vsus doctrinæ de iustificatione	113
Vsus doctrinæ de regno Christi	117
Vitæ terminus & de eo quid sit sentiendum	147
Vitam æternam adeundi ius triplex habent pij	115
Vocatio quid	174. 175
Vocatio duplex, communis & personalis	175. 176
Vocationis communis officia regia & sacerdotalia	175
Votum	176. 177
Votum quid & quottuplex	177
Votum particulare aliud pium aliud temerariū	177. 178
Vota	



# I N D E X.

Vota monastica cur sint rescindenda	175
de Votis Papistarum errores plurimi	ibid.
Vita terrena & cœlestis	188
Vsus sessionis Christi ad dexteram Patris	238
Vsus fidei resurrectionis	248
Vita æterna	249
Vitæ discrimina tria in scriptura	ibid.
Vsus doctrinæ de libertate Christiana	333
Vindicta quid & quotuplex	365
Vsura & de ea quid sentiendum	371. 372. 373

## Z.

Zelus & eius significata	366
Zeli definitiones	ibid.
Zelus alius diuinus, alius humanus, alius diabolicus	367
	368
Zelus alius ad uitam, alius ad mortem	368. 369
Zelus alius ad culpam, alius ad gratiam	369
Zelus amantium honestus & inhonestus	ibid.

## ELENCHVS LOCO

RVM SACRAE SCRIPTVRÆ,  
in hoc libro obiter explicatorum.

Attende lectioni, exhortationi & doctrinæ. & paulo post, Attende tibi ipsi & doctrinæ, & persiste in illa	1
h. c. 1. Timot. 4.	
Non auditores, sed factores legis iustificabuntur. Ro. 6. 6	
Sermonem abbreviatum faciet Dominus super terram.	
Rom. 9.	7
	Lex



I N D E X,

Lex per Moſen data eſt, gratia & ueritas per Chriſtum  
facta eſt. 1. Ioan. 1. 9

Deus eſt qui iuſtificat, quis eſt qui condemnet? Ro. 8. 9

Reuelatur enim ira Dei, & eſt. inexcusabiles. Ro. 1. 25. 26

Homo iuſtificatur ſine operibus legis. Paulus

Homo non iuſtificatur ſine operibus. Iacobus 12

Caro & ſanguis regnum Dei non poſidebunt, qui uero  
crediderit, ſaluabitur ibid.

Oraturus intra in conclaue tuum

Domus mea domus orationis uocabitur ibid.

Si oculus te offenderit effodito eum, inquit Chriſtus

Paulus ad Coloſſ. læſionem corporis prohibet ibid

Deus peccatores non exaudit

Deus Manaſſen peccatorem exaudiuit ibid.

Qui dederit hauſtum aquæ diſcipulo, non perdet mercedem  
ſuam 13

Eſtote miſericordes. Lucæ 6

Ne miſereberis. Deut. 19 ibid.

In præceptis meis ambulate

Lex iuſto non eſt poſita ibid.

Dico uobis, ne omnino iuretis, dicit Chriſtus

Per nomen illius iurabis, dicit Moſes in Deut. 14

Si ſeruus uocaris, non ſit tibi cura. Paulus

Nolite fieri ſerui hominum. Idem ibid

Factores legis iuſtificantur. Paulus

Nemo lege iuſtificatur. Idem ibid

Tentaui Deus Abraham in Gen.

Deus neminem tentat

Nolite timere, ut enim tentaret uos Deus uenit, & ut  
terror illius eſſet in uobis, & non percatis. Exod. 20.

Hæc



I N D E X.

Hæc omnia dabo tibi, si prostratus adoraueris me, inquit  
 Diabolus Matth. 4. 15  
 Diuisiones gratiarum sunt, idem uero *Chixitus*. 1. Cor. 12  
 Hæc omnia operatur unus & idem *sp̄ritus*, distribuens  
 singulis, prout uult.  
 Ut impertiar uobis aliquod donum spirituale. Rom. 1  
 Quis igitur Apollo? quis Paulus? nisi ministri, per quos  
 credidistis. 1. Cor. 3.  
 Ego plantaui, Apollo rigauit, sed Deus incrementum dat.  
 Dei sumus *ὁυεγγοι* ibid.  
 Si quis uenit ad me, nec odit patrem suum, non potest esse  
 meus discipulus, inquit Christus.  
 Honora patrem & matrem, inquit lex 16  
 Qui diligit non peccat  
 Nemo est qui non peccet ibid.  
 In sudore uultus tui uesceris pane tuo 17  
 Iurabis per nomen eius in ueritate, in iudicio & iusticia  
 Ier. 4  
 Neq; iuraueritis, uiuit Dominus. Osee 4 ibid.  
 Nemo uos iudicet in cibo, aut potu, aut parte diei festi.  
 Ne attingas, ne gustes, &c. ibid.  
 Masculus, cuius præputium non fuerit circumcisum, ex  
 terminabitur de populo suo, inquit Deus.  
 Si circumcidamini, Christus uobis nihil proderit, dicit  
 Paulus 18  
 Viditq; Deus cuncta quæ fecerat. Gen. 1. 45  
 Non est iustus, ne unus quidem 66  
 Sensus carnis est inimicitia aduersus Deū. Paulus 66, 67  
 Ne regnet peccatum in uobis. Paulus 76  
 Inimicitias ponam inter te & mulierem, &c. Gen. 3. 88  
 Quoniam



# INDEX.

Quoniam impletum est tempus, &c. Mar. 1.	96
Breues dies hominis sunt &c. iob 14	147
In præceptis patrū uestrorū nolite incedere. Ezech. 20.	162
Ostendunt opus legis scriptū in cordib. suis etc. Rom. 2.	180. 181
Hæc est gloriatio nostra testimonium conscientie nostræ. Paulus.	
Qui gloriatur in Domino gloriatur. Idem. 2. Cor. 10.	186
Litera occidit, Spiritus uiuificat. 2. Cor. 3.	191. 192
Quos præscriuit, hos etiam prædestinauit. Rom. 8.	198
Qui uocauit uos per Euangelium &c. Paulus.	202
Euntes in mundum uniuersum, prædicate &c. Mar. ult.	237. 287
Ascendit in altum, captiuam duxit captiuitatem &c. Psal. 68. & Ephes. 4.	238
Tu autem cum oraueris, intra in conclaue &c. Matt. 6.	256
Qui non habet gladium, emat.	
Eccc duo gladij hic, Lucæ 22.	309. 310
Si peccauerit in te frater tuus. Matth. 18.	319. 320
Peccantes coram omnibus argue. 1. Tim. 5	320
Et uos Domini eadem facite seruis, remittentes minas. Ephes. 6.	
Domini quod iustum est, & æqualitatem seruis præbe- te. Col. 4.	376
Quicumq; dimiserit uxorem suam &c. Matth. 19.	383
Vxor a uiro non discedat, & uir uxorem non dimittat. 1. Cor. 7.	ibid.
	Index



I N D E X.  
**I N D E X T E S T I M O**  
 NIORVM EX PATRIBVS.

<i>Ambrosius de dictis patrum contra scripturam enuncia-</i>	
<i>tis</i>	268
<i>de usura</i>	371
<i>de peccato, quid sit</i>	74
<i>Augustinus de prouidentia Dei uniuersali</i>	49
<i>de imagine Dei substantiali in homine</i>	56
<i>de hominis statu, qui dicitur gratiæ</i>	59
<i>de usu liberi arbitrij</i>	69
<i>de cultu Dei legitimo</i>	158
<i>de conscientia &amp; fama</i>	186
<i>de Christi conceptione</i>	225
<i>de Christi natiuitate</i>	226
<i>de effectu passionis Christi</i>	231
<i>de Christi descensu ad inferos</i>	235
<i>de inuocatione</i>	259
<i>de Sacramentis</i>	282
<i>de Baptismo</i>	290
 <i>Basilius de Spiritu sancto</i>	 33
<i>Bernardus de libero arbitrio</i>	67, 68
<i>de peccato originali</i>	78
<i>de meritis humanis</i>	171
<i>de uotis</i>	178
<i>de effectu passionis Christi</i>	232
<i>de passione Domini</i>	233
<i>de baptismo</i>	290
	 <i>Clemens</i>



I N D E X.

<i>Clemens Alexandrinus de bona conscientia</i>	184
<i>Cyprianus de satisfactione</i>	331
<i>Hieronymus de inuocatione</i>	259
<i>Hilarius de imagine gloriæ Dei in Christo</i>	55. 56

F I N I S.

L I P S I A E

I N O F F I C I N A M. E R N E S T I  
V O E G E L I N I C O N S T A N  
T I E N S I S.

Anno M. D. LXII.



